


21468/B

~~Page 220~~

EDINBURGH



B O O K S

Printed for and sold by C. ELLIOT, Edinburgh; and
G. ROBINSON, London.

1. **THESAURUS MEDICUS**, five disputationum in Academia Edinensi ad rem medicam pertinentium, a collegio instituto ad hoc usque tempus, delectus. Vol. I. et II.—Vol. II. brings this collection down to the year 1758, and is enriched with Dr A. Monro junior's celebrated thesis *De testibus et de semine in variis animalibus*, who obligingly furnished the publisher with the accurate original engravings for illustrating this subject. 12s. boards.
2. **FIRST LINES of the PRACTICE of PHYSIC**, by Dr William Cullen, Professor of the Practice of Physic in the University of Edinburgh. Corrected, much enlarged, and now first completed in 4 vols 8vo; with a large Index. Price 1l. 4s. in boards, and 1l. 8s. bound.—Volume IV. may be had separately, price 6s. in boards.
3. **Dr CULLEN's INSTITUTIONS of MEDICINE**. Part I. Physiology. For the use of students. One vol. 8vo; 4s. boards.
4. **Dr CULLEN on the RECOVERY of PERSONS DROWNED and SEEMINGLY DEAD**, in a Letter to Lord Cathcart. A new edition. Price 1s.
5. **An INQUIRY into the NATURE and CAUSES of FEVER**; with a review of the several opinions concerning its Proximate Cause, as advanced by different authors, and particularly as delivered from the Practical Chair in the University of Edinburgh. Including some Observations on the existence of Putrefaction in the living body, and the proper method of Cure to be pursued in Fever. By Caleb Dickinson, M. D. Price 3s. in boards.
6. **EXPERIMENTS on the RED and QUILL PERUVIAN BARK**: with Observations on its History, mode of Operation, and Uses; and on some other Subjects connected with the Phenomena and Doctrines of Vegetable Astringents. Being a Dissertation which gained the first Prize given by the Harveian Society of Edinburgh for the year 1784. By Ralph Irvine. One vol. 8vo. Price 3s. boards.
7. **ELEMENTARY LECTURES on CHEMISTRY and NATURAL HISTORY**. Containing a Methodical Abridgment of all the Chemical Knowledge acquired to the present Time; with a Comparative View of the Doctrine of Stahl, and of that of several Modern Chemists: The whole forming a Complete Course of those two Sciences. Translated from the French of M. Fourcroy, Doctor of the Faculty of Medicine at Paris, and of the Royal Society of Medicine. By Thomas Elliot. With many Additions, Notes, and Illustrations, by the Translator. In two volumes. Price 12s. boards.

8. A SYSTEM of SURGERY, by Benjamin Bell, Member of the Royal College of Surgeons, one of the Surgeons to the Royal Infirmary, and Fellow of the Royal Society of Edinburgh. Illustrated with Copperplates. Vol. I. II. and III. 8vo. 6s. each, boards. This work, when completed, with a former volume on Ulcers, &c. by the same Author, will comprehend a full system of Modern Surgery. The whole to be contained in other two vols 8vo. Vol. IV. and V. will be published as soon as possible.—Any volume sold separately.
9. A TREATISE ON the THEORY and MANAGEMENT of ULCERS; with a Dissertation on White Swellings of the Joints. To which is prefixed, An Essay on the Chirurgical Treatment of Inflammation and its Consequences. By the same Author. A new edition, being the third, considerably improved and enlarged. 6s. boards.
10. OUTLINES of the Theory and Practice of MIDWIFERY, by Alexander Hamilton, M.D. F.R.S. Edin. Professor of Midwifery in the University, and Member of the Royal College of Surgeons, Edinburgh. Price 6s. bound; or, with Dr Smellie's 40 Tables and Explanations, 11s. boards, and 12s. bound.
11. DR HAMILTON'S Treatise of MIDWIFERY and FEMALE COMPLAINTS, the Diseases of LYING-IN WOMEN and INFANT CHILDREN, &c. For the use of female and other practitioners, and private families. Octavo, 5s. bound.
12. A SYSTEM of ANATOMY, from Monro, Winslow, Innes, Hewson, and the latest authors.—Arranged, as nearly as the nature of the work would admit, in the order of the Lectures delivered by the Professor of Anatomy in the University of Edinburgh.—In two Volumes Octavo, illustrated with 16 Copperplates. Price 13s. boards.
13. The third Edition, corrected, of MEDICAL CASES, selected from the Records of the Public Dispensary at Edinburgh; with Remarks and Observations. By Andrew Duncan, M.D. F.R.S. and A. S. Edin. Physician to the Prince of Wales for Scotland. 8vo. Price 6s. bound.
14. A very fine Print of Dr Duncan, painted by Weir, and engraved by Trotter. Price 2s. 6d.
14. The WORKS of ALEXANDER MONRO, M.D. F.R.S. Published by his Son ALEXANDER MONRO, M.D. &c. To which is prefixed, the LIFE of the AUTHOR. In one very large volume in quarto, elegantly printed upon a royal paper, and ornamented with a capital engraving of the Author by Mr Basire, from a painting by Allan Ramsay, Esq; besides several Copperplates illustrative of the subjects. Price 11. 5s. boards.
15. The Doctor's works contain, amongst others, all the best, and by far the greatest number, of articles in the Edinburgh Medical Essays, and several in the Physical and Literary.
15. A TREATISE ON COMPARATIVE ANATOMY, by Alexander Monro, M.D. F.R.S. &c. &c. Published by his Son Alexander Monro junior, M.D. A new edition, with considerable Improvements and Additions by other hands, 12mo. Price 2s. boards.

THESAURUS MEDICUS

EDINBURGENSIS NOVUS:

S I V E,

DISSERTATIONUM

IN ACADEMIA EDINENSI,

AD REM MEDICAM PERTINENTIUM,

AB ANNO 1759 AD ANNUM 1785,

D E L E C T U S,

AB ILLUSTR

SOCIETATE REGIA MEDICA EDINENSI

HABITUS.

T O M U S II.

EDINBURGI & LONDINI,

Aptd C. ELLIOT & G. ROBINSON;

Dublino, apud G. GILBERT; *Parisiis*, apud P. T. BARROIS;

Vienna & Lipsia, apud RUDOLPHUM GRAEFFER.

M,DCC,LXXXV.



THESTUMUS MEDICUS

EDITION

EDITION

EDITION

EDITION

EDITION

EDITION

EDITION

EDITION

EDITION



EDITION

EDITION

EDITION

EDITION

EDITION

P R Æ F A T I O.

E GREGIA, qua domi forisque primum Thesauri volumen receptum est, voluntas, Editorem eo solidiore gaudio afficit, quod quam utile opus sit, quantum industria et cura in idem adhibita valeat, luculentissimo illo indicio cognoscitur.

In hac delectus parte, ad artem salutarem excolendam multa ingeniose promi, opinionum praejudicia paulatim liberis judiciis subruui, contemplationum commenta in suspensionem trahi, novasque in Medicina et artibus auxiliaribus vias aperiri, prudentior quisque animadvertet.

Hoc volumen annum M,DCC,LVIII. attingens, inter alias Disputationes, celebri illa ALEXANDRI MONRONIS, M. D. Anatomiae in Academia Edinenfi Professoris, *De Testibus et de Semine in variis Animalibus*, inscripta, ditatur. Cui viro illustri, quod a Tabulis aeneis, primis et elegantibus illis, quibus

quibus doctum et novum opus ipse ornatum illustravit, exemplaria sumendi sibi potestatem facere dignatus est, hanc occasionem nactus Editor, pro merito gratias agit.

Omnium

Omnia Disputationem TITULI, additis AUCTO-
 RUM nominibus, ab anno M,DCC,L. ad hujus vo-
 luminis finem an. M,DCC,LVIII. Sic notatae * in
 hoc opus assumptae intelligendae sunt.

	Pag.
1750 Joannes Donaldson, Hibernus, De Ne- phritide	
1751 Gulielmus Gifford, Anglus, De Perip- neumonia notha	
1751 Edmund Kelly, Hibernus, De Paronychia	
1751 Christiannus Rogers, Hibernus, De Pa- raphrenitide	
1751 * Joannes Bond, Hibernus, De Incubo	I
1751 Jacobus Dobbin, Hibernus, De Erysipe- late	
1751 * Joannes Scanlan, Hibernus, De Lienteria	25
1751 Kennethus M'Kenzie, Scoto-Brit. De Fe- bre hectica	
1751 Joannes Honbury-Taylor, ex Jamaic. De Inflammatione intestinorum	
1751 Isaacus Brown, Anglus, De Sonorum modulatorum vi in corpora humana	
1751 Joannes Henrysone, Scotus, De Phthisi pulmonali, a catarrho orta	
1751 Gulielmus Kirk, Anglus, De Lactis na- tura et usu	
1751 Samuel Jones, Cambro-Brit. De Venis absorbentibus	
1752 Gulielmus Semple, Hibernus, De Arte- riotomia	

- 1752 Jacobus Grieve, Anglo-Brit. De Calculo
vesicae
- 1752 Timotheus Buck, Anglo-Brit. De Castoreo
- 1752 Alexander Brodie, Scoto-Brit. De Rabie
canina
- 1752 Carolus Moore, Pensylvaniensis, De Usu
vesicantium in febribus
- 1752 Henricus Smith, Anglo-Brit. De Magne-
sia alba
- 1752 Franciscus Swinhow, Anglus, De Ther-
morum antiquitate, contentis, et usu
- 1752 Benjaminus Shafton, Hibernus, De Lo-
chiorum suppressione
- 1753 * Josephus Fen-Sleigh, Hibernus, De Au-
ditu
- 1753 Gulielmus Patten, Hibernus, De Hae-
moptysi
- 1753 Franciscus Wayne, Anglus, De Variola-
rum infectione
- 1753 Gilbertus Thomson, Anglo Brit. De Ex-
ercitatione
- 1753 Joannes Hadzor, Hibernus, De Ventriculi
inflammatione
- 1753 Clem. Crooke, ab Inf. St Christ. De
Pleuritide
- 1753 * Samuel Merriman, Anglus, De Conceptu
- 1753 Alexander Ainslie, Scotus, De Vomitu
idiopathico
- 1753 Jacobus Jay, Nov. Eboracensis, De Fluo-
re albo

37

51

1753

		Pag.
1750 *	Robertus Langlands, Scotus, De Hydrope-Anasarca	73
1753	Joan. Alves, Scoto-Brit. De Praefagiis ex respiratione in morbis acutis	
1753	Alexander Hunter, Scoto-Brit. De Cantharidibus	
1753	Gilbertus Stewart, Scoto-Brit. De Morbis ab aetatum mutationibus oriundis	
1753	Robertus Innes, Scot-Brit. De Ileo	
1753	Jacobus Grainger, Scoto-Brit. De Modo excitandi ptyalismum, et morbis independentibus	
1753 *	Edvardus Wright, Scotus, De Ferri historia naturali, praeparatis, et usu medico	133
1753	Joannes D'Urban, De Haemorrhagia uterina	
1753 *	Donaldus Monro, Scoto-Brit. De Hydrope	191
1754 *	Gulielmus Abernethie, Scoto-Brit. De Asthmate	95
1754 *	Alexander Ross, Hibernus, De Amaurosi	253
1754	Valentin. Peyton, Virginienfis, De Abortu	
1754	Theodosius Forbes, Scotus, De Tussi convulsiva	
1754 *	Josephus Black, Gallus, De Humore acido a cibus orto, et magnesia alba	271
1754	Thomae Hunter, Anglo-Brit. De Chlorosi	
1754	Alexander Gordon, Scotus, De Variolis	1754

		Pag.
1754	Joannes Diaper, Anglo-Brit. De Cly- stere	
1754	Joannes Campbell, Scoto-Brit. De Aëre quatenus morborum causa	
1754	Hugo Kennedy, Hibernus, De Rhabar- baro	
1754	Antonius M'Harg, Scoto-Brit. De Con- coctione ciborum	
1754	Alexander Thomson, Scoto-Brit. De Ef- fectis pathematum in corpus	
1754	Robertus Murdoch, Hibernus, De Go- norrhoea	
1755	Carolus Brown, Anglo-Brit. De Mor- billis	
1755	Joannes Hall, Anglo-Brit. De Febre a- cuta puerperis superveniente	
1755	Hugo Smith, Anglo-Brit. De Sanguinis missione	
1755	Robertus Dolman, Anglo-Brit. De Ex- ercitatione	
1755	Ricardus Ecroyd, Anglo-Brit. De Rachi- tide	
1755	Alexander Bruce, Barbadenfis, De Hy- drophobia	
1755	Joannes Cabbell, Anglo Brit. De Animi pathematibus quatenus morborum cau- fis	
1755	Georgius Forrest, Scoto-Brit. De Ventri- culi concoctione laesa	
1755 *	Gulielmus Broughton, Hibernus, De Ulcere uteri	305 1755

- 1755 Gualterus Maxwell, Scotus, De Emetico-
rum usu
- 1755 Lauchlanus M^rLeane, Hibernus, De E-
rysipelate
- 1755 Joannes M^rDonell, Hibernus, De Cal-
culo
- 1755 Simeon Goold, Hibernus, De Ventricu-
li imbecillitate
- 1755 Jacobus Wainwright, Hibernus, De Hy-
drocephalo
- 1755 Gulielmus Farr, Anglo-Brit. De Ufu
mathematicis et philosophiae naturalis
in medicinae studio
- 1755 Joannes Macfarlane, Scoto Brit. De Dy-
senteria
- 1755 * Alexander Monro, Scoto-Brit. De Testi-
bus et de femine in variis animalibus
- 1756 * Gulielmus Turner, Anglo-Brit. De Mor-
bo hypochondriaco
- 1756 Bryanus Wade, Hibernus, De Inflamma-
tione
- 1756 David Barry, Hibernus, De Haemor-
rhoidibus
- 1756 Robertus Ogilvy, Hibernus, De Fonticu-
lorum fetaceorumque usu
- 1756 Georgius Buxton, Anglo-Brit. De A-
maurosi
- 1756 Gulielmus Vaughan, Anglo-Brit. De
Rheumatismo
- 1756 Matthaeus Dobson, Anglo-Brit. De Men-
struis

- 1757 Jacobus Rolleson, Anglo-Brit. De Variolis
- 1757 * Pryce Owen, Cambro-Brit. De Mercurio 427
- 1757 Joannes Miller, De Fluxu lochiorum immodico
- 1757 Thomas Bullfinch, Nov. Anglic. De Crifibus
- 1757 Joannes Bayly, Anglo-Brit. De Frigore quatenus morborum caufa
- 1757 * Robertus Ramsay, Scotus, De Bile 421 5
- 1757 Joannes Wynn, Anglus, De Cantharidum viribus et ufu
- 1758 Robertus Davies, Hibernus, De Chlorofi
- 1758 Thomas Clayton, Virginienfis, De Parca et fimplici medicina
- 1758 Joannes Fallon, Hibernus, De Strumis
- 1758 Edvardus Richardfon, Scotus, De Epilepfia
- 1758 * Joannes Lander, Hibernus, De Cataracta
- 1758 Alexander Crooks, Scoto-Brit. De Arthritide
- 1758 Thomas Michaelfon, Anglo-Brit. De Gonorrhoea virulenta
- 1758 Jacobus Buckham, Scoto-Brit. De Ventriculi inflammatione
- 1758 * G. Fordyce, Scoto-Brit. De Catarrho 501

DISSERTATIO MEDICA
INAUGURALIS,
DE
INCUBO.

QUAM,
ANNUENTE SUMMO NUMINE,
Ex Auctoritate Reverendi admodum Viri,
D. GULIELMI WISHEART, S. T. D.
ACADEMIÆ EDINBURGENÆ Praefecti;

NEC NON
Amplissimi SENATUS ACADEMICI consensu,
Et nobilissimae FACULTATIS MEDICÆ decreto,
PRO GRADU DOCTORATUS,
SUMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS;

Eruditorum examini subicit
JOANNES BOND,
HIBERNUS.

Ad diem 4. Kal. Junii, hora locoque solitis.

Ὡς δ' ἐν οὐρανῷ ἔδυνάται φευγοντα διακείν·

Οὐτ' ἔρ' ὁ τὸν δύναται ὑποφεύγειν, ἔθ' ὃ διακείν.

HOMER. ILIAD. xxii. 199.

Ac velut in somnis oculos ubi languida preffit
Nocte quies, nequicquam avidos extendere cursus
Vene videmur, et in mediis conatibus aegri
Succidimus; non lingua valet, non corpore notae
Sufficiunt vires, nec vox nec verba sequuntur.

VIRG. AEN. xii. 908.

EDINBURGI:

M, DCC, LI.

VOL. II.

A

Amplissimo et spectatissimo Viro,

MARTINO FOLKES,

ARMIGERO,

Regiae Societatis Londinensis Praesidi:

Ob multifariam eruditionem,

Praecipue vero

In naturae arcanis indagandis, solertiam,

Propensam denique

In omnes bonarum artium cultores benevolentiam,

Celeberrimo,

Tentamen hocce medicum,

Ea, qua par est, observantia,

D. D. D.

JOANNES BOND.

DISSERTATIO MEDICA

INAUGURALIS,

DE

INCUBO.

CUM specimen aliquod inaugurale mihi jam edendum sit, pauca de Incubo depromere statui, morbo satis gravi, eoque magis, quod ab omnibus fere medicinae verae cultoribus neglectus fuerit. Nec mirum, quoniam homines non, nisi dormientes, unquam corripit: Quibus expergefactis, statim evanescit.

Vetus hicce morbus a Graecis *Εφιάτης*, Latinis *Incubus*, seu *Incubo*, Anglis *The Night-mare*, nominatur.

Ex monumentis veterum, qui certa morborum signa, non falsas causas nobis reliquerunt, observationibusque propriis, hanc sequentem veram collegi historiam.

Supine

Supine dormientis, raro in latus cubantes, invadit, cum somniis horrendis, mentem excruciantibus, plerumque aggreditur, capite stridore affecto; immobilis, omni que functione animali orbatus, torpidus jacet homo; sua membra movere summis viribus conatus, frustra enititur; hic vocem indistinctam et gemitus edit, suspiria ducit, sibi que magno pondere opprimi videtur. Sic torquetur miser, donec extremo naturae nixu, vel causis externis, ab ecstasi hac lethali feliciter evadat.

Simulac vim musculos exercendi pristinam recuperat aeger, cordis palpitatione, inquietudine, quodamque languore, afficitur; protinus, quasi victoriam de morte consecutus, mire laetatur; omnia quae symptomata ipse non raro expertus sum.

De causa hujus morbi (sicut aliorum) multum inter sese discrepant auctores; et ex illorum scriptis, qui hunc tractavere, vix aliquid certi colligere licet.

Alii materiam aliquam fluido nervoso commixtam, incongruam cerebello, ejus causam esse volvere*; in plethoricis vero, qui huic morbo prae caeteris obnoxii sunt, (uti postea dicetur), non invenitur talis materia, magis quam in aliis; quare pro hujus morbi causa, ea non agnoscenda est. Nec clarius de hoc morbo scripsit Bellinus†, quum ideae alicujus daemonis pridie conceptae attribuat; sententia tanto auctore vix digna!

Alii metaphysici scriptores, medicinae imperiti, ad hoc phaenomenon solvendum, veros daemones, menti falsis

* Willis de anim. brut. cap. 6. p. 127.

† Bellinus de morbis capitis, p. 604.

falsis imaginibus tunc illudentes, induxerunt, et pro hisce acriter pugnant *; quae sententia nimis absurda est, quam ut ulla refutatione egeat.

Satis compertum habemus si cerebrum, ejusve membranae inflammentur, vel a vi externa, vel ab humore in ventriculis congesto, ejusque mollem substantiam comprimente, quod variae et monstrosae excitentur ideae. Si meatum etiam auditorium occupet inflammatio, statim oriuntur bombi, auriumque tinnitus †, sine ullo sonore externo; quod a fibrillarum nervi auditorii vibratione, ideoque sensorium commune afficiente, magis pendere videtur, quam a daemonibus istis obstrepentibus: Haec quidem apud superstitiosos, illa apud medicos, pro hujus phaenomeni causa valet: Nec video, cur omnes quoque ab his non illudantur, nisi quibusdam pugnator Archeus ‡ semper invigilet, eosque ab illis arceat.

Rationi vero, ac legibus oeconomiae animalis, longe magis congruit Clariss. Loweri hypothesis, qui primum situm corporis horizontalem respiciens, tardum sanguinis per venas jugulares in cor reditum, pro causa hujus remota agnoscit. Forfan tamen nonnihil erravit, cum majori copiae lymphae, in quarto ventriculo collectae, ob sanguinis in capite remoram, attribuat; quoniam, ait ||, ‘ Si supine dormiant, ventriculus ille quartus, lympham nimium distensus, sua gravitate medullam oblongatam premit, ideoque fluxum liquidum nervosi in nervis, respirationi et cordi inservientibus, impedit.’

* Baxter on the Soul, p. 257.

† Du Verney sur l’organe de l’ouïe.

‡ Paracels. lib. 1. cap. 1. de virib. membror. Helmont in tractatu cui titulus Archeus Faber.

|| Lowerus de corde, p. 145.

‘impedit.’ Haud tamen necesse fuit, lympham lente fecerni ad cerebellum comprimendum; cum tanta sanguinis rubri copia, in sinibus capitis tunc collecta, huic fini melius inserviret. Quinetiam priusquam haec ejus lympa, medullam oblongatam comprimens, absorberetur, in hoc morbo de vita semper actum esset; aliter vero saepius evenire experientia docet: Hanc autem suam theoriam observationibus et dissectione hominis, hydrocephalo, non hoc morbo, extincti, stabilivit.

Quoniam a sanguinis motu aliquomodo impedito pendere videtur incubus; quid huic fluido per partes superiores, praecipue caput, transeunti, corpore resupino, accadat, operae pretium erit expendere.

Sanguis ad caput per arterias carotidas et vertebrales fertur*.

Carotides ab aortae curvatura originem † ducunt, praecipue carotis sinistra, et parallelae cum aortae axis sursum abeunt; hinc, dum in situ horizontali maneat corpus, per truncum canalıs aortae in has arterias, majori cum impetu ruit sanguis, corde expulsus, quod ex tertia philosophorum Principis definitione sponte patet ‡, majorique quantitate, quam corpore erecto; quippe tunc contra gravitatem suam movet, quae impetum a corde receptum uniformiter remoratur.

Sic majori copia ad cerebrum fertur sanguis in somno, ut spirituum animalium major tunc fiat secretio; et rami arteriarum vertebralium, qui medullae oblongatae

* Winslow exposition anatomique traité de tête, § 31.

† ——— traité des arteres, § 46.

‡ Newtoni principia.

oblongatae distribuuntur, multo jam sanguine repleti, hanc et nervorum octavi paris originem necessario comprimunt, ut liquidi nervosi fluxus in cor augeatur, et, vasis corticis cerebri sanguine jam tumidis, somnus fiat profundior, et pulsus validior: Haec videtur esse celeberrimi medici sententia de motu cordis, cum dicit *, ‘ Cerebelli enim actio in cor per nervos pendet ‘ ab ipsa actione cordis in cerebellum per arterias ’

Sanguis per arterias minimas, omnibus encephali partibus distributus, multisque particulis subtilissimis privatus, in venulas lente transit, et per eas in quatuordecim canales, sinus vocatos, infunditur †. Hi sinus omnes inter se communicant, et in duos, laterales dictos, evacuantur ‡. Inde sanguis per venas jugulares ad cor lentissime refertur, eo quod vix ulla videtur vis, qua sanguis versus cor propellatur, nisi pulsatio arteriarum, quae lateribus sinuum irrepunt; dum vero corpus erigitur, sanguis ex hisce receptaculis sua gravitate, per venas jugulares, in venam cavam, superiorem dictam, facile descendit: Hinc pulvinarium necessitas et usus.

Quomodo cor situ corporis horizontali afficiatur, jam dicendum est.

Hoc supra diaphragma transverse locatur ||, cujus maxima pars in cavitate thoracis sinistra posita est ¶, apexque in extremitatem sextae costarum verae osseam vertitur; ex hoc naturali situ cordis humani, corpore

Vol. II.

B

erecto,

* Van Swieten. comment. in aphor. 578.

† Winslow, traité de tête, § 28.

‡ Winslow, § 130.

|| Eustach. tab. 15. fig. 2. Winslow, traité de poitrine, § 74.

¶ Eustach. tab. 25. Winslow, § 74.

erecto, patet partes, vulgo dictas dextras, auriculam, scil. et ventriculum, potius dicendas esse anteriores, et vice versa, sinistras posteriores. Corpore igitur supino, hae anteriores sunt superiores, et contra, posteriores sunt partes inferiores. Cor suis vasis pulmonibus adhaerens, ope membranae pericardii, diaphragmati connectitur, et sic quasi pendulum in thorace suspenditur, centro suae gravitatis semper obsequens. Rem sic sese habere ex sequentibus patebit; si costarum parti, ubi, corpore erecto, crebri cordis sentiuntur ictus, imponatur digitus, et diaphragma in cavitatem abdominis deorsum pellatur, vix percipitur impulsus, quod una cum diaphragmate cor deorsum trahatur.

Si, aperto ore, magna aëris copia in cavitatem thoracis hauriatur, subito tollitur cordis in costas ictus, quoniam cavitate thoracis aucta, arteriae, quae per pulmones currunt, et quibus cor in medio tenetur, tunc distenduntur; et ob aërem harum ramos comprimentem, sanguis parva copia ad cor dextrum transmittitur: Hinc rubescit facies, et encephali vasa intumescencia cerebrum comprimunt; unde saepe oritur vertigo, quam caveant tubicines.

Si in latus sinistrum decumbat homo, apex saliens, paulo versus spinam dorsii accedit; si se resupinet, vix sentiri potest cordis ictus; deinde si in dextrum jaceat, omnino tollitur: Unde plane sequitur, cor varie moveri, pro varia corporis positione.

Sanguis venosus ad cordis ventriculum dextrum appulsus, ob parvum quod habet momentum, lentius ex hoc ventriculo in arterias pulmonales projicitur, et per earum ramulos lente transmittitur in venas pulmonales,

monales, quae sanguinem in faccum amplum muscularem, auriculam sinistram dictum, infundunt *.

Cum vero supinum jaceat corpus, cor vertebri incumbens, sua gravitate venas pulmonales necessario comprimit; ideoque in pulmones sensim accumulabitur sanguis, donec prorsus obturentur vasa pulmonalia, et ventriculus dexter oppletus se diutius contrahere nequit; tunc sanguis ab extremitatibus rediens, in vasis circa praecordia, praecipue in sinu Loweriano, magna copia colligitur. Quare in venis jugularibus utcunque stagnabit, saltem difficilius versus cor redibit; impedito vero sanguinis regressu per jugulares, sinus durae matris sanguine turgidos, omnia encephali vasa solito magis comprimere necesse est; unde ob spirituum secretionem impeditam in atrae faucibus mortis haeret aeger.

Hic videtur verus incubi paroxysmus.

Hoc malum prae oculis certissime habuit clarissimus noster Anatomiae Professor, cum in praelectionibus suis observaverit, neminem dorso diu incumbere posse sine molestia summa et anxietate; et cum de respiratione dissertaret, statuit hanc functionem partim voluntariam esse, partimque consuetam, sed primum a voluntate provenire, et nobis, caeterisque animalibus, inesse quoddam principium a summo Conditore institutum, quo impellimur, dum vivimus, functiones vitae necessariae perficere, malumque fugere. Hoc quodam stimulo semper excitatur; hinc dum e thorace aër expulsus est, contrahentur pulmones, et transitu sanguinis per eos tunc negato, molestia quaedam protinus oritur,
qua

* Winslow, traité de poitrine, § 112.

qua cogimur thoracem dilatare, et cum thorax aëre plenus sit, vasa pulmonalia, aëre rarefacto, nimis comprimuntur; unde nova oritur anxietas, sive eadem sensatio molesta, qua compellitur animus iterum arctare thoracem. Sic pergit respiratio, dum manet vita.

Hoc principium argumentis variis solidissimis perspicuisque comprobavit: Hoc το θεῖον voluntatem ipsam vincere, ex eo patet, quod si Hercules ipse totis viribus niteretur, illisui electricali (Anglice *The Electrical Shock*) obfistere non valeret. Hoc etiam viget pro ratione corporis virum. Hicce positis, statim memoravit vir cl. historiam illam mirandam cujusdam Praefecti, nomine Townsend, a D. Cheyne * traditam, qui vitam morte pro libito commutare potuit; aegro illi (inquit) longo diroque morbo, nempe cancro in rene sinistro laboranti, et debilitato, totisque ejus viribus fere consumptis, dum supinus jacebat, functiones vitales, modo supra memorato, supprimebantur; sed cum, sanguine jam obstructo, vasa pulmonalia ventriculusque cordis dexter adeo turgescerant, ut fibrae musculares stimulantur, et sensatio illa molesta animo excitaretur; tunc corporis ille custos flatum aerae vitalis ultimum exeruit, ut foedus cum corpore renovaret; et hoc pacto revixit aeger. Aegrum illum incubi paroxysmo tunc laborasse mihi videtur, et eodem fere modo, credo quidem, omnes incubo laborantes excitari.

SCHOLIA.

* Cheyne's English malady, p. 307.

S C H O L I A.

1. Quorum fibrae maxime vigent, et acriore sensu praeditae sunt, hoc morbo minus afficiuntur.

2. Paroxysmi duratio est semper pro ratione virium, et sensibilitate temperamenti.

Cordis igitur pondere in venas pulmonales pro causa proxima jam posito, quomodo per hanc hypothesein explicari possint symptomata, jam videndum est.

Primum et symptomatum sane difficillimum est somnium horrendum.

S O M N I A H O R R E N D A.

De somniis multa incassum somniasse videntur nonnulli; sed quatenus est affectio animi, ad medicum haud pertinet. An vero a vasis cerebri sanguine tunc nimium distensis, quae sensorium commune comprimunt, ideoque imagines horrendas excitant, an quaedam lege a nostro Creatore sapientissimo instituta, ut animus corporis ruinae imminuentis conscius esset, accidat, non dicam; hoc theorema physiologicis et metaphysicis peritioribus solvendum relinquo; situm vero corporis horizontalem ad somnia in mente excitanda, multum conducere verisimile videtur. An adeo frequenter somniat homo erectus in sella dormiens, capite neutiquam reclinari? An frequentius somniant plethorici et crapulosi? An non qui somniis fidem habere solent vigilantes somniare dicendi sunt?

S E N S U S

SENSUS MAGNI PONDERIS PECTORI INCUMBENTIS.

In hoc non falso (uti volunt quidam) judicat mens; is enim a magna sanguinis mole in pulmonum vasis, ventriculo cordis dextro, et vena cava, tunc collecta, omnino pendet. Hinc anxietas summa, angorque.

STRIDOR. TINNITUS AURIUM.

Cum sinus cerebri sanguine turgescunt, vasa encephali omnia, et arteriae satis magnae, *, quae nervos septi^{mi} paris comitantur, ad meatum auditorium internum, tumescunt, et hos comprimunt; unde oriuntur bombi et tinnitus aurium.

CORPORIS IMMOBILITAS.

In somno profundo omnes motus voluntarii compescuntur; hinc cum somno subito excutitur homo, vacillans et titubans, infirme sua membra movet: Nunc voluntati non prompte obtemperant spiritus animales; et, ob sanguinis molem circa praecordia collectam, corpus vix moveri posse credit mens; ideoque forsan corpus immobile manet.

VOX INDISTINCTA.

In vocem distinctam formando, varii laryngis et linguae occupantur muscoli, voluntati obtemperantes; in

* • Monro on the Nerves, p. 396.

in hoc autem morbo omnes fere tolluntur motus voluntarii.

SUSPIRIA. GEMITUS.

Hi sunt effectus respirationis laesae, seu naturae laborantis querelae; et copia sanguinis in pulmonibus congestam pro causa agnoscunt.

CORDIS PALPITATIO.

Ea autem pendere videtur ab obstructione sanguinis in pulmonibus et dextro cordis ventriculo, qui fortius et frequentius contrahitur, ut sanguinem collectum expellat.

Causae hujus morbi remotae sunt, nimia sanguinis quantitas et visciditas, fibrarum laxitas et debilitas. Hinc quibus est sanguis spissus et plethora, huic maxime obnoxii sunt. Juvenes igitur pleni habitus, robustos, crapulosos, ebrios, larga coena oneratos *, plerumque corripit; nec non foeminas, quibus defecerunt menses, et puellas laxi habitus ante mensium eruptiones, quod ex sequentibus patebit.

Quaedam virgo habitus laxi, quindecim annorum, et mensium adhuc expers, nocte incubo correpta fuit, adeoque graviter ingemiscebat, ut patrem remote jacentem e somno excitaverit, cui, in cubile ingresso, causamque sciscitanti, jam supina et sanguinem naribus et ore emittens, respondit, se a quodam magni ponderis viro, pectori insidente, multum oppressam fuisse:

* Lommii observat. p. 80.

fuisse : In hoc casu paroxysmum graviorem reddebant et fibrarum laxitas et plethora.

Altera octodecim annorum, temperamenti sanguinei, duas vel tres noctes ante mensium eruptiones hoc morbo constanter laboravit : Multae etiam aliae, quas ob aetatem reliquerunt menses, hoc malo vexantur.

Simulac sistitur mensium fluxus, et parere desinunt foeminae, cito pinguescunt, vel inertes vel morbosae deveniunt; partes enim, quae corpore periodice antea eliminabantur, in corpore nunc retinentur; quibus aucta sanguinis massa, inducitur plethora; ideoque incubo obnoxiae sunt tales, quod ex sequenti confirmatur historia.

‘ Mulier quinquagenaria, boni habitus, carnosae, fortis et plethorica, cui defecerant menses ante decennium, aetatis ratione, incubo graviter affici solebat *.’ Hoc verisimile videtur pendere a nimia sanguinis quantitate quo cor impletum, in venas pulmonales se gravius ingerit, et difficilior redditur transitus sanguinis per pulmones.

Quamobrem plethorici, robusti, et sanguinei temperamenti, cruditatibus onerati, praesertim qui largioribus coenis indulgent, hoc malo, corpore supino, saepiuscule vexantur. Quam enim, corpore supino, plenus sit ventriculus, magnus iste saccus diaphragma supprimit; quippe ex anatomia novimus, diaphragma spinæ dorsi non esse perpendiculare, sed angulum cum ea formare acutum, versusque thoracis cavitatem oblique sursum tendere †. Pondus pleni ventriculi
dia.

* Diemerbrok.

† Winslow traité des muscles, p. 554.

diaphragmati incumbit, adeoque corde ex adversum hujus faciem sito, tum diaphragmatis, tum cordis motum nimia pressione impedit, atque, comprimendo aortam inferiorem, majorem copiam sanguinis in cerebri vasa urget. Hoc incubi saepius esse causam observat noster sagacissimus et peritissimus praxeos medicae Professor.

P R O G N O S I S.

Veteres fere omnes, incubum non ipsum lethalem, gravis vero alicujus morbi infecuturi signum esse existimavere. ‘Cavendum * est ab initio; nam ubi diu durat assidue irruens, magnos morbos, insaniam, morbum comitiales aut siderationem, denunciat.’

‘Qui existimabant, se ab incubone illudi, usque eo hac molestia vexantur, ut interdum vitae periculum adeant †.’

‘Incubo, vitium quod in somnisprehendit, sua quidem natura non admodum parvum est; verum magna quaedam mala portendit, morbi comitialis, melancholiae species, morbum attonitum, atque ea non procul abesse, si frequens incubus invadit, significat ‡.’

‘Qui incubus appellatur, non est daemon, sed magis proecium morbi comitialis, insaniae, aut siderationis; cruditates affectionem voracitate praecedunt; cavendum igitur est a malo, dum in principio est:

VOL. II.

C

* in-

* Paul. Aeginet. lib. 3. c. 15.

† Marcell. cap. 20.

‡ Actuarius. lib. 1. cap. 17.

‘Inveteratum et assidue incidens, quosdam ex relatis morbis inducit *.’

‘Sin vero, ubi idem dormientes occupat, post ex-
‘pergefactionem frigidi oriuntur sudores, et cordis
‘tremor, pessimum est. Qui hac aegritudine multo
‘jam spatio temporis, ac frequenter occupantur, hisce
‘grave aliquod capitis malum, puta vertiginem, mor-
‘bum tum attonitum, tum comitiales, maniam, ner-
‘vorum distentionem, aut subitam mortem, impende-
‘re, sciendum est: Scil. hoc modo repertos mortuos,
‘in ipso etiam cubili, multos esse constat †.’

Incubum, tanquam apoplexiae signum, memorat celeberrimus Boerhaavius ‡.

De veritate hujus prognoseos, multa traduntur exempla; sed pauca nobis sufficient.

‘Generosus et strenuus D. Abrahamus Schonnichel,
‘equitum in exercitu imperatorio magister, ebrietati
‘deditus, quoties supinus incumberet, incubo graviter
‘affici solebat: Post multa remedia exhibita, malum
‘rarius quidem invasit; cum tamen ob repletionem
‘et comptotandi consuetudinem recurreret, monui cu-
‘bicularium, ut, quoties in somno queritantem et la-
‘mentantem audiret, statim corpus leviter vellicaret,
‘dormientem compellaret, et excitaret: Quo pacto
‘insultus breviores quidem sensit, biennio tamen post
‘epilepsia extinctus est ||.’

Caelius Aurelianus hoc malum epidemicum, mul-
tos

* Aetii sermo, c. 12.

† Lom. med. observat. lib. 2. p. 80.

‡ Aphor. 1020.

|| Baldassar. Timacus, cas. med. lib. 2.

tos e medio tollens Romae, ex Silimacho Hippocratis
seclatore describit *.

Si non sit fabulosum, Saturnalibus forsan evenit,
quum nimio indulgerent Baccho. Sic numine plenus
canit poëta :

BACCHUM in remotis carmina rupibus

Vidi docentem, (credite, posteri)

Nymphasque discentes, et aures

Capripedum satyrorum acutas.

Evoe ! recenti mens trepidat metu,

Plenoque Bacchi pectore turbidum

Laetatur. Evoe ! parce, Liber,

Parce, gravi metuende thyrsô,

HOR. lib. 2. Ode 19,

Si nephas non esset de veterum medicorum placitis
dubitare, haud crediderim, incubum tanta mala sem-
per portendere ; multos enim novi, hoc morbo vexa-
tos, qui postea sani evaserunt ab omni morbo gravi in-
sequente.

Ex antea dictis tamen confitendum est, incubum
saepenumero morbum comitalem, vel attonitum, prae-
cedere ; probabile etiam est, quod rudimenta nascenti
polypo saepenumero praebeat, a sanguinis remora, aut
stagnatione nimia in cordis cavitatibus, arteria pulmo-
nali, et cerebri sinubus, praecipue lateralibus, e quibus
sanguinem, corpore supino, contra suam gravitatem
moveri necesse est ; et cum hi sinus nimium sanguine
dilatentur, cerebellum comprimunt, ideoque functio-
nes animales impediuntur.

Ado-

* De morb. chronic. lib. 1. c. 3.

Adolescentium enim fibrae sunt adeo caducae, laxae et mollis compagis, ut sinus cerebri facilius dilatentur: Unde juvenes his morbis infecuturis magis obnoxii sunt.

Annon ex hoc malo multi, qui in lectis mortui inveniuntur, satis fani in cubile ingressi, perierunt? An ebriosi plurimi ab incubo e medio tolluntur? An incubus sit verae apoplexiæ species?

Metus est, ne hoc malum ingravescens in ipso paroxysmo ipsum suffocet, vel sanguinem in ventriculis cerebri, aut ejus substantiam effundendo, vel ca-rotides arterias, vel plexum choroidem, aut eorum poros obstruendo, apoplexiam, vel carum, vel alium similem gravem cerebri morbum, aegro accersat; indeoque tempestiva curatione hujusmodi mala sunt praecavenda*.

C U R A T I O.

Si in paroxysmo ipso incubi, aegri supine dormientes laborare inveniantur, et suspiria, gemitus, vocemque exilem ducere, stimulo quodam, vel acus punctu, sonore, vel fluido aliquo consperso, praesertim aceto†, excitandi, et in latus convertendi sunt; et si digitum vel minimum movere possint, statim sospites evadunt‡. Imo novi quendam incubo olim maxime obnoxium, virum alias robustum et satis sanum, qui per duos annos non in dorsum conversus dormivit, quin illico affectu isto corripereetur, adeo ut necesse haberet

servum

* Hen. Pagius apud Theodor Craanen. Medicat.

† De hoc vid. Boerhaav. element. chem. process. L.

‡ Willis, Aëtuarius.

‘servum contubernalem in eodem lecto decumbentem,
 ‘admittere, qui statim ac gemitus et suspiria, quibus
 ‘affectus iste incipere solebat, exaudiret, ipsum in la-
 ‘tus alterum converteret; quo factum est semper, ut
 ‘insultus isti praecaverentur *.’

Si causa disponens sit laxitas, aut fibrarum debilitas, roborantia et adstringentia exhibenda sunt, quae vi quadam peculiari particularum cohaesionem augeant, fibrasque densent, crispent, corroborant; classis hujus primaria sunt, limat. ferri, cort. Peruv. vini paulum.

Si ab inertia solidorum oriatur morbus, remedia nervina profunt, quae stimulo suo fibras musculares inertes excitent, motumque sanguinis intendant. Si a plethora, quae saepissime est causa, evacuationibus, praecipue venae sectione incipiendum est, attenuantibus leniter purgantibus postea exhibitis: Si sanguis nimis crassus sit, lentore phlogistico praeditus, ad dissolvendum conducunt spiritus Mindereri, omnes fructus recentes, vegetabilia subacida, et medicamenta saponacea; inepta autem videtur tanta medicamentorum farrago, ab Etmullero, aliisque praescripta, etiamque poconia, a veteribus in hoc tanquam specifica laudata, quae recens interne sumpta, humores solum attenuat: Unde apparet, quam absurde globuli, ex ea, et coralliis facti, colloque suspensi, a Willisio †, et aliis laudantur.

Si, phlebotomia haud parce instituta, et datis remediis aliis, pro brevi tempore tollatur morbus, sed paulo
 post

* Lower. de cord. motu, p. 145.

† Willis de anim. brut. cap. 6.

post recurrat, repetenda sunt eadem remedia: Cavendum est vero, ne frequentiore usu, in consuetudinem degeneret venaesectionio, quae non solum incommoda, sed etiam periculosa sit, ut ex historia cujusdam mulieris a clariss. Van Swieten tradita, patet*, nil, scilicet magis ad plethoram (hujus morbi plerumque originem) conducere, quam venaesectionem repetitam. Hoc vero incommodum ex observatione salubris regulae magni Boerhaavii, facile evitandum est†, nempe ‘omissione evacuationum sensim introducta.’

Experientia quoque novimus, magnas evacuationes fieri posse, absque venaesectione, viz. per cathartica fortiora, qualia sunt, scammon. jalap &c. quae vim maximam in sanguinis crasin dissolvendo, ejusque quantitatem minuendo, habent: Hac de causa scammon. in hoc morbo merito praescribit Paulus Aegineta‡. Sed regula Boerhaaviana supra citata in hoc etiam observanda est.

En vero methodum hoc malum (aliaque multa) evitandi, caeteris omnibus praelatam: Victus sit consueto tenuior, attenuans, praecipue ex vegetabilibus saponaceis, et leniter adstringentibus, vel ex carne digestu facili; potus sit lactis serum, vel aqua fontana, cum vino albo, aut succo limonum aut aurantiorum, commixta; ante omnia sit coena levis et parca; pulvinaria altiora; et in latus, praecipue dextrum, semper decumbendum est; exercitia, praesertim ambulatio, ad sudoris eruptionem usque, sed non ultra; equitatio frequens.

————— Vitanda

* Comment. in aphor. 106. γ.

† Aphor. 106. γ.

‡ Lib. 3. cap. 15.

—————Vitanda est improba Siren
Desidia.—————

HOR. l. 2. f. 3.

Bacchi proelia omnino vitanda sunt, quorum effectus pravi hisce verbis a Lucretio eleganter depinguntur :

Denique cur, hominem cum vini vis penetravit
Acris, et in venas discessit diditus ardor,
Consequitur gravitas membrorum ! praepediuntur
Crura vacillanti ! tardescit lingua ! madet mens !
Nant oculi ! clamor, singultus, jurgia gliscunt !
Et jam caetera de genere hoc, quaecunque sequuntur.

LUCRET. lib. 3.

Pulchre quidem et poëtica de hoc canit noster poëta :

The first physicians by debauch were made,
Excess began, and sloth sustains the trade,
By chace our long-liv'd fathers earn'd their food,
Toil strung their nerves, and purify'd their blood, &c.

DRYDEN.

Sic enim poëta, experientia doctus, temperantiae utilitatem laudat :

Quae virtus et quanta, boni, sit vivere parvo,
(Nec meus hic sermo est, sed quem praecepit Ofellus,
Rusticus, abnormis sapiens, crassaque Minerva)
Diseite, non inter lances mensasque nitentes ;
Cum stupet infans acies fulgoribus, et cum
Adclinis falsis animus meliora recusât.

* * * * *

Accipe nunc, victus tenuis quae, quantaque secum
Adferat. inprimis valeas bene : Nam variae res
Ut noceant homini, credas, memor illius escae
Quae simplex olim tibi sederit. at simul assis
Miscueris elixa, simul conchyliâ turdis ;

Dulcis

Dulcia se in bilem vertent, stomachoque tumultum
 Lenta feret pituita. vidēs, ut pallidus omnis
 Coena defurgat dubia? quin corpus onustum
 Hesternis vitiis animum quoque praegravat una,
 Atque adfigit humo divinae particulam aurae.
 Alter, ubi dicto citius curata sopori
 Membra dedit, vegetus praescripta ad munia surgit.

HORAT. l. 2. sat. 2.

F I N I S.

DISSERTATIO MEDICA
INAUGURALIS,
DE
LIENTERIA.
QUAM,
ANNUENTE SUMMO NUMINE,
Ex Auctoritate Reverendi admodum Viri,
D. GULIELMI WISHEART, S.T.D.
ACADEMIÆ EDINBURGENÆ Praefecti;
NEC NON
Amplissimi SENATUS ACADEMICI consensu,
Et nobilissimae FACULTATIS MEDICÆ decreto,
PRO GRADU DOCTORATUS,
SUMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS;
Eruditorum examini subjicit
JOHANNES SCANLAN,
HIBERNUS.

Ad diem 21. Junii, hora locoque solitis.

—— non hic cibus utilis aegro.

OVID.

EDINBURGI:

M,DCC,LI.

VOL. II.

D



Patrui suo,

FRANCISCO JENNINGS,

Equiti aurato,

Apud

STOCKHOLM,

Benevolentia et morum probitate

Conspicuo,

Hæc studiorum suorum primitias

Sacras vult

JOANNES SCANLAN.

DISSERTATIO MEDICA

INAUGURALIS,

DE

LIENTERIA.

QUONIAM nervis tam plurimis ditatur ventriculus, ut haud dubitaverit Helmontius sedem animae ibi collocasse; et quoniam corpus sustinendo necessariam parat materiem, colligere fas est, si viscus tam nobile morbo corripiatur, aegrum in magno vitae periculo versari: Nec gravior hoc quisquam est, de quo nunc verba facturus sum, Lienteria scilicet, qua cibi parum mutati per alvum excernuntur. Observavit Lommius *, quod ‘ non leviter ea quoque terrere alvi
‘ fluxio debet, qua non sinceriores ut in diarrhoea, sed
‘ epulae, potionesque sine dolore crudae, inaequales,
‘ aquosissimae sic cito dejiciuntur, ut nihil fere de for-
‘ ma

* Observat. medic. lib. II. p. 156.

‘ma amiserint sua, citra sanguinis aliquem aut bilis
‘complexum.’

Vetus hicce morbus, a medicis Graecis λειντερία, quasi
λεϊδίης των εντερων, Latinis *Lienteria*, nominatur.

Antiquiores nonnulli Lienteriam et Caeliacam af-
fectionem pro eodem morbo habuerunt, sed perperam;
in priore enim, alimenta * defluunt cruda, et inaequa-
lia, in altera vero, chyli speciem adepta †, laevia, ae-
qualia, sui que similia; intestina pro sede sua haec ag-
noscit, ventriculum illa.

Causae hujus mali remotiores ab auctoribus recen-
sitae, sunt vulnera, inflammationes, ulcera; frequen-
tius vero memoratae, acria ingesta, succi pravi, alia-
que ejusmodi; constitutio aëris epidemica, atque sum-
ma ventriculi laxitas; idque bifariam, vel suo, vel ex-
terno, seu aliarum partium vitio. Testatur Ferneli-
us ‡, ‘quod aliarum partium consensu Lienteria fit,
‘quum ab illis vitium aliquod in ventriculum incidit;
‘et saepe animadvertimus, pulmonum vomicam, re-
‘numque suppurationem, tetro malignoque nidore in
‘ventriculum effuso, gravem peperisse Lienteriam.’

Sequitur || nonnunquam ciborum minus subactorum
praematura per alvum dejectio, a lumbricis in ventri-
culo et intestinis detentis; qui sensiles horum tunicas
mordentes, ventriculum nimis stimulant, et adeo pe-
ristalticum accelerant motum, ut quae ingesta sint,
haud in chylum convertere valent; sicque fere cruda
excernuntur alimenta: Atque hac de causa fit, quod
pueri

* Vid. Boerhaav. Pathol. p. 401.

† Ibid.

‡ De part. morb. et symp. lib. 6. 598.

|| River. tract. de morb. infim. ventr. cap. 15. 182.

pueri et juvenes lumbricis scatentes, excrementa subalbida, utpote chylo crudiori commixta, saepe deponunt.

Indies accidit, ut aëre vitiato, corpora, animique functiones mirifice turbentur, et epidemice grassentur saevissimi morbi; inter quos lenteriam recensent ex antiquioribus plurimi. Haec habet Nicholas Piso *, 'saepe hic morbus corrupto coelo, in populum grassatur?' et dixit Fernelius †, 'quod perversa coeli constitutio, popularem saepe lenteriam promovet.' Quam enim ad vitam necessarius sit aër, neminem latet; purus, vitae humanae summum est praesidium; quod Hoffmanni sententia confirmatur, 'nihil profecto,' inquit, 'si ab animi motu discefferimus, ad sanitatem, et vitam, ac valetudinem prosperam tuendam plus confert, quam superius illud pabulum, ac elementum commune, quo omnia animantia opus habent‡.' Si vero impurus sit aër, et vaporibus nocivis inquinatus, humores jam depravatos magis corrumpit, redditque acriores.

Alimenta cruda voraciter ingesta, multum damni oeconomiae animali inferre queant; non enim qualitate tantum peccare possint, sed quantitate etiam immodica; quae et ventriculum gravant, et a viribus viscerum chylopoeticorum subigi nequeunt. Observavit Van Swieten ||, 'quod quando nimia ciborum copia distensus fuit ventriculus, his expulsi saepe omne fere robur amittit, et quasi paralyticus fit; neque tantum fibrae musculares ventriculi substantiam constituentes

* De morb. cognoscend. et curand. lib. 3. p. 63.

† Loco citato.

‡ Opera omnia tom. 5. p. 316.

|| Comment. in aphor. Boerhaav. p. 134.

‘stituentes tunc debilitantur, verum et ipsa ejus orificia resolvuntur; unde ingesta postea alimenta in flacido quasi sacco haerent, et respirationis motu, per pylorum cito transeunt in intestina, nullam in ventriculo fere mutationem passa.’

Signa hujus morbi diagnostica, maxime ab alvi excretionem desumuntur; alimenta enim subalbida, parum mutata, nulla commixta bile aut sanguine excernuntur: Nonnunquam vero prorsus cruda, more bubili stercoreis laevia, et foetida, quae mortis praesagia sunt.

Si humores pravi, aut hujusmodi alia, ortum praebeant morbo; ardor totis hypochondriis inest, ingens urget cibi fastidium; adest febris, sitis, et sensus doloris; et, diu subsistente malo, in dysenteriam transmutatur.

Aphthae nonnunquam fauces, oesophagum, ventriculum, et canalem integrum intestinale occupant; quae gangraenae infecuturae ut plurimum praenuntiae sunt. Dixit † Galenus, ‘ab acribus humoribus fieri in ventriculo ulcerosam dispositionem, eo modo, quo aphthae in ore puerorum consueverint.’

Relaxatis ventriculi fibris, ingesta sine dolore cruda, et parum de forma amissa, cito dejiciuntur; quibus potissimum notis a caeliaca affectione discerni notavimus. Sed a lumbricis in primis viis detentis, si ortum acceperit morbus, per propria horum signa designatur.

Quoniam fere omne quod assumptum est statim ejicitur, et parum nutrimenti in sanguinem fertur, haud dubitandum est, corpus marcescere; et si diu protrahatur

† De locis affect. lib. 6.

hatur morbus, de prognosi judicium ferre non erat difficile; satis superque enim patet, atrophiam, hydro-
pem, cachexiam, tabem, et si quae his graviora super-
sint mala, abhinc oriri; et quam maxime ipsam peri-
clitari vitam.

Si exulceretur os *, modoque rubeat facies, modo
livescat, et maculis quasi diversis obducta sit; si sordi-
dus et rugosus reddatur venter; lethi imminet hora,
et praesertim si corpus annis confectum occupaverint;
a teneris enim aetatibus facilius depellitur malum.

Si autumno incipiens ad hyemem usque se protra-
hat hicce morbus, difficilius omnino curatur; et dy-
senteriae superveniens, ab Hippocrate † pro signo le-
thali habetur, *οκασοι σπληνωδες, υπο δυσεντερης αλισκονται,*
τετρεοισιν, επιγινομενης μακρης της δυσεντερης, υδρωψ επιγινε-
ται, η λειντερη, και απωλλυνται. Sicuti, etiam haec ha-
bet Nicholas Piso ‡, ‘ Si post diarrhoeam, dysenteri-
am, aut longum morbum fiat, lethalis est.’ Minus
vero portendit periculi, si recens, a causa minus
gravi pendeat, lumbricis puta, vel pravorum ciborum
usu, aut caeteris hujusmodi; et si etiam diu duraverit,
spem fovere jubet Celsus ille senex §, acido superveni-
ente ructu, *εν τησι χρονισι λειντερησι οξυρεγμει επιγιννο-*
μενη, μη γινομενη προτερον, σημειον αγαθον.

Nunc ad methodum medendi perventum est :

Si acres et mordaces succi in ventriculo et intesti-
nis redundantes ortum praeberint morbo, ut e cor-

VOL. II. E

* Lömnius, loco jam citato.

† Hip. aphor. 43. § 6.

‡ Loco jam citato.

§ Aphor. 43. § 6.

pore eliminantur, emetica et cathartica indicata sunt; haec vero eligenda, quae non solum acrem colluviem e primis viis ejciant, sed quae, praeterea, fibras debiles, stimulo miti, aromatico, corroborare queant; propinetur igitur emeticum ex ipecacuana, semel, vel bis, vel quoties indicatur; Hippocrates* vero nos monet, *ὁποσοισι κοιλιαὶ λειψήτεριαι, χειμῶνος φαρμακεύειν ἀνω, κακόν.* Postea parvae exhibendae sunt doses rhabarbar. elix. sac. tinct. sac. infus. amar. &c. hoc praeterea notandum, quod paucis calomel. granis simul exhibitis, multum profuerint.

Fomite morbofo per emetica et cathartica eliminato, morbi solutio, vel magna saltem imminutio, sequitur: Ad tubum vero alimentarem, forte a viribus morbi utcunque labefactum, restaurandum; in diebus a purgatione liberis, hauriat aeger, bis de die, unc. ii. vel iii. aq. calcis; et in singulis aquarum haustibus, guttulae aliquot vini chalybeati, aut tincturae martis, exhibentur.

Si a summa vero ventriculi imbecillitate ortum praefertim duxerit morbus, primo conveniunt emetica leniora, et cathartica roborantia ex rhabarbaro; quorum ope simul expurgentur et utcunque restaurentur ventriculus et intestina. Postea, medicamentis amaris, et astringentibus, roboranda sunt haec viscera; tonusque debitus eorum fibris conciliandus; qualia sunt, rad. gentian. summit. centaur. minor. cort. aurant. cort. Peruvian. croc. mart. astring. vin. chalybeat. elix. vitriol. aq. minerales, chalybeatae, et Bristolienfes; quae, post morbum fugatum, aliquamdiu usurpanda sunt ad ejus reditum praecavendum.

Praeterea,

* Aphor. 12. § 4.

Praeterea, causae hujus morbi remotiores antea recensitae maxime vitandae sunt; sique aër in culpa fuerit, hic mutandus est; et in locis humidis, paludosis, frigidis si teneatur aeger, hujusmodi atmosphaerae pravi effectus quodammodo praecaveri possint, ope ignis accensi, ac per ligna ficciora, aromatica, uti guaiacum, sassafras, aliaque id genus, nutriti.

Somnum nimis longum evitet aeger; durante enim somno, muscoli voluntarii in statu torpido jacent inertes, et corpus, dum in lecto sternitur, tanquam in balneo vaporis laxatur.

Accipe nunc, victus tenuis quae, quantaque secum
Afferat. In primis valeas bene: Nam variae res
Ut noceant homini, credas, memor illius escae,
Quae simplex olim tibi federit. At simul assis
Miscueris elixa, simul conchylia turdis;
Dulcia se in bilem vertent, stomachoque tumultum
Lenta feret pituita. ————— HORAT.

Cibus sit parvus, coctus facilis et levis, et modicus ejus usus quam maxime convenit; dictum enim est, cum de morbi causis egimus, a crapula et ingluvie hunc saepius oriri. Eam igitur ciborum copiam, quam ventriculus facile subigat et coquat, sumere licet; quod ultra ingeritur, auctore Hippocrate*, nocet,

οκς αν τροφη παρα φυσιν πλεων εισελθη, το υσος ποιει.

Corporis exercitia hic minime spernenda sunt; sed, si adeo debilis sit aeger, ut corpus exercere haud valeat, cum linteo asperiore frictio vices ejus quodammodo supplebit.

Bibat vinum Rhenanum seu Gallicum, aqua minerali bene dilutum; evitet immodicos animi affectus,

et

* Aphor. 17, § 2.

et omne quod flatus et aciditates in primis viis producere queat.

Ἀλλὰ πό'ς τε μέτρον, καὶ σιτῆ, γυμνασιῶν τε

Ποιησθαι μετρον δὲ λεγα τοδ' οὐ μὴ σ' ἀνῆσι. PYTHAG.

Si his demum morbi symptomata feliciter evanescunt, balneo utatur frigido, quoties ferant vires; hic vero maxime cavendum, ne nimis mature usurpandum fit.

F I N I S.

TENTAMEN PHYSICO-MEDICUM
I N A U G U R A L E,
D E
A U D I T U.
Q U O D,
ANNUENTE SUMMO NUMINE,
N E C N O N
Ex Auctoritate Amplissimi SENATUS ACADEMICI,
Et nobilissimae FACULTATIS MEDICÆ decreto,
P R O G R A D U D O C T O R A T U S,
SUMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS;
Eruditorum examini subjicit
JOSEPHUS FENN SLEIGH,
H I B E R N U S.

Die sexto iduum Junii, hora locoque solitis.

E D I N B U R G I:

M, DCC, LIII.

Amico suo benevolo

MICHAELI KEARNEY, A. B.

Academiae SS. et individuae

Trinitatis

Juxta Dublinium,

Hoc tentamen Physico-Medicum,

In veteris amicitiae testimonium,

D. D. D.

JOSEPHUS FENN SLEIGH.

TENTAMEN PHYSICO-MEDICUM

I N A U G U R A L E,

D E

A U D I T U.

INTER tot, tamque diversas quaestiones, quae mihi dissertationis medicae argumentum quaeritanti, sese obtulere, paucae de Auditu mihi maxime placuerunt.

Inter antiquiores, qui de auditu philosophice scripsere, Cicero videtur esse primus : Sic enim loquitur *,
' Auditus autem semper patet ; ejus enim sensu etiam
' dormientes egemus, a quo cum sonus est acceptus,
' etiam e somno excitamur. Flexuosum iter habet,
' ne quid intrare possit, si simplex et directum pateret :
' Provisum etiam, ut siqua minima bestiola conaretur

VOL. II.

F

' ir-

* De natura deorum, lib. 2.

‘irrumperere, in ffordibus aurium, tanquam in visco,
 ‘inhaeresceret. Extra autem eminent quae appellan-
 ‘tur * aures, et tegendi causa factae, tutandique sen-
 ‘sus; et ne adiectae voces laberentur atque errarent,
 ‘priusquam sensus ab his pulsus esset: Sed duros et
 ‘quasi corneolos habent † introitus, multisque cum
 ‘flexibus, quod his naturis relatus amplificatur sonus.
 ‘Quocirca et in fidibus testudine refonatur aut cornu,
 ‘et ex tortuosis locis et inclusis referuntur ampliores.’

Celsus haec [de auditu] habet ‡, ‘In aure quoque
 ‘primo rectum et sinuosum iter procedendo flexuo-
 ‘sum fit. Quod juxta cerebrum in multa et tenuia
 ‘foramina deducitur, per quae facultas audiendi est.’

Galenus, qui post Ciceronem et Celsum vixit, pauca
 de hoc sensu scripsit ||. ‘*Ἀλλ’ ἐπεὶ ψοφός καὶ φωνὴ τοῦτ’*
ἢν’ εἰτ’ οὐν ἀπὸ πεπληγμένου, εἰ τε καὶ πληξὶς τις αἰσθῆ
χοῦσα (διαφέρει γὰρ οὐδέν) εἰ μόνον τοῦθ’ ἐν ὁμολογοῖτο, τὴν
ἐκ τῆς πληγῆς κίνησιν, οἶται κύμα προϊούσαν ἐπὶ τὸν ἐγκέφα-
λον ἀνιέναι δεῖν.

Recentiores vero de hoc sensu diversissime opinan-
 tur: Horum opiniones non enumerabo, sed vulgarem
 redarguere et aliam stabilire conabor.

PROPO.

* Inter recentiores appellantur auriculae, partes internae vero au-
 res.

† Meatus auditorius.

‡ De medicina, lib. 8. cap. 1.

|| De usu partium, lib. 8.

PROPOSITIO I.

Membrana tympani non contrahitur vel relaxatur, quo aptaretur sonis, quatenus acutis vel gravibus *.

Quia, si ita res sese habuerit, nemo duos aut plures sonos diversos potuerit simul audire; nam membrana tympani, tono unius soni tantum potest eodem tempore aptari; ergo soni caeteri inanes evaderent.

Sed musicorum cultores, inter sonos per plurimos harmonicos concentum percipere possunt; singulos eadem perspicuitate audientes.

Absurdum vero est dicere, quod impossibile est audire plus quam sonum unum; et possibile est audire sonos plurimos eodem tempore.

Ergo usus hujus membranae non est ut aptaretur tono soni alicujus.

Experimenta et observationes, quae sequuntur, hanc propositionem illustrabunt.

Quando duratio soni sit perbrevis, impossibile est adaptare membranam tympani ejus tono; tamen eum distincte audimus.

Plurimi facultatem habent, fumum Nicotianae, in os receptum, per aures adigendi; et hi, aequè ac illi hac facultate carentes, sonos audire possunt †.

Celebris noster Professor Anatomicus, in praelectionibus suis, historiam narrat cujusdem, qui ossicula, ex aure sua elapsa, sine ullo aut saltem magno auditus detrimento

* Vide Boerh. inst. 554. Du Verney de l'Ouie, p. 2. Dr Whytt's essay on the involuntary motions, § 7, &c. ubi haec propositio negatur.

† Cheseld. anatom. lib. 4. cap. 5.

detrimento, secum in pyxide portavit. Similem quoque Chefelden narrat *.

Idem membranam tympani canis perforavit, tamen sensum auditus minimi abstulit † : Sed si haecce membrana tam immediate et essentialiter necessaria fuisset ad audiendum, oportet auditum periisse, simulac disrupta fuisset. Willisius dicit, quod canibus, quorum membranas perforavit, audiendi facultas perivit : Ratio patet, quia scilicet, via patefacta, molecule et fordes auris internae partes teneras et molles obduxerint, atque insensibiles reddiderint.

Impossibile est membranam tympani aptare sonis valde complexis, atque compositis a multis sonis simplicibus, aliis acutis, aliis vero gravibus, inharmonice conjunctis : Hujus generis sunt illi, qui a corporum collisione fiunt, ut strepitus plaustrorum, per vias inaequales euntium, et cum fluvius vorticibus rapidis in mare prorumpit ; tamen tales sonos recte distinguere possumus ‡.

Et quod mirabilius est, voces hominum diversas dignoscere possumus, etsi omnes eadem lingua eodemque tono loquerentur : Ex quibus colligere possumus plures qualitates, praeter acutam et gravem, sono inesse ; de quibus haec habet Cicero : ‘ || Auriumque
‘ item est admirabile quoddam, artificiosumque judi-
‘ cium ;

* Chefeld. anatom. lib. 4. cap. 5.

† Ibid.

‡ Talem sonum sic esse compositum, ex hoc apparet, quod ¶ spondanti illum concinne resonant, nervis aptis respondentibus diversis tonis a quibus hic sonitus componitur.

|| De natura deorum, lib. 2.

¶ Organum musicum fidiculis intentum et pinnularum tactu resonans ; Ang. a *Harpsicord*.

‘cium; quo judicatur et in vocis et in tibi-
 ‘vorumque cantibus varietas sonorum, intervalla, di-
 ‘stinctio, et vocis genera permulta: Canorum, fuscum;
 ‘laeve, asperum; grave, acutum; flexibile, durum: *
 ‘Quae hominum solum auribus judicantur †.’

Nunc veniendum est ad usus quibus vere inservit
 membrana tympani. Omnes auctores consentiunt de
 hoc, quod scilicet aurem internam a moleculis, infec-
 tis in aëre volitantibus, aliisque noxiis corpusculis, op-
 time defendit; atque etiam aëra externum (qui saepe
 nimis frigidus vel humidus est) intrare prohibet. Sed
 usus praecipuus videtur esse hic, qui in sequenti pro-
 positione ostenditur.

PROPOSITIO II.

Membrana tympani relaxatur vel contrahitur, quo ap-
 taretur sonis, quatenus fortibus vel debilibus.

Haec membrana officula habet et musculos, qui
 eam, cum occasio requirit, relaxare vel constringere
 possunt; relaxare scilicet, ut sonum, cum sit nimis for-
 tis,

* Fortasse hoc non est stricte verum; nam perplura animalia sen-
 sum auditus subtilissimum habent.

† De hoc perpulere loquitur LUCRETIVS:

- ‘Nec simili penetrant aureis primordia forma,
- ‘Quam tuba depresso graviter sub murmure mugit,
- ‘Aut reboant raucum retrocita cornua bumbum;
- ‘Vallibus et cycni gelidis orti ex Heliconis
- ‘Cum liquidam tollunt lugubri voce querelam.

Lib. 4. 547. &c.

tis, (ne auris partes tenerae laederentur) obtunderet *, et gratiorem redderet; constringere vero, ut sonus cum sit parvus et debilis (ne aures confuse penetraret) minime obrueretur.

Membranam tympani relaxari, cum sonus nimis validus sit, sic ostenditur :

Quando tormentorum explosiones, serie continuata, percutiunt aures, prima sequentibus ingrator est; quia nimirum minime parati sumus in primam, sed ab ea excitati, quo sequentes suffocarentur, membranas tympani relaxamus.

Fere observatur, quod molitores, vel qui in molis habitant, sunt audiendi hebetiores quam alii. Ratio a praesenti hypothese facile demonstratur.

Streptitus perpetuus, (quem aquae prorumpentes atque saxorum et rotarum collisiones edunt) hos suas membranas cogit fere semper laxas retinere, quo minus aures crepitu turbarentur: Quamobrem muscoli, qui membranae tympani contractioni inserviunt, longa inertia suam vim ferme amiserunt, nec amplius possunt eam satis contrahere, quo sonos ordinarios transmitteret.

Nunc progrediendum est ad ea quae videntur demonstrare, quod membrana tympani constringitur, cum sonus nimis debilis sit.

Chefelden observat, quod canis, cujus membranam tympani dirupit, a fortibus sonis magno horrore affectus fuit †, quia scilicet sonos, amisso instrumento, obtundere non potuit.

In

* Notissimum est, praecipue inter musica versantibus, quod lecti vela atque aulaeae, maxime quae laxa sunt et pendentia, instrumentorum sonos valde obtundunt, eos fuscis et ingratos reddentia.

† Anatom, lib. 4. cap. 5.

In februm initio, praecipue nervosarum, aegri plerumque a minimis sonis dolore afficiuntur. Causa videtur esse, quod membrana tympani, propter suorum musculorum contractionem irregularem *, et ob defectum humoris assueti, non potest sonos vel minimos obtundere; aegri vero, in febris declinatione comate affecti, (fractis jam viribus et fere omnibus sensibus ablati), ne vel sonitus maximos audire possunt.

Cum requirimus ut aliquis voces distincte audiret, fere verbo [*intendo*] utimur, quod significat *ures applicare*, vel *animum advertere*; sed si hypothesis hic oblata vera sit, eo magis philosophice utimur, et significabit *membranam tympani tendere vel tensam reddere*, ut magis distincte sonos audiremus.

Cum ex antedictis appareat, quod membrana tympani nullo modo tam necessaria est ad audiendum, quam vulgo putatur; si forte fuerit collectio puris, sanguinis, vel alicujus materiae in parte auris interna, licebit perforando membranam tympani exitum illi praebere †: Sed eam debemus a pulvere et infectis tutare, velamine tamen quodam tenui et membranoso, ne (secundum hypothesein jam traditam) soni obtunderentur: Possumus hoc velamen amovere, cum occasio requirit, ut meatus auditorius a fordibus detergatur.

Quidem auctores putant, quod cochlea est organum
auditus

* Si, vel ab inaequali spirituum animalium distributione, musculus internus fieret convulsus, vel musculus externus paralyticus, relaxatio membranae tympani non fieri potest, Vide Cowp. Myot. tab. 26. fig. 4.

† Quoniam membrana tympani inferior est quam tuba Eustachiana, si esset materies morbosa fluida in auris cavitate, ad illam deferretur, et per hanc difficiliter transiret.

auditus praecipuum; sed, si ita res esset, quomodo aves audiunt? nam nullam habent cochleam.

Iidem dicunt, quod diaphragma, quod dividit cochleam in duas cavitates, et est partim osseum partim nervosum, omnibus tonis aptatur; ejus enim fibrae nervosae, cum sint diversarum longitudinum, in vibrationes agitantur ab omnibus tonis; breviores nimirum ab acutioribus, longiores vero a gravioribus*. Sed hoc, quia nervorum vibrationes ab omnibus philosophis merito rejiciuntur, nulla refutatione eget.

Sonus in auris diversis cavitatibus eodem modo modulatur ac in tubis stentorophonicis, de quo sic loquitur Philosophus: ‘Sed et cur soni in tubis stentorophonicis valde augentur ex allatis principiis manifestum est. Motus enim omnis reciprocus singulis recurribus a causa generante augeri solet. Motus autem in tubis dilatationem sonorum impredientibus tardius amittitur et fortius recurrit, et propterea a motu novo singulis recurribus impresso magis augetur†.’

Nulla peculiari structura aurium egemus ad tonos diversos percipiendos, nisi ut fluidum nervorum auditoriorum sit elasticum‡, qualis est aer; nam hic potest vibrare secundum omnia tonorum genera eodem tempore.

Videtur esse perpulchra analogia inter auditum et visum: De hac pauca dicere conabor, et primo de ea inter pupillam et membranam tympani.

Ut

* Du Verney; Haller. primae lineae 492.

† Natural. philosoph. princip. mathem. lib. 2. prop. 50.

‡ Vide Newton's Optics, book. 3. query 23.

Ut non mutamus tensionem membranae tympani pro septem sonis musicis, eorumque intervallis et compositionibus; sic non mutamus amplitudinem pupillae pro septem primariis coloribus, eorumque intervallis et compositionibus.

Atque ut pupillam minuimus, ut lucem nimis fortem, ne retinam teneram laederet, suffocaremus; sic membranam tympani relaxamus, ut sonum nimis validum, ne partibus auris teneris injuriam afferret, obtunderemus.

Et vice versa, pupillam amplificamus, et membranam tympani tensam reddimus, ut minime suffocaremus vel obtunderemus lucem vel sonum, cum hic vel illa nimis debilis sit*.

Magna etiam similitudo est inter auditus et visus objecta. Sine his sensibus perirét omnis consociatio hominum et communitas; et ope horum omnes ideas complexas alii cum aliis communicamus.

Per *hunc* commercio fruimur cum mundi parte muta et ferena; per *illum* cum parte intellectuâli. Ope *illius* cum hominibus viva voce, *hujus* cum auctoribus mortuis et antiquis, silentio colloquimur. Ille aevi praesentis mores explicat; hic thesauros inexhaustos antiquitatis pandit.

Artes ingenuae sunt horum sensuum propria objecta: *Hujus* artis graphicae decor et elegantiae; *illius* vero harmoniae sonorum modulatorum deliciae.

Hic, ne ultra fines propositos tenderet, huic tentamini finem imponere volo; quamvis tot tantaque vo-

VOL II.

F

lumina

* Vide Newton's Optics, book I. part 2. prop. 3. ubi analogia inter septem sonos et septem colores ostenditur.

lumina de hoc argumento scripta sunt, et licet adhuc plura conscribere.

Sic finito labore, pauca de incepto addenda sunt.

In tentamine hocce, clarissimorum virorum opiniones, et inter eos Praeceptoris nostri eruditi, exquirere ausus sum; sed tantum prae veritatis et scientiae naturalis amore, et modo philosophandi quem docuit Newtonus, scilicet *experimento et inductione*.

Si hac methodo indagandi secreta naturae non liquisset uti, *libro de motibus involuntariis* nunc etiam egeremus.

Hac methodo usus summus ille Newtonus, phantasmata futilia et **insomnia vana** Aristotelis et Cartesii evanescere coegit.

Nunc denique me oportet gratias reddere meis eruditissimis Praeceptoribus, hujus almae Academiae Professoribus medicinae dignissimis, ob eruditionem sub eorum auspiciis haustam, et multa alii beneficia, quae ad ultimum vitae terminum recordabor.

F I N I S.

DISSERTATIO PHYSIOLOGICO-MEDICA
I N A U G U R A L I S,
D E
C O N C E P T U.

Q U A M,
ANNUENTE SUMMO NUMINE,
Ex Auctoritate Amplissimi SENATUS ACADEMICI,
Et nobilissimae FACULTATIS MEDICÆ decreto,
P R O G R A D U D O C T O R A T U S,
SUMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS;

Eruditorum examini subjicit
S A M U E L M E R R I M A N,
A N G L U S.

Ad diem 6. idus Junii, hora locoque solitis.



E D I N B U R G I:

M, DCC, LIII.

CONFIDENTIAL

UNITED STATES DEPARTMENT OF JUSTICE
FEDERAL BUREAU OF INVESTIGATION

WASHINGTON, D. C. 20535

DATE: 10/10/68

TO: DIRECTOR, FBI

FROM: SAC, NEW YORK

SUBJECT: [REDACTED]

RE: [REDACTED]

1. [REDACTED]

2. [REDACTED]

3. [REDACTED]

4. [REDACTED]

5. [REDACTED]

6. [REDACTED]

7. [REDACTED]

8. [REDACTED]

9. [REDACTED]

10. [REDACTED]

11. [REDACTED]

12. [REDACTED]

13. [REDACTED]

14. [REDACTED]

15. [REDACTED]

16. [REDACTED]

17. [REDACTED]

18. [REDACTED]

Viro praestanti,

ALEXANDRO SUTHERLAND, M. D.

Ob artis Medicae peritiam insignem,

Ingenii suavitatem,

Morum elegantiam,

Aliaque omnes honesti animi dotes,

Conspicuo ;

Beneficiis quamplurimis devinctus,

Hoc quaecunque tentamen medicum,

Grati animi indicium,

D. D. D.

SAMUEL MERRIMAN.



DISSERTATIO PHYSIOLOGICO-MEDICA

I N A U G U R A L I S,

D E

C O N C E P T U.

QUONIAM ab almae hujus Academiae legibus sancitum est, ut ii, qui ad Doctoratus gradum aspirent, et publicam sibi salutem permitti velint, scientiae et peritiae suae medicae specimen quoddam in apertum proferant; fert igitur animus de Conceptu pauca dicere, quae mihi, de hac re meditati, imprimis notatu digna videntur.

Ignoscat autem mihi lector benevolus, quod rudis et tenuis tantum ingenii (quod sentio quam in me sit exiguum) rem adeo difficilem atque obscuram tractare ausim; non enim eo arrogantiae processu, ut quid novî luminis celatae huic naturae operationi adhibere me posse existimem. Ultimis satisfactum erit votis, si
ea,

ea, quae de hac re cognita sunt, recte intellexisse videar.

Omiffa igitur anatomica descriptione partium in utroque sexu generationi infervientium (quoniam propofita haud finit brevitās, ut in iis morer, quae ab omnibus medicinae ftudiofis inter rudimenta difcuntur) totus accingor ad explicandas vias per quas fēmen tranfit, et mutationes quas fubit, ex eo tempore quo primum in uterum injicitur, ufquedum perfectus tandem, atque omnibus membris organifque abfolutus, vivus in utero gēftetur foetus.

Forfan autem non abs re erit breviter memoraffe praecipuas earum, quae de conceptione maxime invaluerunt opiniones; tum ut quanto cedunt huic, quae hodie univerfum fere obtinet affenfum, tum, ut, quibus haec innititur fundamentis, clarius cernamus.

Apud veteres inter res obfcuras obfcuriffima femper habita fuit conceptio; ideoque de ejus materia, loco, et caufa efficiente, nihil certi ex iis hauriri poteft.

Solomon, hominum fui temporis fapientiffimus, inter ifta Dei opera, quae fubtiliffimam humani ingenii aciem fuperant, memorat animae viam in foetum, ejuſque formationem in utero gravidae*.

Hippocrates materiam conceptionis ftatuit utriufque ſexus ſemen, debita proportionē, in uterum immiſſum, ibique commiſtum; ait quippe, ‘ Et in viro
‘ tum muliebri, tum mafculinum ſemen ineſt; eodem-
‘ que modo in muliere ſe habet; mafculinum autem
‘ foeminino robuſtius eſt. Utrumlibet vero copia ſu-
‘ perarit illud ipſum generat. Si namque debilius ſe-
‘ men

* Eccleſiaſt. 2. 5.

‘men multo majore copia valentius superet, evincitur
 ‘quod valentius est, et debili permixtum ad foeminam
 ‘transfertur. Quod si validum debili copiosius fuerit,
 ‘superatur debile, et ad marem redigitur*.’ Quam-
 vis autem Hippocratis sententia de materia conceptio-
 nis longe a veritate aberret, haud tamen illum latebat,
 futuri foetus rudimenta, immediate fere post concep-
 tum, ovi formam induere; de abortu enim sex dierum
 loquens, ‘Ut si quis,’ ait, ‘ovo crudo testam undique
 ‘auferat, in quo interiore membrana contentus hu-
 ‘mor pelluceat, ad hunc fere modum se habebat li-
 ‘quor ille; praetereaque ruber erat et rotundus†.’

Aristoteles in eo ab Hippocrate discrepat, quod fe-
 minis foeminini, proprie sic dicti, existentiam neget‡,
 atque ex femine masculino, menstruo sanguini admi-
 sto, foetum formari velit; prout ex ipsius verbis patet:
 ‘Cum foeminae excrementum in uterum constitit,
 ‘a genitura maris fit tanquam lactis coagulum. Coa-
 ‘gulum enim lac est, continens calorem vitalem, qui
 ‘partes similes ducit eodem, et unit atque constituit;
 ‘et genitura ita se habet ad menstruorum naturam.’
 Atque alibi, ‘Semen maris, cum accessit in foeminae
 ‘uterum, partem purissimam excrementi constituit,
 ‘atque coagulat, materiamque in utero paratam tali
 ‘motu transmutat, donec foetûs aliquid fiat. Postea,
 ‘licet semen, peracto motu, evanescat, pars quaedam
 ‘existit foetus, eademque animata, quae seipsam jam
 ‘auget, et gubernat, perinde ac filius, a patre eman-
 Vol. II. H ‘cipatus,

* Hippoc. lib. de genitura.

† ——— de natur. puer.

‡ Arist. de gen. anim. lib. I. c. 20.

‘cipatus, feorsumque collocatus *.’ Novit etiam Aristoteles oviformia esse omnigenorum animalium primordia; inquit enim, ‘Quae intra se pariunt animalia, iis quodammodo, post primum conceptum, oviforme quiddam efficitur; humor enim in membrana tenui continetur, ac si ovi testam detraxeris.’ Atque iterum, ‘Omnia, tum natatilia, tum volatilia, tum pedestria, sive animalis, sive ovi forma proveniunt, simili modo gignuntur †.’

Galenus semen virile cum muliebri misceri affirmat, atque ab eo nutriri, adeo ut virile semen conceptionis materiam praebeat, muliebri autem pabulum atque alimentum suppeditet ‡.

Magna hinc postea inter philosophos et medicos orta est lis. Medici enim plerique, Hippocratem et Galenum secuti, primam conceptionis materiam a seminum maris ac foeminae commistione, eorumque mutua actione et passione, proficisci volunt; dum philosophi, ex Aristotelis sententia, maris semen causam tantum efficientem, sanguinem autem menstruum materiam esse, affirmant, ex qua formatur foetus.

Fabricii ab Aquapendente ||, Sennerti ¶, multorumque aliorum opiniones huic adduci possent; sed ad recentiorum inventa properandum est, ne angustos hujus dissertatiunculae excedam limites.

Circa medium igitur seculi ultimo elapsi, viri ubique docti, excusso veterum iugo, et rejectis vanis atque

* Arist. de gen. anim. lib. 2. c. 4.

† ————— lib. 3. c. 9.

‡ Galen. de semine, lib. 1.

|| De form. ovi et pul. et de form. foetu.

¶ Instit. med. et de gener. vivent.

que futilibus aliorum figmentis, naturae arcanis indagandis sedulo incubuerunt; et fida innixi experientia, novam omnino, atque certiore, ad scientias adipiscendas semitam investigarunt. Inter hos vero primum sibi facile vendicat locum immortalis Harveius, qui damas a rege suppeditatas *, variaque alia animalia, diversis a coitu temporibus, cultro anatomico subiecit, in hunc scilicet finem, ut conceptionis locum, materiam, causamque efficientem indagaret. Hic, observationibus pariter ac ratiocinio fultus, foemininum † semen ad foetus formationem minime conducere affirmat, in quo cum Aristotele consentit; sed ex sanguine menstruo foetum formari posse omnino negat ‡. Neque equidem vult Harveius principium, ex quo formatur foetus, masculino inesse femini, ‘quod nec in
‘uterum ingredi, nec in eum attrahi, nec uspiam intra foeminam reservari, asserit, sed vel evanescere, vel
‘elabi; nec quicquam, vel ante coitum, vel in ipso
‘coitu, aut statim post coitum in utero reperiri, quod
‘futuri foetus materia, aut efficiens, aut principium
‘haberi potest ||.’

Causam conceptionis efficientem ponit Harveius contagionem quandam per coitum foeminae impertitam: ‘Quoniam,’ inquit, ‘genitura maris contagione
‘duntaxat quadam (non quia jam tangens et operans,
‘sed quia antea tetigit) foecunditatem apportat, videtur sane foemina, post tactum in coitu spermaticum,
‘eodem modo affici, nulloque sensibili corporeo agente,
‘te,

* Harv. de gen. animal. exercit. 64.

† Ibid. exercit. 34.

‡ Ibid. exercit. 31.

§ Ibid. exercit. 49.

‘te, prolifica fieri, quo ferrum, a magnete tactum, hujus statim vi dotatur, aliaque ferramenta ad se allicit. Accepta nimirum semel virtute illa, quam diximus plasticam, exercet generandi facultatem, similemque sui procreat, non secus ac planta, quam utriusque sexus viribus imbutam cernimus.’ Et paulo post, ‘Cum adeo substantia uteri ad concipiendum parati sit cerebri constitutioni persimilis, quidni merito suspicari liceat utriusque functionem esse similem? et, quod phantasma sive appetitus est in cerebro, istuc idem, vel saltem ejus analogum, a coitu in utero excitari, unde generatio sive procreatio ovi contingat? Functiones enim utriusque conceptiones dicuntur, suntque ambae immateriales, licet principia sint omnium totius corporis actionum.’ Ex omnibus igitur colligit, ‘Conceptum naturalem in utero foeminae oriri, sicut in cerebro fit conceptus animalis*.’

Locum denique conceptionis Harveius uterum statuit, in quo prima viderat futuri foetus rudimenta; testiculos vero foemininos nihil ad rem facere affirmat, ‘quos nec turgere,’ ait, ‘nec quicquam a solita constitutione, sive ante coitum, sive post ipsum, variare, neque ullo indicio utilitatem aliquam, vel ad coitum, vel ad generationem asferre†.’

Anatomici autem quam plurimi huic Harvei opinioni haud assentiebant, quod causam nimis vagam, et tali effectui producendo imparem, posuisset. Rei vero novitate allekti, ad animalia vivipara, variis a coitu temporibus, dissecanda, sedulo sese accinxerunt; tum

ut

* Harv. de conceptu.

† — de gener. anim. ex. 65.

ut quae fides adhibenda esset Harveii observationibus experirentur, tum ut rem ulterius perscrutarentur, et unde oviforme hoc futuri foetus primordium suam traheret originem indagarent.

Experimentis igitur, (quorum plurima instituit in cuniculorum foemellis, variisque aliis animalibus) innixus Regnerus de Graaf ova haecce, in quibus prima foetus stamina viderant praefati authores, nequaquam a femine foeminino provenire asserit, nec ex utriusque sexus femine commisto, nec a sanguine menstruo, nec a contagione, aut vi magnetica utero per coitum impertita oriri, nec denique uspiam in utero progigni affirmat, sed ipsissimas esse bullulas, sive vesiculas, quae ante coitum in testiculis foemininis extiterant, et quae ab omnibus fere anatomicis fuerant descriptae, licet verus earum usus haecenus lateret *. Capsulas enim, seu folliculos exinanitos, in ovariis (quo nomine postea donati fuerunt testiculi foeminini ob analogiam quam habent cum ovariis avium) ovulis in utero repertis numero semper aequales invenit, in hisce folliculis foramina per quae exierant ova detexit, tubam Fallopianam ovarium arcte amplectentem reperit, ac denique ovula ex ovario in uterum per tubas transmigrantia interceptit †.

Deerat autem adhuc principium quoddam vivificans, quod futurum foetum sui juris facere posset; licet enim concederemus (quod tamen minime concedendum censeo) vel purissimas feminis particulas, seu auram feminalem, vel fermentationem quandam inter
utriusque

* Graaf de mul. organ. c. 12.

† Ibid. c. 16.

utriusque sexus, femina, vel virtutem feminis plasticam, seu architectonicam, vel denique vim magneticam utero impressam, eisdem semper edere effectus, atque eodem modo artus, viscera, aliaque organa tam exacte atque concinne producere posse, massam tamen inertem atque inanimatam fore necesse est: Rem autem longe aliter se habere clare videmus; nam, (ut poetae verbis utar)

Spiritus intus alit, totamque infusa per artus,

Mens agitat molem. ————— VIRG. Æneid. 6.

Vita foetus fruitur propria, ac membra sua in voluntarios deducit motus.

Hoc autem inventum perspicacissimo debetur Leuwenhoeckio, qui futuri foetus primordium nec in utero, nec in ovariis formari, sed ante coitum, in patris femine, vivum atque visibile extitisse affirmat. Optimis enim adhibitis microscopiis, semen, e vesiculis feminalibus recenter expressum, innumerabilibus scatere animalculis, celeri motu cursitantibus, ac pro arbitrio huc illuc sese flectentibus, vidit. Animalcula haecce capite globoso descripsit, cum cauda oblonga, et tota ferme figura gyrinos referentia. In nonnullorum autem animalium femine tam exilia reperit, ut eorum 10,000 unius fabuli grani magnitudinem vix aequarent*. Haec a Leuwenhoeckio visa multae exinde aliorum confirmarunt observationes, adeo ut vix dubitandum sit talia animalcula omni prolifico inesse femini; licet enim aliqui viva esse denegarint, quod talem fere motitantium corpusculorum apparentiam in aliis corporis

* Leuwenhoeck, sparsim.

corporis humoribus invenerunt, ipso tamen fatente Verheyno *, in hisce humoribus, recenter e corpore e-
ductis, nulla ejusmodi particularum agitatio cerni po-
test; quare verisimile videtur humores, in quibus talis
apparuit motus, vel e corpore morbofo fuisse desump-
tos, vel in putredinem ex remora abiisse, atque ita flui-
di motum intestinum, qui a bullulis ab aëre elastico se
liberante ruptis proveniebat, animalculorum semini
innatantium speciem prae se tulisse. Semen autem
morbofum nulla omnino, et sanum, quo diutius con-
servatum, eo pauciora exhibet animalcula, quae sensim
languidiora deveniunt, donec tandem omnis eorum
motus perfecte cessat.

Aliis animalculorum numerus objectionis ansam
praebuit: Quorsum enim dicunt, tantum animalium
dispendium? Quem in finem incredibilem et fere im-
mensam eorum copiam fingendo natura laborem im-
pendit, cum tamen unicum, ut plurimum, raro duo
vel tria perveniant ad perfectionem? Haec autem ob-
jectio minutum sapit philosophum, et nimis anguste
de Deo sentientem, cui multo facilius est myriades a-
nimalium, immo mundorum, creare, quam nobis qui-
dem manum movere, vel etiam cogitandi facultatem
exercere; praeterea, quod quo plura sunt animalcula,
eo magis probabile fit unum eorum in ovum intrandi
nacturum esse sortem, (si modo in hoc negotio quid
forti tribuendum sit); nam si dimidia tantum pars ho-
rum semini inesset, dimidium coituum, quos foecun-
dos cernimus, fuisset irritum.

Alii

* Verheyn, anat. lib. 2. tract. 1. c. 15.

Alii denique animalcula in femine esse negant, quod hybrides omnes, quotquot novimus, matrem aequae ac patrem figura referant. Si vero, dicunt, pater totam conceptionis materiam praebeat, mater autem solummodo nidum et nutrimentum, qui fit ut animalcula, in cujuscunque femellae uterum inciderint, non semper patris formam adipiscantur? Respondeo, hoc forsitan alimento deberi, quod mater foetui suppeditat; quemadmodum et in plantis videmus, naturam soli valde diversam, non tantum vires earum, verum etiam formam, atque colorem, mire mutare. Praeterea, quod omnibus notum sit, quantum valet lac nutricis, tum ad animi qualitates, tum etiam ad corporis figuram mutandam; ita agnus, recenter natus, caprae lactanti commissus, naturam et formam caprinam, atque pilos hirsutos, ex ipsis caprae uberibus (ut ita dicam) exsugit. Quod si animalis corpus, post partum, ab alimento quo utitur tantum affici potest, quid mirum, si tenellus in utero foetus induat similitudinem matris, cujus fluida in vasa sua continuo haurit, ex quibus demum fluidis conflantur omnes solidae corporis partes? Denique, vis gravidae imaginantis clare docet quantum foetus forma a matre pendeat.

Hae igitur objectiones nequaquam me a sententia dimovere valent, quin adhuc animalcula femini inesse credam: Unde autem in semen deriventur, aut quomodo ibi nutriantur, plane me ignorasse fateor; neque equidem conjecturam quamlibet asserere aulam, ne obscurum reddam obscurius. Optime sane de hujusmodi mysteriis monet Lucretius:

Multa

Multa sacro tegit involuero natura, nec ullis
 Fas est scire quidem mortalibus omnia; multa
 Admirare modo, nec non venerare. —————

His igitur praemissis, videamus tandem, quomodo ex Graafii et Leuwenhoekii observationibus (utpote quas veritati maxime consentaneas censemus) foemina impregnari, et foetus formari potest.

Semen itaque masculinum (vel saltem pars ejus) vivis scatens animalculis, in uterum muliebrem immititur, ibique retinetur. Uterus tunc temporis turget, riget, et leniter inflammatur; unde ejus fibrae paulo distrahuntur, et magis sensiles evadunt, atque, ex titillatione immissi feminis, in motus forsan inordinatos et convulsivos deducuntur, unde semen versus orificia tubarum Fallopianarum impellitur. Hae interim ab orgasmo venereo rigentes, expansis fimbriis, ovaria arcte amplectuntur: Semen eas intrat, per ostiola in uterum, nunc tumentem quasi et distentum, apertius dehiscencia, atque internam earum superficiem blande titillat, unde fibrae musculosae * in motum quasi peristalticum contrahuntur. Semen itaque per tubas transiens ovario occurrit, ejusque superficiem alluit, ovum maxime maturum parte incredibiliter parva, in qua tamen vivum continetur animalculum, intrat: Hinc a stimulo sanguis versus ovarium majori copia determinatur, ovi vasa dilatat, ejusque tunicas expandit; unde majus fit ovum, quam quod calici suae insidere possit, rumpuntur exilia vascula quae communicationem inter ovum atque ovarium praebebant, mem-

VOL. II.

I

brana

* Winflow, *expos. sit. anatomique*, § 8. No. 611.

brana ovarii elevatur, diffunditur, ovo exitum praebet, quod, fructus instar maturi, e calice sua decidit, in tubam Fallopianam recipitur, et ad uterum deferitur.

Huic autem conceptionis systemati multa a variis authoribus opponuntur; praecipuis quorum objectionibus ordine respondere conabor.

Imprimis igitur nonnulli, Harveium secuti, semen masculinum uterum ingredi omnino negant; nec nos quidem, tanto adversante viro, ausi fuerimus asserere, ni plurima essent, tum a veteribus, tum a recentioribus fide dignissimis, observata, quae his Harveii experimentis repugnant. Praeterea quod, annotante Diemerbroeckio *, maxime verisimile sit virum clarissimum hac in re plurimum falli, dum animalia dissectuerit, quae vel omnino non conceperant, vel quibus semen, prae mortis timore, ex utero effluxerat; vel denique forsan in istis animalibus semen, parva tantum quantitate, uteri ejusque cornuum totam internam superficiem adeo tenuiter oblinebat, ut visum penitus effugeret; quod in cane femella observavit Leuwenhoekius, in cujus tubis, nudis oculis, nihil seminis masculini conspiciere potuit; bono autem adjutus microscopio, immensam viventium animalium copiam, semen nempe canis masculi, contemplatus est †. Certum quidem fuit ab antiquissimis temporibus conceptionis signum, si semen intus remanserit. Hippocrates ait, 'Post coitum, siquidem mulier haud conceptura sit, semen, ab utrisque emissum, pro more foras cum vo- let profluit; quod si conceptura sit, semen minime foras profluit, sed in ipso utero manet, eo namque ex- cepto,

* Diemerb. anat. lib. I. cap. 28.

† Leuwenhoek, anat. et cont. 2. p. 153. 154. 158.

'cepto, uterus clauditur, et retinet *.' Eadem ferme memorat Galenus, aitque praeterea, hoc sibi non solum a Zootomicis relatum fuisse, sed seipsum frequentius experimentum instituisse, semperque, a foecundo coitu, semen in utero reperisse †. Huc quoque spectant exempla mulierum, quibus, ob situm oris uteri obliquum, nec semen facile admittentis, nullus omnino, vel saltem difficilis fit conceptus. Verheyneus etiam, in propria uteri cavitate vaccae, sedecim post coitum horis mactatae, notabilem invenit feminis quantitatem; nempe humoris, illi, quem alias ex tauri vesiculis seminalibus exprefferat, ad oculum plane similis ‡. Ruyschius denique semen vidit in utero meretricis pulcherrimae, quam statim a coitu, magna industria exorato, miles classiarius jugulaverat §.

Alii autem, semen uterum ingredi consentientes, aiunt se minime concipere posse, quomodo in tubas semen viam faciat, quandoquidem earum orificia versus uteri cavitatem adeo exigua sint, ut setam porcinam vix admittant. Advertendum autem est, quod in cadavere flaccida omnia atque collapsa sunt. Tubae, quae post mortem contractae et angustatae conspiciuntur, ab oestro venereo rigentes, patulis forsan orificiis in uterum dehiscebant. Praeterea quod semen in tubis passim reperit Leuwenhoeckius, et Ruyschius historiam narrat foeminae, quae a marito in adulterio deprehensa occisa fuit, cujus uterum atque tubas semine albo, bene cocto, refertas invenit ¶.

Aliis

* Hippoc. lib. de genitura.

† Galen. de semine, lib. 1. cap. 1.

‡ Verheyn. anat. lib. 2. tract. 5. cap. 3.

§ Ruysch. adv. 1. dec. 1. tab. 2. fig. 3.

¶ Ruysch. Thesaur. 6. No. 21.

Aliis incredibile videtur tubarum fimbrias laxa, et in abdominis cavo fluitantes, ovaria amplecti posse. Hoc autem in avibus fieri certo scimus, quorum infundibulum longius ab ovario distat, quam tubarum extremitates laciniatae in hominibus. De Graaf etiam in cuniculis *, alique in variis aliis animalibus, tubarum membranofam expansionem testibus arctissime applicatam saepe invenerunt. Notatu quoque dignum videtur, quod in omnibus animalibus haec tubae extremitas ovario plus minus conjungitur, vel ope membranae connectentis, vel longissimi fimbriarum segmenti †, usque ad ovarium exporrecti quo fimbriae expansae versus ovarium dirigantur.

Licet vero, dicant alii, et semen tubas intrare, et tubas ovaria amplecti concederemus, qui tamen fieri potest, ut animalculum in ovum sese insinuet, cum ovarium duplici vestiatur membrana, nec foramen in ejus substantiam penetrans cuiquam haecenus innotuerit? Hanc quidem gravissimam esse objectionem lubens fateor; quidni autem merito suspicari liceat, tale foramen exilissimum (neque equidem magno opus est, cum animalculum decies millies grano sabuli minus sit) extare in membrana ovarii a coitu tumidi, rubri, et inflammati, in hac autem membrana post mortem flaccida atque contracta visum penitus effugere? Certe quidem tuberculum, seu papilla, quae in ovarii superficie aliquot post coitum diebus conspicitur, foramine pertunditur, ut exeat ovum, quo facto, iterum subsidit tuberculum, et foramen evanescit ‡, quamvis multo

majus

* De Graaf, de mulier. organ. cap. 16.

† Winslow exposition anatomique, § 8. No. 610.

‡ Graaf, de mulier. org. cap. 14.

majus fuisse necesse est, quam quod animalculo transeunti requiritur. Si vero minus arrideat haec opinio, quid obstat, quin credamus venas ovarii bibulas, feminis partem aliquam absorbere, atque ad ovum deferre, ubi fovetur animalculum maxime vegetum, suffocatis caeteris quae minus vivacia fuerunt?

Nonnulli autem systema hoc tot difficultatibus cinctum respuentes, aliud excogitarunt, quod ovi foecundationem multo facilius explicare judicant: Credunt quippe, tempore coitus, ovum ex ovario avelli, et per tubas ad uterum transmitti, ubi virili occurrens semini foecundatur ovum, animalculo per disrupta vasa irrepente. Neque equidem in totum negavero, conceptum hoc modo aliquando fieri; sed ovum in ovario saepius foecundari certissime docent foetuum historiae, qui vel in tubis, vel in ovario, vel etiam in abdominis cavitate, illaeso utero, fuerunt reperti, qualia passim apud auctores leguntur exempla*. Huic etiam opinioni repugnant Graafii experimenta, qui ovula ovario adhuc inhaerentia, aliquot post coitum diebus, semper invenit†. Explicatu quoque difficile videtur quomodo renovetur fluidorum circuitus in membranis ovi ab ovario avulsi, et jam pro corpore extraneo habendi: Non enim alia reviviscit corporis pars, si semel a continuo disjungatur, et perfecte sistatur fluidorum motus. Gallinarum quoque exempla, quibus plura et diversae maturitatis ova uno coitu foecundantur, manifestum est argumentum, in his saltem animalibus, ova nondum ab ovario avulsa vim masculam subire.

Explicato

* Riolan. animadvers. in Vessing. et Anthropog. lib. 2. cap. 34.

† Graaf, de mul. org. cap. 16.

Explicato igitur conceptionis modo, pauca tandem mihi de foetus incremento dicenda sunt ; quod quidem brevitatis studiosus summatim persolvam.

Animalculum in ovum ingressum, per vasa umbilicalia (antea forsan in semine fluitantia, sed nimis exilia quam quae oculis subjici possent) isti potissimum ovi parti, quae ovario firmitus annectitur, sese affigit. Nec hoc mirum videatur, cum hederam quotidie cernimus, aliasque plantas, quasi voluntate praeditas, locos alios neglectos praeterire, alios tortiles amplecti. Cum ex ovario erumpit ovum, externa ejus superficies villosa videtur, ex disruptis forsan exiguis vasculis quae communicationem cum ovario praebebant. Cuicunque uteri parti vasa haec disrupta applicantur, ibi adhaeret ovum, venis absorbentibus, et arteriis exhalantibus ovi atque uteri, mutuo forsan intra se receptis ; adeo ut quodcunque per arterias uteri exhalantes effluere solebat, in venas ovuli recipiatur ; ac id, quod repetitis circuitibus foetui inutile devenit, per ovi arterias exhalantes, in venas uteri absorbentes exoneretur. Ex horum vasorum congerie, miris in modis plexorum, ac multis anastomosibus inter se communicantium, placenta formari videtur ; in qua globuli sanguinis ferofi, a matre derivati, in ampliores canales transeuntes (cum jam foetus mole multum augeatur) mutuo inter se attrahuntur, et compinguntur, unde rubrum adipiscuntur colorem, praesertim cum isti sanguinis portioni occurrunt, quae ex arteriarum umbilicalium finibus in venas placentae effunditur.

Foetus igitur, ex prima conceptione ad partum usque, per solum umbilicalem funem (quemadmodum
lucu-

luculentissime docuit * celeberrimus in hac academia Anatomices Professor) nutrimentum haurit, atque ex pisciculo semini innatante in hominem lentis gradibus mutatur. Apparet quidem imprimis vermiculus, sine carina, mox punctum quoddam saliens, cordis rudimentum conspicitur; oculi e capite prominent; viscera delineantur; artus denique pullulant †, foetusque sensim mole augetur, donec tandem et sibi et matri molestus, reserato carcere, in lucem edatur.

* Medical Essays, vol. 2.

† Harv. de gen. animæ. Malpigh. de ov. incub. Ruysch. thes. 6. &c.

F I N I S.

C
DISSERTATIO MEDICA
I N A U G U R A L I S,
D E
HYDROPE-ANASARCA.

Q U A M,
ANNUENTE SUMMO NUMINE,
Ex Auctoritate Amplissimi SENATUS ACADEMICI,
Et nobilissimæ FACULTATIS MEDICÆ decreto,
P R O G R A D U D O C T O R A T U S,
SUMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS;
Eruditorum examini subjicit
R O B E R T U S L A N G L A N D S,
S C O T U S.

Ad diem 5: Julii, hora locoque solitis.



E D I N B U R G I:

M, DCC, LIII.
K
VOL II.

Viro praeclaro,

GILBERTO ELLIOT

DE STOB S,

Equiti Baronetto ;

Morum humanitate,

Pietate intemerata,

Caeterisque virtutibus quae hominem ornant,

Admodum conspicuo,

Et vere nobili :

Ob insignem, qua me semper excepit,

Benevolentiam,

Summopere colendo :

Nec non,

D. JOANNI RUTHERFOORD,

Medicinae Theor. et Pract.

In Academia Edinburgena

Professori celeberrimo ;

Ingenio, doctrina, et in arte medica peritia,

Nomen vere magnum merito

Adepto ;

Egregiis animi dotibus

Ornatissimo :

Patronis optime de se suisque meritis ;

Hanc dissertationem,

Primos suos in arte medica conatus,

Grato animo

Offert

ROBERTUS LANGLANDS.

1870

Received of the
Hon. Secy of the Navy
the sum of \$1000
for the purchase of
the ship "Albatross"
for the service of the
U. S. Navy

Witness my hand and
the seal of the Navy
at Washington
this 10th day of
January 1870

J. A. J.

DISSERTATIO MEDICA

INAUGURALIS,

DE

HYDROPE-ANASARCA.

UT legibus hujus Academiae obtemperem, quibus sancitur ut unusquisque ad gradum artisque Medicae honores aspirans, specimen diligentiae suae emittat; de Hydrope quaedam perscribere volui. Quoniam vero extra limites incepti hujusmodi duceret, de omnibus hujus morbi speciebus verba facere, simulque, ne eruditis taedium pariam, de Anasarca pauca his proferre licet.

Inter morbos chronicos eximius est Hydrops, et, uti ait Aretaeus *, injucundum aspectu vitium, et toleratu difficile: Sumitur pro aquae in aliqua corporis
cavitate,

* De signis et causis diuturni morbi, lib. 2. cap. 1.

cavitate, aut in ejusdem habitu, collectione. Hinc oritur morbi divisio, cujus species interdum sejunctae, saepius vero, Anasarca, Ascitem, ut et alias sibi species adjungit.

Brevitati institutae nequaquam congrueret, si omnia Anasarcae nomina a diversis rei Medicae scriptoribus consignata, hic inferere conarer; scire sufficit, quod Anasarca ab *ανα* circa, et *σαρξ* caro, appellata esse videtur; a Medicis Graecis * vocatur *Ανασαρκα*, *Υποσαρκα*, *Λευκοφλεγματίας*, ac interdum simpliciter *Φλεγματίας*; a Latinis †, *aqua intercus*, ac *subtercus*, vel *aqua inter cutem*, vel *subter cutem*. Adesse dicitur, quoties ferum aquosum, in toto habitu pinguedinis subcutaneae, stagnat vel effunditur ‡.

Nonnulli Leucophlegmatiam ab Anasarca distinguunt; ita Aretaeus, ‘Si omne corpus intumescat ex alba pituita, crassa, et frigida, *φλεγματίας* ei nomen est; si in humorem sanguineum, aquosum, tenuem, carnes liquatae fuerint, Hydrops-anasarca generatur ||.’ Quibus verbis per anasarcam intelligit, morbum in ultimum stadium evectum; ut ex prognosi ejus patet. ‘Nam omnes,’ inquit, ‘Hydropum species pravae sunt; sed inter ipsas, Leucophlegmatias mitior habetur, difficilis tympanias, adhuc tympania difficilior Anasarca: Opportet enim medicum, hoc in morbo, totum hominem permutare, quod neque diis ipsis facile fuerit.’ Ita quoque, Leucophlegmatiam ab Anasarca, nonnulli etiam inter recentiores distinc-

* Hippoc. Aretaeus. Paul. Aeginet.

† Plaut. in menaechmis. Celsus, de medicin. lib. 3. cap. 21.

‡ Boerh. Aph. 1225.

|| Aretaeus, lib. 2. cap. 1.

distinctam habent. E contra vero, Leucophlegmatiam, Hypofarcidium, Anasarcam, synonyma esse, unum idemque significantia, voluit Galenus; qui proinde Medicos ea distinguentes improbat. Nam Hippocrates, Leucophlegmatiam in Hydropem tandem definere, et esse quasi hujus morbi initium, existimavit: Ait enim; ‘Leucophlegmatiae Hydrops supervenit *.’ Et alibi †, ‘Quum λευκον φλεγμα corpus detinuerit, totum corpus tumore albo intumescit; sin minus, in Hydropem transit, et hominem perimit.’ Ex his igitur omnibus, una cum Willisio ‡ concludere velim, Leucophlegmatiam ab Anasarca, non specie, sed gradu tantum, differre.

Sequitur proxime, ut hujus morbi causas recenseamus; haud vero alienum fore judicavi, quaedam prius, de natura humorum nostrorum, et solidorum in eos actione praefari.

Sanguis noster, nudo oculo conspectus, humor homogeneus et ruber apparet: Lieuwenhoekii vero microscopiis, detegitur componi ex globulis rubris majoribus, sero tenuiore pellucido inatantibus. Hi globuli, ex sex minoribus serosis flavescentibus, sibi mutuo appressis, conflantur. Seri pelluciditas aciem microscopii fere eludit; attamen verisimile videtur, has sphaerulas serosas etiam ex aliis adhuc minoribus componi; et sic deinceps.

Hocce Lieuwenhoekii inventum illustrant phaenomena in misso sanguine observanda: Sanguis enim fluens, ubique simularis videtur; mox in massam rubram sciscilem concrefcit, quae sensim contracta, ex-

primit

* Aphorism. 74. § 7.

† De affectionibus, cap. 5. char. tom. 7. p. 625.

‡ Pharmaceut. rational. par. 2.

30 DE HYDROPE-ANASARCA.

primit interceptum laticem, omni hora augendum, donec totum crassamentum a sero separatur, cui variam in diversis hominibus obtinet proportionem. Crassamentum constat ex globulis rubris sibi mutuo attractis; quod, si in loco tepido humidoque ponatur, et simul quiescat, neque comprimatur, sensim globuli a se invicem separantur, et in flavum liquamen, sero quam simillimum, resolvuntur.

Hic sanguis praeparatur ex chylo, qui actionem ventriculi passus, et, ope salivae, bilis, aliorumque liquorum subactus, et attenuatus, ad aequabilem cum coctis miscelam disponitur. Hinc dum, una cum admisto sanguine, in cordis caveas accipiatur, vi ejus, per totum systema arteriosum, valido satis motu pellitur, in latera vasorum perpetuo incidit, et horum elasticitate iterum versus axem repellitur; inde fit vorticosa ejus gyratio, infinitae collisiones, et incursum molecularum in moleculas; et, in omni plexu reticulari, fit particularum a diversis plagis occurrentium continua concursio atque recessus, et punctus contactuum omnigena mutatio.

Ex hac mechanica vasorum actione, pendent multa in oeconomia nostra; condensatur enim chylus levior, et mutatur in serum; compinguntur globuli serosi in majores, qui inde rubrum induunt colorem, formantur globuli omnium serierum, abraduntur anguli eminentes particularum, fiunt sphaericae, hinc solidiores, et ad motum semel impressum diutius servandum aptiores. Ab his ergo omnibus rite peractis pendent, crudorum ingestorum in humoris nostri vitalis indolem assimilatio, corporis nutritio et robur, humorum secretiones, excretiones, et absorptiones, et denique omnes

ties corporis functiones: Quibus non rite procedentibus, viam plurimis sterni morbis primo aspectu constat, inter quos primum tenet locum Hydrops.

Huic efficiundo, operam ut plurimum commodat quicquid aut vasa debilitat, aut sanguinem in serum solvit; ita ut, ex propriis vasis in cellulas adiposas effundatur, ibi stagnet, easque distendat. In membranae enim adiposae, ut et in aliarum corporis partium cavitatibus, vasa exhalantia liquores suos, ad partes lubricandas flexilesque, reddendas eructant; hi liquores, ne nimia copia augeantur, partesque lubricatas distendant, in venas huic operi destinatas iterum resorbentur. Dum vasa debita elasticitate gaudent, sanguisque circulatio rite per illa celebratur, vis venarum absorbentium proportionalis est arteriarum exhalationi, et liquores debita quantitate adsunt; ex adverso vero, dum corpus debile redditur, et humores inertes per vasa laxa fluunt, vis resorbens deficit, et aqua semper, plus minus, accumulari solet.

His itaque praemissis, ad causas varias enumerandas nosmet accingamus, hae observatae sunt.

M O R B I C A U S A E.

imo, Dispositio nativa, laxa, et debilis, accedente vita otiosa, sedentaria.—Binae enim sunt causae, quae liquida nostra per canales movent, cordis scilicet vis, vasa impulso sanguine distendens, et vasorum elasticitas, sanguinem a corde acceptum propellens, cessante cordis actione. Ambo vero hae actiones, torpescente motu muscolari, laeduntur; inter causas quippe mo-

tum cordis excitantes, praecipua forte est, venosi sanguinis in cava ejus influxus. Musculi autem dum agunt, sanguinis motum versus cor accelerant; quod, hoc stimulo, citius magisque contrahitur, et inde intenditur humorum motus. Ab hoc iterum motu, fit debita unius partis ad alium applicatio, et vasa elasticitatem suam accipiunt; qua deficiente, liquidum vitale in aquosum laticem degenerat; adeoque magna moles humoris aquosi accumulatur. Unde * Hippocrates dixit, otium humectat, et corpus reddit debile; labor siccatur, et corpus robustum efficit. Hinc intelligitur, quare quaedam artificia et vitae genera, ad Hydropem contrahendam, homines quam maxime disponunt †. Et quare foeminae huic magis sunt obnoxiae, quam viri; ut observavit fidelissimus Sydenhamus ‡.

2do, Retenta in corpore quae excerni debuerant.— Hinc vasa non solum dilatantur, et contractilitatem suam amittunt, sanguinisque, ob eam causam, compingendi potestatem, sed etiam a retento humido, sanguis diluitur, et in serum funditur. Huc spectant, suppressio urinae, vel cohibita perspiratio ||; potus nimius liquorum diluentium nullis emunctoriis eliminatus ¶; mensium haemorrhoidumve obstructio **. Ex his intelligi potest, quomodo ex plethora oriatur cachexia.

3tio,

* De victus ratione sanorum, lib. 2. cap. 10. charter tom. 6. p. 474.

† Ramazin. de morb. artificum.

‡ Syden. de Hydrop.

|| Carol. Pisonis observationes, p. 333.

¶ ————— p. 113. 114.

** Paul. Aegineta, lib. 3. cap. 48.

3tio, Omnes evacuationes nimiae.—Nisi enim humores tanta copia adsunt, quanta ad vasorum latera dilatanda requiritur, nullus erit eorum renixus, quo globuli minores in majores compingantur; sed minus compressi, a se invicem recedent, et, leviores facti, motum impressum citius amittent. Hinc oritur secretionum inopia, earum praecipue, quae chyli confectioni inserviunt; et inde omnis conditio nascitur quae corpus turgidum reddit. Tales evacuationes sunt, haemorrhagia ex qualibet corporis parte; dysenteria diu permanens; ptyalisma magna; sudoris vel urinae profluvium.

4to, Ingesta cruda et tenacia; qualia sunt, legumina omnia, et farinosa non fermentata.—Haec morbo ortum dant, si duriora sint magisque tenaciora, quam quae a viribus ventriculi coëtricibus, in bonum succum permutari possint. Hinc (*quia vitium primae coëctionis aegre secunda emendatur*) sanguis ex his paratus originem suam turbidam agnoscet, et aptissimus evadet, qui obstructions et ex his hydropem pariat. Huc quoque pertinet perditus ille liquores fermentatos ingurgitandi mos, unde vires viscerum labefactantur, et vitium humoribus inducitur. Aquae potatio, in iis qui liquoribus generosis diu adsueti fuerint, sanguine diluendo, morbo quoque ortum dare potest*.

Omnes causas adhuc recensitas adjuvabit aër humidus, exhalationibus aquosis foetus: Ab hoc enim, fibræ non solum humido quasi balneo submersæ relaxantur,

* Sydenham. de Hydrope.

antur, unde minus in fluida agunt, sed cohibetur etiam perspiratio.

5to, Morbi praegressi; ut morbi acuti, et inter eos praecipue quartanae, quae hydropem inducunt; quatenus humores resolvendo, et attenuando, vasa debilitant, vel obstructiones in visceribus pariunt*: Et observatu dignum est, quod inter hujus morbi causas, nulla forsan, obstructionibus in visceribus abdominalibus, praecipue in hepate, frequentior ab antiquis rei medici scriptoribus memoratur†. Imo Galenus dixit, ‘Illum vel contentiosum esse, vel omnino indoctum, qui in hydrope, hepar aut per se, aut per consensum, aegrotare, negaverit.’ Ab horum enim integritate pendent, chyli praeparatio et confectio, urinae secretio, et multa alia, quibus male procedentibus, nemo dubitare potest, quin morbo praebetur causa. In ictero etiam, a bilis reorptione, sanguis resolvitur, et in liquamen funditur.

Phthisis, aliaque pulmonis vitia.—Ab hujus organi defectu Anasarcam induci, haud est cur jure miremur: Nisi latet pulmonem tantas sanguificandi vires possidere, ut a nonnullis ipse fabricator sanguinis appelletur.

Hicce morbus sequente ordine se prodit.

MORBI PROGRESSUS.

Primo intumescere incipiunt pedes, maxime sole occiduo, ac post exercitationem. Is tumor indolens est,

* Vidi commentar. Van'Swiet. in Boerhaav. Aph. No. 753.

† Manget. Bibliothec. Medico-pract. tom. 3. de Hydrope.

est, et, si digitis prematur, velut in cera aut massa depressitiae farinae, depressus, et tarde confurgens apparet: Mane autem, et per quietem, excussa materia, pedum tumor sponte se ponit. Malo incrementum capiente, pedum inflatio non amplius evanida est: Quin potius, sursum ad crura, mox ad lumbos, et ventris exteriora conscendit; tuncque primo intuitu ascitem mentitur. At, si in spatium abdominis humor permearit, Ascites Anasarca complicatur. Nonnunquam membrana cellulosa scroti etiam aqua impletur, unde hydroceles species constituitur. Tumor deinde ad externam thoracis regionem, tandemque ad vultus et manus obrepit. Ita omne corpus oedematofum redditur; adeo tamen, ut tumor in hac illave parte, pro ratione situs, nunc clarior sit, nunc depressior; stando enim, partes inferiores, decumbendo, superiores, magis intumescunt. Pallore etiam cadaveroso totum corpus plerumque dehonestatur; membra omnia segnescunt, et ad actiones animales, vitales, et naturales exercendas, maxima est ineptitudo. Pulsus undosus est, mollis, et languidus. Urinae parva copia, nec quantitati potus assumpti congruens, excernitur. Corpus sudoris expers est, et alvus durus evadit. Anasarca insuper laborantes, premit spirandi difficultas; praesertim a pastu, sed magis adhuc a motu, qui spirandi necessitatem auget. Sitis plerumque adest, et progressu morbi, ab aquis putrescentibus, lenta febris exsurgit.

His itaque cognitis, clarior evadit prognosis; quae praecipue, ex causa excitante, magnitudine mali, et tempore durationis, deducenda est.

PROGNO:

P R O G N O S I S.

Si morbus enim novus sit, a nullo præexistente vitio ortum ducens; si vires integrae, corpus juvenile, et aquae non magna copia cumulata sit; si viscera bene constituta, alio morbo non perdita, nec obstructionum signa; si aquae nondum putridae, aeger a febre immunis, et absint tussis, dyspnoea, et sitis; si hae, inquam, adsint conditiones, convaliturum judico aegrum.

Ex adverso vero; si morbus a pulmone praecipue, aut hepate male affectis, ortus fuerit, aut cum aliis morbi speciebus, praecipue hydrocephalo aut pectoris, complicetur; si ingenti aquarum collectione cavitates multum distendantur; et ubi, medicamentis adhibitis, aquae ex corporis cavitatibus eliminari nequeunt; ad hoc, si morbus diu duraverit, aegro senescente, aut natura debili, vel cui corrupti admodum humores; et si adsint febricula, sitis, et dyspnoea; vel, denique, si medicinae concedat et reveniat*; tunc quidem in magno versatur aeger periculo.

De aergo conclamatum est, ubi urina diversis coloribus in matula se prodit, aut sub vetusto morbo, et infirmis viribus, incipit profluere alvus†; si aqua vias sibi per cutem paraverit, et ulcera in sphacelem vertantur. Postremo, in propinquo mors est, si a cordis palpitatione, pulsu inaequali, nonnunquam deficiente, suspicio subit, polyposas concretiones jam circa cor et pulmones adesse.

Huc

* Hippocrat. Aphorism. sect. 7. § 47.—Coac. Praenot. 460.—

† Lommii observ. p. 201. 202.

Huc usque de morbi causis, historia, et prognosi; nunc ad medendi indicationes ventum est, quae omnes in hisce positae videntur.

Primo, Ut liber concilietur fluxus liquori stagnanti.

Secundo, Ex corpore evacuetur.

Tertio, De novo ne crescat caveatur.

I. Ad primam indicationem absolvendam, conducunt medicamenta quae motum humorum adaugent, vasa obstructa referant, et liquores nimis tenaces solvunt.

In hunc finem varia a diversis medicis adoptantur cardiaca, stimulantia, et aperientia; horum nonnulli humores corrigunt, et ut facilius expellantur efficiunt; nonnulli etiam eodem tempore quo corrigunt, ex uno aut alio corporis emunctorio eliminant. In prioribus sunt aromatica oleosa, roborantia amara, et saponacea resolventia; dummodo vero viscera alio morbo non perdita fuerint, aut tumoribus duris et referatu difficilibus obstita, neque humores putridi devenerunt, mercurius omnibus palmam praeripit, et omne id, quod a diversis medicamentorum qualitatibus efficitur, solo suo pondere, praestare videtur.

Mirabile hoc fluidum metallicum, sanguine fere quater decies ponderosius, non solum actionem vasorum in se, et in alios humores, suo pondere augebit, sed, pari etiam ratione, motum ab iis acceptum, diutius retinere potest. Hinc ad plurima insinuat vasa, ubi vis cordis fluida leviora pellere nequit, obstacula ibi nata removebit, et circulum sanguinis liberum per omnia accelerabit. Ab actione ejus, motum etiam
glutinosis

glutinosi stagnantibus impertitur, quae hoc modo attenuantur, et in circulum iterum resorpta, inde ex corporis cloacis transire, quam maxime disponuntur. Cavendum tamen est, ne tanta copia ingeratur, ut in ptyalismum incidat aeger; nam quatenus fundit humores, si majori copia propinatur, quam quae ad obstructa referenda, et fluorem et absorptionem stagnantium conciliandum requiritur, malum potius augebit.

Si morbus diu duraverit, et febris valde urgeat, tunc ab remediorum calidorum et mercurii usu abstinendum, et in eorum loco vocanda quae putredine resistunt; ut succi saponacei, acida grata, et leniter aromatica.

Aquae minerales a quibusdam ad obstructions resolvendas praescribuntur, quae, si ex corpore celeriter decurrant, voto respondere possint, sin minus, malum potius augebunt.

In primum scopum, multum etiam conducunt frictiones, motus, et calor, quibus nempe humores, in cavitatibus extra cordis potestatem accumulati, conquassantur, attenuantur, et in motum iterum reducuntur.

2. Secunda spectat indicatio ad feri evacuationem; quae, vel per emunctoria corporis naturalia, aut emissaria arte facta, peragitur. Quoad primum, pro diversa aegri dispositione, vel ad sudorem, vel diuresin facilem, vel ad alvum laxum: Evacuatio nunc melius per sudorifera, nunc per diuretica, nunc per purgantia, vel etiam per emetica, instituitur. Atque hic imprimis si adhibeatur mercurius, sedulo observandum, *quo maxime*

xime vergat natura, et eo ejus actio prae caeteris determinanda est.

Multos Hydropicos diureticis liberatos fuisse, varia apud practicos extant exempla; hinc jure merito ea medicamenta multum laudantur, et plerisque aliis praeferuntur; his quippe aegri vires non adeo prosteruntur, ut alia ratione fieri solet. Accidit praeterea quod stimulant, et aperiunt; et experientia docet, haud minori vi in fero per renes repurgando, quam in visceribus deobstruendis, et feri fluorem conciliando, gaudere. Inter haec medicamenta diuretica, praecipue eminent salia per incinerationem ex herbis parata; qualia, imo, sal Absynth. Genist. stipt. Fabar. et multa alia; vel Lixivia cum Calce ex his facta. Haec lixivialia, caeteris longe praestare, Sydenhamus testatur. 2do, Vegetabilia diuretica, stimulantia; ut rad. Raphan. rustican. Allii, quinq. apperient. sem. Dauc. sylv. Fenicul. Petroselin. Sinap. bacc. Juniper. et ex his praeparata. 3tio, Animalium praeparationes; ut Mil-leped. Cantharid. Formic. &c. 4to, Metallica soluta; ut tinct. Cupr. a Boerhaavio laudata. 5to, Salia neutra; ut Nitrum, Tart. vitriolat. tartarizat. sp^t Minde-rer. &c. Si aestu, aut siti, vehementer aeger affligetur, ista media, prae lixivialiis, exhiberi debent.

Sudorifera Anasarcae non raro etiam profunt; quoniam vero plerumque adest *δυσδιαφορσις*, haec, via non nisi praemonstrante natura, aliis certioribus est praepo-nenda. Multa quidem sunt quae diaphoresin auctio-rem reddunt, ea scilicet omnia, quae virtute penetran-te, stimulante praedita, actionem vasorum augment, et humores ad partes corporis exteriores eliciunt. Huc quoque valent corporis exercitium, frictiones, et ca-

lor. Inter sudorifera, quibus major penetrandi vis, sunt eligenda, ut salia volatilia, et etiam neutra; sed, inter omnia, Pulvus Doveri palmam praeripit, virtute sudorifica et diuretica ejus, praesertim si decoctum liquorum post assumptum hauriatur.

Ut per alvum ducantur aquae, si nil obstat, et aegri viribus hoc facere liceat, nec viscera sint corrupta, statim ab Hydragogis initium est faciendum. In his adhibendis, caute attendendum ad aegri vires et idiosyncrasiam: Namque, ut observavit Sydenhamus*, 'quatenus purgantia, praecipue hydragoga, sanguinem aliquatenus debilitant, laeduntque, nisi corpus celeriter pervadunt, et citissime expelluntur, tumorem potius adaugent.' Quamobrem addit idem cl. auctor, 'Ut cum bonis aegri rebus purgatio instituatur, scire oportet, utrum aegri corpus facile, an vero difficulter atque aegre, cathartice cedat; cum in hoc cardine curationis omnis, sive nullo, sive non nisi magno labore, peragenda, negotium vertatur.' Hinc, si evacuatio hujusmodi male procedat, et aeger difficulter purgetur, aqua aliter est ejicienda.

His vero non obstantibus, tunc diligenter conandum, ut aquae ea maxima celeritate exhauriantur, quam aegri vires ferre queant; repetitis itaque vicibus, in catharticorum usu persistendum, donec aquae omnes expulsae sunt. Aliter, si non nisi post longa intervalla repetatur purgatio, quantumlibet copiosa cartharisis praecefferit, aquis denuo affatim colligendis ansam praebebimus.

Evacuatio

* Sydenham, de Hydrope, p. 485.

Evacuatio aquae per sedem a plurimis Medicis caeteris praefertur; et quidem, si aegri vires sufficiant, neque purgatu difficilis sit, humores stagnantes cito hac via educi possunt. Hydragoga enim, quatenus vasa stimulant, febrem quasi artificialem inducunt; et inde sequitur feri ex cavitatibus absorptio, et eodem tempore ejus ex corpore eliminatio. Cathartica ad hunc finem necessaria, quia multiplicia existunt, enumerare supervacaneum foret; quorum autem utilitatem maxime probavit usus, sunt, Jalappa, Elaterium, Syr. de Rhamno, Scammonium; mercurius quoque dulcis, parva quantitate, purgantibus immixtus, auxilio erit. Horum usui nonnulli amara roborantia interponunt.

Quod de usu Catharticorum dictum fuit, in Emeticis adhibendis, locum etiam habet. Partium solidarum concussione, quae horum usu excitatur, stagnantia soluta in sanguinem iterum attrahuntur, atque non solum vomitu, sed sede etiam, expelluntur, quin saepe diuresis etiam promovetur.

Methodus qua aquae per emissaria nova educuntur, raro hodie aggreditur. Hac operatione utebantur antiqui; immo ab Hippocrate ipso memoratur, et Aëtius quoque ex Asclepiade accuratissime tradit, quemadmodum Hydrops Anasarca hoc modo curanda sit: ‘Id,’ inquit ‘fit, interiorem crurum partem incidendo, quatuor digitorum a talis intervallo, ea altitudine qua in missione sanguinis vulgo fieri solet. Ita exiguus primo sanguis profluit; dein, sine inflammatione, continuus aquae cursus est, ita ut foramen usque pateat, dum humor omnis sit exhaustus, locusque detumuerit.’ Leonides Alexandrinus, qui post Asclepiadem, Galeno

Galeno propior, floruit, cujus fragmenta ab Ætio potissimum conservata sunt, illud insuper addit: ‘ si per
 ‘ crurum incisiones humor non satis copiose emittatur,
 ‘ alias, in aliis corporis partibus, plagas esse faciendas,
 ‘ in femoribus nempe, aut in brachiis, aut etiam in
 ‘ seroto, si id tumuerit, per quas ingens aquae vis e-
 ‘ duci possit *,’ &c.

Si morbus recens sit, aut ab defectu simplici oriatur, neque cellulae admodum turgidae devenerint, methodus haec tentari possit: Observanda tamen est magni sane momenti cautela, ne scilicet pars incisa gangraena corripitur. Quamobrem cavendum ut, exeuntibus aquis, pars antea tumefacta, nunc subsidens, circumductis fasciis ligetur, et corpus cortice Peruviano, aliisque roborantibus, quam citissime firmetur.

3. Aquis eductis, ut ad ultimam indicationem properemus, summa ope nitendum, ut sanguinis debilitati subveniatur, medicamentorum cardiacorum, roborantium usu, aptoque vitae regimine, unde novus aquarum proventus praecaveri possit.

Huic scopo conferunt, Vegetabilia amara, roborantia, ut rad. Gentian. Cal. aromat. Galingal. Rhei, cort. Peruvian. Aurantior summitat. Absynth. Centaur. minor. Trifol. aquat flor. Chamomel. sem. Card. benedict. Aromata, ut et Chalybs, ejusque praeparationes. Ex his, et plurimis aliis, infinitae formulae concinnari possunt, ut res aegri postulant.


Ad hanc porro intentionem implendam, omnino necesse est, ut, iis quae jam diximus, adjungatur apta rerum non naturalium selectio.

Imprimis

* Friend. historia Medicinae, p. 21. vol. 3.

Imprimis igitur, aërem humidum fugiat aeger; victus sit ficcus, simul nutriens, coëtuque facilis, ut panis biscoctus, carnes animalium juniorum assae. Palato condimentis indulgeat. Liquores tenuiores parce admodum bibat, et pro his vina generosa substituantur; in pauperibus vero, quorum res angustae domi talia non permittant, cerevisia fortis, calefacientibus et roborantibus impregnata, in eorum loco concedatur. Cibus et potus saepe, et parva copia, ingerantur. Somnus sit moderatus; exercitiis utatur, conducunt prae caeteris unctiones. Frictiones corporis saepe repetitae multum etiam hoc in morbo conferre solent.

F I N I S.



DISSERTATIO MEDICA
IN A U G U R A L I S,
D E
A S T H M A T E.

Q U A M,
ANNUENTE DEO P. F. S. Q. S.

Ex Auctoritate Reverendi admodum Viri,

D. JOANNIS GOWDIE,

ACADEMIÆ EDINBURGENÆ Praefecti;

NEC NON

Amplissimi SENATUS ACADEMICI consensu,

Et nobilissimae FACULTATIS MEDICÆ decreto,

PRO GRADU DOCTORATUS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

Eruditorum examini subjicit

GULIELMUS ABERNETHIE,
SCOTUS.

Ad diem 10. Kal. Maii, hora locoque solitis.

Longum mihi commeatum dederat mala valetudo: Quae satis apte dici suspirium potest.——Repente me invasit.——Omnia corporis aut incommoda aut pericula per me transierunt. Nulium mihi videtur molestius.——

SENECA, Ep. 54.

E D I N B U R G I:

M, DCC, LIV.

Praestanti Viro,

T H O M A E H A R T

DE WARFIELD,

In Comitatu de BERKS,

A R M I G E R O,

Artium scientiarumque liberalium

Fautori eximio,

Multisque virtutibus ornatō,

Thesin hanc inauguralem,

In studii atque observantiae suae testimonium,

D. D. C. Q.

Servus ejus humillimus, obsequentissimus,

GULIELMUS ABERNETHIE.

Vol. II.

N

LECTORI MONITUM.

PAUCA admodum rationi aut sanae philosophiae congrua de asthmatis natura, vel in veterum, vel recentiorum medicorum monumentis, occurrunt; adeoque in sequenti dissertatione tradita de hujus morbi theoria, ex proprio meo ingenio atque industria excogitare et indagare coactus fui. Benignus igitur lector, obscuritatis thematis nostri memor, si quando lapsus fuisse compere-rit, candide ignoscat, caetera de hac re scripta aequi bonique consulat.

DISSERTATIO MEDICA

INAUGURALIS,

DE

ASTHMA TE.

BREVIS et procellae similis impetus est : Quis enim diu expirat ? Aliud quicquid est, aegrotare est : Hoc est animum agere,' dicit Seneca, ubi de morbo quem jam describere aggredimur, verba facit. Et sane suspirio, quod hic, stylo si non elegante, tamen nervoso et sententioso admodum, depinxit, vix quid molestius concipit humana fragilitas ; anxietatem enim atque aegritudinem creat omni dolore majorem, et vel constantissimae mentis patientiam ferre superantem. Dirus hicce morbus, Asthma dictus, respirationem praecipue laedit ; adeoque, priusquam naturam ejus evolvere conemur, pauca de pulmonum fabrica et usu proferenda sunt, utpote ad thema nostrum

strum intelligendum necessaria. Sed leviter tantum haec omnia perstringemus.

Pulmo magnam thoracis partem replet; in duos lobos majores dividitur, atque ex duobus vasorum systematibus, sanguineis, scil. et aëreis, membrana cellulosa inter se nexus, conflatur. Arteria ejus maxima, pulmonalis dicta, e cordis sinu dextro proveniens, commodo publico impenditur. Primo bipartitur: Truncus dexter, in millenos et ultra ramos fissus, dextro lobo impertitur: Sinister, similiter divisus, sinistrum lobum amplectitur. Arteriae bronchiales plerumque duae, aliquando tamen tres sunt; quarum una ab aorta descendente, caeterae, a prima vel secunda intercostalium ortum suum ducentes, usui privato, seu pulmonis nutritioni, inserviunt. Hae, sicut prior, per totam pulmonis substantiam diffunduntur.

Arteria aspera alterum vasorum systema suppeditat: Quae a cartilagine cricoidea incipiens, ad vertebra thoracis quartam in duos ramos partitur, quorum uterque in suum pulmonem abit: Inter arteriarum et venarum ramusculos intercurrit, et ubique se comitem iis praebet. Ad ultimas fere suas extremitates pervenientes ejus propagines, in vesiculas tantum non infinitas amplificantur, circa quas pulmonalium arteriolarum fines repunt tortuosi; in mutuas inosculationes coeunt, reticula quasi effingunt, tandemque major earum pars in venas analogas desinunt, quae sanguinem versus cor sinistrum revehunt: Dum reliqua in vesicularum praedictarum cavitates penetrant, patulis osculis hiant, et halitum vaporosum in usus necessarios eructant. Trachea ex innumeris parvis cartilaginibus, ad distantiam circiter decimae partis pollicis, plus minus,

nus, a se invicem sejunctis, et substantia quadam, vi resiliendi praedita, ligamentum referente, ad se mutuo alligatis, componitur. Tracheae pars posterior ab initio, usque ad propaginum suarum fines, membranacea est, et aliquatenus musculosa, minime, uti volunt plerique Anatomici, ad transitum oesophagi commodiorem, sed (ut docet Dominus Hunter, Anatomicus Londinensis, ob peritiam in arte sua summam omni laude, ob benevolentiam atque humanitatem omni studio et honore, dignus), hoc consilio fabrefacta videtur, ut major nobis daretur facultas vel protrahendi vel contrahendi asperam arteriam, sicut occasio postulat; v. c. ut varios ac diversos tonus felicius modulari, vel mucum laedentem facilius expellere nobis liceat. Sed unde digressi sumus, revertamur.

Arteriolae, quae circa vesiculas bronchiales expanduntur, vel in earum interstitiis repunt, vacuis pulmonibus, compressae atque coarctatae sunt, et transitum sanguini per earum angustias prorsus fere negant: Distentis autem aëre pulmonibus, statim dilatatae arteriae, liberum dant aditum humoribus a corde dextro in sinistrum. Hinc igitur liquide patet, quam necessaria sit respiratio tam ad vitam, quam ad sanitatem: Vita enim per pauca momenta subsistere nequiret, nisi transmitteretur sanguis per pulmonum ambages in cor sinistrum: Hocque iterum non contingeret, nisi alterna aëris inspiratione et expiratione nunc dilatarentur, nunc contraherentur vesiculae bronchiales. Si igitur unquam impediatur pulmonum motus, statim in dubio ponitur vita; et si omnino cesset, citissime desinit omnis vitalis actio;—adeo verum est S. Spiritus effectum,—*vitam hominis ejus naribus inhaerere*. Quum igitur

igitur in tam gravi periculo versetur homo, quoties laedatur hujus organi vitalis functio, quumque laesio ista, quae asthma audit, inter maximas, curatuque difficillimas, merito habeatur, inutile certe non erit, si causas ejus, saltem praecipuas, eruere, morbi que naturam et medelam investigare, conemur. Quo igitur ad rem nosmet felicius accingamus, et magis secundum methodum progrediamur, imo, Distinguendae sunt variae laesae respirationis species, quae tres vulgo statuuntur: Dyspnoea, scil. asthma, et orthopnoea. Dyspnoea, laxiore sensu sumpta, cunctas alias malae respirationis species sub se comprehendit; proprie autem sic dicta, respirationem densam atque celerem denotat, sine anhelitu, sine sibilo aut febre. Asthma, contra, est sublimis, tarda, atque laboriosa respiratio, nunc densior, nunc rarior (prout in majorem aut minorem gradum evahitur morbus) cum anhelitu et strepitu insigni; nunc sine febre; aliquando tamen febris accessu comitante. In hoc autem praecipue discrepant inter se asthma et dyspnoea, quod haec morbus est continuus et sine ulla intermissione; illud autem, morbus quasi periodicus, qui ita reditque post intervalla quaedam, licet haud certa aut definita. Orthopnoea hoc peculiare habet, quod nisi recta cervice, aut in recto corporis situ, respirare nequeat aeger; decumbens enim, statim anxietate intolerabili opprimitur, periculumque mortis instantis perpetuo ei impendit. Quoad caetera, orthopnoea, asthma aut dyspnoeam omnino refert; vel potius est symptoma et ultimus horum morborum gradus.—Sed de dyspnoea aut orthopnoea jam differere in animo non est; adeoque, hisce licetis, ad Asthma progrediemur.

Asthma,

Asthma, sicuti omnes alii morbi, vel essentialiale et idiopathicum, vel symptomaticum et per sympathiam, esse potest. Essentialiale aut idiopathicum dicitur, quoties ipsa respirationis organa primitus et in suis substantiis afficiuntur. Symptomaticum aut per sympathiam, e contrario, nuncupatur asthma, quum, laborante altera parte corporis, compati coguntur pulmones, diaphragma, aut musculi intercostales : Vel quum superveniat alii morbo.

Asthma essentialiale aut idiopathicum duplex vulgo statuitur, aquosum, scil. et nervosum ; sed an revera detur locus tali distinctioni, merito, ni fallor, dubitare liceat. Multa enim argumenta probare conspirant, omne id quod Asthma proprie dici potest, aliquid nervosi in se semper involvere. Hoc verisimile admodum videtur ex hac consideratione, quod, testantibus Floyero aliisque Medicis, accessus facile inducitur etiam iis qui asthmate aquoso laborare dicuntur, si modo aliquandiu odoribus ingratis, v. c. nicotianae fumo, vel ipecacuanhae effluviis, objiciantur aegri. Hoc autem phaenomenon ex nulla alia causa provenire videtur, quam nervorum vellicatione ; unde vesiculae bronchiales, et musculi respirationi servientes, in spasmos deducuntur, et contrahuntur. Sed, quod magis adhuc sententiam nostram confirmat, est, quod a muco in vesiculis collecto, morbus, de quo agimus, vix ac ne vix sane, immediate saltem, ortum suum ducere queat ; asthma enim velocissime plerumque invadit aegrum, secus certe ac foret, si a pituita sola nasceretur, quae lente tantum, et quasi successive respirationem laedit. Praeterea, asthma, uti jam dictum fuit, morbus est quodammodo periodicus, adeoque causam procatacti-

cam

cam constantem agnoscere non potest. Posito autem hoc, quod a mucro oriatur asthma, facile apparet, aegrum, nullum levamen accipere posse ante istius mucro expulsionem: Causam enim permanentem effectum permanentem omnino producere oportet. Sed revera experientia constat, quod fere semper levatur aeger ante sputi ejectionem, (urgente enim accessu, nulla, vel pene nulla, fit expectoratio); adeoque hinc manifesto sequitur, quod mucro in pulmonibus stagnans, pro causa asthmatis procatactica haberi non debeat. Ratio cur, durante accessione, nullus expuitur mucro, ex spasmodica vesicularum bronchialium contractione petenda est; tunc temporis enim adeo occludi atque constringi videntur earum orificia, ut saburrae isti tenaci atque viscidae penitus fere denegetur egressus. Solutis autem aliqua ex parte spasmis, et mitigata ventriculi et pulmonis tensione, phlegma quoddam cito expellunt aegri, nunc magis, nunc minus, pro ratione quantitatis in vesiculis prius collectae, pro variis eorum temperamentis, vel duratione morbi.

Interim tamen fatendum est, inter omnes de hac re non adhuc constare.—Nonnulli enim contendunt, anhelatores multum sputi etiam rejicere, dum vel molestissime se habeant: Sed, an in vero asthmate tale quid accadat, huc usque compertum non habeo. Saltem ex Floyeri monumentis, atque testimonio aegrorum quorundam, quibuscum sermonem habui, suspirio laborantium, concludere liceat, quod perraro tantum talis casus accidere possit: Omnes enim una voce conclamant, se fere nihil ex oribus ejicere potuisse, donec defuisset quodammodo accessus; i. e. donec soluti essent nervorum spasmis. Si igitur unquam eveniat, quod

forte laborent, minor spasmodum gradus tunc temporis sufficiet ad asthma producendum, quam si sani omnino essent, atque penitus vacuae eorum vesiculae: Sed minus solus, uti credo, sine causae nervosae adjumento, nunquam, vel saltem rarissime, morbum, de quo agimus, adhuc procreavit. Quum igitur ex jam dictis apparuit, quod omne asthma sincerum, et proprie sic dictum, affectiones nervosas prae se semper ferat, concludere, ni fallor, licebit, unam tantum dari suspirii speciem, scil. nervosam, et sputi vel pituitae rejectionem, symptoma esse contingens, non ad essentiam morbi pertinens. Si quaeratur, qui sit ut tam varia phaenomena in hoc morbo saepe occurrant, quem ab uno eodemque fonte profluere affirmavimus; si quaeratur, v. c. cur aegri nonnulli, accessu finito, pituitam magna copia ore expellunt, dum alii ne vel guttulam unquam vel excreatione, vel tussi, rejiciunt? facile respondetur, quod ratio ex varietate aegrorum temperierum, vel ex varia morbi duratione, variis in aegris petenda sit. Homines enim temperamento aquoso seu phlegmatico praediti, nunquam fere non catarrho laborant, et hac de causa eorum pulmones redundantia aquarum tenuium, vel pituita viscida, tenaci, perpetuo obruuntur. Hinc fit, quod postquam per octo, decem, vel viginti quatuor horas, et aliquando ultra, accessum suspirii pertinacem passi sint, multum muci glutinosi e tracheae arteriae ambagibus exspuere soleant.—Simili ratione, si quis post frigus contractum asthmate corripiatur, idem eveniet; i. e. magnam forte pituitae copiam (etsi habitus siccioris sit) accessu finito, ore rejiciet; quoniam vasa cutanea, frigore occlusa, Sanctorianam perspirationem transmittere non possunt; adeoque

que magna ejus pars intus pelletur, in pulmones cito impinget, et eorum vesiculas mucosae replebit, qui per tussim vel siccitatem ejici aptus fiet. Porro, ex sola morbi diuturnitate, idem phaenomenon accidere potest, qualiscunque sit aegri temperies, et licet quoad caetera omnino sanus fuerit. Quum enim arteriae exhalantes deponant, uti videtur, majorem halitus aquosi copiam in vesiculis bronchialibus, quam per venas absorberi possit, haec aquae superfluitas, quae, si aer consueta quantitate pulmones ingressus fuerit, exhalaretur, nunc, i. e. urgente diuturno accessu, colligi et stagnare debeat; quoniam eo tempore non datur aditus aëri satis copioso, qui eam secum auferre posset. Accedit, quod venae resorbentes arteriis exhalantibus teneriores et magis flaccidae sunt, ideoque vi nervorum contrahente plus coarctabuntur, et ad munia sua obeunda magis ineptae reddentur. Unde iterum nova causa, cur in vesiculis pulmonalibus mucus, sive pituita, colligi debet, durante asthmatis accessu diuturno. Tamen, si hominem prorsus sanum, bonoque habitu gaudentem, invaserit morbus hicce funestus, sed accessionibus diutinis eum non vexet, tali in casu, vel nihil vel pene nihil muci expelletur, uti ex casu puellae undecim annorum patebat, quae licet anxie luctabatur, nunc per horae dimidium, nunc per horam integram aut ultra, tamen solvebatur morbus sine tussi aut excretionem; cujus ratio, uti credo, ex accessus brevitate petenda est. Saltem probabile videtur, quod venae bronchiales tam valida vi resorbente gauderent, ut tantum halitus aquosi fere attraxerint, quantum ab arteriis deponeretur. Dicta huc tendunt: Quod pituitae sive phlegmatis rejectio tantum adsit, quoties suspiriosus

tem-

temperie aquosa praeditus sit; vel quando catarrho ante morbi impetum laboret, aut accessibus diutinis crucietur: Quod non ad essentiam asthmatis pertineat, sed potius fortuita vel casu fiat, quod pro causa morbi pro-catarctica minime haberi debet, quoniam semper requiruntur spasmi ad paroxysmum inducendum; et, denique, quod omne asthma sit nervosum.

His igitur stabilitis, videamus nunc quænam signa asthmati praecedunt.—Haec autem (ex Floyero praecipue petita), sunt huiusmodi,—tensio et sensus plenitudinis circa scrobiculum cordis et ventriculum, qui tum flatibus ructibusque quoque opprimitur;—pedes frigidi, cum siti subitanea intolerabili;—calor corporis obscurus, applicatione alicujus calidi externe, vel usu calidorum interne, magnopere auctus;—gravedo et levior dolor capitis;—somnia magna—pandiculatio;—oscitatio;—nunc urinae pallidae magna copia emissio;—nunc vero urina pauca et rubicundior est;—motus in intestinis insolitus;—appropinquante magis accessu, pulmones rigidi, tensi, et quasi inflati sentiuntur;—membra gravia, motuique inepta deveniunt—pectus totusque thorax pondus et onus quasi sustinere videntur;—tussicula quodammodo convulsiva accedit;—et tunc aeger spiritum suum ducere cum molimine et molestia incipit.

Phaenomena quae suspirio laboranti accedunt, incepta et durante accessione.

Praedicta omnia sensim sensimque crescunt, et praesertim respiratio plerumque densior, sed tardior evadit; etsi narrat Floyerus, se non solum tardius, sed rarius quoque solito, spirare consuevisse. Diaphragma

ma quasi mediastino retractum sine summo molimine deorsum pelli non potest; adeoque, costis humerisque levatis, et recta cervice, animam ducere cogitur aeger:—exspiratio cum sibilo et sonitu fit; inspiratione facilius plerumque perficitur, sed nonnunquam majore cum difficultate;—intestina quasi introducuntur et sursum pelluntur;—vomitus bilis flavae aut viridis succedit;—augetur corporis calor, et ad sudorem pronus observatur aeger, ac si febre laboraverit, cum pulsu veloci et inaequali, donec lectum reliquerit, et aëri subfrigido se objecerit: Quo facto, cito plerumque sedem fluidam deponit, non sine magno levamine.—Observandum tamen est, quod symptoma hocce non sit constans et perpetuum; nonnunquam enim tarda admodum perstat alvus, per totam accessionis durationem, ita ut vix sine clysteribus aut catharticis solvi possit.—Pulsus parvus est et intermittens;—frigent manus atque pedes;—nigrescit facies;—saepenumero in animi deliquium cadunt aegri, et palpitationibus cordis vexantur;—labia se contrahunt;—oculi subfiliunt, et lachrymas involuntarias effundunt, quae cutem in propinquo, flavo aut nigro colore inficiunt;—tandem muscoli omnes inertes, et quasi flaccidi deveniunt; torpet vis vitae;—atque perit omnis membrorum motus:—Observari meretur, quod quoties de tensione atque flatibus in infima parte abdominis conquerantur aegri, totius morbus mitis fit, et cito cursum suum absolvit.

Si per multas horas duret accessus, assiduo augentur dolor atque gravedo capitis, et quasi phantasiis delirantis turbatur aegrotus;—dormitat, sed vix per primos dies dormire potest, aut saltem interrupto tantum som-

somno fruitur; scil. dum sedens in cathedra, antrorsum, vel ad hoc aut ad illud latus, se revolvit: Retrorsum enim, sine suffocationis periculo, reclinare nequit.—Cubiculum angustum,—focus,—aër pulverulentus, aut fumo vel effluviis ingratis repletus,—omnia denique calida,—vinosa,—spirituosa, plerumque noxia sunt;—licet aliquando, e contrario, juvet aërem igne calefactum inspirare.

Accessu evanescente, decrescunt symptomata omnia;—minuitur praecipue tensio ventriculi atque pulmonum contractio, tuncque tussi rejicitur pituita quaedam viscida, tenax, nigris lineis distincta, quae gelatum vel ovii albumen refert. Accessum brevem nulla magna ventriculi tensio aut molestia antecedit, neque pallet ista occasione insolito urina, neque multum dormitat aeger.

Si ad diem tertium aut quartum persistet morbus, parum phlegmatis tantum primo aut secundo die expuitur; tertio autem et deinceps, ex ore ejiciunt aegri concoctum aliquid minus tenax, album, flavum aut viride. Quibus jam inveteravit morbus, sputum dulce, sanguinis aut glycyrrhizae saponi simile, expellere mos est.—Haec praecipua sunt symptomata, quae aegris asthmate affectis evenire solent; quorum alia, aliis manifeste repugnant; adeoque plane exinde apparet, omnia omnibus nunquam accidere posse, nec in uno aegro convenire: Quum tamen nunc in hoc, nunc in illo aegro etiam inusitatissima et mirificissima inveniuntur, hac de causa, omnia enumeratione digna existimavi.

Si quaeratur, cur anhelationis accessus periodice quodammodo eunt redeuntque? aut, cur uniuscujusque
acces-

accessionis exacerbationes ad horam saepenumero definitam ingruunt? libenter fateor me penitus ignorare. Quod ex nervorum affectionibus pendeant haec phaenomena, ut etiam febres intermittentes recidivae, apud neminem, uti credo, in dubium vocari possit: Sed quum nervorum structura anatomica, modusque operandi, aciem vel oculi acutissimi, microscopiis optimis instructi, adhuc effugerint, et forte in aeternum effugient, mirum non videbitur, si multa in arte medica problemata occurrant, de quorum solutione vix conjicere liceat.

Arcanis igitur his in medio relictis, videamus nunc, ex quibus causis nasci praecipue soleat dirum asthma, quod tot tantaque mala hominibus secum affert.—— Pro causa proxima ergo agnoscit, ni fallor, vesicularum bronchialium spasmodicam contractionem, vel etiam earum repletionem, aut compressionem periodicam spasmos inducentem, ita ut aer satis magna copia in pulmones introire non possit.

Causae proegumenae eae sunt, quae vel pulmones replendo, vel comprimendo, aut alio quolibet modo corpus ad morbum disponunt. Harum autem praecipua, uti credo, ex generis nervosi mobilitate, vel potius ex idiosyncrasia quadam nervosa, pendere videtur; multi enim systemate nervoso adeo mobili praediti sunt, ut per totam fere vitam de hystericeis aut hypochondriacis affectionibus conquesti sunt, qui tamen ne vel semel fuspicio laborarunt. An igitur a ratione abhorret credere, quod a re qualibet in hominis habitu peculiari nascatur nonnunquam asthma? Sane non ita mihi videtur: Sed nihil tamen affirmo.

Quoad

Quoad causas procatacticas in genere dici possit, quod omnia quae systema nervosum vellicare et stimulari queant, vel spasmos producere majores in pulmonibus valeant, pro talibus habenda sint: Quicquid denique ingressum aëris copiosi in vesiculas bronchiales prohibet, dummodo ita reditque periodice.—Hae autem vel sine materia, vel cum materia esse possunt. Causa sine materia est, quando malum provenit a mutatione in spiritibus animalibus inducta, i. e. quando, sine aliqua causa in pulmonibus praegressa, vesiculae bronchiales in spasmos aguntur, ita ut non satis semet distendi patiantur. Hinc ramusculi arteriarum, qui circa vesiculas repunt, minus, quam par est, aperiuntur et dilatantur; sistitur sanguis in eorum extremitatibus, et sequitur anhelatio et anxietas omni dolore intolerabilior. Porro ab abusu rerum non-naturalium non raro producitur asthma: Sic, v. c. si quis habitu asthmatico (si ita loqui liceat) praeditus, semet calori summo objecerit, metus sit, ne anhelationis accessu cito corripiatur: Calor enim summus, non solum sanguinem caeterosque in corpore humano humores rarefacit, sed ad flatum generandos aëremque vi sua resiliendi, et pressione orbandum aptus est, ex quibus omnibus asthma facillime induci potest. Idem quoque evenit saepe numero, ab aëre nimis frigido incaute corpori applicato. Nihil enim nervis nostris et spiritibus animalibus magis noxium est et ingratum, quam frigus, aut mordens gelu: Adeoque mirandum non est, si pro fustirii causa non raro habeatur; quum spiritus turbando, membranas pulmonum nervosas in contractiones agere, et sanguinem in vasis pulmonalibus grumosum et stagnationi opportunum reddere possit.

Praeter

Praeter haec, omnis cibus atque potus flatulentus, acris aut nimis calidus, asthmatis causa esse potest. Tales sunt fructus horaei, spiritus vini, aromata, et id genus alia. Vel enim fermentationis speciem fuscipiunt, vel acrimoniam acquirunt, et acie sua ventriculum primo, dein pulmones, ita vellicant, stimulantque, ut spasmodicas contractiones iis perfacile inducant, et asthma generent.—Porro, exercitium plus justo violentius, multum quoque confert aliquando ad anhelationis accessum producendum. Exercitio enim, sanguis parte ejus maxime aquosa spoliatus, pleno rivo versus cor redit; in pulmones magna copia defertur, ibique accumulatur et stagnat. Arteriae autem sic obstructae et distentae, vesiculae bronchiales comprimere debent, et quoad diametros suas ita minuere, ut consuetam aëris copiam admittere non possint. Accedit, quod sales et olea motu violento nimis forte acria reddita, nervos pulmonales stimulare et in spasmos deducere queant; unde facile conciliabitur asthma. Denique, mentis affectus ad eundem effectum producendum apti sunt; neque mirum sane, quum omnibus notum sit, quantum animi affectiones spiritus animales turbant, totumque corpus commutant.

Inter causas anhelationis procatacticas cum materia, celeberrimus Hoffmannus merito recensuit ‘*ma-*
‘*teriam acrem, imo saepe virulentam, ad nervosas*
‘*praecordiorum partes incumbentem, tanquam prae-*
‘*cipuam. Haec originem suam repetit a sudorum,*
‘*maxime in scorbuticis, repulsione; necnon exanthe-*
‘*matum, efflorescentiarum, et quarumcunque feri ac*
‘*lympphae acrioris excretionum, vel ad artus exteriores*
‘*depositionum, non sufficiente evacuatione, vel impro-*

‘vida adstrictione.’ Tetri etenim istiusmodi humores intra corpus retenti in pulmones dilabuntur, eos vellant, atque in spasmos ducunt vesiculas bronchiales. ‘Huc fere pertinet asthma illud spasmodicum, siccum, quod a fumis metallicis, sulphureis, iis praesertim evenit qui in metallis laborant.’

Huc etiam referri debet asthma illud, quod ab ipecacuanhae effluviis, vel aliis corpori humano ingratis odoribus, provenire solet. ‘Faneſti enim hi vapores, per inspirationem attracti, incumbunt nervosis vesicularum bronchialium membranis, hasque constringendo, libero aëris in eas aditui iter praecludunt, indeoque grave hoc machinantur malum.’ Interea notatu dignum est, quod ingrati hi odores, non solum asthmatis accessum unum aut alterum inducant, sed saepenumero tantas tamque graves mutationes in systemate nervoso faciunt, ut homines in posterum diro huic morbo obnoxios reddant. Sed quomodo hae mutationes fiant, nemo mortalium, uti credo, adhuc dicere potest.

Restat adhuc, ut inter asthmatis causas procatareëticas morbum hyſtericum, hypochondriacum, febrem intermittentem, mensium et fluxus haemorrhoidalis, suppressionem, annumeremus. Quoad tres priores, inter omnes fere consensus est, quod sua natura ex vitio aliquo spirituum animalium pendeant; adeoque mirum non videbitur, si, spasmos in ventriculum et pulmones inducendo, asthma etiam aliquando producant. Et si consideretur, quod humor iste, quem natura certis temporis intervallis exterminare consueverat, retentus, acrimoniam cito concipiat, caeteros humores corrumpat, atque morbos spasmodicos efficere soleat, facile apparebit,

apparebit, quomodo vel menſium, vel haemorrhoidum ſuppreſſio ſuſpirium creare queat.

Praeter haecenus memorata, quae ſequuntur, a medicis ſcriptoribus inter aſthmatis cauſas procataſticas recenſentur:—Polypus in corde aut pulmonibus;—aër in membrana pulmonum cellulosa contentus;—aqua ibidem;—calculi in bronchiis;—concretio pericardii cum diaphragmate;—empyema;—hepar ſchirroſum;—ſpina gibboſa;—paralyſis diaphragmatis, et ſic porro. Sed omnia haec tam fixa atque conſtantia ſunt, ut, licet dyſpnoeam perpetuam nunquam non producere debeant, tamen vix aſthmatis cauſae eſſe poſſint.

Cauſis aſthmatis ſic enumeratis, ad ſymptomatum rationem reddendam, quantum poſſumus, jam progredimur.

Tenſio et ſenſus plenitudinis, &c. ab aëre in ventriculo rarefacto, et ſpaſmis cohibito, provenire videtur. *Pedes frigidi*, &c. Hoc quibuſdam primum dat ſignum appropinquantis acceſſus; et quum ingruat frigiditatis ſenſus, licet foco admoveantur extremitates, a ſpaſmibus vafa minima conſtringentibus, adeoque ſanguinis circuitum impredientibus, ortum, uti credo, ducit. *Siti*, &c. De ſiti ſubitanea quid dicendum vix novi, niſi cum doctiſſimo et ſagaciſſimo Medico Rutherfordio, (quem me pro praeceptore habuiſſe laetus ſemper recordabor), de ſiti febrium intermittentium differente, conſpicere liceat, quod ex naturae inſtinctu ſit; ut, ſcil. ſanguis, magnam fluidi copiam ingerendo, quam meabilis reddi, adeoque qui per vafa capillaria jam jam coarctanda tranſmittatur, aptus evadere poſſit. *Calor corporis obſcurus*, &c. Symptoma hocce praecipue ad-
eſt,

est, quoties febris accessus comitatur asthma, et ex aucto sanguinis motu originem trahit. *Gravedo, et levior dolor capitis, &c.* pro sua causa proxima agnoscunt vasa carotidum internarum, vel externarum, distenta.

Somnolentia, pandiculatio, oscitatio, a levi cerebri compressione, ni fallor, proveniunt. Pro causa remota habent sanguinis circuitum per pulmones quodammodo impeditum. In hoc casu enim major humorum copia versus caput propelli debet, quam par est; adeoque plus solito comprimetur cerebrum; unde ratio symptomatum facile intelligitur. Addere liceat, quod ex nervorum spasmis quoque praedicta phaenomena explicari possunt. *Urinae pallidae copia, &c.* Urinae pallor procul dubio ex spasmis, quibus adeo constringuntur vasa renalia, ut pars tantum tenuior sanguinis transfluat, nascitur. Et de copia ejus nihil probabilius novi, quam quod ingeniosus admodum Dr Whytt de urina hysterica copiosa satis feliciter excogitavit, scil. quod vasa secernentia stimulo vehementiore in oscillationes inordinatas, et solito frequentiores, deducantur, quibus plus fluidi dato temporis spatio versus renes alliciatur. *Aliquando urina pauca et rubicundior.* Urinae paucitas ab obstructionibus forte oritur; dum color rubicundior ex mutationibus aucta circulatione oleo inductis nasci videtur. *Motus in intestinis insolitus*, a flatibus vagis per intestina huc illuc ruentibus.

Pulmones rigidi, tensi, &c. Credo quod tensio haec partim originem ducat ex nervorum spasmis, quibus constringuntur vasa, partim a sanguinis rarefactione, si febris accessione laboret aeger. *Membra gravia, &c.*

&c. Eandem agnoscit causam hoc phaenomenon, ni fallor, ac pleraque symptomata praecedentia, scil. nervorum spasmos. Sic enim impeditur aliquatenus liber spirituum in partes influxus, sine quo muscoli torpidi atque inertes cito deveniunt. *Pectus et thorax onus sustinere*, &c. Hoc ab eodem fonte profluit, scil. spirituum defectu; vel forte a denegato sanguinis transitu per pulmones. *Tussicula convulsiva*: Quoniam in consensum trahuntur nervi diaphragmatis. *Tum aeger spiritum ducere cum molimine*, &c. quia jam spasmi ipsas vesiculas pulmonales invaserunt, ita ut satis magnam aëris copiam admittere non possint.

Respiratio quodammodo densior. Ita, uti credo, plerumque fit, quoniam quum paucus tantum aër una inspiratione intra pectus recipiatur, et magna ejus portio in usus vitales omnino necessaria sit, paucitas ista, aucto inspirationum numero, compensari debet. *Sed tardior*. Quum muscoli inspirationi et expirationi servientes morbo laedantur, mirum non est, quod hae functiones quodammodo protrahantur. Porro, ex naturae instinctu quasi, hoc fit, ut copia fluidi vitalis intra pulmones recipiendi augeatur.—*Diaphragma quasi mediastino retractum*, &c. Diaphragma non sine difficultate magna deorsum pellitur, quia ventriculus distentus versus thoracem id protrudit. *Costis humerisque levatis*, &c. Hoc fit quasi motu automatico, ut thoracis cavitas in majoris aëris quantitatis inspirationem augeatur. *Exspiratio cum sibilo et sonitu fit*. In causa est constrictio tracheae arteriae atque vesicularum bronchialium.—*Exspiratio inspiratione faciliior*: Quoniam muscoli inspirationis plus quam expirationis impediuntur. *Nonnunquam tamen majore cum difficultate*.

te. Quando, scil. fibrae musculares quae cartilagineae bronchiales inter se connectunt, et expirationi interviunt, paralyticae aliqua ex parte deveniunt.

Intestinorum introductio. Causa a spasmodicis nervorum contractionibus petenda. *Vomitus bilis flavae aut viridis.* Quum bilis ex natura sua flavescat, si in ventriculum e duodeno motu retrogrado deferatur, mirum non est, quod flava quoque ex ore rejiciatur. Quomodo autem viridem colorem aliquando acquirat, forte difficile dictu est. Nonne eandem agnoscit causam ac bilis ista viridis, quam homines, ictu capitis, vel navis agitatione nauseabundi facti, evomere confueverunt? Ita sane videtur: Et hoc phaenomenon clarissimus Huxhamus acidi cum bile miscelae ascribere vult; neque sine ratione: Apparet enim ab experimentis Baglivianis, quod si bilis flava cum acido miscetur, statim in viridem colorem mutatur; et quum vix aliquis inveniri possit, qui non plus acidorum, quam putrescentium, ingerat, exinde probabile omnino videtur, quod plus minus acidi in uniuscujusque ventriculo semper lateat, cum quo bilis regurgitans facile, antequam evomatur, commisceri queat. *Augetur corporis calor, &c. cum pulsu veloci:* Eveniunt haec, uti credo, quoties febris accessus aethmati se comitem praebet: *Et inaequali.* Pulsus fit inaequalis, quoniam sanguinis circuitus, ob obstructions in pulmonibus natus, non aequa lege perficitur.

Sedem fluidam deponit. An perspiratio impedita, viam sibi faciens in intestina, pro causa agnoscenda? Forte ita est; sed nihil certi dicere audeo. *Pulsus parvus et intermittens.* Pulsus parvus devenit, quoties exigua tantum sanguinis portio e cordis specu sinistro

una

una contractione in aortam propellitur ; et causa quae impedit, ne cor sinistrum satis humoris, dato temporis spatio, recipiat, ex obstructo sanguinis per pulmones transitu petenda est. *Intermittens.* Ab eodem fonte ; non enim transfluit sanguis per canaliculos pulmonales constanti ritu et aequo pede. *Frigent manus atque pedes.* Prae defectu vitae virium. Quum enim sanguis parva tantum quantitate ad cor sinistrum appellat, minui omnino debet vis cordis et arteriarum, languescat oportet circulatio ; adeoque nil mirum, si in vasis minimis e corde remotis stagnet humor, et exinde sensus frigoris exoriatur. *Nigrescit facies.* Quum liber transitus per pulmones sanguini denegatur, humor e capite redux, ante cor dextrum in vena cava superiore sistatur oportet. Hinc igitur distendi debent venae jugulares, omniaque vasa et capitis et faciei ; et ex hac distensione fit color ruber, lividus, aut niger, prout in majorem vel minorem gradum evehitur. *In animi deliquium cadit.* Inter Physiologos adhuc disputatur, quibus praecipue causis adscribendum sit hoc phaenomenon. Dum enim nonnulli ex sanguinis applicatione inaequali ad cerebrum id provenire volunt, alii, e contrario, quod ab humore cor dextrum obruente nascatur, omnino putant. Si libere dicam, credo, quod hac occasione, vel ultimae causae jam memoratae, vel cerebro multo sanguine compresso, imputandum sit. *Palpitationibus cordis.* Cor dextrum nimis repletum semet uno ictu evacuare non potest ; adeoque se contrahit, iterumque se contrahit, ut tandem humorem obruentem vellicantem expellat. *Labia se contrahunt, lachrymas, &c.* Haec omnia ex involuntario spirituum influxu in musculos has partes

moventes

moventes immediate pendent ;—mediate autem, a cerebro arteriis turgidis compresso. *Flavo aut nigro colore inficiunt.* Cur lachrymae hoc in morbo cutem alieno colore aliquando tingunt, rite explicare, si non prorsus impossibile, saltem difficillimum; adeoque, quum nihil certi dici possit, satius est forsan omnino tacere? *Musculi inertes,—torpet vis vitae, &c.* Ex dictis de defectu circulationis facile intelligi possunt haec omnia. Quum enim sanguis atque spiritus animales sine magna difficultate per vasa minima non fluant, primo intuitu apparebit, quod motus muscularis, qui ex horum humorum libero fluxu et refluxu pendet, si non omnino, magna tamen ex parte, perire debet. *Tensione in inferiore parte abdominis,—morbus mitis, &c.* Hoc in casu asthma symptomaticum esse videtur, et originem suam ex nervorum sympathia ducere. Malum, sedem suam primariam in inferiore tubi intestinalis parte tum habet, et ex spasmis nascitur; quibus laxatis, statim liber evadit pulmo. *Si per multas horas, &c.* Ratio patet. Quo diutius enim vasorum fibrae distentionem patiuntur, eo saevius dolere debent. *Quasi delirantis phantasiis, &c.* Delirare quis dicitur, quoties ideas in mente concipit, quae non rebus externis, sed internae cerebri dispositioni, competunt. Tale autem delirium, quum suspirio superveniat, a cerebro compresso aut obstructo provenire videtur. *Dormitat, sed vix dormire potest.* Dormire cupit, quia cerebrum vasis multum distentis quodammodo opprimitur; sed dormire non potest, ob ingratam sensationem qua perpetuo vellicantur nervi; vel forte prae anxietate et sensu suffocationis, quo nunquam non tentatur aeger. *Retrorsum reclinare nequit.*

Causa

Causa in promptu est : Nam, si semet retrorsum reclinet aeger, trachea arteria plus minus incurvari, adeoque aditus aëri in pulmones difficilior reddi debet. *Cubiculum angustum,—focus, &c.* Hoc praecipue verum esse videtur de iis aegris, qui febre simul atque semel cum anhelatione laborant ; vel qui, aestuante Sirio, morbo hocce diro cruciantur : Calidus enim et rarefactus eorum sanguis, frigidiusculis et refrigerantibus omnino indiget. *Licet juvet aërem igne calefactum inspirare.* Qui mordente gelu asthma te infestantur, hanc veritatem maxime agnoscunt : Hi enim nunquam fere non catarrho pituitoso eodem tempore vexantur, ob materiam perspirabilem intus frigora repressam, et pulmones lymphae acris et irritantis specie obruentem. Hinc mirum non videbitur, si in tali conditione levamen accipiant aegri ab aëre calido ; talis enim aër multum lymphae istius acris exhalabit, et hac de causa pulmones aliqua ex parte liberabit. Porro, quum a frigore, ex hypothesi, morbus exortus sit, vix fieri potest, quin aër calidus, (utpote causae contrarius), aliquid solatii secum afferre debeat. *Decrescunt symptomata, &c. tussi rejicitur.* Ratio est obvia : Scilicet, quod, evanescente accessu, solvi incipiunt spasmi, qui malo diro ortum dabant. Solutis autem his, cito quodammodo liberantur ventriculus et pulmones, adeoque via fit patula, qua e vesiculis bronchialibus excuti potest pars aliqua muci, vel phlegmatis istius stimulantis. *Nigris lineis distincta.* Circa vertebrae thoracis quartam, utrique tracheae arteriae lateri accrescunt glandulae nigrae, vel ex nigritudine caeruleascentes, quae mucum praebent caeruleum, aliquando

VOL. II. Q subnigrum.

subnigrum. Credo igitur, quod pituitae nigritudo ex mucī istius miscela nascatur; sed rem ita certe se habere, dicere non aſim. *Accessum brevem, &c.* Omnia morbi symptomata tunc temporis leviora sunt, quoniam a leni causa, scil. spasmis levioribus, exoriri videtur malum. *Si ad diem tertium aut quartum perſet, parum phlegmatis, &c. exſpuitur.* Sic observavit toties laudatus Floyer. An ita contigerit, quia huc usque increverat accessus, i. e. quoniam vesiculi bronchiales adhuc constrictae nullam pituitam ejiciendi facultatem dederant? Sane ita, ni fallor, credere liceat. *Tertio autem, &c. rejicitur concoctum quid, &c.* Concoctum dicitur sputum, quando speciem putredinis subiverit, qua solvitur aliqua ex parte cohaesio partium inter se mutua, ita ut minus glutinosum et tenax reddatur. Quoad sputi colorem; pendere omnino videtur ex majore aut minore corruptionis gradu. *Quibus per longum tempus, &c. sputum dulce, &c.* Tractu temporis mucus in pulmonibus collectus putrefcit, variasque mutationes hic loci memoratas subit, prout hoc vel illo corporis habitu praeditus sit aeger, vel potius pro majore aut minore temporis spatio, quo intra pectus detentus fuit.

De asthmatis diagnosi facienda, si praedicta haecenus de morbi causis atque symptomatibus serio perpendantur, vix anxio ac sollicito labore opus erit: Obvia enim et facile distinguenda apparebit omnibus, qui vel primis labris medicinam tetigerunt. Namque ubi spiratio molesta, tarda plerumque et quodammodo densa, cum strepitu et sibilo, periodice redux, occurrat, ibi asthma adeste, pronunciare fas est. Cavendum tamen, ne asthma cum suffocatione ista convulsiva,

globus

globus hystericus dicta, confundatur: Inter se enim omnino discrepant.—Causa posterioris, ab aëre intra gulam contento, tracheae arteriae membranam musculosam comprimente, et aëris transitum per laryngem in pulmones aliquatenus impediante, petenda est: Et spasmodica constrictione, ac veluti strangulatione summorum faucium et pharyngis, nititur. In priore autem, larynx faucesque summae satis apertae manent, et liber datur aëri transitus per asperam arteriam; vitium, hoc in casu, potius in ipsis haeret pulmonibus, adeo ut nonnunquam inspiratio difficilis, expiratio vero legitime succedat.

A Catarrho suffocante etiam distingui potest asthma, si consideretur, quod hoc remissiones et exacerbationes patitur in unoquoque paroxysmo, et periodice quasi redit; dum ille velociter plerumque cursum suum absolvit, et aequo quasi pede, nec cito, nisi per accidens, recurrit. Praeterea, secundum Hoffmannum, catarrhus suffocans paralytici quid involvit; et cum majore ruboris atque strepitus gradu consociatur, quam asthma.—Credo tamen, quod rarius a paralyti inducatur morbus.

Quoad prognosin; plus difficultatis habere videtur. Tamen in genere dici potest, quod raro periculum mortis instantis secum afferat: Plerumque enim per septimanas, per menses, imo per annos durat, sine destructo pulmone, aut, ad munera obeunda, ineptitudine inducta. Observari tamen debet, quod juvenes vix in integrum restituuntur, si asthmatis accessus unquam experti sint; senes fere nunquam. Infantuli plerumque morbo diro suffocantur.—Asthma haereditarium mitigatur tantum, curatur ex toto nunquam.

Si

Si asthmati supervenerit phrenitis aut peripneumonia, fere semper lethalis. Si recens malum, spes salutis affulget, praesertim si a materia aliqua morbida per metastasin in pulmones deposita, oriatur, et haec materia ad proprium locum revocari possit. Quin si inveteraverit malum, aut perversa tractetur medela, transit in pectoris hydropem, viscerum imi ventris obstructions, pedum tumores, cachexiam, ac hydropem universalem; phthisin, marcorem, et pulmonum inflammationem.

Scire etiam oportet, quod praeceps exitium et repentinam suffocationem praecipue infert asthma, quoties polypo cordis simul vexatur aeger; quod ictero quoque obnoxii sunt suspiriosi; et saepenumero doloribus capitis, vertigine, lethargo, apoplexia et paralyti tentati. Hisce in casibus in propinquo plerumque est mors, ut etiam quando palpitare incipit cor, aut synopen frequentem patiuntur. Denique, pro regula generali stabiliri potest, quod quo majori impetu et vehementia invadit accessus, vel et diutius durat, et crebrius recurrit, eo plus periculi subest.—Sic annotarunt post medicos antiquos, et Floyerus et Hoffmannus.

Jam de medela asthmatis dicendum. Sed antequam opus tam grave suscipiamus, paucis exponere fas sit, qui praecipue funesto huic morbo opportuni sunt. Hi autem imprimis asthmate affliguntur, ait Hoffmannus, qui sunt temperamenti sanguinei, vasis exilioribus, tamen copiosis instructi, obesiores, plethorici, pectoris angustioris: Post vehementiorem animi vel corporis commotionem, quacunque de causa fiat, tempore praesertim verno et autumnali. Multo magis eo tentantur,

tur, si mensium ac haemorrhoidum inordinato fluxu, vel plane defectu, laborent, aut consuetas sanguinis missiones per scarificationem, vel venarum incisionem, intermiserint: Nec non si fuerint hypochondriaci, et ventriculus ac tubus intestinalis, ob turbatum vel peruersum motum peristalticum, flatibus scateant, et spasmus affligantur. Eo certius haec incommoda patiuntur, si excretiones feri acris per quascunque vias fuerint suppressae, aut languide succedant. His adde, qui parentibus anhelis nascuntur, vel peculiari quadam nervorum mobilitate praediti sunt.

Sed tempus jam postulat, ut ad morbi medelam progredieremur. In asthmatis igitur curatione tractanda, duo praecipue consideranda veniunt. 1mo, Ut praesens malum, i. e. accessus, amoveatur. 2do, Ut caveatur ne recidivus fiat. De primo horum optime consulatur, si medicus tribus sequentibus animum diligenter incumbat: 1mo, Suffocationis periculum avertere; 2do, Nervorum spasmos consopire; 3tio, Materiam laedentem (si adsit materia) vel e corpore eliminare, vel saltem ad locum suum depellere: Scil. si sit podagrica, ad pedes; si scorbutica, ad cutem; et sic porro.

Quoad primam intensionem, nihil citius aut melius plerumque confert, quam sanguinis missio, praesertim e pedibus, si satis mature instituat. Molem enim, velocitatem, atque momentum humorum in genere minuit; adeoque vasa pulmonalia turgida, vesiculas bronchiales comprimantia, quodammodo deplet, et facultatem majorem semet expandendi iis vesiculis conciliat. Post sanguinem missum, injiciatur clyster emolliens carminativus, vel ducatur alvus ope cathartici

tici lenioris refrigerantis : Sic enim magna ex parte forsan solventur spasmi abdominales, expellentur flatus vagi quibus perpetuo fere excruciantur aegri, atque minus versus pectus protrudetur diaphragma : Unde minus etiam comprimi debent pulmones.

Porro, ad accessum mitigandum non parum saepenumero valent pedum frictiones, atque in aqua tepida immersiones ; nec non foci calidiores hypochondriis admoti. Hisce enim remediis mitigantur spasmi, et fit revulsio a pectore versus inferiora, vel abdominis exteriora. Si muco abundant vesiculae bronchiales, optimo cum successu adhibentur emetica mitiora ; excutiunt enim et expellunt saburram istam qua gravatur pulmo, sicque magno levamini aegrotis sunt. Observandum tamen est, emetica lenia solummodo scopum in hoc casu, attingere ; quoniam fortiora genus nervosum adeo vellicant stimulantque, ut potius malum augeant. Praeterea, emetica fortiora vires vitales prostrernere solent, fatigationem multum inducunt, et magna aquae tepidae copia ingurgitationem requirunt, quod homini anhelatione laboranti prorsus fere impossibile. Fiat itaque emeticum ex radice vel tinctura ipecacuanhae ; vel ex oxymelle aut aceto scilicet.

2da Intentio medendi fuit—nervorum spasmos consopire. Huic autem usui inserviunt nervina et remedia antihysterica dicta ; inter quae primum tenent locum opium et moschus. Cavendum tamen est, si aeger calida sit temperie, ne calefacientia haec medicamenta simpliciter et per se administrantur : Alias enim effervescentiam et rarefactionem sanguini inducent, et omnia in pejus ruere facient. Misceantur igitur, tali in

in casu, haec calefacientia (scil. gummi foetida, castoreum, camphora, &c.) cum aceto scillitico, oxymelle scillitico, nitro, aut aliis id genus refrigerantibus. Et si muco vel pituita viscida obruantur pulmones, cautela opus est quoque, ne opium nimia dosi, vel sine attenuantibus, spiritu Mindereri, v. c. aceto scillitico, et similibus, praescribatur. Incuria enim vel imperitia medici, facile impediri omnino sputus, et suffocari potest aeger. Formula quam praecipue laudat clarissimus Meadus in opio adhibendo, hac occasione, in Pharm. Londinensi, elixir paregoricum audit. Porro, ad spasmos conspiciendos, magno cum fructu tantum non semper applicantur vesicatoria et cataplasmata acrimia: Humor enim acrim portionem quandam extrahunt, ad exteriora ab interioribus revulsionem faciunt; porro, instar stimuli agunt, et nimiam nervorum tensionem minuunt. Saepenumero enim vidimus spasmos una in parte solutos, stimulum inducendo alia in parte corporis. Denique, ut consopiantur spasmi, multum, uti credo, praestabit boni, si aeger in loco quieto, atque in aëre plerumque subfrigido, teneatur. Sic enim sanguis lente et aequabiliter circulum suum obibat, et pulmones aëre illo frigidiuicula majorem quam antea distentionis gradum patientur — Sed tertiam medicam intentionem jam aggrediamur.

Haec autem in materia laedente eliminanda e corpore, vel saltem ad proprium suum locum depellenda versatur. Tali fini optime respondebitur, quando viscido atque tenaci muco replentur veliculae bronchiales, si lac ammoniacum, julep. scillitico, pillulae scilliticae, aut electuaria ex sapone Veneto, gummi sagapeno

gapeno aut myrrho confecta, primo loco praescribantur: Dein, si evomat aeger, Ex vitriol. alb. drachm. semis. vel quolibet leni emetico: Remediis enim hisce resolventibus, fatis feliciter attenuabitur materia morbida, et sic attenuata, cito expelletur. Observatum est, quod si aeger frigido temperamento gaudeat, attenuantia calida praecipue ministrari debeant; sin autem calidiore habitu sit, ad attenuantia refrigerantia omnino recurrendum est; atque omnia calefacientia cane pejus et angue effugienda.

Si humore tenui et acri titillentur pulmones, tentanda sunt conspissantia, emollientia, et similia, v. c. decoctum pectorale, trochisci pectorales, vel, R. gum. tragacanth.—pulp consolid. maj. ana unc. i. confer. malv. unc. semis. fyr. alth. q. s. f. elect. cujus cap. m. n. m. quater de die, et bibat inf. lini, vel emulsionem Arabicam, ad libitum. Hoc etiam in casu, insignis admodum usus sunt vesicatoria et setacea. Immo palmam haec omnibus sane remediis facile praeripiunt; praesertim si vesicatoria in fonticulos perpetuos convertantur: Namque sic exitum perennem humoribus acribus conciliant, et simul atque semel stimulum constantem aliunde faciunt.

‘ Si malum a materia arthritica aut podagrica, intra
 ‘ corpus retrocedente, ortum duxit, translato nempe
 ‘ acri humore ad nervosas pectoris partes, non tutius
 ‘ est consilium, suadente celeberrimo Hoffmanno, quam
 ‘ lenibus diaphoreticis liberam perspirationem promo-
 ‘ ventibus, humorem istum ad corporis superficiem,
 ‘ vel ad partes ex quibus repulsus fuit, relegare.’
 Cui scopo cum praesentissimo commodo, uti credo,
 satisfacient boli ex castoreo, camphora, nitro, et syrupo
 croci

croci confecti, vel ex serpentaria Virginiana, contrayer-
va, sal. c. c. fyr. caryophyllorum vel diacodio compara-
ti; vel, ℞. opii gr. i. camph. gr. xii. corticis aurant. q. s. f.
bol. om. nocte fumend. Eidem usui inferviunt julap.
diaphoretica, et haustus sudoriferi in Pharmacopoeia
Edinenfi descripti; interim observandum est, quod
diaphoretica, hac occasione, damnat fidus Sydenha-
mus, et sanguinis missionem ac purgantia lenia collau-
dat.

Ubi scabies vel ulcera retroacta, vel praemature
consolidata sunt, insignem merentur laudem (ait toties
commendatus Hoffmannus) remedia ex sulphure para-
ta, quippe quae has sordes ad cutem revocandi mag-
nam vim possident. Neque negligenda sunt leniora
laxantia, nec blando diuretica, qualia sunt pilulae Ru-
fi, et saponaceae, decocta ex radicibus aperientibus,
ex althaea, bardana, vel infusa ex seminibus e baccis
lauri et juniperi. Boli ex nitro, terebinthina et alia
id genus: (Sinapi etiam, liceat paulo acrius, multum
saepenumero valet); his enim, et crassae et primis viis,
et reliquae per vias urinarias excernentur impuritates.
Ex consilio autem Baglivii, vitentur diuretica ex sali-
bus lixiviosis et acidis parata, utpote in pectoris mor-
bis nociva, tussim, scil. movendo, et morbum exaspe-
rando.—Porro, si adsit podagrica materia, cataplasmata
acria et vesicatoria pedibus applicata plus valebunt in
ea ab interioribus revellenda, quam ulla alia vel forte
decantatissima remedia: Partes enim stimulando, ma-
jorem solito humorum copiam huc derivant, tandem-
que morbi causam sedem mutare cogunt.

In asthma sicco, a vaporibus metallicis, ipecacu-
anae effluviis, vel aliis hujusmodi proveniente, reme-

dia quae acrimoniam obtundunt, et fibras laxant, qualia sunt, lac, oleum amygdalarum, emulsiões ex feminibus refrigerantibus, decocta farinosa, et similia, omne absolvunt punctum: Particulas etenim nervos vellicantes, vaginis quasi obvolvunt, sicque causam spasmodicae contractionis tollunt. Sed ad secundam mendendi intensiōem generalem nunc nosmet convertamus, scil. ut caveatur ne morbus recidivus fiat.

Hoc autem magna ex parte praecaveri potest, rerum non-naturalium ratione habita: Nam ex harum abusu plerumque anhelationis accessus ortum suum ducunt. —Neminem latet, uti credo, quot et quantas mutationes, varietas coeli et tempestatis asthmate laborantibus afferre solet; adeoque prima fronte apparet, quantum talium aegrorum intersit, ut aërem sibi aptum respirent. Aër quo lucidior, purior, atque densior, eo plerumque melior; aliquando tamen, (si, scil. debilis sit pulmo), feliciter se habet aeger in aëre humidior et levior. Si igitur quis asthmate obnoxius ab ejus diris accessibus immunis vivere velit, illum aërem ante omnia petat, in quo, experientia doctus, invenit se melius gerere.

Porro, a cibis potibusque flatulentis, vel qui viscidum et tenacem praebent chylum, sollicite abstineat: Talia sunt fructus horaei, farinaria, carnes sale aut fumo conditae, cerevisia nova, et id genus alia: Haec enim omnia in aegris flatus generare et acrimoniam concipere apta sunt, adeoque spasmos inducere opportuna; unde facillime recrudescit malum. Eadem quoque saepe numero accidunt, si vel alimentum aptissimum nimia quantitate ingurgitet aeger. Ventriculus enim nimis repletus munus suum rite obire nequit: Hinc
chylus

chylus male concoctus in bonum sanguinem nullo modo converti potest, sed obstructiones parere, et vesiculas pulmonales gravare et comprimere, aptus evadit. Utatur igitur aeger panada pauco vino condita, carne gallinacea, vitulina, agnina, et alia ejusmodi, parca dosi et saepius repetita. Pro potu, bibat vinum Rhenanum vel Gallicum album aqua commistum; sed spiritus ardentis summa cum industria fugiat. Tali regimine, chylus crudus parva tantum quantitate, dato temporis spatio, cum humoribus inquilinis commiscebitur, et hac de causa facilius viribus vasorum et viscerum subigetur et commoletur, ita ut per pulmonum angustias sine remora transire queat.

Quoad exercitationem, in genere dici potest, quod in accessuum intervallis tantum proficiat, et semper mediocris esse debeat. Exercitium enim adhibere, dum urgeat accessio, periculo non vacat; quum sanguinem nimis pleno rivo versus cor propellat, qui pulmones jam laborantes nunquam non opprimit. Idem semper evenit, quoties aeger diutius, quam par est, semet exercet, etiam in accessuum intervallis: Diuturno enim labore aliquo, sanguis parte sua tenuiore privatur, residuum spissescit, rapide ad pectus refluit, ibique haeret, et vesiculas bronchiales comprimit.

De animi affectibus moderandis pauca dicenda sufficiant. In genere autem expedit, ut quam maxime quietos, et, si ullo modo licuerit, ab omni mentis affectione vehementiore prorsus imperturbatos, suspiriosi se conservent. Hippocrates suadet, ut ab ira et clamore abstineant. Forestus narrat, se vidisse orthopnoeam lethalem a terrore inductam; et Helmontius commemorat quosdam qui ab ira et moestitia asthma corruebantur.

piebantur. Neque mirum sane: Quum omnibus notum sit, quam horrendos tumultus, mentis affectiones, saltem majores, in corpore humano creare soleant.— Unumquemque igitur diro huic morbo opportunum anxie studere oportet, ut quam placide et tranquille se semper gerat et habeat.

Quoad medicamentorum usum in asthma praecavendo, pauca tantum, ni fallor, necessaria sunt. Conveniet utcunque alvum semper tenere solubilem, exhibendo, si opus sit, vel lenem clysterem, vel eccoprocticum purgans bis aut ter omni septimana. Evomat etiam subinde ex rad. ipecacuanhae vel vitr. albi drach. semis. vel syr. scill. unc. 1. Et quia sanguis suspirio obnoxius (testantibus celeberrimis Meado et Floyero) rarefactioni et effervescentiae pronus est; ideo suadent hi medici ut aeger corticem Peruvianum aptis dosibus deglutiat, praesertim iis tempestatibus quibus morbus redire consuevit.

Finem tandem themati nostro imposituro, observare liceat, quod asthma iisdem remediis non semper auscultat, etsi eadem symptomata id comitantur, sed nunc his, nunc illis medicamentis cedit, et saepenumero vel optima pharmaca omnino spernit. Oportet igitur hisce occasionibus, uno vel altero incassum adhibito, alia remedia tentare, ut tandem aliquid inveniat, (si inveniri possit), quod vel morbum prorsus fuget, vel saltem nonnihil levaminis aegrotis miseris afferat.

Faxit Deus opt. max. ut in gloriam sui nominis, humanique generis emolumentum, medicinam semper faciam.

F I N I S.

DISSERTATIO MEDICA
INAUGURALIS,
DE

Ferri Historia Naturali, Praeparatis,
et Ufu Medico.

QUAM,

ANNUENTE SUMMO NUMINE,

Ex Auctoritate Reverendi admodum Viri,



D. JOANNIS GOWDIE,

ACADEMIÆ EDINBURGENÆ Praefecti;

NEC NON

Amplissimi SENATUS ACADEMICI consensu,

Et nobilissimae FACULTATIS MEDICÆ decreto,

PRO GRADU DOCTORATUS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

Eruditorum examini subjicit

EDUARDUS WRIGHT,
SCOTUS.

Ad diem 15. Junii, hora loquoque solitis.

EDINBURGI:

M,DCC,LIII.

Viro illustrissimo,

J O A N N I

COMITI de BUTE,

Vicecomiti de KINGARTH,

Domino MOUNTSTEWART, CUMBRAY,

Et INCHMARNOCK,

Antiquissimi et Nobilissimi

Ordinis S. ANDREÆ Equiti;

Dignitatibus, honoribus, titulis,

Antiquo stemmate,

Claro;

Ingenio, morum elegantia, suavitate,

Et omnibus quae hominem exornant,

Virtutibus clariori;

Literarum humaniorum

Cultori, fautori;

Dissertationem hanc,

Honoris et observantiae ergo,

D. D. D. C. Q.

Devotissimus

EDUARDUS WRIGHT.

tur. Σιδῆρος Graecis appellatur. Chalybes, Ponti gens, antiquis temporibus insignem hujus metalli mercatutam fecerunt, ut innuit hisce versibus Virgilius *.

India mittit ebur, molles sua tura Sabaci;
At Chalybes nudi ferrum.————

Et ab hoc populo *Chalybis* nomen ei inditum erat. Apud auctores chemicos plerumque *Mars* dicitur, et hac notula ♂ distinguitur.

II. Hujus metalli minerae in omnibus regionibus reperiuntur. In Suecia, Germania, Polonia, Norvegia, et Anglia abundant. In India etiam occidentali, si peregrinatoribus fides adhibenda sit, inveniuntur ferri venae, licet, ante detectam ab Europaeis istam terrae plagam, incolae ignavi et barbari, optimi hujus metalli, ut omnium aliorum, usus ignari essent. In Suecia insignis ferri copia e mineris excoquitur, et ad externos defertur. Apud Anglos, in saltu agri Gloucestriensis, *Dean* dicto, ferri minera optimae notae effoditur, et operariorum labores multo cum foenore re-
pendit.

III. Ferri minerae forma et colore admodum variant. Optima tamen, in superficie, colore rubro ferrugineo tingitur, diffracta coloris est plerumque coeruleo-cinerei, ipsum metallum quodammodo referens, bracteolis splendentibus saepius variegata. Haematites, smiris, magnes, et magnesia, sunt omnes ferri minerae, et, licet sub diversis titulis a materiae medicae

auc-

* Georgic. lib. 1. lin. 58.

auctoribus distributa sint, nullas omnino virtutes medicas possident, nisi quatenus hujus metalli participes sint. Omnes fere pyritae, mineraeque vitriolicae nativae, inter ferri mineras annumerare possunt. Nullus invenitur lapis, qui hujus metalli plus minusve non contineat; immo, vix ulla terra vel argilla hujus expers est. Ochra procul dubio terra est martialis, et originem huic metallo comminuto, et in substantiam quasi rubiginosam redacto, debere videtur. Rubrica fabrilis satis notabilem ferri copiam, terra argillosa vel marga permixtam, in se continet.

Ferrum nativum, et quidem adeo parum, ut nulla coctione indigeat, sed prorsus sub malleo ductile sit, in quibusdam fodinis reperiri dicitur. Num unquam autem in tali statu inveniatur, maxime dubitandum; quidam enim auctores ferri mineras quasdam ditiores, quae ipsum metallum satis exquisitè referunt, licet non ductiles sint, sub ferri nativi nomine descripsisse videntur.

IV. Ferri minera, antequam ad metallum eliciendum igni exponatur, torretur, malleis in pulverem conteritur, crebrisque aquae affusionibus lavatur: Haec torrificatio et lotura eousque repetendae sunt, donec omnes particulae volatiliores, sulphureae praesertim et arsenicales, abigantur; dein igni e carbonibus instructo, magnisque follibus agitato, commissa, in summo caloris gradu detinetur, donec fundatur. Quaedam minerae melioris notae metallum suum hoc modo facile reddunt; aliae autem, calce viva, lapidibus quibusdam, scoriis, aut hujusmodi rebus vilioribus, pro fluxu, ut loquuntur metallurgi, commixtis indigent, quo
abfor-

abforbeatur nimia sulphuris copia, et promoveatur metalli fusio. Metallum primae fusionis rarius malleum fert, sed durum et fragile est; variis tamen opificiis, ut foci laminis, aut ollis conficiendis aptum, in hunc finem ex ipso quo funditur loco, per canalem delatum, typis committitur. Ut ductile, et sub malleo extensile reddatur, repetitis fusionibus, eousque purificatur, ut mallei ictum ferat, dein igne candifactum, crebris ictibus assiduo contunditur, et extenditur, donec ultimum ductilitatis gradum acquirat et retineat.

Diu ab omnibus existimatum erat, ferrum bonum confici non potuisse, nisi in ejus excoctione adhiberentur carbonēs lignarii, et carbonem fossilem huic proposito prorsus ineptum fuisse. Nuper tamen in Anglia inventum est, quod tali carbone, modo acido sulphureo parcius imbutus fuerit, et materie bituminosa magis abundaverit, ferrum satis bonae notae excoqui possit. Invaluit etiam apud nonnullos opinio, ferrum, vel ex optimis mineris in vase clauso detentis, vix ulla ignis vi parari potuisse. Ipse clarus Stahlius hanc opinionem fovisse videtur*. Existimarunt ipsum contactum minerae excoquendae cum cremio, prorsus necessarium, quo rite extraheretur metallum. Licet revera res ita se habet, si ferri crocos, multas mineras pauperiores, terrasque martiales spectaveris, metallum tamen omni nota bonum, e. mineris ferri ditioribus, etiamsi vasis adeo arcte clausis includantur, ut ne vel minimus possit esse cum cremio contactus, satis commode elici posse, experientia indubitata docemur.

Optimae

* Opusc. chym. phys. med. p. 513.

Optimae ferri minerae 60 vel 70 libras in centum-
pondio, prima coctione reddunt. Aliquae tamen in
Suecia, adeo metallo foecundae inveniuntur, ut libras
90 contineant.

V. Ipsum autem metallum, repetitis fusionibus ex-
coctum, et secundum methodum antea descriptam
purificatum, quo tenacius, magis ductile, minusque
durum aut fragile sit, eo melius habebatur. Gravita-
te specifica proximum cupro locum tenet, et ad aquam
habetur, ut 7645 ad 1000, hoc est, ut septem, et plus
quam dimidium, ad unum *.

Ferrum omnium metallorum fusionis est difficillimae,
et igitur diu antequam fundatur. Pars hujus metal-
lica in igne fixissima; sulphurea autem, de qua postea,
fatis volatilis est. Quo diutius igitur, eo mollior et
ductilior evadit; si tamen candens aqua gelida restinc-
tum fuerit, durior et fragilior redditur.

Nullum cum mercurio amalgama patitur, licet enim
adepti de horum unione aliqua perhibeant, experimen-
tum aliis viris peritissimis votis non cessit.

Neque plumbi neque antimonii vi resistit; sed cum
iis fufum in vitrum convertitur, et statim in fumos a-
volat.

VI. Ferri in chalybem convertendi variae adhiben-
tur methodi, licet revera inter se haud multum diffe-
rant,

* Secundum Cotes, aliosque, numeri tamen definiti vix adhiberi
possunt; nam et diversa ferri genera multum puritate differunt, et
forte aliqua, licet perexigua subesse poterit inter diversarum aquarum
gravitates specificas differentia. Hujus metalli gravitates specificas,
secundum diversos auctores, vid. in Davissi tabul. ast. phil. No. 488.
§ 9.

rant, omnesque eundem in scopum collimentur: Scilicet, ut metallum phlogisto vegetabili aut animali acido sulphureo immuni penitus imbuatur, antequam temperiem, five immersionem in aquam frigidam, recipiat. Hoc tamen commodissime fit, vel, metallum purissimum in contos crassitie mediocris extensum, caemento, ut vocant, ex pulvere carbonario cineribus clavelatis commisto, vel quibuscumque substantiis animalibus parato, undequaque circumposito, aliquot horarum spatio ignitum detinendo, vel ipsum metallum crudum quale e prima coctione prodit, cum iisdem substantiis aliquamdiu fundendo; in hoc casu metallum candefactum mallei ictibus in contos extenditur, et dein aqua frigida extinguitur; in illo nulla malleatione eget, sed aqua gelida candens immersum chalybs optima temperiei illico devenit. Super tota hac re, ut et omni metallurgiae parte medico scitu necessaria, consuli meretur egregius Cramerus *.

Chalybs coloris est ferro obscurioris, et multo durior fragiliorque, immo vix tantam ductilitatem retinet, ut mallei ictibus cedat.

In chalybe conficiendo clare satis apparet, metallum igne mollium copiosis vaporibus phlogisticis penetrari et imbui. Ferrum enim hoc modo mutatum, non solum pondus suum conservat, sed et aliquantulum augetur †, quum tamen aliter si diu ignitum detineatur, insignis substantiae metallica portio subscoriarum forma decidat. Hinc patet differentiam inter ferrum purum et chalybem in eo consistere, quod

major

* Elementa docimasticae, Leid. 1744, 8vo.

† Gravitas specifica ferri ad chalybem, secundum optimos auctores, est fere ut 7645 ad 7850.

major phlogifti portio huic quam illi intime unita
fit.

VII. Clarus chemicus Beccherus particulas ferreas in argilla vulgari, e qua lateres excoquuntur, detexit; in hac enim oleo subacta, et ignis vi exposita, plurima apparuere minuta granula, magnete attracta. Idem a clarissimo Stahllo postea confirmatum erat, qui curiosis experimentis evicit, ex argilla vel luto, ope principii alicujus inflammabilis vel *φλογιστου*, ut ipse loquitur, verum ferrum produci *.

Postea, celeberrimus academicus Gallus Geoffroy eadem experimenta repetiit, et confirmavit, immo multum ditavit. Plures enim particulas magneti respondentes in cineribus plantarum combustarum invenit, licet summam habuerit curam, ne ullum ferramentum, vel ulla hujus metalli machina, in experimento instituendo adhiberetur. Hinc problema proposuit, cineres plantarum invenire quae nullum ferrum continerent. Quam plurimis experimentis, postea institutis, constitit, in omnibus plantarum combustarum cineribus, particulas ferreas nunquam non adesse.

Lemerius pater, ferri particulas in capite mortuo mellis, extracti florum delicatissimi, in tenuibus apum visceribus, elaborati, et filius in castoreo, substantia animali, paulo postea detexerunt. Indubitatis experimentis nunc compertum habemus, quod non solum omnes quarumlibet plantarum partes, sed et omnes substantiae animales, cum fluidae tum solidae, ignis ope in cineres redactae, veras particulas ferreas, apte magneti respondentes, plus minusve exhibent.

Sed

* Opuscul. chem. phys. med. pag. 375. et sequent.

Sed magna hic oritur lis inter ingeniosos viros, Geoffroy et Lemery agitata, Num ferrum his substantiis revera antea existebat, atque harum compositionem ingrederetur; an autem, sub ipsa uisione, aliqujus terrae portionis cum principio inflammabili, et acido quodam vitriolico in terra vel oleo contento, unione et miscela produceretur? Hanc sententiam D. Geoffroy, illam Lemery amplectebatur. Omnia argumenta et experimenta hinc inde prolata, in actis Parisiis continentur, et consuli poterunt *.

Horum academicorum experimentis plurimum certe debemus; sed quum neuter vel ipsam rem, vel uterque utrumque, satis intellexisse videantur, adeo ut tota fere disputatio sit quasi logomachia super ista quaestione, quid ferrum appellandum, aut quid non? operae pretium erit, ipsam veritatem, quantum experimentis addiscere possumus, pro virili eruere.

Ferrum per omnia corpora fossilia ubique dispergi, satis docent experimenta, quibus evincitur, nullum lapidem, nullam fere terrae portionem, istius metalli plus minusve non praebere. Prae caeteris autem, hujus metalli mineris late dominari videtur terra martialis, quae ab ipso metallo in crocum seu rubiginem comminuto haud multum differt. Huic terrae lateres omnes et vasa figulina excocta colorem rubrum debere videntur, quod comprobatur ex eo, quod omnes istae argillae, quae ignis vi expositae, hunc colorem acquirunt, saporis sunt substyptici et leviter ferruginei. Ipsa itaque haec terra, sive aliae substantiae fossiles hac imbutae, metallum perfectum, aut adeo purum,

ut

* Mem. de l'Acad. des Sciences, 1704, 5, 6, 7, 8, et 9.

ut magneti respondeat, praebere nequeunt, nisi vel ipsae satis magna copia principii instammabilis jam praeditae sint, vel aliunde suppeditatum habeant. Ut hoc melius intelligatur, observandum,

1. Paucissimas ferri mineras, etiam inter optimas, magnete attrahi, antequam in crucibulo, luto probe clauso, ignita fuerint. Ipsum tamen ferrum, licet aliis metallis aut semimetallis, etiam arsenico inquinetur, magneti haud prorsus insensibile esse. Solum antimonium hujus actionem penitus abolere posse.

2. Non tantum ferri rubiginem vulgarem, ferrum ignis vi in crocum redactum, aut acidis destructum, sed et multas hujus metalli mineras et terras ferrugineas, vase clauso ignita, magneti minime respondere, et vel seorsim, vel fluxu aliquo, non phlogistico igni vehementissimo exposita, in vitrum metallicum, nunquam tamen in regulum converti.

3. Hoc ipso vitro, vel iisdem substantiis, antequam in hanc formam redactae fuerint, ope debiti phlogisti, v. g. olei pauxilli, adipis vel sevi frustuli, ferrum perfectissimum, prompte magneti respondens, produci.

Et si multis experimentis constet, ferrum solum omnium metallorum magnete attrahi, ex jam observatis tamen patet, ductilitatem non prorsus necessariam esse, quo magneti sensibile reddatur, et hac trutina non certe distingui posse, num aliis metallis inquinetur, necne.

Ex jam allatis etiam apparet, ferrum optimum e terra ista ferruginea, et a forma metallica aliter abhorrente, addito debito phlogisto, exustionis ope conslari posse. Sola tamen terra hujusmodi martialis, talis

principii inflammabilis mistura, quantum experimentis addiscere possumus, metallo conficiendo apta videtur, adeo ut haec potius pro metalli quasi resuscitatione, quam productione artificiali, haberi mereatur. His experimentis etiam videmus certum unionis gradum phlogisti cum principio terreo, quo magneti sensibile reddatur, requiri; et rationem reddere possumus, cur quaedam minerae, quae principio inflammabili jam abundant, et tantum intimiore hujus cum parte terrea miscela indigent, sola ignitione magneti respondeant, et si diutius igne urgeantur, ferrum optimum praebeant.

Sed forte ferrearum particularum, in omnibus plantarum et substantiarum animalium cineribus sese manifestantium, origo, explicatu difficilior videbitur. D. Lemery existimabat, metallum, sub forma vitriolica, aquis ubique abundantibus, solutum et suspensum plantarum tubulos, vel minutissimos, intrare et ascendere *. Licet hoc forte verum esse poterit, quum tamen tales particulae ferreae, in cineribus omnium plantarum, quibuscunque locis provenientium, reperiantur, et vitriolum perfectum rarius, praesertim in aquis, inveniat, magis probabile mihi videtur, has particulas, in omnibus hujusmodi cineribus observandas, originem debere ipsi isti terrae martiali, qua totum solum culturae idoneum scatet, adeo comminutae, ut una cum reliqua terra vegetabilium nutritioni inserviente, aquei humoris ope, tubulos plantarum minutissimos intret, per eos ascendat, et, una cum caeteris principiis terreis, iis instaurandis et nutriendis inserviat. E vegetabilibus, quibus ipsis vel animalibus haec depastis pro vic-

tu

* Mem. de l'Acad. des Sciences, 1706.

tu utuntur omnia animalia, in horum animalium corpora deferri, atque in omnium substantiarum, tam vegetabilium, quam animalium, cineribus, sine ulla, praeter solam cremationem, praeparatione, sub veri ferri forma, ideo sese manifestare videtur, quod in istis substantiis semper existat debita phlogisti copia, quae, cum terra martiali in exustione unita, metallum constituere possit, quod, licet primo non ductile sit, tamen facillime adeo purum reddi poterit, ut mallei ictus ferat. Ex praedictis melius intelligimus tum naturam partium hujus metalli componentium, tum etiam modum, quo substantias, cum vegetabiles tum animales, ingredi poterit: Et clare videmus, quam falso fundamento innitatur clarissimi Listeri hypothesis, qui ex observatis aliquot particulis magnete attractis, in calculi vesicae capite mortuo, illico concludebat, ferrum hujus concretionis morbosae basin fuisse, et hinc omnes acidulas, ubicunque aliquis hujus morbi metus subsit, ut cane pejores et angue damnat†. Eodem ratiocinandi modo, metallum hoc omnium ferme cujlibet generis substantiarum basin esse concludere possemus.

VIII. Ferrum foco speculi caustici majoris super tegulam expositum, cito funditur, et in materiem semivitrificatam, coloris in purpureum vergentis, convertitur; si autem super carbonem eidem foco exponatur, post fusionem, scintillas candentes, globulorum minimorum intus cavorum forma, eousque emittere pergit, donec totum dissipetur. Materies tamen super
tegulam

† De font. medicatis Angliae, p. 2.

tegulam vitrificata, carboni imposita, funditur, formam metallicam, resorpto principio carbonis inflammabili, de-
nuo induit, dein eodem modo scintillas emittere incipit,
et tota in has consumitur †. Notat tamen D. Geoffroy,
partem bituminosam sic a carbone communicatam, a
materie propria metalli inflammabili, quodammodo
differre. Observabat enim, metallum ab hac materie
carbonaria fufum et reductum, etiam super tegulam
speculi foco expositum, cito in scintillas, eodem modo
ac si super carbonem repositum fuisset, penitus diffi-
pari. Num autem hoc experimentum ab aliis fide
dignis repetitum fuerit, necne, compertum non ha-
beo.

IX. Omnes fere auctores recentiores in eo consen-
tiunt, quod ferrum principio inflammabili terrae vi-
trescibili laxius unito et sale vitriolico constat.

Principium sulphureum sive inflammabile multa ma-
nifestant. Recens ferri limatura in candelaе flam-
mam injecta, igitur, excandescit, et copiosas scintil-
las emittit. Si nitro crudo admisceatur, et crucibulo
ignito immittatur, cito oritur ebullitio, emittitur fu-
mus odoris sulphurei, dein aperta eaque satis vivida
erumpit flamma. Eadem recente limatura, oleo vitrio-
li debita aquae copia diluto immissa, ingens exoritur
effervescentia, cum copiosis fumis sulphureis, colore
albido, odorum allium quodammodo referente. Hic
fumus aliquo modo cohibitus, et subito emissus, can-
delaе accensae attactu flammam concipit, et instar pul-
veris pyrii, insigni cum fragore deflagrat. Praeterea,
terrae

† Homberg. mem. de l'Acad. des Sciences, 1706. Geoffroy, ibid,
1709.

terrae martialis reductio, five productio ferri artificialis, ut vocatur, materiem inflammabilem hujus metalli compositionem ingredi clare ostendit.

Terra vitrescibilis, ab experimentis antea memoratis, tam igne communi quam solari captis, in crocis et rubigine vulgari abunde sese manifestat.

Sal vitriolicum, secundum auctores, ei inesse debet, ex sapore styptico, quem aquae simplici impertit: Existimant enim nullum metalli principium in aqua solvi posse, praeter salem istum vitriolicum.

Dicunt praeterea, calorem ex recente martis limatura aquae simplici infusa genitum, et a variis auctoribus observatum *, ex salis vitriolici in partem metallicam actione provenire.

Experimentum etiam narrat Lemery, quo salis pauxillum, rubiginis in aqua simplici infusum caute evaporando, se obtinuisse perhibet †.

Sapor stypticus quem recens martis limatura infusa, vel ferrum candens extinctum, cum aqua communicat, talem adesse salem non probat; nam certe gratis dictum erit, si omnem stypticitatem a sale vitriolico deduxerimus. Calor quem concipit aqua simplex, cui infusa sit ferri limatura, aequè parum probat: Nam, ex observatione Tournefortii, limatura aquae marinae infusa, multo majorem, quam in aqua simplice, calorem concipit; hinc patet alium praeter vitriolicum salem in ipsa aqua, non in metallo latitantem, posse hunc effectum producere. Praeterea, ferrum in aqua solvi, vel potius in particulas admodum exiguas com-

* Lister. de font. med. Angliae, § 3. c. 7. Tournefort. Voyage au Levant, let. 5.

† Cours de Chemie, p. 173. Ed. par, 1696. 8vo.

comminui posse, sine salis vitriolici ope, ostendit exemplum aquarum mineralium, quae, postquam ochram suam deposuerunt, et vapidae devenerunt, sola superveniente putredine, tum saporem substypticum, tum spiritum suum chalybeatum, denuo recuperant *. Quid autem efficit putredo, nisi ut ochreum istud sedimentum in particulas adeo subtiles comminuat, ut facile sursum evehantur, et aqua intime commisceantur?

Quod ad experimentum D. Lemery attinet, salem vitriolicum ferro puro inesse minime probat; ferri enim rubigine usus est, quae, ut omnes norunt, metallo aliquo modo corroso vel destructo originem debet. Si autem ista corrosio, ut quidam existimant, acido aëris perficiatur, haud mirum videbitur, rubiginem salem indolis vitriolici praebere; novimus enim quod ipsum corpus metallicum menstruis acidis in formam salinam redigatur. Observandum autem, quod nec colorem, nec saporem hujus salis nobis indicat Lemery, adeo ut merito de ejus indole suspicari liceat.

Porro, satis constat, quod ex croco martis, igne vehementissimo tamdiu calcinato, donec prorsus insipidus et ab omnibus quibuscunque menstruis insolubilis reddatur, vel etiam in vitrum redacto, ope phlogisti e regno animali petiti, ferrum optimum confici possit. Ullum salem sive acidum vitriolicum tali calci inesse, vix credibile est, alioquin vel sapore vel aliter sese manifestaret, et ullum acidum vitriolicum, quod huic terrae unitum salem hujusmodi constituere possit, in adipe animali praesto esse, minime existimandum est. Nam sat bene
novimus,

* Hales's experiments on chalybeate waters, p. 105.

novimus, omnes substantias animales alcalescentes et acido adversissimas esse *.

Licet tale phlogiston a naturali ferri bitumine seu principio inflammabili differat, experimentum autem ostendere videtur, ferrum bonum confici posse, quum interim nullum hujus compositionem ingredi possit sal vitriolicum. Hinc adducor ut credam, salem vitriolicum minime necessarium esse, quo conficiatur ferrum purum et omni nota bonum, et omnia acida, sine quorum ope talis sal produci nequit, ut postea clarius apparebit, esse potius corporis metallici perditores.

S E C T. II.

Ferrum aëri humidiori aliquamdiu expositum rubiginem contrahit, immo in eum totum corrodi potest. Aqua simplice omnibusque liquoribus salinis partim solvitur vel corroditur. Omnibus acidis, vel vegetabilibus lenioribus, plus minusve cedit. Fortioribus mineralibus adeo penitus solvitur et penetratur, ut in formam salinam citissime redigatur.

I. **V**IX ullum datur metallum tam facile omnibus menstruis destruendum, ac ferrum. Non solum enim liquoribus vel lenissimis affusis sive applicatis fatiscit, sed ipso aëris contactu, quoad formam metallicam,

* Licet Hombergius ultima ignis tortura acidum in sanguine detexerit, quod ab alio fonte quam sale marino deduci potest, sciz. a vegetabili alimentorum indole viribus vitæ nondum satis subacta; quum tamen hoc acidum non sit vitriolicum, et perexigua copia in sanguine reperiatur, nihil huic tribuendum videtur.

tallicam, prorsus destruitur, et in pulverem rubiginosum decedit.

Aërem acido quodam vago abundare existimabat magnus Neuton; et revera aliquid nitrosae ptosapiae, ab experimentis, ubique circumvolitare videtur. Ex cineribus enim clavellatis, ex ipsa terra insulsa, modo libera haec inter et aërem fit communicatio, absorpto vapore acido, nitrum producitur. Hombergius existimat hoc omnigeni salis parentem et originem esse, prout huic vel alteri basi occurrit; et non solum nitrum, sed et vitriolum, salem marinum et alumen, eidem acido, hac vel illa matrice terrea recepto, ortum debere. Probabile admodum est, hoc ipsum acidum esse quo corroduntur ista metalla quae rubiginem contrahere observantur. Cuprum et ferrum, ut satis notum, prompte acidis quibuscumque solvuntur, et sic videmus haec metalla, prae caeteris, ipsius aëris contactu, in aeruginem seu ferruginem corrodi. Quicquid autem in hac re sit, certum est, ferrum in rubiginem redactum principio suo inflammabili, seu sulphure, maxima ex parte, privari. Ferri enim rubigo, in candelae flammam injecta, neque ignitur, neque scintillas emittit; et, licet igne vehementissimo urgeatur, sine ope phlogisti, in regulum reduci nequit, sed prorsus in vitrum convertitur: Spiritui vitrioli, nitri, aut salis marini commista, vix ullam gignit effervescentiam, nullus fumus sulphureus emittitur, neque ullo modo tali mistura produci potest sal vitriolicum. Quandam tamen tincturam tum acidis fortioribus, tum lenioribus vegetabilibus, praebet ferri rubigo*.

Ipsa

* Tinctura martis cum sp. sal. d. rubigine parata coloris est fusci; si autem adhibeatur in ejus confectione limatura recens, satis pulchre viridescit.

Ipfa hæc rubigo aëre, rore, aut pluvia parata in pulverem redacta, sub nomine Croci Martis Aperientis venit. Nonnulli suadent, ut in crucibulo ad rubedinem leniter calcinetur. Quibusdam etiam Mars sulphuratus, seu pulvis niger ab effervescente ferri et sulphuris mistura superstes, in rubedinem calcinatus, *Crocus Martis Aperiens* appellatur.

Ex croco martis aperiente, in igne vehementissimo diu reverberato, paratur *Crocus martis astringens*. Hic crocus, ut experimentis compertum habeo, omnibus quibuscunque menstruis prorsus insolubilis est.

II. Ab omni fere antiquitate innotuit, ferrum aqua simplice partim solvi posse, atque saporem substypticum, et etiam virtutes haud contemnendas, huic impertire. Hoc ex scriptis Celsi aliorumque medicorum antiquorum patet. Inter recentiores, magnus Sydenhamus, methodum aquas chalybeatas arte imitandi proponit, clavos, scil. rubigine obductos sufficientis aquae copiae aliquamdiu infusos tenendo*. D. Lemery filius, methodum ferri limati in pulverem subtilissimum nigrum, aquae simplicis ope, redigendi communicat, quae constat scobem martis recentem superficie tenuis aqua co-opertem aliquamdiu detinendò, et subinde agitando, cura semper habita, ne penitus exhalet aqua†. Solus tamen vir ingeniosus D. Franciscus Home, inter omnes quos mihi videre contigit auctores, summam notat subtilitatem, in quam ferri limatura aquae simplici infusa redigi potest. Propriis

VOL. II.

U

expe-

* Dissert. epistol. ad Cole, § 110.

† Mem. de l'Acad. des Sciences, 1735.

experimentis invenit, spiritum subtilissimum, aetherei istius aquarum mineralium aemulum, sic produci posse. Comperit enim aquam chalybeatam sic arte paratam, eodem prorsus modo ac acidulae naturales, per horas aliquot aëri expositam, nata in superficie tenui pellicula, ochreum sedimentum deposuisse, admista gallarum tinctura, colorem atramentosum respuisse, et vapidam devenisse *.

III. Omnes liquores salini ferrum corrodunt et quodammodo solvunt. Liquoribus alcalicis volatilibus, ut urinae putridae et sanguinis humani spiritu, notante egregio Boyleo †, magna ex parte solvi potest. Affusa gallarum tinctura nullum coloris mutationem observavit; experimentum autem aliter mecum cessit; pulvere enim gallarum ferri in sp. c. c. solutioni addito, color evasit nigerrimus.

Curiosam satis methodum ferrum liquore alcalino fixo solvendi exhibet Stahlius ‡; experimentum in opusculis suis continetur, et legi meretur, licet nec haec solutio, nec illae liquoribus alcalicis volatilibus factae, multi in medicina usus esse videantur.

Salis ammoniaci in ferrum effectus ostendit Florum Martialium praeparatio. Hi parantur, partes aequales limaturae martis et salis ammoniaci triti sublimando ex cucurbita cum capitello rite adaptato; coloris sunt flavo rubentis, et aëri expositi cito deliquescunt. Magna restat pars hujus materiei quae sublimationem respuit,

* Essay on Dunstons, p. 2. § 6. p. 157.

† Experiment. et observat. phys. works, vol. 5. p. 93. Of human blood, ibid. vol. 4. p. 184.

‡ Opusc. chem. phys. med. p. 743. et sequent.

spuit, coloris etiam e rubro in flavum vergentis, in aëre deliquescentis. Haec autem sublimatio magis deberi videtur acido salis marini (quo basi alcalinae volatili conjuncto conflatur sal ammoniacum) quam partibus salinae actioni. Hujus enim acidi aliqua portio metallo sese jungit, solvit, et in particulas adeo exiguas comminuit, ut facilius una cum sale ammoniaco elevari possit; horum florum residuum sp. vin. rectificat. tincturam admodum astringentem praebet, et sic aeque bene ac vulgari methodo parari potest Tinctura Martis Mynsichti.

Ipsam salem marinum ferro corrodendo plurimum valere, apparet ab experimento antea memorato, quo constat ferri limaturam, aquae marinae infusam, multo majorem quam in aqua communi calorem generare.

IV. Nunc observandae veniunt metalli solutiones in liquoribus acidis lenioribus vegetabilibus. Recens ferri limatura, cum vino Rhenano, calore modico per dies aliquot digesta, liquori colorem nigrescentem, saporem quodammodo dulcem, substypticum impertit; novum liquorem affundendo, tinctura sensim minus saturata fit, et superest tandem materiei metallicaе fati insignis copia, menstruo hoc vinoso prorsus insolubilis. Metallum enim liquore hoc tarde admodum prae acidi inopia operante diu submersum, in pulverem sive calcem quandam nigram redigitur.

Limatura martis cum vino Rhenano, spatio plurimum dierum in b. a. digesta, fit Vinum Chalybeatum.

Mars

Mars Solubilis five Chalybs Tartarizatus, qui fit, limaturam martis sine praeparatione, cum aequali portione crySTALLORUM tartari, aquae pluvialis sufficiente copia in massam primo, dein hanc in globulos in cli-bano excoquendos formando, hos dein terendo, in globulos cum aquae q. s. denuo formando, et in cli-bano ut prius excoquendo, hoc opus repetendo donec pulvis sit impalpabilis, suam solubilitatem acido tartareo quo imbuitur et penetratur, omnino debet.

Succi plerique vegetabiles, ut malorum, cydoniorum, aurantiorum, &c. limoniorum, et pleraque vina, tantum habent acidi quantum ad tincturam martis satis bonam eliciendam inserviat.

Ferri limatura aceto stillatitio acerrimo, eodem modo ac cum vino Rhenano, digesta, liquorem praebet rubicundum, admodum stypticum, et ad nauseam fere subdulcem. Novo affuso aceto per plures vices, tinctura sensim debilior extrahitur, donec tandem supersit materiei metallicaе satis magna copia, tali menstruo prorsus insensibilis. Ex summa hujus liquoris stypticitate, prae isto cum vino Rhenano parato, liquet, ferrum facile, sed varia ratione, ab acidis solvi posse, et quo acerbius et austerius fuerit acidum, quo perficitur solutio, eo magis stypticum esse liquorem inde paratum*.

V. Jam observanda veniunt quaedam notatu digniora, ferri solutionem in menstruis acidis fortioribus, e regno minerali arte chemica paratis, spectantia.

Limatura martis omni rubigine diligenter repurgata in aquam fortem seu nitri spiritum, debita aquae copia

* Ex hac solutione leni evaporatione parari possunt crySTALLI martiales.

copia dilutum, five in falis marini spiritum gradatim injecta, ingentem excitat effervescentiam cum copiosis fumis sulphureis, donec penitus solvatur. Ex utraque hac solutione parari possunt crytalli pulchri, saporis admodum styptici, viridescentes.

Tinctura martis Phar. Edin. fit ferri limaturam cum spt. falis dulcis, leni calore per dies aliquot digerendo.

Cum spt. nit. d. etiam paratur tinctura, metallum tamen non diu suspensum tenet, sed in fundum praecipitari permittit.

Oleo vitrioli optimo aquae purae octuplo dilute injecta ferri vulgaris, limati, purissimi, aliqua portioncula, liquor opaci cinerei coloris statim evadit, insignis oritur calor et ebullitio, cum vapore sulphureo, alii fere odore; si, sedata effervescentia et peracta solutione, denuo scobis ferreae quid injiciatur, donec aliqua hujus pars intacta relinquatur, liquor, depositis faecibus, purus evadet, viridescens, saporis subdulcis, styptici. Liquor hicce colo trajectus, leni igne ad cuticulae apparitionem evaporatus, et loco frigido sepositus, brevi in crytallus virides pulcherrimos emicat. Hi, ab effuso liquore liberati, in aëre siccati, sub vitrioli seu falis martis nomine veniunt. Liquor superstes eodem modo tractatus similes crytallus exhibet, et sic totus fere in vitriolum convertitur.

Quo metallum oleo vitrioli rite solvatur, prorsus necessarium est, ut magna aquae copia diluatur. Si purissimum et optime dephlegmatum sit, circiter octuplum aquae requirit. Oleum autem vulgo in officinis asservatum, phlegmate magis abundans, tricuplo vel quadricuplo aquae satis diluitur. Nisi addatur aqua,

qua, fortissimum istud et summe concentratum acidum, in metallo solvendo vix ullum praestabit effectum. Aëri autem aliquamdiu expositum tantum humiditatis attrahit, quantum metalli solutioni cuidam, licet non adeo perfectae, inserviat. Admixta aqua, particulae acidae, antea nimis stipatae, adeo liberae redduntur, ut facile et pleno impetu vim suam in metallum exerere possint. Neque liquidi mixturae debetur solum perfecta metalli solutio, sed et crystallorum color pulchre viridis et smaragdinus. Martis enim vitriolum ignis calori, aëri ficciori, vel radiis solaribus expositum, donec exhalet pars aquosa, colorem album induit, et facile in pulverem, instar farinae, conteri poterit. Sal etiam ex oleo vitrioli debita aquae quantitate non imbuto paratus, prorsus albescit, neque in crystallos nitidos, sicut alias, emicat*.

Notatu dignissimum est, quod, licet menstruum hocce vitriolicum, acidissimum et summe corrosivum sit, particulis tamen metallicis abunde saturatum, salem satis lenem, stypticum, minime acidum aut corrosivum, praebet.

Vitriolum nativum viride in quibusdam fodinis inventum, et etiam factitium e lapide pyrite paratum, ferro acido sulphureo seu vitriolico corrosivo originem debent, neque a sale martis arte parato differunt, nisi in eo quod pluribus particulis extraneis inquinentur. Pyritae, aliaeque minerae, quae vitriolum praebent, omnes ferrum et sulphur continent. Aëri expositae crepant, in frustula rumpuntur, et salem suum, tenebrae efflorescentiae specie, prompte reddunt. Ex antea dictis,

* Lemery, Mem. de l'Acad. des Sciences, 1735.

dictis, de aquae seu vaporis humidi in ferri solutione promovenda efficacia, facile concipere licet, unde, attracto aqueo ex aëre vapore, acidum sulphureum jam liberatum fortiter in particulas ferreas agat, eas solvat, et simul in crystallos emicet.

Iisdem principiis nititur notissimum experimentum, quo videmus, ferri scobem recentem satis magna quantitate sumptam, aequali vel etiam majori sulphuris copia commistam, et ope aquae in pastam crassam simul redactam, cito incalescere, fervere, aestuare, fumos emittere, immo in apertam flammam erumpere. Superstes massa rite tractata purum martis vitriolum exhibet; hujusque formatio, ut et ingens calor et aestus, actioni acidi sulphurei in particulas metallicas, omnino referenda sunt.

Massa haec Superstes, crucibulo super ignem eousque detenta, donec in pulverem nigerrimum faceat, Mars sulphuratus appellatur. Si tamen diutius calcinetur, colorem rubrum induit, neque a calce rubra vitrioli differt.

Ex sulphuris, acidi vitriolici, et ferri, sive hujus minerae, magna in terrae visceribus abundantia, et ex observata facili hujus metalli in acido solutione, ab auctoribus existimatum fuit, aquas chalybeatas omnes, ferro acido sulphureo corroso, et in vitriolum redacto, originem et virtutes debuisse. Certum est omnes acidulas, admisto gallarum seu quarumvis astringentium pulvere, eodem prorsus modo ac vitrioli in aqua solutio, colorem purpureum sive atramentosum induere, et pristinam pelluciditatem, addito acido, denuo recuperare: In his tamen Hoffmannus, aliique chemici periti, vitriolum frustra petiere, et spiritus iste subtilis

et

et fere æthereus; vix ullis vasis retinendus, in aquis chalybeatis adeo notabilis, ab hoc sale male deduci videtur: Vitriolum enim tam nativum, quam arte paratum, aqua solutum, leni evaporatione semper in pristinam formam reduci potest, nec, nisi post longum tempus, etiamsi aëri exponatur, in auras dissipatur, longè secus ac in acidulis observatur: Hæc enim aëri expositæ, intra paucas horas tenuem ad superficiem emittunt pelliculum, sedimentum ochreum deponunt, neque amplius e gallarum admistione atramentosæ deveniunt, donec supervenerit putredo; subtili enim hoc diremptore adeo comminuuntur particulae ochreæ, ut denuo in aquam sublatae, spiritum chalybeatum volatilem cum ea communicent. Quum itaque inter vitriolum fixum, et spiritum chalybeatum aquarum mineralium talis intercedat differentia, concludere licet, hunc a diverso origine deducendum.

Ab ingenioso experimento clarissimi nostri Professoris anatomici apparet, halitum sulphureum, ex effervescente cum martis scobe acido vitriolico, aqua pura exceptum, admista gallarum tinctura, colorem purpureum induere, et aquarum mineralium spiritum volatilem quibusdam notis referre*. Licet tales ebullitiones aut metalli corrosiones in terræ visceribus aliquando eveniant, et spiritum volatilem aquis præterlabentibus impertire queant; quum tamen, ab experimentis D. Home antea laudati, pateat, ferrum aquae simplicis ope, in tantam subtilitatem redigi posse, ut spiritum istum volatilem aquarum chalybeatarum exquisitè satis æmuletur, omnium maxime probabilis et generali naturæ

* Medical Essays, vol. 3. § 7. p. 49. Ed. 1753.

turae ordini consentanea videtur ingeniosi viri opinio, scil. pleraque, si non omnes, aquas chalybeatas, ipsis particulis ferreis, aqua istius minerae venam superlabente derafis, abreptis, solutis, et in summam subtilitatem comminutis, spiritum suum volatilem debere. Si fontium chalybeatorum in Scotia frequentiam, et summam ibidem ferrearum minerarum ubertatem, perenderimus, huic potius quam alteri origini haec aquas nostras chalybeatas facile referemus, praesertim quum thermae naturales nullibi apud nos reperiantur, aperto satis indicio, fermentationes, ebullitiones, aut metalli corrosiones rarius hic loci in terrae visceribus evenire, vel saltem non diu durare.

Vitrioli martis in aqua solutio, ut omnes norunt, admistis gallis aliisque quibuslibet astringentibus vegetabilibus, purpurea aut nigra devenit. Hujus phaenomeni speciosam theoriam proponit D. Lemery *, quam integre amplectitur D. Shaw : Existimant hi auctores, quod haec astringentia vim possideant absorbentem, quo acidum metallum solutum tenens attrahunt, dum particulae ferreae, ex sua indole atrae, sic acido spoliatae, et sibi derelictae, proprio suo colore nigro liquorem cui innatant tingere debent : Credunt hanc theoriam ex eo confirmari, quod solutiones sic atramentosae redditae, addito oleo vitrioli, denuo pellucidae evadant ; tum enim, quum plus adsit acidi quam quod a gallis absorberi queat, hujus reliquias particulis ferreis sese adjungere. At, quantum experimentis addiscere possumus, gallis, aliisque astringentibus, nullo modo absorbentur acida, neque ulla inter haec obser-

VOL. II.

X

vatur

* Mem. de l'Acad. des Sciences, 1707.

vatur attractio mutua.—Notari etiam oportet, quod, si vera esset haec theoria, substantiae alcalinae aut absorbentes (quae certo acidorum avidissimae sunt) longe promptius quam astringentia hunc effectum producere deberent: Hoc autem minime accidit: Verum quidem est, quod spir. c. c. aliaque alcalina volatilia, vitrioli martis solutionem, crassam, et utcunque nigram reddant, longe minore gradu tamen, quam gallae. Oleum tartari p. deliq. hujus salis solutionem in coagulum viridescens adigit.—Absorbentia, ut creta, ovorum testae, et similia, nullam coloris mutationem producant. Praeterea, novimus brevi produci posse colorem atramentosum, limaturam martis recentem, affusa aqua, cum gallarum pulvere atterendo: Et constat, aquas minerales, postquam vapidae devenerunt, et superveniente putredini spiritum chalybeatum denuo recuperarunt, admistis astringentibus colorem nigrum sive purpureum induere. Idem etiam observatur dum ferri solutioni in spir. c. c. admiscetur gallarum pulvis. Quum itaque variae ferri solutiones, quibus nullum adest sal vitriolicum, eadem exhibeant phaenomena ac ipsum vitriolum martis, prorsus corruere debet bella haec theoria.—Vera hujus phaenomeni ratio adeo subtilis videtur, ut nos aliquid certe de ea compertum unquam habituros vix sperandum sit: Neque, ut verum fateamur, multum refert.

Vitriolum martis aqua solutum, leni evaporatione ad radios solares, vel modicum quemlibet caloris gradum, praeter crystallos virides, liquorem e fusco rubicundum, crassum, et unctuosum, aquam Matrem Vitrioli dictam praebet. Haec aqua mater summe styptica est, minime tamen acris aut corrosiva. Solis vel
ignis

ignis calore in massam fuscam, salinam, facillime in liquorem rubicundum deliquescentem, exsiccatur. D. Geoffroy invenit, quod, repetitis vicibus solvendo, colo purificando, et ad solem evaporando, totum vitriolum in terram subflavam, ochream, et hunc liquorem, resolvi possit *.

Vitriolum martis, igni vehementiori expositum, in albam primo, dein in cineream, ultimo in rubram materiem, Colcothar dictam, redigitur. Hoc colcothar diu calcinatum, in pulverem tritum, et aëri humidiori expositum, in liquorem rubrum deliquescit. Acidum enim vitriolicum, expulso omni humore aqueo, jam concentratissimum, aëris vaporem avidè attrahit, et in se arripit. Hic liquor, sive oleum ferri per deliquium, ab aqua matre vitrioli parum differre videtur.

Ex martis vitriolo et saccharo saturni sp. vin. rectific. digestis extrahitur tinctura admodum styptica, Antiphthifica dicta.

Ex antea dictis, patet, ut ait Magnus Boerhaavius, quod si ullum metallum mutabile, si destructibile ullum, certe ferrum sit †.

VI. Perlustratis hujus metalli menstruis, haud supervacaneum erit quaedam super chalybeatorum indole, experimentis innixa, hic proferre.

I. Salem martis minime acidum esse, ex eo patet, quod syrupo violarum commistus nullam coloris mutationem inducat. Idem dici potest de omnibus ferri solutionibus

* Mem. de l'Acad. des Sciences, 1713.

† Elem. chem. t. 2. p. 447.

solutionibus in liquoribus acidis, modo menstruum perfecte metallo saturetur.

2. Sanguis arteria mulieris temporali recens emissus, admixta falis martis solutione adeo saturata ut nil falis amplius reciperet, coagulum illico contraxit.

Eadem solutione sero sanguinis recenti addita, idem accidit.

Neque tamen vinum chalybeatum, neque falis martis drach. ii. in aq. font. unc. ii. solut. serum coagulabant; aliquantulum crassius tamen et magis turbidum reddidit dilutior haec falis martis solutio.

Doctissimus Friendius sequens experimentum nobis exhibet. 'In jugularem canis injecta est sal. chalyb. in aquae unc. ii. solut. sem. unc. post palpitationem cordis et dyspnoeam vehementissimam, obiit animal. Secta vena iliaca, sanguis non concretus quidem, sed nonnihil grumescens. Ita in corde et aorta sanguis coagulum quoddam contraxit, licet quam in caeteris experimentis imbecillius †.' Caetera experimenta cum spt. vitrioli, decoct. cort. granat. sang. dracon. solutione, aceto et spir. falis d. instituebantur. Si autem vitrioli solutio satis saturata fuisset, coagulum fortius multo, quam quaedam supradictorum, certe induxisset. Admiror interim clari viri candorem, qui experimentum hoc, adeo theoriae suae, de vi chalybis in sanguinem attenuante, adversum, in lucem proferre haud dubitavit.

3. Eximius Halesius ingeniosissimo experimento invenit, aquas chalybeatas, vim satis notabilem vasa et fibras animales constringendi possidere. Aqua enim

Pyr-

† Emmenolog. p. 144. oper. ed. Vigani.

Pyrmontana, in aortam descendente canis sanguinis profluvio enecti, ex vase 18 pollicis cubicos continente, per infundibulum a se inventum et descriptum, huic affixum, repetitis vicibus injecta, per vasa capillaria intestinorum, secundum totam longitudinem sectorum, primo intra 40" depluisse, dein sensim lentius evasisse observata fuit, usque ad vas 17, in cujus transitu 76" consumeantur *.

4. Vitriolum martis, aut quaevis ferri solutiones in liquoribus acidis, additis substantiis quibuscumque, volatilibus, alcalicis, aut alcaliscentibus putridis, absorpto acido quo particulae metallicaes solutae detinentur, crassa, turbida, et utcumque nigricantia redduntur, et in calcem metallicam cito praecipitantur; admisto autem acido, cui sese adjungunt particulae metallicaes, denuo pellucida deveniunt. Repetitis autem experimentis inveni, quod substantiae animales ad summum putredinis gradum evehi debeant, antequam particulas metallicas praecipitare valeant.

Quantum ex scriptoribus antiquis colligere licet, ferrum primo interno usui applicuit celeberrimus ille pastor et vates, Melampus, ipsius Homeri carmine decantatus, qui Argonautam Iphiclum Phylaci filium, sterilitate laborantem, exhibita ferri rubigine in vino infusa, sanitati restituit †. Hippocrates urinam veterem, qua ferri recrementum candens restinctum sit, fotu adhibitam, ad conceptum promovendum suadet ‡.

Cel-

* Haemastatics, exp. 18.

† Appollodorus Bibliotheca, l. 1. p. 100. ed. L. B. 1665, 8vo.

‡ De morbis mulierum, l. 1. p. 490. ed. L. B. 1665, 8vo.

Celsus, aquam a ferrario fabro, in qua candens ferrum subinde extinctum sit, ad lienem coercendum laudat *.

Scribonius Largus aquam in qua ferrum candens demissum est, ad tumorem, dolorem, et exulcerationem vesicae, benefacere scribit †.

Dioscorides ferri rubiginem restringere, sistere foeminarum profluvia admotam, potuque praestare ne concipiant, auctor est. Externe variis in morbis laudat, et vinum aquamve in qua candens ferrum sit restinctum, potu coeliacis, dysentericis, lienosis, cholera laborantibus, et dissolutis stomacho, auxiliari scribit ‡.

Plinius in iisdem fere morbis ac Dioscorides commendat §.

Galenus ferri squamam, scoriasque, praecipue externe applicata, ut potenter styptica et exsiccantia laudat ¶.

Oribasius externe applicati in ulceribus malignis ferri usum suadet. Aetius et Alexander Trallianus in lienis scirrho, tum per se, tum liquore infusum, commendant. Inter Arabes, solus fere Rhazes aliquid de interno hujus usu perspectum habuisse videtur. Primus autem qui hujus metalli historiam et vires, ea qua par erat diligentia indagavit, fuit clarus Monardes, qui seculo 16 floruit.

SECT.

* De medicina, l. 4. cap. 9.

† De comp. medicam. cap. 38.

‡ Dioscor. cum com. Matthiol. p. 2. p. 676. ed. Ven. 1583.

§ Hist. Nat. l. 34. cap. 15.

¶ De simpl. med. facult. ed. chart. fol. T. x. p. 264. et 69.

S E C T. III.

Ferrum et omnia ejus praeparata sunt plus minus astringentia, et stimulantia; hinc, ubi vel primae viae, vel totum solidorum systema, nimis laxa et debilia, fluida, lenta, frigida, pituitosa, vel dissoluta, aquosa, et minus consistentia sunt, apprime utilia: In tali statu, corroborantia, aperientia, quodammodo attenuantia et deobstruentia, evadunt. Effectus horum oppositi, quibus obstructiones mensium referant, horum etiam fluxum immodicum et haemorrhagias sistunt, perspecto agendi modo, ex iisdem principiis deduci possunt.

I. **M**EDICI practici praeparata chalybeata in aperientia et astringentia dividerunt, ac id quidem ex observatis contrariis eorum effectibus fecerunt, aliquando, scil. obstructiones resolvendi, praesertim tamen fluxum menstruum suppressum ciendi et provocandi, aliquando autem e contrario fluxum hunc nimium reprimendi, haemorrhagias et diarrhoeas sistendi. Existimarunt itaque, quod hi diversi effectus ex diversis metalli principiis, et vario exhibendi modo, penderent, quod ferrum sub hac aut ista praeparati formula propinatum, prout hoc vel illud principium aperiens aut astringens in ea praepolleret, vel deobstrueret, aperiret, referaret, vel reprimeret et restringeret, menses suppressos provocaret, vel horum nimium profluvium supprimeret, haemorrhagias, aliasve evacuationes nimias aut insolitas, sisteret.

Et si

Etſi quidem verum ſit, quod quaedam ferri praepara-
rata, pro natura menſtrui quo ſolvitur metallum, vi
adſtringente prae caeteris pollent; haud tamen adeo
magna, vel ex cauſis oppoſitis oriunda, haec intercedit
differentia, ac opinabantur medici. Ex antea dictis
enim in priore ſeſtione, de hujus metalli menſtruis,
facile colligere licet, virtutem ferri aperientem male,
a quibuſdam auctoribus, ſulphuri ſeu bitumini ſubtili
unice referri *, quum conſtet quod ipſis vel praeſtan-
tiſſimis ferri praeparatis, v. g. ſali martis, maxima ex
parte deficit hoc ſulphur; ex efferveſcentia enim et luc-
ta inter acidum et metallum totum fere in fumos diſ-
ſipatur hoc principium.—Ex antea allatis etiam patet,
vim adſtringentem principio terreo inertis et inſolubili
male tribui; et, ab experimentis jam adductis, liquet
etiam, ſalem vitriolicum, cui fere ſoli vim aperientem
aut attenuantem quidam tribuerunt †, talem vim in
humores animales minime exerere.—Ex jam af-
ferendis aequae clare patebit, virtutem ferri aperien-
tem, et omnes ab interne aſſumpto hoc metallo ob-
ſervatos effectus, ſine imaginarii mercurii ‡, aut aequae
abſurdæ elatiſcitatis, ſuppoſitione ||, commodè explicari
poſſe.

II. Omnes ferri ſolutiones plus minusve ſtypticitate
pollere, oſtendunt plurima experimenta. Aqua in qua
ferrum candens reſtinctum fuit, ſaporem praebet a-
dſtringentem, idem etiam de limatura martis aquae
ſimplici

* Lemery le fils, mem. de. l'Acad. des Sciences, 1713.

† Lemery cours. de chemie, pag. 105.

‡ Zanichelli de ferro eph. nat. curioſ. 1719.

|| Quincy's Diſpenſatory, pag. 236.

simplici infusa dici potest. Rubigo saporem stypticum linguae manifesto imprimit. Omnes metalli solutiones, in acidis vel lenissimis, sapore haud parum corrugante pollent. Sal chalybis, linguae, palato, aut cuivis oris parti applicatus, harum partium fibras potenter corrugat et astringit, saporem summe stypticum excitat, et copiosiores salivae fluxum elicit. Praeclari Haleii experimentum, antea adductum, evincit aquas chalybeatas vasorum fibras, etiam in animalibus emortuis, coarctare et astringere.—Eosdem effectus in animalium fluida praestari demonstrant experimenta antea allata.—Hic loci autem observasse oportet, quod medicamenta duplici modo vasorum nostrorum fibras astringere queant; vel enim, 1. agere poterunt mera vi corrugante, contrahente, et accurtante, qua particulas fibrarum componentes in arcutiorem amplexum cogunt, et eosdem omnino effectus, ac in fibram aut partem aliquam fibrosam e corpore exsectam praestant, sic rad. tormentillae, aut cort. quercini decoctum pelles, fibrasve aliquas animales, corrugat et crispat.—Vel, 2. Stimulo fibris sensilibus quibus constantur vasa nostra, aut nervis applicato, quo vellicata et irritata in contractiones fortiores incitantur, et valido nisu sese accurtare et constringere conantur. Omnia amara aromatica, salesque volatiles arte chemica parati, hunc effectum praestant, licet hi nihil, illae parum tantum, adstrictionis proprie sic dictae habeant. Ferrum autem prae aliis medicamentis utraque hac virtute adstringente et stimulante unita pollet: Priorem jam notavimus; posterior aequè clare sese manifestat; non solum enim ipsum metallum om-

nesque hujus solutiones in ventriculum copiosius ingesta nauseam immo vomitum excitant; sed, ut omnes norunt, pulsum crebriorem et fortiolem reddunt, calorem intendunt, immo saepius febriculae speciem excitant, eodem fere modo ac si assumptum fuisset sal quoddam volatile.

III. Chalybeata in ventriculum recepta propria stypcitate et stimulo, hujus visceris fibras potenter astringunt, et, si nimia copia non ingesta fuerint, leniter, et sine nausea, vellicant et corroborant; in intestina delata eosdem producant effectus, et sic totum primarum viarum tonum instaurant et confirmant. In quamplurimis morbis, ex harum debilitate et inertia oriundis, quam multum necessario valere debet chalybs hujusmodi viribus praedita, unicuique facile patebit. Sic enim ventriculus, et intestina antea adeo laxa et torpida, ut ingesta rite concoquere, digerere, subigere, et propellere non valerent, nunc non tantum corroborata, sed et leniter vellicata et stimolata, fortius in ingesta agunt, partem alimenti subtiliorem in vasa lactea et venarum absorbentium ora adigunt, motuque valido peristaltico partem crassiorem faeculentam tempestive e corpore eliminant. Hinc rationem videmus, cur chalybeata saepius alvum, prae intestinorum torpore antea nimis strictam, leniter ducant, licet aliquoties accadat, ut ex intestinorum fibris contractis, et sic corroboratis, major quantitas partium alimenti fluidorum in vasa adigatur, dum reliquiae solito magis induratae tarde admodum promoventur, unde alvus quodammodo stricta deveniat.

Ex

Ex chalybis vi adstringente patet ratio, cur in diarrhoeis coercendis aliquoties tanti usus sit; hae enim, ut fluor albus in virginibus a nimia laxitate glandularum, quibus intestinorum interiora obsidentur, quandoque proveniunt, assiduo facto, per horum ora nimium dilatabilia, humorum profluvio. Chalybs, omnes hasce partes valide constringendo et roborando, talem fluorem satis tuto sistit. Vi chalybis adstringente et stimulante corroboratis et instauratis primis viis, rite perficitur in hisce partibus chyli elaboratio et coctio, optimus certe gradus ad sanguinem bonum conficiendum.

Sed neque solum in primas vias agere videtur chalybs, etiam antequam sanguinis massam ingressa fuerit. Nam ab indubitatis experimentis constat, summam ventriculum, primas vias, et reliquas corporis partes interesse sympathiam. Quum itaque chalybeata in ventriculum et intestina primum delata, sensiles horum viscerum fibrillas potenter astringant, leniter stimulent et corroborent, sequi videtur eosdem effectus, caeteris corporis fibrillis et vasis ex his conflatis, aliquo saltem in gradu, per consensum impertiri debere; hinc omnibus corporis vasculis, in motum quasi harmonicum vibratorium deductis, multo liberior reddetur fluidorum motus. Neque tamen omnes chalybis vires ab ejus in primas vias efficacia deducendae sunt.

IV. Ea enim chalybis portio quae in sanguinem defertur, minime iners est. Copiosis quidem humoribus inquilinis sensim diluitur antequam massam sanguineam ingredi queat ista pars quae per vasa lactea recipitur; sed et aliqua hujus portio venis bibulis, ubique
per

per intestina dispersis, absorberi, citiusque in sanguinem deferri videtur : Sic indolem stypticam aliquo saltem in gradu retinere debet. Tali vi astringente, simul cum ista constrictione a primis viis per consensum communicata, vasa coarctata, fortiora, et magis elastica reddita, majorem fluidis contentis renixum praebent, unde subigitur, propellitur, compingitur sanguis; et videtur etiam (si leges hydraulicae corpori humano applicandae sint) quod per tubulos, sic contractos et angustatos, majore velocitate propelli debet; unde pulsus frequentia, et calor auctus, adeo ex chalybis usu notabilia forte aliqua ex parte deducenda sunt. Sed motus fluidorum vividus et concitatus, calorque gratissimus quo perfunditur totum corpus post assumpta chalybeata, insigni, sed grato quo pollent stimulo, potius referenda sunt. Hic stimulus particularum metallicarum ponderi magna ex parte deberi videtur; hae enim, praesertim dum corpusculis salinis angulosis armantur, (ut omnibus metalli solutionibus in liquoribus acidis accidit) motu sanguinis circulatorio una cum istius fluidi particulis circumactae, in vasorum parietes perpetuo impingendo, sensiles horum fibras in contractiones fortiores excitant, tubulos corporis nostri minimos in vibrationes et motus oscillatorios deducunt; unde omnia vasa fortius in contentos humores agunt, eos subigunt, attenuant, propellunt, antea stagnantes aut tarde moventes mobiles et fluxiles reddunt. Hinc vis diuretica chalybis satis facile explicatur; vasa enim leniter stimulo, et fluida attenuando, omnes promovet secretiones, inter quas insignis est ista per vias uriniferas facta. Hic autem effectus ab aquis
cha.

chalybeatis epotis, aut ubi simul assumitur larga liquidi copia, magis manifestus est.

Neque tamen, ut ab assumptis mercurialibus accidit, chalybs fluida dissolvit aut colliquat, sed e contrario in debitam densitatem compingit: Nam tantae sanguinis attenuationi obstant, praecipua in ipsa vasa non tamen in humores ex grato stimulo suo chalybis actio, modicum tantum, respectu hydrargyri pondus, particularum forma non sphaerica, et mediocres, quas etiam in sanguinem delata, adhuc retinet adstrictionis reliquiae; sic enim fluida lenta et tenaci lymphæ obruta, valido valorum impulsu attenuata et divisa, in particulas molis aptae et fluxilis recoquuntur, dum particulae minores, quibus hae componuntur, expressa ex interstitiis parte tenuiore, serosa, vi leniter adhuc styptica, validius et arctius compinguntur. Hinc chalybis actio minime apte a praeclaro Freindio hydrargyro comparatur *. Ponderosum enim hoc fluidum globulis minutissimis constans, magno momento per omnia repagula viam sibi facit, vasa minutissima permeat, particularum gravitate, sanguinis cohaerentiam diffringit, totamque massam in liquamen laticosum dissolvit. In humores denique omnino fere agere videtur hydrargyrum, et in iis colliquandis, plenas exerit vires. Longe autem aliter chalybs, quae, vasa roborando et grate stimulando, praecipue praestat effectus.

V. Ex antea dictis, facile concipere licet unde chalybeata tam egregia emmenagoga deveniunt. Fluxus enim

* Emmenolog. oper. p. 142, ed. Vigani.

enim menstrui obstructio saepius oritur a sanguine lento, pituitoso, lymp̃ha tenaci obruto, qui pigre admodum propulsus, canaliculos ad hunc effluxum natura comparatos, vi sua aperire non valeat. Post hunc fluxum, autem, aliquamdiu suppressum, ex tanta sanguinis quantitate quae excerni debuit, in corpore re-tenta, vires cordis et vasorum movendorum mole obrutae fatiscunt, omnes pessundantur secretiones, sensim vitatur tota fluidorum crasis, anhelosa evadit respiratio, palpitat cor, aqueo latice tument crura et pedes, torpent et languent omnia, color faciei et totius corporis pallidus et subflavus apparet, foeda denique ingruit chlorosis.

In tali rerum statu, chalybeata, vasorum robur et elaterem restituendo, stimulo suo in contractiones fortiores excitando, emmenagoga evadunt. Vasa, antea laxa et inertia, majori vi in contenta fluida agunt, particulas fluidorum lentescences et tenaces dividunt, attenuant, mobiles et fluxiles reddunt: Hinc ex debita particulis sanguineis crasi conciliata, et magno vasorum robore et elatere, insignis oritur attritus, calor, motusque totius massae concitatur. Aueta sic sanguinis celeritate, augetur ejus momentum, majori impetu in vasa uterina defertur, eaque eo usque dilatat, donec viam sibi faciat. Rem ita se habere ex eo patet, quod ex omnium medicorum observatione constat, nulla dari emmenagoga quae non aliquo modo momentum sanguinis intendunt, calorem majorem, et febriculae speciem, excitant. Talia, v. g. sunt aloë, helleborus niger, omnia acria aromatica, antihysterica dicta. Haec saepius chalybi juncta in mensruis suppressis ciendis felici successu adhibentur. Horum autem ple-
raque,

raque, praesertim purgantia hydragoga, solo stimulo in talibus casibus valere videntur, et certo sanguinem fundunt et dissolvunt; hinc eorum usus vix nisi ad impetum subito faciendum commendandus, neque nisi summa cautela ei insisti debet. Chalybs autem praeter ceteris emmenagogis hoc habet commodi, quod sanguinis crasin minime vitiet aut fundat, sed e contrario summopere emendet. Hinc hujus usus, etiam post fluxum menstruum restitutum, summo cum emolumento, adhibito simul apto vitae victusque regimine, chloroticis adhibetur; sic enim debita fluidis crasi conciliata, motus vividus per totum corpus excitatur, corroboratis visceribus rite perficitur chyli concoctio, sanguis bonus elaboratur, rite peraguntur omnes secretiones: Hinc corpus antea debile, laxum, iners, et torpidum, nunc vividum et alacre evadit, facies antea turpi pallore inquinata, nunc pristinum colorem amoenae roseae acquirat, et brevi redit totius formae gratia.

VI. Patet itaque insignis chalybeatorum virtus in hydrope, leucophlegmatia, cachexia, fluore albo, morbisque hystericeis et hypochondriacis debellandis. Quum hi morbi a partibus solidis nimis debilibus et laxis, fluidis vel aqueo latice obrutis, vel nimis lentis, frigidis, et pituitosis, saepius ortum ducant.

Ex iisdem principiis, facile deducitur insignis chalybis efficacia in febribus quartanis aliisque intermittentibus. Causis enim horum morborum antecedentibus plerumque enervantur et relaxantur partes solidae, dum fluida nimis lenta et viscida deveniunt. Idoneo et moderato chalybis usu, (praesertim si medicamentis

camentis amaris, aromaticis, roborantibus adjungatur); vasa corroborata et leniter stimolata, majori nixu in contenta fluida agunt, lentorem sanguinis subigunt et dissolvunt, tutaeque corticis Peruviani propinationi viam patefaciunt.

VII. Sed et saepius observatum fuit, praeparata chalybeata, fluxum mensium nimium, aliasque haemorrhagias, repressisse; et antea notavimus, haec praeparata in aperientia et astringentia, ex observatis contrariis eorum effectibus, a medicis dividi; de quibus postea erit locus fufius dicendi.

Haemorrhagiae et fluxus mensium immodicus, a vasis laxis et debilibus, et fluidorum aquosa tenuitate, haud raro oriuntur. Quum enim corporis humores solo canalium elatere propelluntur, et in debitam consistentiam compinguntur, immutato aliquo modo hoc elatere, fluida in canalibus suis tarde admodum promoventur, neque rite subiguntur vel compinguntur, sed in tenuem laticem fatiscunt, adeo ut per vasa laxissima uterina fluxu immodico delabantur; vel et saepius sanguis laticosus in vasis a corde remotioribus stagnans, et assiduo novo liquido auctus, haec adeo distendit, ut vel fibrae quibus conflantur a se invicem ita divellantur, ut contenta fluida emanare patiantur, et sic fiat haemorrhagia per *διαπρηξιν*, ut loquebantur veteres, vel et etiam quandoque rumpantur. Nimia mensium profluvia aliasque haemorrhagias tali causa oriundas, quibusvis ferri praeparatis feliciter suppressa aliquoties videmus. Leni enim vi styptica, et grato quo pollent pleraque chalybeata stimulo, vasa fortiora et magis elastica reddita majorem fluidis resistantiam praebent,

praebent, ea subigunt, et in debitam diathesin redigunt; sic, pristino restituto humorum circuitu, haemorrhagiae, et omnia quae a vasorum laxitate accidunt humorum profluvia, sistuntur.

Talia autem chalybis praeparata, quae, prae caeteris, in haemorrhagiis sistendis valere comperta sunt, hanc vim vel menstruo vel alii cuidam adjuncto magna ex parte debent, et non solum vasa quodammodo constringendo, sed et ipsum sanguinem coagulando et inspissando, agere videntur.

VIII. Ex antea dictis, facile patet, chalybeata fere instar omnium esse, ubicunque solida nimis laxa roboranda et instauranda, fluida nimis aquosa condensanda, vel inertia glutinosa mobilia et fluxilia reddenda, et hinc in morbis quamplurimis chronicis egregios praestare effectus.

IX. Ferrum, prae sua stypticitate, vulneribus cicatricem inducit et resiccat; hujus autem usus externus, apud antiquos frequentissimus, jam obsolescere incipit.

S E C T. IV.

Ferrum ipsum, idque quidem mollissimum, in usum internum chalybi merito antefertur. Praeparata usitiora sunt, inter aperientia dicta: 1. Crocus Martis aperiens. 2. Vinum Chalybeatum. 3. Tinctura Martis cum sp. fal. 4. Sal seu Vitriolum Martis. 5. Mars solubilis. 6. Flores Martiales. Inter astringentia: 7. Crocus Martis astringens. 8. Tinctura antiphthifica.

I. **L**IMATURA martis recens nec rubiginosa manifeste acida absorbet. Acida enim, utcumque acria fuerint, ferreis particulis saturata, in indolem lenem, stypticam, et prorsus neutram, commutantur. Limatura recens in ventriculum assumpta, ructationes, instar harum quae post aquas sulphureas copiose epotas sentiuntur, saepius excitat. Hae ructationes praecipue observantur, ubi ventriculus et primae viae cruditate acida laborant, et a succis istis acidis, saepius acerrimis, metallum solventibus, corrodentibus, et partem sulphuream in fugam abigentibus, oriri videntur. In morbis hystericis et hypochondriacis, ubi dominatur in primis viis tale acidum, procul dubio ipsa limatura recens, et sine rubigine, omnibus ferri praeparatis anteferenda est; et ob hanc forte causam, a magno Sydenhamo, ex propria experientia, in morbo hystérico tantopere commendatur*.

Stimulus

* Dissert. epist. ad. Cole de variol. et morb. hyst.

Stimulus ventriculo et intestinis impertitus, dum solvitur metallum, et abigitur subtile sulphur, insignes praestare poterit effectus, et agere videtur more quodam analogo plerisque medicamentis nervinis, cardiacis, et antihystericis, quae omnia insigni stimulo gaudent, et vim quandam elasticam cum fibris intestinalibus communicare videntur.

Metallum autem sic solutum dotes exercet vel optimorum praeparatorum, scil. ventriculum et primas vias, immo omnia corporis vasa, egregie roborandi et instaurandi.

Hinc patet, quod in tali casu sola exhibita limatura recente integras ferri virtutes nancisci possumus: Sed et liquoribus inquilinis, etiam ubi nullum in primis viis dominatur acidum, facis insignem hujus portionem solvi, ex eo apparet, quod in pilulis assumpta faeces colore nigerrimo tingat; et, ex antea notatis, de aquae simplicis in ferro solvendo efficacia, scobem ferream, in loco calido, liquoribus nostris, non solum aqua, sed et sale abundantibus maceratam, in particulas subtilissimas prompte in massam sanguineam abripiendas comminui posse, facile concipere licet. Propinari poterit ad gr. x. vel xv. Satius autem est parva tantummodo quantitate saepius repetenda exhibere, quam aegri ventriculum magna copia simul sumpta onerare; sic enim nauseam et vomitum saepe creat. Notandum porro est, quod in scobem minutissimam redigi debet, antequam interne assumatur; nam et facilius solvitur, et minus secum fert periculi ventriculum aut intestina nimium vellicandi aut irritandi.

Mars saccharatus, Phar. Edin. * fatis grata est exhibendi formula.

Chalybs pro usu interno ferro vulgari minime aequiparanda est; prae summa enim duritie et substantia admodum compacta, vel succis animalibus, vel menstruis vulgaribus, difficiliter solvitur.

II. Praeparata Martis vulgo usitata nunc consideranda veniunt. Methodum haec conficiendi in priorum sectione passim notavi, de viribus unicuique propriis aut vulgo tributis hic agendum est.

1. Crocus Martis aperiens †. Rubigo ferri aëre humido, rore, aut pluviae alternis lavationibus parata, aliquid indolis astringentis gustu percipiendae habet; sed usu medico recenti limaturae longe cedit: Non omnino aëque saturatam, ac haec, liquoribus acidis tincturam praebet, neque acidis fortioribus permixta, ullam fere excitat effervescentiam, aut ullo modo in falem vitriolicum converti potest, ut antea notavimus. Crocus aperiens, in igne calcinatus, prorsus insipidus et insolubilis devenit. Quid boni praestat itaque exustio in crucibulo, cui, in quibusdam pharmacopoeiis, exponi jubetur ferri rubigo ut fiat crocus aperiens, sane nescio; ipsa rubigo satis iners est, neque ulteriore mutilatione indiget.

2. Vinum Chalybeatum ‡. Ferrum acido leni oleoso vegetabili solutum, tincturam praebet gratissimam, et longe efficacissimam, ubi solida laxa et debilia, humorum diathesis frigida, pituitosa, aquosa, iners pec-

cant;

* P. 85.

† Vid. sup. p. 153.

‡ Vid. supra, p. 155.

cant; optimum sic evadit roborans, aperiens, deobstruens, et attenuans. Magnus Boerhaavius insignes laudes huic vino tribuit; ait, quod, ‘ nulla rei vegetabilis animalisve, virtute, nulla victus regula, id quis efficiet in casu dicto, quod hoc marte conficitur. Cogitavi saepe,’ inquit, ‘ hoccine sulphur esset metalli potabile, debilitati naturae unice succurrens? jactato auro potabili, haecenus evulgato, infinities melius, nunquam noxium quoties datur, ubi requiritur*.’

Propinari potest vinum chalybeatum ad unc. iii. vel iv. bis in die. Boerhaavius, vini hujus ferrati drachmam, triplo sacchari ad consistentiam cocti mistam, certaue lege, in casu idoneo propinatam, ut medicamentum pueris virginibusque incomparabile suadet†.

3. Tinctura Martis, cum spt. salis d. ‡, prae menstrui indole, ingrate styptica est, neque nisi vino aliquo blando et oleoso admista et temperata, in usum internum commendanda est.

4. Sal Martis || apti alicujus liquidi, ut aquae fontanae cui immiscetur pauxillum vini generosi, debita copia dilutus, vacuo ventriculo haustus, aperit, deobstruit, urinam movet, fibras intestinorum, et totius corporis summe corroborat et instaurat, et saepius alvum movet, lumbricos intestinorum etiam enecat; sed nunc, detectis melioribus anthelminthicis, rarius sola hac intentione praescribitur.

Eorum

* Element. chem. tom. 2. p. 446.

† L. c.

‡ Vide supra, p. 157.

|| Vid. supra, ib.

Eorum faeces, qui sale martis aliquamdiu usi sunt; colore flavo ochreo semper plus minusve tinguntur; quod non mirum videbitur, si perpenderit quam apta sit hujus salis solutio, vel sine ulla addita materie praecipitante, calcem terream deponere. Hic enim sal, licet purus admodum et defaecatus videatur, aqua solutus recrementi ochrei plus minusve cito demittit; immo, idem ipse liquor colo papyraceo trajectus, post aliquod tempus, similem omnino materiem deponit: Si igitur supponamus, et merito quidem id possumus, idem in intestinis huic sali accidere, facile rationem perspiciemus, unde faeces horum qui martis vitriolo aliquamdiu usi sunt calce metallica tinguntur, licet adhuc supersit magna salis portio in solutionis statu adhuc detenta, quae in sanguinem abripi possit.

Medici, ex observata a substantiis quibuscumque alcalicis aut putridis prompta hujus salis in crocum praecipitatione, metuentes, ne putridam intestinorum coluviem offendens, eandem subiret mutationem, tincturam ferri medicatam Lodovici, &c. * in quibus hic sal acido oleoso, vegetabili conjungitur, excogitant, ea spe, ut speciem salinam usque ad vasa et cryptas corporis remotissima magis illaefam conservaret. Quum autem, ut antea in experimentis observavi, liquor quivis aut substantia animalis summe putrida esse debeat, antequam ferri salem in calcem praecipitare valeat. Haud valde metuendum videtur, ne idem in corpore nostro accideret, ubi idoneus est hujus usus; nam rarissime, si unquam, in tali casu, intestina tenuiora (e quibus maxima assumptorum pars, sanguini

* Boerhaav. Chem. tom. 2. p. 440.

ni reficiendo apta, in hujus massam defertur), saburra onerantur, adeo putrida, ut hunc effectum producere possit: Si autem talis sit primarum viarum status judicandum est, ipsum sanguinem labe quadam acri aut putrida inquinari; in hac tamen humorum diathesi (ut postea fufius notabimus) prorsus inepta sunt omnia ferri praeparata.

5. Mars Solubilis sive Chalybs Tartarizatus * ejusdem fere indolis, licet haud adeo gratus aut efficax, ac vinum chalybeatum; nam metallum acido oleoso, vegetabili, tartareo, partim solutum tenet.

6. Flores Martiales † easdem possident dotes ac Enti suo Veneris attribuit egregius Boylaeus ‡: Summe instaurant, aperiunt, calefaciunt, diaphoresin et urinam promovent. Pueris rachiticis, verminosis, indeque cachecticis, egregium afferunt auxilium; immo vis quaedam anodyna iis inesse observatur. In febribus quartanis, prae caeteris martis praeparatis, laudantur. Ipsum autem sal ammoniacum in tali casu, aequè aut plus etiam, valere videtur, quam portio metallica.

Exhibentur hi flores a gr. iii. ad gr. xv. vel etiam xx. aut xxx. || idoneo aliquo vehiculo.

7. Crocus Martis astringens ¶. Hic crocus ut optimum astringens laudatur in haemorrhagiis, diarrhoeis, et dysenteriis; sed admodum immerito. Quid boni, quaeso, expectandum a calce inerte, ponderosa, insipida, prorsus insolubili? In pharmacopoëias nostras irrepisse

* Vid. supra, p. 156.

† Vid. supra, p. 154.

‡ Works, vol. I. p. 611.

|| Boyle, l. c.

¶ Vid. supra, p. 153.

irrepisse videtur ex opinione falsissima, quod ferrum vim suam aperientem sali vitriolico, et astringentem principio terreo, deberet. Dosis habetur ad gr. xxx.

8. Tinctura Antiphthifica † omnium fere stypticorum efficacissima. In haemorrhagiis et fluxu mensuum immodico, praesertim si a nimia fluidorum tenuitate ortum duxerint, sistendis merito decantata; in fluore albo et gonorrhoeis reprimendis commendata. Pulmonis ulcera detergere et resiccare dicitur.

Vim suam adstringentem acquirit haec tinctura non solum ex sale martis, sed et a saccharo saturni, et ipso menstruo spirituofo: Sal martis procul dubio insigniter stypticus est, et satis bene novimus spiritum vini eundem praestare effectum, et sanguinem coagulare. Saccharum Saturni haud adeo stypticum aut astringens videtur; sed sanguinem, ut pleraque alia narcotica, coagulat et quasi fixat. Haec tria igitur conjuncta liquorem constituunt summe stypticum. Optime in haemorrhagiis exhibetur, addendo gut. xx. vel xxx, haustui aquae gelidissimae pro re nata repetendae; sic enim non solum vasa quodammodo constringuntur, sed et sanguis refrigeratur, coagulatur, et quasi sistitur ‡. Humores coagulando praecipue agere videntur haec aut alia adstringentia, et horum effectus evincere videtur haud adeo difficile esse ad sanguinem iter, ac quidam existimant, neque venarum bibularum

aut

† Vid. supra, p. 163.

‡ In multis haemorrhagiis, quae ab aucto sanguinis impetu ortum ducunt, aqua frigida necessaria est; nam, licet sal martis et spiritus vini sint admodum coagulantia et styptica, insigni tamen pollent stimulo, qui aqua admista corrigi debet.

aut vasorum lacteorum ora adeo horum attactu constringi, quin aliqua saltem portio quae humoribus quodammodo coagulandis sufficiat, ingredi possit.

Licet tinctura antiphthifica immania, ex rupto vel dilatato aliquo vasculorum pulmonalium, sanguinis profluvia, subito cohibuisse haud raro visa fuit; liberior autem hujus usus phthisin et plurima mala saepissime inducit: Cujus rei ratio facillime intelligitur; sanguinem enim coagulando et inspissando, ineptum reddit quo per vasa pulmonis minutissima transmitti queat: Hinc in istis vasculis stagnans humor obstructions, vel subito lethales, vel in suppurationem tendentes, creat. Norunt exinde practici sagaciores, quam magna cum cautela et judicio in haemorrhagiis sistendis, adhiberi debeat haec tinctura; licet aliquando saeva sanguinis profluvia, mortem subitanam minantia, hujus et aliorum adstringentium usum liberaliorem, invito medico, efflagitent.

III. Percursis ferri praeparatis vulgatoribus et efficacissimis, haud supervacaneum erit, monita quaedam et regulas generaliores, horum usum spectantia, hic subnectere.

1. Omnibus praeparatis, in morbis chronicis, ubi requiritur diuturnior chalybeatorum usus, palmam praeripit Vinum Chalybeatum; huic proxima videntur Sal Martis et Flores Martiales; sed, pro variis aegrorum rebus, medicus varias exhibendi aut praeparandi formulas aptas aut gratas, ex suo judicio, facile excogitabit.

2. Ut chalybis actioni amplior concedatur locus, si

VOL. II.

A 2

aeger

aeger paulo uberiore humorum copia abundaverit, huius ufui praemitti debet venaesectio.

3. Chalybis ufui per plures dies, immo saepius septimanas, in morbis chronicis infistendum est, alioquin tum medici, tum aegri spes, fallentur. At generatim sciendum est, quod martialia, nunquam in nimis magna, melius in refracta, parciore, et saepe repetita dosi conveniant.

4. Invaluit apud nonnullos medicos praxis, sub chalybeatorum usu, purgantia eaque fortissima subinde interposita propinandi, quibus non solum primas vias, deterlis chalybis reliquiis in intestinorum plicis hospitibus, emundari, sed et vim metalli aperientem insigniter promoveri et intendi, existimarunt. Magnus Sydenhamus (de morbis hystericis agens) hanc methodum prorsus damnat. Ait, enim, quod, quum medici sit intentio chalybis usu vasa corroborare, et instaurare, fluidis debitam crasin conciliare, haec, exhibitis purgantibus vel lenissimis, aliquo saltem in gradu pessundatur, quum omnia purgantia aegri vires plus minusve infringant*. Revera, rationi magis consentaneum videtur, a purgantium usu abstinere, ubicunque ad sanguinis diathesin, et partes solidas roborandas et instaurandas requiritur diuturnior chalybeatorum usus. Purgantia fortiora hydragoga, a nonnullis commendata, certo certius chalybis effectus prorsus pessundant. Saepius vel lenissimis nullum opus est. Nam chalybeata (observantibus Hoffmanno et optimis practicis, licet lenium purgantium interpositorum suavoribus) in casu idoneo propinata, haud raro alvum potius leniter ducunt, quam astringunt. Si eveniat

autem,

* Dissert. epist. ad Cole, § 98. et seq.

autem, ut fibras intestinorum roborando, effectum nimis astringentium producerent, alvus optime ducitur leni rhabarbari dosi, quod, prae caeteris catharticis, id habet commodi, ut eximii stomachici et roborantis vice fungatur.

Hoffmannus alique etiam suadent, ut chalybis usui vel praemittantur vel jungantur infusa herbarum aperientium liberalius haurienda, quo humores spissi et viscerati fiant fluidiores. Licet harum aperientium usus nihil noxae secum ferat, minime necessarius videtur; nam plus praestat in tali casu solum vinum chalybeatum, quam omnia aperientia, vel efficacissima, e regno vegetabili petita.

5. Sub usu chalybeatorum, summa habenda est cura, ut aptum adhibeatur vitae et victus regimen. Vitanda sunt omnia quibus fibrae debilitantur aut relaxantur: Utendum alimentis eupeptis, facile in naturam animalelem transeuntibus, vino generoso, leni et grato stimulo pollentibus; semper tamen cavendo a nimia in his indulgentia.

Vitanda sunt omnia volatilia alcalina, vel et alcalina fixa, quibus in intestinis occurrens quaevis ferri solutio, statim in calcem metallicam inertem et ponderosam praecipitabitur.

Lene adhibeatur corporis exercitium, ut ambulatio, equitatio, vectio in rheda. Exercitium enim, corpus alterno motu concutiendo, et vasorum in contentos humores actionem promovendo, obstructionibus quibuscunque referendis, libero fluidorum circuitui, et omnibus inde pendentibus functionibus rite perficiendis, plurimum confert. Eodem tempore, semper prospiciendum est, quo animus hilaris, alacer, et anxia sollicitudine

tudine vacuus, conservetur, in quem finem egregie conducunt blanda amicorum colloquia, et grata ruris oblectamenta.

IV. Licet chalybs, apte applicata, tam egregium afferat levamen, quum tamen medicamentum sit prorsus herculeum, et inepte exhibita, diras agat tra-goedias; operae pretium erit, de hujus noxis et incommodis, monita quaedam, coronidis loco, proferre:

1. Quibus primae viae saburra putrida onerantur, et humores in cacochymiam alcalescentem vergunt, damnosa sunt chalybeata: Metus enim est, ne putrida et alcalescens intestinorum colluvies particulas metallicas in calcem inertem ponderosam, viscera admodum gravantem, praecipitet; praeterea, in tali humorum diathesi, in febribus putridis, et plerisque scorbuti speciebus, ob nimium quo pollent stimulum, ineptus est horum usus.

2. Quibus fibrae nimis rigidae, aut spasmi, motusve convulsivi, a nimia harum tensione oriundi, ut cane pejora et angue vitanda sunt.

3. Plethora sanguinea laborantibus, et morbis inflammatorii exinde obnoxiiis, minime conveniunt; sanguinis enim motum concitatiores, et calorem insontum, in tali rerum statu semper periculosa, excitant.

4. Ubi adfunt ulcera pulmonis, aliarumve partium internarum, ob nimium stimulum et vim constringentem, minime suadenda sunt. In viscerum abdominalium, lienis, pancreatis, hepatis, obstructionibus inveteratis, vel quae a sanguine adusto et atrabilario ortum duxerunt,

duxerunt, aut in harum partium tumoribus scirrhis, utut ab antiquis aliisque auctoribus laudentur, summo opere nocent. Chalybs enim, quum tanta vi non valeat, ut obstructions hujusmodi, quae altas radices egerunt, referet, vasa stimulando, et fibras magis tensas reddendo, materiem impactam prorsus irresolubilem relinquit; hinc ineptum hujus usum saepius sequuntur tumores oedematosi, anasarca, ascites, et plurima mala, omni medela majora.

F I N I S.

DISSERTATIO MEDICA
INAUGURALIS,
DE
HYDROPE.
QUAM,

ANNUENTE SUMMO NUMINE,

Ex Auctoritate Reverendi admodum Viri

D. JOANNIS GOWDIE,
ACADEMIÆ EDINBURGENÆ PRÆFECTI;

NEC NON

Amplissimi SENATUS ACADEMICI consensu,

Et nobilissime FACULTATIS MEDICÆ decreto;

PRO GRADU DOCTORATUS,


SUMMISQUE IN MEDICINA HONORIBUS ET PRIVILEGIIS

RITE ET LEGITIME CONSEQUENDIS;

Eruditorum examini subjicit

DONALDUS MONRO,
SCOTO-BRITANNUS.

Ad diem 8. Junii, hora locoque solitis.



EDINBURGI:

M,DCC,LIII.

OFFICE OF THE
S. A. U. R. A. L. S.

Y. D. S. S.

OF THE
S. A. U. R. A. L. S.

THE S. A. U. R. A. L. S.

JOHN S. GOVERN

NO. 1

THE S. A. U. R. A. L. S.

GRAND OFFICE

THE S. A. U. R. A. L. S.

THE S. A. U. R. A. L. S.

THE S. A. U. R. A. L. S.

ON A L. S. S. S.

SCOTLAND

AL. S. S. S. S.



THE S. A. U. R. A. L. S.

THE S. A. U. R. A. L. S.

D. ALEXANDRO MONRO,

Anatomes et Chirurgiae

In Academia Edinburgensi

Professori;

Patri optimo,

Praeceptor, studiorum fautori;

Hanc

Dissertationem de Hydrope,

D. D. D. C. Q.

Filius,

DONALDUS MONRO.

VOL. II.

B b

DISSERTATIO MEDICA

INAUGURALIS,

DE

HYDROPE.

1. **Q**UÆ cava dicuntur corporis animalis, ea omnia repleta sunt vel fluidis, vel solidis, vel utrifque; quibus, mole aut pondere locum sibi parantibus, rigidi aut elastici, aut contractiles cavorum parietes renituntur.

2. Cava autem sunt: 1. Humores in gyrum actos deferentia, arteriae, scil. venae, cor, &c. 2. Humores a sanguine secretos recipientia, eosque extra corpus, vel in cavum majus per vias patulas deducentia, e. g. ductus alimentarius, vesica urinaria, fellea, &c. 3. Liqueores secretos recipientia, quibus nullus, nisi in cava primae speciei, conceditur egressus, ut tela cellulosa, capsulae

capsulae simplices plurimae. 4. Organis aliis continendis destinata, qualia sunt capitis, thoracis, abdominis, &c. cava. Horum verò superficies interna perpetuo rore, ex vasculis arteriosis stillante, madescit, qui a venosis bibulis osculis resorptus sanguini redditur.

3. Liquida in prima et secunda specie cavorum contenta, ex variis heterogeneis particulis diversae indolis composita, innumerorum fere morborum fomites evadunt.—Obturatis secundae speciei emissariis, humor aquam mentiens quandoque in cavis congeritur.—Tertia autem et quarta species aquosis praecipue scatent humoribus, quibus, si infarciantur haec cava ultra consuetam naturae normam, fit morbus, quem *ιδεμα* Graeci vocant; cujus phaenomena, causas, varias species, prognosin, methodumque medendi, pertractare aggredior.

4. Lympha nimia copia (§ 3.) cavo inclusa parietes ejus distendit, partesque vicinas comprimit; unde partibus morbidae moles aucta, sensus ponderis et gravedinis ingratae atque molestae, functiones vicinorum organorum turbatae. Haec symptomata citius vel serius manifesta redduntur, et mitiora vel acriora fiunt, pro ratione, 1. Vis majoris vel minoris qua distentioni suae renituntur parietes cavi in quo continetur aqua; 2. Celeris aut tardioris repletionis, ejusdem ab infusa lymphæ; 3. Majoris aut minoris sensus parietum cavi. 4. Vicinorum organorum sensus, nobilitatis, &c.

5. Aqua ipsa limpida colorem partium, intra quas continetur, non mutat; ubi igitur partes hydropicae
inter

inter oculum et lumen oppositum lustrari possunt pellucidae cernuntur. Lympha autem non semper pura in cavum infunditur; subviridem enim et subcruentam saepius vidi; imo, lacti similis quandoque deprehenditur*: Pelluciditati igitur non nimis fidendum est.

6. Aqua in parte molli collecta, digitis palpata, cedit, sensumque liquidi subtus moventis praebet. Verum, quando parietes densioris et strictioris compaginis sunt, vel cava humore repleta plurimum distenduntur, vel ubi minor aquae copia cavo inest, motus undulatorius liquidi fluentis vix sentitur.

7. Tenuiore humoris extravasati parte a venis resorpta, spissatur reliquum in mucum vel gelatum, unde et oculo et manui diversam ab aqua speciem praebet.

8. Quae in aqua hydropica macerantur organa, laxiora et debiliora deveniunt: Si vero stagnatione corrupta fiat intus aqua, partes vicinas erodit, et humore acri in sanguinem resorpto nascitur febricula, convulsio, aliaque acrioris sanguinis symptomata.

9. Varias admodum sunt hydropis Causae; praecipuas nunc recensere licet.

10. Harum primaria est fibrarum debilitas et laxitas; deficiente enim vi vasorum, liquida nostra in aquosum

* Hist. de l'Acad. des Sciences, 1700 et 1710.—Bassii observ. med. Dec. 2. obs. 7.

quosum laticem degenerant, et arteriarum exhalantium oscula patula majorem liquidorum copiam in cavitates transire patiuntur, dum venae minus reforbent. Multis autem modis haecce debilitas inducitur; e. g. evacuationibus quibuscunque nimis, praecipue vero sanguinis *,—tenui aquosa diaeta †,—morbis vires exhaurientibus, aut totius corporis ‡, aut organi cujuscunque §.

11. Sanguis non satis a fero aquoso per secretoria solennia repurgatus luculentum hydropis fomitem praebet;

* Anasarca a diuturno mensium profluvio, Forrestus, lib. 19. obs. 35.—Hydopes hypofarci duo, ab haemorrhagia narium crebra atque diuturna, Shenk. obs. lib. 3. de Hydrope, obs. 9.—Post vomitum 18 librarum sanguinis hydrops ascites, River. obs. commun. 15. p. 556.—Leucophlegmatia post abortum trimestrem ex evacuatione magnae copiae coagulati sanguinis, Hoffman. oper. tom. 3. cap. 14. de Hydrope, obs. 3.

† Foemina juvenis, cum infantem suum lactaret, ad lac augendum, interdiu et noctu cerevisiam modo simplicem, modo lacteam, immodice ingerebat, ascitem immanem contraxit, Willis pharm. ration. part. 2. cap. 3. § 2.—Schulzius pulcherrimum recitat experimentum, cani scil. forti extrahas sanguinem fere ad deliquium animi, et tum facias ut ingurgitet aquae magnam copiam, fiet celer hydropicus. De elast. effect. in Haller. disput. anat. vol. 3. p. 670.

‡ Leucophlegmatia post febrem quartanam; Hoffman. tom. 3. cap. 14. de Hydrope, obs. 2.—Hydops hypofarcus ex longo prius morbo, ventris deinde fluxu; Forrest, lib. 19. obs. 36.—Quotidiana hujusmodi exempla prostant.

§ Hydrocele ab ictu in ephippium; Turner's Surgery, vol. 1. p. 229.—Hydops ascites ab ictu in dextrum hypochondrium; Mead. monit. c. 8. Tumor oedematosus pedis ex luxatione ossis calcis; River, cent. 3. obs. 75.

bet; qui enim expellendus erat humor qua data porta ruit *.

12. Quidquid libero sanguinis motui in vasis majoribus obstat, pro causa hydropis agnosci debet; tali enim obice posito, infarciuntur vasa minora, tenuiorque sanguinis pars, per laterales ramos secedens, oscula in cava hiantia pandit, ibique effunditur; unde regressus denegatur per venas, vi absorbente tali in casu privatas; hinc asciticorum et mulierum gravidarum crura oedematosa; hinc frequentes admodum hydropum historiae a polypo †, schirrhis ‡, vomicis ||, tumoribus,

* Anasarca ex suppresso fluxu menstruo; Forrest. lib. 19. obs. 34.—Ascites ex haemorrhoidibus restrictis; ibid. obs. 39.—A suppressis copiosis sub ipsis poplitibus sudoribus assuetis; Aët. phys. med. vol. 5. obs. 2.—Venter aqua repletus, ab utroque rene mucosus referto; Bonet. sepulch. anat. lib. 3. § 21. obs. 8. § 7.—Ascites a rene sinistro ulcere consumpto et dextro calculo omnino obstructo; Bartholin. epist. cent. 4. epist. 17.

† Hydrops pectoris et abdominis ex polypo in utroque cordis ventriculo; Ephem. German. dec. 2. an. 6. obs. 232.—Ascitis ex polypo in utroque cordis ventriculo; Bonnet. sepulch. anat. lib. 3. § 21. obs. 3.

‡ In Bonnet. sepulchr. anat. lib. 3. quamplurimae recensentur historiae hydropis ex schirris viscerum.—Ipse multa exempla vidit hydropum ortum ducentium ab hepate, liene, pancreate, ovariis, &c. schirro occupatis; recentem eamque rariorem enarrare juvat.—Macdonald miles, febre quartana in Flandria detentus, tumorem hypochondrii sinistri sentiebat, totumque postea intumuit abdomen. In patriam redux, et in nosocomium receptus, obiit. Lien schirrosus, et hydatibus oblitus, 126 uncias pendebat.

|| Hydrops pectoris ex vomica pulmonis; Schenc. obs. lib. 2. de Pectoris hydrope, obs. 6. In thorace plerorumque ex phthisi pulmonali mortuorum plus minus aquae semper fere deprehendi.

ribus, vel aliis quibuscunque causis vasa majora vel ob-
turantibus vel obfidentibus*.

13. Quicquid liberum sanguinis transitum ex arte-
riis in venas impedit *ὀδυνος* causa esse potest. Saepius
igitur inducitur hicce morbus a victu viscidior et te-
naciore, quam ut viribus vitae in bonum succum mu-
tari possit †, ab aëre frigidiore humido ‡, exercitio ve-
hementi diuque continuato ||, nimio usu liquidorum a-
crium fermentatorum ¶, ab ipsa denique longaeuitate,
omnigenas fibras rigescente, vasa minora arctante.

14.

* Hominis cadaver hydrope universali defuncti anno 1750 dissecti,
praesente J. Rutherford, M. D. celebri in hac academia professore, ubi
non alia inventa est hydropis causa, quam valvularum mitralium cor-
dis sinistri ossificatio; unde adeo restrictum fuit sanguinis iter, ut di-
gitum minimum vi impulsus vix reciperet ostium ventriculi. Cor
prae grande fuit. Dum inter vivos esset homo, a singulis cordis ictu-
bus elevabantur adeo omnes colli partes, ut ipsae venae pulsare vide-
rentur.—Similem historiam legere licet in Peyer. hist. anat. medic.
c. 6. citat. a Kemper de valvular. natura, in Haller. disput. anat.
vol. 2. p. 107.—Hydrops pectoris cum asthma, dyspnoea, defectu
pulsus et lypothymia, ob valvulas cordis semilunares ossneas, viam
sanguinis omnino ocludentes; Ruysch. obs. 69.—Lowerus pulcher-
rimum experimentum instituit ad hanc hydropis causam comproban-
dam; hic enim in vivo animali venam cavam inferiorem canis filo
constrinxit, eoque vinculo relicto, animal intra paucas horas expira-
vit. In abdomine magna feri quantitas conspiciebatur, non aliter
quam si ascite diu laborasset; et ex ligatis venis jugularibus caput
oedematofum factum est. De corde, cap. 2. p. 128.

† Aqua et in pectore et in abdomine a victu pravo et vita sedenta-
ria; Hoffman. tom. 3. de Hydrope, obs. 6.

‡ Hydrocephalus externus ex frigore; Binnengeri obs. cent. 1.
obs. 94.

|| Hydrops pectoris ex exercitio nimio violento; Willis pharm.
ration. part. 2. § 1. cap. 13.

¶ Hydrops pectoris lethalis a copioso potu spirituum et frigore;
Hoffman.

14. Postquam ab anatomicis detecta fuere vasa lymphatica, vulgo sic dicta, plerique de hydropse scriptores hujusce morbi originem a dilatatis vel ruptis vasis lymphaticis deduxere; etsi, quantum novi, ne vel una prostat hydropis historia, in qua describuntur, aut venarum lymphaticarum hydropis materiem suppeditantium decursus, aut indicia talium vasorum, vel ruptorum, vel ab aliis partibus divulgorum; et saepissime repertae sunt hydatides vel vesiculae aqua refertae, ubi nullae adhuc dum ab anatomicis detectae sunt venae lymphaticae, uti in cavo uteri*, inter tendines musculorum transversalium abdominis et peritonaeum†, in ovarii cavo‡. Non tamen negaverim tales posse evenire casus, quum legerim ductum thoracicum perforatum aut ruptum, liquorem lacteum in hydropse pectoris suppeditasse ||; et, ex comparato hocce liquore cum materia hydropis ascitici lactei, concludere fere licet et vasa lactea quoque aliquando rupta fuisse.

VOL. II. C c se.

Hoffman. tom. 3. de Hydrop. obs. 7.—Et sagacissimus Sydenhamus de Hydropse merito pronunciat bibacissimos quosque helluones saepius hoc morbo, quam caeteros mortales, confictari.

* Ruysch. obs. anat. chir. obs. 33.

† Mead. monit. med. cap. 8.

‡ Houston Philos. trans. N. 381. § 3.

|| Circa tertiam vel quartam vertebam thoracis hominis mortui, post paracentesin thoracis institutam, qua exitus praebatur largae chylosi liquoris copiae, foramen inventum est, e quo, tanquam e fonte, chylosa materia effluxit. Quum detegebatur pars inferior ductus thoracici e receptaculo lumbari emergentis, flatus in eum tubulo immixtus, inopinate per praefatum foramen egrediebatur. Liquor albus non a spiritu vitrioli sed sale tartari in coagulum abiit. Bassii obs. dec. 2. obs. 7.

se *. Extant etiam exempla facci hydropici rupti aliam hydropis speciem efficientis †.

15. Obturatis orificiis aut ductibus ex cavis fero madidis, hydrops in cavo fit, inde hydrops uteri, hydroglossum; sed dubius haesito an hydropi accensendae sint, vel retentio in receptaculis, vel effusiones ab iis in alia cava, humorum alio quam aquae serosae nomine insignitorum, e. g. urinae ‡, bilis ||, &c.

16. Hauritur Prognosis in hydrope, ut in aliis quibuscunque morbis, ex loco affecto, morbi causa et duratione,

* Puella nimium enixa dum onus sublevare tentaret, brevi postea hydropica devenit; ex punctura saepius repetita effluxit semper chylota materies, spissitate, colore, gustu, lacti salito haud absumilis, quae et igni imposita, lactis instar rarescens in vase elevabatur; et sale tartari, non vero acidis, in coagulum abiit, ut in historia jam memorata Bassii, Memoires de l'Acad. des Sciences, 1700.—Similem historiam legere licet ibid. 1710.

Ut dignoscerem, an liquor hic hydropicus chylus esset, canis vivi bene pasti ductum thoracicum filo constrinxi, receptaculum chylo turgidum aperui, emissus chylus gustu serum lactis paucillum salitum referebat; intra minuti quadrantem in coagulum spissum, amylo aqua diluto simile, serumque liquidum secessit; talis erat etiam eventus a chyli portione in aquam tepidam emissi: Quater repetita sunt haec experimenta eodem cum eventu. In oleo tartari per deliquium chylus turbidus et limosus deveniebat; in spiritu cornu cervi nubesculam glutinosam exhibuit; in spiritu vitrioli coagulum album, sed minus tenax; in alcohole et oleo terebinthinae, in coagulum adigebatur.

† Hydrops ascites ab hydropico tumore abdominis rupto; Medical Essays, vol. 5. p. 2. art. 64.

‡ Vidi historiam ventris humore distenti a vesica urinaria disrupta. Plateri prax. lib. 3. cap. 3. citat. a Bonnet. in sepulch. anat. lib. 3. § 21. obs. 20.

|| Vide Memoires de l'Acad. de Chirurgie, tom. 1. p. 155. &c.

ratione, symptomatibus, aetate, viribus, atque habitu aegri, quae omnia hic speciatim dicere non licet.

17. Ex dictis hactenus de hydrope deducuntur tres nunc memorandae Indicationes :

1. Tollenda est causa morbi.
2. Aquae ex cavis educendae sunt.
3. Cavendum ne recidivus fiat morbus:

In primo et secundo indicato comprehenduntur quaecunque ad morbum abigendum conferunt, atque ut peragatur rite therapeutis, utrumque simul icopum attingere annitendum est; ut vero res clarius agatur, de singulis separatim differendum.

18. Prima Indicatio elicienda ex § 10. 11. 12. 13. 14. 15. ubi causae hydropis enumerantur, ut singulis obviam eamus.

19. Si a solidorum laxitate et debilitate hydrops ortum ducat (§ 10.), fibrae roborandae, i. e. augendus est nifus particularum in contactum, atque vis vasorum elastica et contractilis.

20. Haec autem corroboratio obtinetur,

α. Nutrimeto boni succi coctuque facili, et abstinentia a potu *. ‘Cibus,’ ait Celsus †, ‘esse debet ex media quidem materia, sed tamen generis durioris. Potio non ultra danda quam ut vitam sustineat, op-
timateque

* Vide exempla hydropicorum sanatorum per solam abstinentiam a potu, in River. obs. commun. a Jacoz. obs. 21. — Schenkii obs. lib. 3. obs. 3. — Mead monit. med. cap. 8. p. 143.

† Lib. 3. cap. 21.

‘timaque est quæ urinam movet.’ Panis bene fermento subactus et biscoctus, vel aromatibus conditus, ova, carnes durioris generis, pro cibo primaria sunt; pro potu vero vinum generosum, vel cerevisia in qua amara infusa fuerant.

β. Frictione cuti admota et exercitio. Vectiones in rheda, navi, super equum, ambulationes, cursus, vomitus, et id genus alia, sanguinis motum augment, pendula viscera concutiunt, partes sibi invicem affricant; apprimunt, ideoque inter roborantia principem sibi locum vindicant. Sed in eorum usu cautela opus est; si enim fortius adhibeantur, quam facile fert natura, nifum particularum in contactum, et vim vitæ minuunt, debilitant; sint ergo frictiones et exercitia pro ratione virium.*.

γ. Leni compressione: Pressura enim distractionem fibrarum et augmentum laxitatis impedit, quin etiam nifum particularum in contactum adjuvat; auxilium igitur in sanando hydrope quandoque optimum præbet†.

δ. Remediis stimulo organa sensilia in orgasmum contractilem cogentibus, sive, imo, oleo subtili acri præcipue imprægnatis; hujus generis sunt *nux moschata*, *macis*, *piper*, *semen anisi*, *carvi*, *cortex canellæ al-*
bac,

* Hydrops ascites sanatus a labore assiduo, sine ullis medicis auxiliis. Marcell. donat. hist. mirab. lib. 1. cap. 21. cit. a Schenkio, lib. 3. de Hydrope insper. event. liberat. obs. 1 — Joanni Blanch negotiato-i Parisiensi, in Angliam profecto, hyeme, tumor cum miraculo quodam subsedit, evanuitque morbus, nec rediit; Holler. obs. et schol. lib. 1. cap. 39. p. 279. de morbis internis.

† Hydrocephalus sola fascia curatus fuit. River. obs. comm. a Formio, obs. 6.

bae, cinamomi, winterara, herba menthae, melissae, radix valerianae silvestris, zinziberis, camphora, &c. —2^{do}, Ex amaro stimulante et astringente conflatis; qualia sunt *flores chamaemeli, summitates centaurii minoris, absinthii, cardui benedicti, cortex Peruviana, radix calami aromatici, gentianae, &c.* 3^{to}, Gummi atque resinis odoris; qualia sunt *gummi assafoetida, benzoinum, myrrha, &c.* 4^{to}, Salinis acrioribus; talia sunt sales qui volatilium nomen audiunt, e. g. *sal volatile cornu cervi, sales armoniaci, &c.* et sales alcalcini fixi, e. g. *sal absinthii, genistae, tartari, &c.* 5^{to}, Sale acii et oleo constantibus, *semine sinapi, foliis nasturtii, radice raphani rusticani, similibusque.*

Haec omnia, inquam, dosi legitima vel interne vel externe adhibita, oscillatorias fibrarum vires restitunt, augent*.

6. *Ferrum*, ex eoque parata varia, medicamentum roborans potentissimum esse, et hydropi convenire apud omnes in confesso est, licet ejusdem modus operandi ignoretur.

7. Quae sola adstringente virtute gaudent, *alumen, cortex querci, granatorum, &c.* fibrarum quidem rigiditatem et contractionem quandam etiam mortui animalis adaugent; sed vix satis ad ultima vasorum extrema penetrant, ut nostro proposito sufficiant; et, si hu-

moribus

* Mulier 30 annos nata, hydrope anasarca et ascitide simul laborans, per infusionem summit. absinth. et baccar. juniper. quae urinam movebant, sanitati restituta fuit. Heister in Haller. disput. anat. vol. 6. p. 713.—Leucophlegmatia post abortum ablata usu stomachicorum amarorum, interpolatis paucis cathartici dosibus. Hoffmann. vol. 3. cap. 14. de Hydrope, obs. 3.—Miles hydropicus sanitati restitutus solo decocto tenaceti; Miscell. curios. dec. 2. ann. 2. obs. 112.

moribus nostris admisceantur, coagulum inducunt, vasa obstruunt. Leniora vero adstringentia, stomachica dicta (ad § 2.), bonos saepius effectus edunt. :

20. Balneum frigidum, quod tantum boni praestat in plurimis aliis morbis a laxitate fibrarum pendentibus, plerumque hydropicis nocet, resorptionem aquarum impediendo. Bene igitur Celsus *, ‘ balneum rarum ‘ res amat, humorque omnis alienus est.’

21. Si non fatis a fero aquoso per solennia excretoria sanguis repurgetur, indeque oriatur hydrops (vid. § 11.) referenda erunt haecce excretoria. Varias autem methodos, quibus efficitur talis referatio, describere oportet, quum de secundo indicato differemus; quare et nunc de hisce verba facere animus non est. Unicum tantum monitum necessarium duco; nempe, si subito obstruantur excretoria, aegerque robustus aut plethoricus sit, omnino mittendus est sanguis; a plenitudine aut orgasmo enim infarcta vasa hac methodo sola, tuto, cito, et jucunde liberantur, uti quotidiana experientia docet.

22. Stricturae et tumores, majores venas comprimantes, talesque hydropis causae (§ 12.) medicamentis singulis accommodatis, vel manu chirurgi tollendae sunt, si id fieri potest: Sed, proh dolor! quid plerumque medicina valet in curandis scirrhis, steatomatibus, vomicis, polypis, similibusque fonticis morbis, in tribus cavitatibus largioribus, capite, sciz. thorace, et abdomine? Si quid autem solatii miseris adferri potest,

* Lib. 3. cap. 21.

potest, id tantum petendum ex cognita singuli morbi therapeuti, quae hujus loci non est.

13. Quarta a nobis recensita hydropis causa (§ 13.), obstructio, sciz. arteriarum minorum, ortum ducit vel ab infarctis crassioribus liquidis, vel ab arctatis vasis; huic igitur causae ut obviam eamus, resolvendi sunt humores isti crassi, et dilatanda sunt vasa.

1. Resolvuntur humores crassiores vel diluendo vel attenuando.

α. Dilutio, quae fit admiscela tenuiorum liquorum aquosorum, vetita est, quum laticem aquosum auget.

β. Attenuantur humores vel spontaneo, vel vi facto secessu particularum in minores particulas.

γ. Spontaneus secessus fit auferendo vim condensantem, quae vel a tergo est, vel particulas amplectitur, i. e. vim et impetum circulantis sanguinis, vel contractilem vasorum actionem.

δ. Si igitur nimium sit sanguinis in gyrum acti momentum, ut saepius in juvenili corpore invenitur, mittendus est sanguis, etsi hydropis indicia manifesta jam sint *.

ε. Vio-

* Homo robustissimus, annum aetatis 30 agens, in hydropem anasarcam incidit, obstructi sunt nervi optici, et sensim caecus factus est. Haemorrhagia ex nare ad quatuor usque libras, brevi sanitati restitutus fuit, praeterquam quod caecitate non penitus liberatus est. G. Fab. Hildan. obs. cent. 1. obs. 50 — Homo hydropem simul cum febre laborans, haemorrhagia narium quotidie bis aut ter per tres septimanas continuata, multum inde levabatur, et detumescere incipiebat, morbus deinde omnino pellebatur sudorificorum atque diureticorum usu. Miscellan. curios. dec. 2. an. 3. obs. 170. — Vid. in Mead. mon. med. cap. 8 historiam hominis, quem Sponius viginti venaesectionibus sanatum vidit.

e. Violenta attenuatio tentanda est primo, cibo ari-
diori, sed coctu facili, qualem in § 20. proposuimus.
Potus autem sit attenuans, resolvens, e g. *vinum Rhe-
nanum cum aqua chalybeata Spadana vel Pyrmontensi,*
&c.

ζ. Frictiones et exercitia, § 20. α descripta, cohae-
siones liquorum solvunt; viscidis igitur resolvendis ap-
tissima sunt.

η. Stimulantium, § 20. δ. est et vis attenuans, quae
liquores nostros per vasa transire idoneos reddit.

θ. Si viscidior, quam qui recitatis medicamentis ce-
dat, sit humoris obstruentis indoles, cuneis *mercuria-
libus* diffringendus est humor; caute tamen proceden-
dum in hydrargyri usu, ne vasa ipsa atterantur aut dis-
rumpantur.

24. Contractio vasorum, a rigiditate induc̃ta, hydro-
pis causa difficillimae curationis est: Quae enim lax-
ant vasa, hydropem augent; sed morti non commit-
tendi sunt tales aegri; praestat anceps quam nullum
tentare remedium.

a. Diaeta sit lenis, mollis, laxans, non autem aquo-
sa, talis ex pane biscocto, carne juniorum animalium
cocta, gelatis ex iisdem carnibus, ovis, torbilibus, lac-
te asinino, et similibus, confici potest.

b. Olea blanda cuti illinita et affricata, si ad interio-
ra penetrant, ut vulgo creditur, ad emolliendum mul-
tum conferrent.

c. Aqua tepida, vaporque aquosus, rigiditati optime
medetur; at in casu, de quo nunc sermo est, cautissime
in auxilium vocari debent, ne, aquam nimiam sangui-
ni suppeditando, aquosum laticem augeant. Quae au-
tem

tem aquae impraegnatae sunt particulis mineralibus sulphureis, martialibus, salinis, penetrantibus et resolventibus, ut *marinae*, *Aquisgranenses*, *Bathenses*, &c. adhibendae †.

d. Excretionēs aquosae per urinam, cutem, &c. promovendae sunt; non quidem ingurgitando aquosa aut acria stimulantia; illa enim hydropem, haec autem rigiditatem, augent; sed lenioribus diureticis, diaphoreticis, &c. dictis.

25. Si receptaculum aut vas ruptum hydropis materiem suppetit, (vid. § 14. et 15.) vix novi quid auxilii ab arte petendum, nisi medicamentis aut manui chirurgi detur accessus, quo foramini ipsi applicentur obturantia, consolidantia, ligaturae, et quae caetera dicitur chirurgia.

VOL. II.

D d

26.

† ‘ Alii vero non absurde etiam aquae marinae vaporationem probant adhibendam, quo sudores provocentur; Inquiunt enim, implendum folium aqua marina ferventi, tum quadrangulam compaginem immittendam praeligatam loris, in quam erit includendus aegrotans; sed praeliganda compago pelle ut aquae prohibeat ingressum, quo exhalatione vaporis calefactus aegrotans in sudorem venire cogatur. Sed erit aqua calefacienda innovatione frequenti, ferri candentis immissione massarum.’ Caeli: Aureliani: de morb. chron. lib. 3. cap. 8.—Comitissa de Keglewich hydrope uteri tentata, octavo balneationis die in thermis inferioribus Styriae in Neuhaus a morbo liberata fuit, magna humoris foetidi saburra, una cum copiosis flatibus ex utero evacuata. Miscellan. curios. Dec. 3. an. 5: et 6. obs. 162.—Sartor quidam ascite vexatus, epota magna copia aquarum Wisbadensium, in balneo tumor subsidere incipiebat: Balneo egressus debilis valde fuit, et cordialibus, cibo, atque potu, refectus, ab hoc die convaleuit. Ibid. Dec. 1. an. 2. obs. 218.—Historiae sex hydropicorum ab aqua Bathensi sanatorum. Pierce’s Bath Memoirs, part. 2. chap. 4.

26. Ut Indicationi secundae satisficiamus, educendae sunt aquae ex hydropico cavo, vel per vias naturales, vel per aperturas arte factas.

27. Viae naturales, quibus humor hydropicus educitur, paucis exceptis casibus, sunt tantum venarum extrema absorbentia, quorum igitur vis tantum augenda, ut venae plus reorbeant quam arteriae effundunt.

28. Absorptio augetur remediis quibus robur et vis vitae instauratur, de quibus superius in §. 20. egimus.

29. Si vero sanguini admisceatur superflua illa aqua hydropica, quamprimum foras expellenda est, ne iterum cavo hydropico infundatur. In hunc finem adaugendae sunt excretiones serosae et aquosae.

30. Excretiones hae fiunt nunc ex ventriculo, nunc per alvum, nunc per iter urinae, aut cutem, vel ex salivalibus organis. Medicamenta quibus singulae perficiuntur, *emetica, cathartica, diuretica, diaphoretica*, et *sialogoga* dicuntur. In quorum exhibitione observare licet, hydropicorum plerorumque fibras laxiores, ideoque insensiliores, stimulo egere fortiori quam in plurimis aliis morbis.

31. Emetica non tantum motum, cumque fortem, omnium fere musculorum excitant, vasorumque oscillationes augent, quibus concutiuntur, comprimuntur organa, rapidus cietur liquidorum motus, viscidiores resolvuntur eorum partes, sed et stimulo emeticorum ex ore, faucibus, et ventriculo humores pituitosi eliciuntur.

untur. Emeticorum classes, fortiolem nempe *vinum emeticum*, *turpethum minerale*, *tartarum emeticum*, &c. mitiolem *ipecacuanham*, *rad. scillae ejusque prae-parata*, &c. lenissimam *vitriolum album*, *infusa herbis amaris*, similiaque, nemo in medicina tam hospes est qui ignorat*.

De emeticis autem notandum, usum eorum vix convenire aegris haemorrhagiae obnoxiiis, in lethargi aut apoplexiae periculo versantibus, dyspnoea gravi ex materia tenaci laborantibus.

Emetica, parva et repetita dosi vomitum non ciente, exhibita, per alvum, urinae iter, et cutem, profluvium quandoque humoris ejecere.

32. Cathartica pulsam prius accelerant quam ventrem agitant, stimulo aquam in intestina alliciunt, ex alvo detrudunt, simulque sanguinis compagem solvunt, et aquosam reddunt. Horum alia fortissima *hydragoga* dicuntur, qualia sunt *elaterium*, *gambogia*, *scammonium*, *jalapa*, *succus iridis nostratae*, &c. Mitiora sunt *folia sennae*, *syrupus de rhamno*, *radix rhei*, &c. Mitissima, *sal catharticum*, *crystalli tartari*, *tamarindi*, *pruna*, et similia, quae raro hydropicis adhibentur.

Catharticis addere licet *hydrargyrum*, praecipue plurima ex eo praeparata, quae per se alvum movent, et catharticis

* Adolescens asciticus, binis vomitionibus spontaneis, magna vi aquae profusa, liberatus fuit. Marcel. Donat. Hist. mirab. lib. 4. c. 21. citat. a Schenkio, lib. 8. obs. 5. hydr. insp. event. liberat.

Une religieuse ayant une hydropisie, fut gueri apres plusieurs ponctions par l'usage de vomitifs, tous les autres remedes ayant été inutiles. Du Verney. Memoir. de l'Acad. des Sciences, 1703.

tharticis adjuncta effectus eorum augent; talia sunt *mercurius melle aut sapone subactus, praecipitatus dulcis, aquila alba* *, &c.

Si ex purgantium usu frequens non feratur humor, morbusque inde nullum capiat levamen, malum augent; et, 'ubi fractae vires, nocet vehemens per alvum purgatio, quo enim plus humoris e corpore ejicitur, eo major ipsius copia brevi in cavitates refluit,' uti bene monet sagacissimus Mead †.

33. Per Diuresin optime, et sine magno virium dispendio, latex aquosus foras ejicitur. Dolendum autem, incertae virtutis esse omnia ad hoc propositum destinata, quae varia, eaque valde diversa sunt, dum interea plerique hydropici infrequentem, crassam, rubicundam emittunt urinam, cujus paucitate morbus intenditur.

α. Tenuiores largiores potiones urinae quidem copiam augent, sed et solida laxant, et aqueum saepissime ministrant hydropi augendo fomitem; merito ergo plerumque prohibetur in hoc morbo eorundem usus; bonos tamen effectus aliquando, licet rarius, edidere ‡.

β. Sa-

* Vidi in nosocomio Edinenfi, anno 1750, hominem, A. Bruce (quem tractavit medicus sagax J. Rutherford, M. P. P.) hydrope universali laborantem, ex quo aqua omnis foris ejecta fuit, repetito hydragogorum usu; integre tandem sanitati restitutum medicamentis roborantibus atque exercitio. Vix opus est multa hujusmodi exempla proferre; apud omnes enim auctores reperiuntur.

† Mon. med. cap. 8.

‡ Post ineasum adhibita chalybeata, terebinthinam, aliaque diuretica, decocto sassafras bis in die, urina copiose fluebat, monialis quoque hydrope liberatus. Ephem. Germ. 1715, cent. 3. et 4. obl. 28.

β. Salibus neutris, nitro, *tartaro vitriolato*, &c. acidis, *succo limonum*, *tartaro*, *aceto*, *spiritu vitrioli*, *nitri*, aliisque, quae circuitum sanguinis tardiores reddunt, sensumque frigoris aegro imprimunt, ea potius anteferenda sunt, quae vasa stimulo vim vitae augent, et, si refrigerantia in usum vocantur, antidoto stimulo admisceantur.

γ. Quae § 20. δ. stimulantia recitavimus, ea omnia diuresi promovendae saepius, et optime inserviunt, praecipue salina †.

δ. Effectus similes iis, sub γ. memoratis, expectandi sunt ab usu balsamorum naturalium, v. g. *terebinthinae*, *balsami copaibae*, *Tolutani*, *Peruviani*, &c. ut et animalium quorundam *millepedum*, et exiguae *cantharidum* quantitatis ‡.

ε. Diureticis jure merito accensendus est Proteus ille *mercurius*, qui per se vel diureticis admixtus, effica-

ca-

† Foeminae nobili 50 annorum, hydrope ascite laboranti, post ter emissam aquam, et frustra medicamenta purgantia et diuretica adhibita, anicula persuasit, ut singulis diebus, mane et vespere, cochleare plenum seminum sinapi non contusorum devoraret, decoctique summitatum viridium genistae semilibram insuper biberet. Post triduum levamen sensit: Alvum interdum duobus aut tribus diebus continuis movebat id medicamentum, et urina quotidie ad libras minimum quinque aut sex profluxit: Perstitit in his, neque rediit morbus. Mead mon. med. cap. 8.—Homo juvenis, robustus, post quartanam in anasarcam incidit; aderat respiratio difficilis, et urinae paucitas: Huic aegro dedi infusionem amaram, et pilulas diureticas ex nitro tart. crystal. bals. Tolut. et sapone Venet.; ex quorum usu libere fluabat urina, et homo sanitati restitutus est.

‡ Ab homine hydrope simul cum quartana laborante, usu sp. terebinth. scrupuli unius omni die cum tinct. Bezoard. cum coral. r. et gut. 40 vel 50 sp. salis commun. tanta urinae copia prodiit, ut duplo imo quandoque triplo, potum assumptum superaret, et homo sanatus est. Miscel. curios. dec. 2. ann. 3. obs. 110.

cacissimum evadit quandoque medicamentum urinam movens*.

ζ. Cathartica, § 30. alvum exonerantia urinae copiam etiam expellunt, et diureticorum vires intendunt; ergo simul vel alterne cum diureticis dantur.

Si medicamina in hacce § 33. memorata, aquosas secretiones non augeant, aegro nocent: Humores enim resolvendo, materiem morbi suppeditant. Spes autem secundae valetudinis vix ulla, dum humor excretus epoto minor est.

34. Hydropicorum cutis plerumque arida est, perspirabili fere omni vapore in cavum hydropicum effuso. Diaphoresi igitur aucta detrahitur hydropis materies, et sanguis a nimio seroso humore repurgatur. Hunc scopum attingere optima est Celsi methodus †: Evocandus est sudor, non per exercitationem tantum, sed etiam in arena calida ‡, vel laconico vel clibanano §, similibusque aliis, maxime enim sunt utiles,

na-

* Poeminam pauperem, 50 annorum, cui venter ex urinae paucitate intumuit, post datum catharticum hydragogum, iussi ut caperet mane et vespere uncias duas cerevisiae, in qua infundebantur bacc. juniper. atque alia diuretica, et grana 8. pil. mercur. h. f.: Ex eorum usu urina copiose effluxit, et intra 15 dies convaluit.—Duae vel tres parvae mercurii doses homini ascite et anasarca laboranti, a patre meo anatomiae Professore datae, omnem eamque magnam aquae copiam per diuresin una nocte eduxere.

† Cels. lib. 3. cap. 21.

‡ Dampier in itineribus suis maritimis narrat, se in insula California hydrope laborasse, et seipsum arena calida obduxisse per horam integram; deinde ad lectum vectus multis pannis tegebatur, unde sudor copiosus evocatus est, postea indies se melius habebat.

§ Asciticus quidam, sudando copiose in clibano sp. vini parato, dum

‘ naturales et siccae sudationes.’ Huic usui etiam conveniunt,

a. Frictiones et exercitia, § 20. β. ut omnibus notum.

b. Stimulantia, § 20. γ. praecipue quae oleo subtili vel sale volatili impraegnantur *.

c. Balsama naturalia, § 33. δ. commendata.

d. Mercurius, ejusque praeparata, cutis poros referant, humoresque expellunt.

e. Antimonium, ejusque praeparata, validissime facius per cutem humores evacuant.

f. Opium largiori dosi eosdem praestat effectus †.

g. Ut medicamenta quaecunque diaphoretica, aut sudorifica, munere suo fungantur, in cutem dirigenda est eorum operatio, non solum aërem frigidum arcendo, sed et superficiem corporis calidam servando vestibus solito crassioribus, stragulis lecti pluribus, potu calido; fovendo cutem vapore aquae calidae, vel potius vapore spiritus vini accensi.

35. Etsi salivatio ope mercurii excitata multum debilitet, et humores in aquosum laticem dissolvat, aliquoties

dum diacta uteretur sudorifica per dies viginti, et post quartam quamlibet dosin catharticum hydragogum sumeret, liberatus est. Riverii obs. cent. 4. obs. 19.

* Joau. Tackler hydropicus ex usu sp. sal. armon. in sudores copiosissimos disfluere, et urinam abundantissimam excernere, coepit: Subsidente tumore, ad reliquarum evacuationem data hydragogi dosi una aut altera, intra paucos dies convaleuit. Binningeri cent. 1. obs. 75.

† Une femme lassée de la longue maladie de son mari hydropique, lui ayant donné 15 ou 20 grains de laudanum, il fut extraordinairement, urina du même, et fut guéri. Mem. de l'Acad. 1703.

quoties tamen hydropicos sanasse fertur *: Quare, etiam in hydrope aliorum medicamentorum effectus eludente, salivatio urgenda est.

36. Quae haecenus laudata sunt medicamenta excretionum urgentia, ea omnia, et eodem nisu, humorum ex cavis absorptionem validissime promonent.

37. De absorptione in hydrope adeo necessaria notare licet, 1. Vix illam effici, ex cavo cujus parietes distentione ab infarcta aqua quasi rigescunt: Vel enim laxandi sunt parietes isti, vel arte auferenda est humoris portio, priusquam venae patulae humorem recipiant. 2. Medicamina eo certius et fortius operari, quo propius parti hydropicae admoveri possunt.

38. Caveat medicus ne putet, excretionem aquosam omnes, a medicamentis inductas, aegro proficere. Si enim a solo sanguine fiant sine diminutione tumoris hydropici, qua sola cognoscitur debita absorptio, aegri vires exhauriuntur, sanguis solvitur; nulla autem morbi fit medela, sed e contrario in pejus omnia ruunt.

39. Fit

* Un homme de 25 a 30 ans étant attaqué d'hydropisie, ascite, et anasarque, n'ayant pu être soulagé par aucune des moyens dont on s'étoit servi, fut aussi guéri par la ponction, et par la salivation: Je passai à l'usage de ce dernier remède, parceque ni la ponction, ni tout ce qu'on avoit fait, ne débarrassoient point les parties extérieures. Du Verney Memoir, de l'Acad. des sciences, 1703.

Homo hydrope laborans, curatus fuit salivatione forte fortuna inducta per mercurium cum pil. purgantibus datum, quae per 14 dies duravit. Miscel. curios. dec. 2. an. 4. obs. 36.

39. Fit quandoque hydrops in cavis, § 2. No. 2. quibus natura effluxit emissaria, quae vel obturata, vel concreta, denuo recludenda sunt, e. g. os uteri, ductus salivarii; sed singulis hisce propria convenit medela, quae hujus non est loci.

40. Idem statuendum de emissariis arte factis; haec enim diversa excogitantur secundum varium hydropis situm, speciem, &c.

41. Evacuata e cavo aqua, praecipue si subito exinanitio fiat, a parietibus cavi adjacentibusque partibus tollitur pressio; liquores a corde impulsii igitur in arterias ruunt majore quam antea copia, vel in cavum stillaturi, vel vasa vi debita et compressione vicinarum partium destituta distensuri, unde inflammationes, gangraenae organorum infarctorum, et copia humorum euntium ad reliqua organa adeo diminuta, ut actionibus et functionibus imparia sint; unde turbata respiratio, digestio, debilitas, et id genus alia symptomata.

42. Obviam igitur eundem malis § 41. descriptis, vel, 1. lente partitisque vicibus humorem educendo; 2. tantum pressuram in partem, unde emissæ est aqua, faciendo, quantam humor intus contentus antea fecerat; 3. per roborantia, quorum plerique jam a nobis memorata sunt; reliqua in singulis hydropis speciebus aptius describentur quam hic.

43. Licet per methodos propositas aquae hydropicae exhaustantur, in vado nondum est aeger; facillime

enim Morbus Recidivus fit, et qui semel fuit hydropicus cautelam adhibere debet summam, ne iterum infauftis obruatur aquis.

44. Persistendum igitur diu erit hydropico, ab aquis liberato, in usu corroborantium, caeterorumque remedium, quibus morbus fugatus est, sentim subducendo evacuantia, et augendo doses corroborantium, nisi a rigiditate morbus ortum ducat, donec corpori antiquus vigor restituatur, tuncque immersiones subitaneae in aquam frigidam, antea prohibita, § 20. usurpari possunt, ut firma reddatur fibrarum compages.

45. Parietes cavi hydropici vitae necessarii comprimendi, sustinendi, et roborandi tamdiu sunt, donec vis et robur fibris atque vasis, ex quibus constant, restituantur.

46. Si cavum sine vitae periculo, aut multo aegri incommodo extirpari vel carne oppleri possit, id ope chirurgica statim post aquam eductam perfici debet; plures enim sunt casus, ubi non alia via praecavetur nova humoris collectio.

47. Sciens omitto enumerationem symptomatum saepius hydropem comitantium, vel ab eo inductorum; quae autem non sunt morbi hujus consequentiae necessariae, ea enim infinitam suppeditarent dicendi materiem, nostro proposito inutilem.

48. Quum

48. Quum de *diagnosi, prognosi, et therapeuti* hydro-
 pis agerem, saepius innui generalem de hoc morbo
 doctrinam, curationi diversarum ejusdem specierum
 non sufficere, hae igitur nunc ad examen revocandae,
 ut pensum absolvam.

P A R S A L T E R A.

DE HYDROPIS GENERIBUS, EO- RUMQUE SPECIEBUS.

49. Aquae hydropicae cavis excipiuntur, quae vel
 cum aliis ita communicantur, ut ex uno in aliud hu-
 moris diffusio prompta sit, vel quae clausa sacco im-
 pervio cinguntur. Non inepte igitur hydropis duo
 genera constitui possunt, *diffusum*, nempe, et *saccatum*.

S E C T I O P R I M A.

DE HYDROPE DIFFUSO.

50. Sedes praecipua, et fere unica, hydropis diffusi,
 est cellulosa illa tela, quae sub cute, circa musculos,
 vasa, nervos, viscera adest, qua denique omnes corpo-
 ris partes ad se invicem connectuntur.

51. Tela cellulosa ex lamellis tenuissimis, pellucidis,
 ductilibus, elasticis constat.—Etsi vasis et nervis pro-
 priis destitui videatur, innumera tamen vasa arteriosa
 et venosa majora, nec non minora exhalantia, et ab-
 for-

forbentia, nervique frequentes, in tela hacce haerent atque decurrunt.—Inter lamellas spatiosa sunt irregularis omnino figurae, et variae magnitudinis, in se mutuo hiantia, cellulae dicta.—Ex arteriis perpetuo in cellulas instillantur humores per venas abducendi.

52. Variam utcunque speciem prae se fert tela ista in diversis corporis partibus. Hic enim laxior ex amplis laminis et cellulis componitur, illic strictior, tenuior, brevisque est. Nunc oleum crassius, nunc subtilius, alias liquorem vel viscidum, vel tenuiorem, continet*.

53. *Diagnosi*, § 4—8. traditae, convenit hydrops diffusus, si notentur symptomata ex ejus sede oriunda, qualia sunt.

a. Exigua aquae copia, in quavis cellula, sensum liquidi subtus fluentis digito palpani vix praebet, sed expresso in vicinas cellulas humore, fit fovea sensim et lente replenda.

β. Inclusa aqua pondere per cellulas distillat versus inferiores partes, quae igitur magis turgescunt et distenduntur quam superiores.

γ. Organorum internorum, hoc hydropse laborantium, diagnosi, ex laesis eorundem functionibus unice petenda est.

54. *Hydropis diffusi causae*, § 10—15. enumerantur;

* Qui plura de tela hac cellulari cognoscere velit, adeat differt. de telae cellulosaе dignitate Schobingeri, Gotting. 1748 impressam, ubi doctrinam praeceptoris mei ingeniosissimi ab Haller fufius traditam legere licet.

tur; *prognosis* vero ex principiis § 16. memoratis elicitur.

55. Nec in *indicationibus* curationis, § 17. quicquid mutandum est; sed in *therapeusi* notari meretur, absorptionem facilius fieri ex tela cellulari quam ex saccis clausis, ob majorem in illa venarum copiam, et largiora earundem oscula, et ob minorem plerumque ab aqua in unaquaque cellula pressuram: Hinc, caeteris paribus, citius pharmacis cedit hydrops diffusus, quam saccatus.

56. Frequentissima, et maxime manifesta hydropis diffusi species est quae *intercus* dicitur, a Graecis *ανασαρξ* et *λευκοφλεγματια* * vocata.

57. Cum hic morbus, § 56. a generalibus hydropis causis, § 10. 11. 12. 13. traditis ortum ducit, primo intumescere incipiunt pedes, vesperi maxime, et post exercitationem, aut quum diu declives fuerint. Idem saepe tumor et ad femora pervenit, quique vesperi ingens in pedibus erat, mane, aut postquam in lecto diu decubuerit aeger, minor aut pene nullus est. Horum *φαινομένων* facile rationem intelliget, quisquis reputabit, quanta sit sanguinis pressura contra fundum siphonis istius alti, ex aorta et vena cava compositi, quum erecti stamus; cujus autem altitudo minima est, dum lecto recumbimus.

58. Pro-

* Aeraetus, lib. 2. cap. 1. Leucophlegmatiam ab anasarca distinguit: Non vero diversi morbi sunt, neque specie, sed gradu, differre videntur,

58. Procedente morbo, tumor sursum ad lumbos et ventris exteriora, dein ad externam thoracis regionem, ascendit, tandem ad vultum atque manus obrepat, tunc totum corpus molli tumore grandescit, declivioribus organis magis quam caeteris distensis.

59. Impedito a quacunque causa sanguinis regressu ex organo quolibet, integrae licet sint aliae corporis partes, brevi leucophlegmatia tentatur hocce organum, et sensim ulterius se diffundit morbus. A vena cava inferiore, aut venis iliacis compressis, crura; ab arcata vena cava superiore, manus, vultum, &c.; a schirrho axillae, brachium, &c. *ανασαρχα* invadit.

60. Quocunque modo debilitatis fibris, aut sanguine stagnante in extremis arteriis cujuscunque partis, tumores aquosi patescunt: Hinc paralyti, contusione, torsionibus, erysipelate, viperæ veneno, insectorum morfib, &c. oedemata excitantur.

61. Scrotum et caput solae sunt partes hydrope intercute distentae, quae nomina sibi propria vindicant; priorem *ὕδροκελην*, alteram *ὕδροκεφαλον* Graeci appellant.

62. Ab hydrope intercute distensa et macerata cute, compressis vasis, nervis, et musculis, calor et sensibilitas cutis, atque musculorum vis adeo minuitur, ut quandoque, inconscio aegrotante, ipsa cutis amburatur †, et aeger propriorum membrorum pondere gravetur, artuumque

† Boerhaave in comment. in inst. med. ab Haller ad § 416.

artuumque motus impos fit.—Vasa subcutanea arctata materiem perspirabilem retinent, et sanguinem in aliena loca effundunt, unde maculae rubrae, et sugillationes cutis: Generalis autem si fiat, ab effusa aqua, vasorum coarctatio, impellendo sanguini impar fere evadit cor; ad praecordia igitur et in pulmonibus ageritur sanguis, anxietatem, anhelationes, aliaque symptomata excitans, praecipue motu aut exercitio sanguinem reducem impellente.—Ita saepe cutis distrahitur, ut per poros ejus et superincumbentis cuticulae viam sibi faciat stillans humor †.—Si impervia sit cuticula, in vesiculas allevatur, quae cito disfrumpuntur, et frequens aqua e cute fluit ‡.—Quando interclusa est omnino sanguinis in cute via, gangraena inducitur.—Stagnantis humoris particulae putrescentes, subtiles, acres factae, vicinas partes erodunt, et sanguini admistae, sitim, febrem, hujusque consequentias multiplices, excitant.

63. Nunquam fit generalis *anasarca*, quin tela cellularis etiam viscera ambiens aqua distenditur; unde horum functiones laesae varia alia symptomata exhibent, quae enarranda sunt, quum de interno hydrope diffusio differemus.

64. Omissis prognosi, utpote facillimae ex dictis indagacionis, et repetitione indicatorum, ad therapeutism accedo; in qua pertractanda hic et ubique, viam nunc memorandam insistere decrevi. Quae remedia parem
vel

† Ita a se saepius visum affirmavit mihi pater.

‡ Tale exemplum nuper vidi.

vel majorem praebeant efficaciam in aliis hydropis speciebus quam in ea de qua nunc sermo est, ea vix nominata percurro ; sed quae plus valent in hac quam in alia quacunque specie, plenius indicaturus : Ut et specimina quaedam formularum medicamentorum in notis subjungam. Sic quidem fiet, ut remedia singulis speciebus maxime idonea enarrando, tandem pleraque in hydrope usitata recitabuntur, ita et quaevis pagina nimia formularum farragine non gravabitur.

65. *a.* Corroborantia, absorptionem augmentia, externe adhibita, meliores effectus edunt in hydrope intercute, quam in alio quocunque, utpote parti morbidae quam proxime applicata § 37. 2.

Frictiones, suffimenta stimulantia *, aromata †, spirituosae ‡ assidue applicari debent.

b. Fasciae expellendis humoribus fibrisque sustinendis aptissimae hic sunt, praecipue si pars una aut altera tantum tumeat.

c. Diaphoretica et sudantia, quae sedem ipsam morbi exagitant, apprime utilia in anasarca saepe fiunt, sive

* R. Pulv. benzoin, q. s. vel R. thur. mastich. succin. ana. p. ac. misce : Fiat pulvis, paulatim carbonibus insensis, intra caminum injiciatur, et fumus excipiat panno laneo, donec bene caleseat pannus, cuti mane et vespere affricandus.

† R. Pulv. subt. summit. absinth. unc. iv. cret. alb. unc. viii. misce. Pulvere hocce aspergatur pannus, quo circumligandae sunt partes hydropicae, h. s. vel R. pulv. subtil. cinamom. sesquidrach. nucis moschat. drach. ii. camphorae scrup. ii. misce. Admisceatur hiece pulvis cum gossipio inferendus, inter duplicatum linteum, ex quo conficiantur tibialia, vel manicae funiculis adstringendae.

‡ R. Spirit. vini camphorat. unc. iv. spirit. salin. aromat. drach. i. misce. Affricetur, q. s. parti tumidae bis de die.

five sudor a solo calore, § 34. eliciatur, seu etiam devorentur stimulantia *, parata ex antimonio †, mercurio ‡, opio §, vel aliis.

66. Hisce, § 65 interponantur corroborantia, cathartica, caeteraque jam in priore dissertationis hujus parte pro hydropo remedia, de quibus postea speciatim agemus.

67. Etiam si debita adhibeantur remedia, § 65. 66. commendata, increfcit tamen quandoque anasarca, et non nisi emissario arte facto educenda est aqua.

VOL. II.

F f

a. De-

* R. Spirit. corn. cerv. semiunc. cujus aeger sudationi accinctus hauriat gutt. lxxx. in quovis liquore vinoso tepido, et gutt. xl. omni postea quadrante horae—vel. R. julep. e camphor. (phar Lond.) lib. sem. tinct. serpent. unc. i. misce. Propinanda est primo uncia una, et postea unc. sem. omni semihora ad tres vel quatuor vices—vel R. Spirit. minder. unc. viii. sal. vol. c. c. gr. xl. syrup. Tolutan. unc. ii. misce. hauriat unc. ii. statim cum in lectum se receperit, et unciam unam omni dein semihora.

† R. Vin. antimon. emetici semiunc. capiat. gutt. xl. in feri lactis vinos. unc. ii. et reit. dosis omni hora, si ferat ventriculus—vel R. kerm. mineral. gr. ii. theriac. andromach. drach. i. misce. pro dosi.

‡ R. Turpeth. mineral. gr. i. diascord. semidrach. ol. stil. menth. gutt. iii. misce pro dosi.

R. Calcis antimon. vulgo antimon. diaphor. non lavat. semidrach. mercurii corallin. (pharm. Lond.) gr. vi. misce. Terantur in pulverem subtil. cujus sunt gr. vi. pro dosi sudorifera.

§ R. Pulv. Castor. gr. xv. sal. succin. gr. v. sal. vol. c. c. gr. vi. opii crud. gr. ii. syrup. e cortice aurant. q. s. fiat bolus h. s. devorandus—vel R. tartar. vitriol. sal. nitri ana scrup. iv. funde in crucibulo, pulveriz. et adde pulv. rad. ipecacuan. opii ana scrup. i. ol. stil. menthae gutt. ii. misce. Dosis est a scrup. i. ad gr. xl.

α. Detracta cuticula per applicatum emplastrum veficatorium, cutis quandoque uberem aquam profundit *; fed quum nimium detecta cutis superficies gangraenae obnoxia fit, aliae methodi huic anteferendae funt.

β. Veteres ferro candente cutem inurebant †; recentiores autem pro ferro igneo causticum potentiale dictum fubftituunt. Efchara vero, ab utroque inducta, aquam non transmittit; expectanda igitur eft vel efcharae lenta feceffio, dum interim morbus vires acquirit eundo, vel incifio aut excifio efcharae eft instituenta: Hinc inutilis erat ufio.

γ. Etiam Galeni tempore punctiones magis quam ufiones medicis confuetae erant ‡, et illae quidem frequentem lympham faepius dimittunt ||.

δ. Plerique recentiores Celfum ¶ fecuti, ipfos tumores altis plagis incidunt, e quibus latex aquofus ftillat **.

ε. Veteres Aegypti feruntur †† introduxiffe per cutem acus fila trahentes, relinquebant autem in vulne-

re

* In River. obf. commun. a Jacoz. obf. 21. hiftoria narratur aegri, qui, ab admetis veficatoriis, in multis partibus fanatus fuit. — Ipfe quidem vidi juvenem anafarca laborantem, e quo aqua omnis edufta fuit veficatoriis cruribus applicatis, fed, gangraena fuperveni-
ente, mortuus eft.

† Celfi, lib. vii. cap. 15.

‡ Galeni comment. in Hippocrat. aphor. vi. 27.

|| Exftat hiftoria hominis hac methodo fanati; Willis de anafarca. Pharm. ration. p. 2.

¶ Celfi, lib. 3. cap. 21.

** Vide exempla hydropicorum per incifiones fanatorum. in Mead. mon. cap. 8. et Shaw ad § 1242. aphorism. Boerhaav.

†† Boerhaave in comment. in inflit. ab Haller. edit. in § 416.

re fila ne coalesceret, ita aqua continuo fluxu diu noctuque effluebat omnis. Aliis in usu est pisum, vel tale quid in incisuris detinere, ne claudantur. Sed gangraena ab intrusis metuenda est.

68. De fonticulis, § 67. cautela quaedam observandae sunt.

a. In declivioribus semper partibus faciendi, ut aquae facilior sit exitus.

b. Evitentur in hac operatione venae, nervi, tendines, similiaque organa.

c. Moderandus est aquarum effluxus, secundum aegri vires, ne curatio mortem acceleret *; aegrum igitur quovis modo sustineri oportet; et si nimius videatur humor emissus, emplastris et fasciis idoneis aquae iter per fonticulum intercipiendum est.

d. Olim observavit Hippocrates, ulcera hydropicorum non facile sanari †; ideoque ea calefaciente medicamento illini jubet ‡; et ne cutis vicina aqua calida, acri, perpetuo perfusa inflammetur, unde dolor, et metus gangraenae, linimento || obtundente defendenda est.

e. Si

* Quod accidisse ingenue fatetur Mead: in mon. med. cap. viii. semel sui ipsius non satis caute aegri robur aestimantis, atque iterum chirurgi temeraria culpa.

† Hippocrat. aph. vi. 8.

‡ Hippocrat. de locis in homine, cap. 36.

|| R. unguent. alb. unc. i. liquecat leni calore, et ab igne remoto. Adde balsam. oppodeldoch. drach. i. misce. Vel R. unguent. e lapide calaminari sesquiunc. balsam. Peruv. drach. iii. camphor. in spirit. vin. solut. drach. ii. misce. s. a. Exsiccatae cuti applicetur linimentum super linteam extensum, vel manu cuti affricetur.

c. Si gangraena ulceri superveniat, externis et internis medicamentis huic morbo idoneis profliganda est.

69. Hydrocele externa quam distensio aquosa cutis penis saepius comitatur, in immanem quandoque molem adaugetur ob laxam cellulofam scroti fabricam, sed solum nomen sibi proprium vindicat†; nisi notam ejusdem speciem ab urina, scil. ex urethra effusa illi accensere lubet‡. Hoc in casu,

α. Multiplices in scroto incisurae faciendae sunt, quibus libera urinae via concedatur, ne late vagantes sinus, fistulas, &c. erodat.

β. Obstaculum, si quid est in urethra, cito removendum est.

γ. Ope catheteris subducenda est urina e vesica, donec occludatur foramen urethrae praeternaturale.

δ. Si sub β. γ. proposita fieri nequeant, incidenda est urethra inter obstaculum et vesicam, ut urina e vulnere libere fluat.

70. Hydrocephalus externus hoc sibi peculiare tantummodo obtinet, ut aegre aqua a cute cranii, ad inferiores partes, ob arctum ejusdem cum auribus, musculis, aponeurosibus nexum, descendat.

71. Te-

† Vir generosus scrotum contudit, unde tumorem per 20 annos in scroto gestabat. Tandem ad molem capitis infantis aucto tumore, interna evacuantia, et externa discutientia frustra sustinuit; sed evacuatæ exigua aquae copia, e vulnere lanceola inflicto, et applicato pulvere cretae et absinthii, atque interpositis paucis catharticis, sanatum vidi.

‡ Vid. Medical Essays, vol. 5. art. 22.

71. Telam cellulofam interiorum partium occupans aqua, quae hydropis nomen meretur, colligitur vel in chorda fpermatica, inter peritonaem aliaque ventris organa continentia, fic dicta, in mcfenterio, cellulari ventriculi, inteflinorum, reliquorumque abdominalium vifcerum tunica, aut in mediaftino vel pulmonibus.

72. Quum fit hydrocele diffusa interna in Chorda Spermatica, fentitur tumor mollis, profundus, oblongus, inferne craffior, digitis cedens, ad testem defcendens, dum aeger flat vel fedit : Cum autem recumbit, tumor decrefcit, et cylindricam potius affectat figuram ; fi vero in abdomen decumbentis reclinat fcrotum, tumor fere evanefcit ; brevi autem redit, cum homo erigitur.

73. Causae hujus hydroceles, § 72. funt, 1. Humor ex tela cellulari pone peritonaem ad inferiora ftillans — 2. Paralyfis mufculi cremasteris, aut debilitas quaecunque chordae fpermaticae. — 3. Venae fpermaticae compreffio, arctatio, aut debilitas.

74. In therapeufi nil peculiare obtinet, nifi quod, 1. Fascia fufpendente, bene fufstinendum fit fcrotum. — 2. Incifurae vix faciendae, ne vulnerentur vafa fpermatica.

75. Aqua in tela cellulari inter *mufculos abdominis* et *peritonaem* diffusa, vix dignofcenda eft ; femper
autem

autem adest, quum anasarca ad thoracem usque ascendit, et saepe cum hydrocele invenitur.

76. Mesenterium cellularisque ventriculi et intestinorum pars in anasarca universali semper aqua distenditur, et in ascite saepius idem fit; unde saepius vidimus ventriculum et intestina asciticorum, alba, laxa, crassa, et ex singulis incisuris membranarum aquam effluentem.—Si igitur diu comprimatur quocunque modo vena portarum, aut debilis fiat ductus alimentarius et mesenterii compages, aut major fit in sanguine colluvies lymphatica, quam in cavum ductus illius arteriae dimittant, in cellulis colligitur, molem organorum augens, vim autem eorum minuens; et cedentibus arteriarum osculis, nimia humoris copia in ventriculum et intestina effunditur. Hinc appetitus prostratus, ciborum imperfecta coctio, diarrhoea, lenteria, &c.

77. Difficillime se patefacit haec species hydropis diffusi, § 76.; nam ab anasarca vel ascite inducta, ab iisdem occultatur; solitaria autem alias ventris aegritudines mentitur; si vero causae jam recitatae praecesserint, atque mollis, aequabilis, sensim increscens, vi mutabilis abdominis distentio succedat, suspicari saltem licet huncce morbum adesse.

In historiis aegrorum, qui primo anasarca, dein ascite subito detenti dicuntur, et qui sani evaserunt, a fonticulo omnem aquam effundente, merito hariolari licet, potius a mesenterii hydrope, quam a vero ascite abdomen intumuisse.

An

An effatum Hippocratis †, leucophlegmatiae superveniens diarrhoea fortis solvit morbum, potius huic quam aliae hydropis speciei conveniat ?

78. Diaphoretica, diuretica, quae caeteris hydropis speciebus, huic etiam medentur ; sed a corroborantibus et catharticis, secundum § 37, 2. majores hic quam alibi effectus expectandi sunt ; et abstinencia a potu, omnibus hydropicis salutaris, maxime necessaria est, quando ductus alimentarius lymphæ obruitur. Sed de hisce nunc dicere nolim, quia postea commodior dabitur occasio.

79. Ab aqua in Mediastino ‡ sensus adest ponderis molesti, non autem doloris in medio pectoris ; situm mutat ponderans, secundum corporis situm erectum, decumbentem, supinum, aut pronum. Compressis oesophago, trachaea, et pericardio, difficilis fit deglutitio, et actiones pulmonis et cordis turbantur.

80. Vix, nisi a mutatione ponderis, distingui potest hicce hydrops ab aliis morbis medium pectus infestantibus : Sed quum in universali anasarca semper adfit, symptomata hujus morbi auget, eandemque medelam capit.

81. Si dignoscatur morbus, § 79. remedia corroborantia et evacuantia eludens, non alia aquae educendae methodus est, quam sternum terebratione pervium reddere ;

† Aphor. 7. 29.

‡ Mead. mon. med. c. 8. Aquam in mediastino se vidisse asserit.

reddere; nimis autem audax operatio haecce est, quam ut in tali dubio casu usurpetur.

82. Inflatibus pulmonibus, tota eorum cellularis fabrica in bronchos apertis osculis hiare videtur, quae igitur aqua in cellulas effunditur, citò per tussim rejicitur; sed in humoralibus, vulgò dicto asthma, anastomosis hanc occludi fere concludere licet; nam infarcti diu pulmones vim magnam coacervatae lymphae reddunt. Annon est haec species aliqualis hydropis diffusae, emissaria tandem referantis? utcunque certe humoralis illud asthma causa frequens est anasarcae*, et iisdem auscultat remediis.

SECTIO SECUNDA.

DE HYDROPE SACCATO.

83. Sacculi hydropis sedes, § 49. vel solam aquam, vel etiam organa quaedam corporis, continent; illos *simplices*, hos autem *compositos*, appellare licet.

84. *Simplices sacculi* vel retinent structuram naturalem, vel morbo ita mutantur, ut ab eo nasci putares.

85. Prioris speciei duo tantum sunt exempla, hydrops, scilicet *Uteri*, et *Hydroglossum*; nam ad alias morborum

* Insigne tale exemplum prostat in Med. Essays, vol. 3. art. 25. a patre meo tractatum, ubi ab infarctibus pulmonibus anasarca oriebatur, et arteriarum vibratio cessabat, donec cathartico liberatus fuit aeger; quod ter aegrotanti contigit.

borum classes referuntur vesicae urinariae, et vesicae felleae distensiones, utpote alium quam aquam ferofum humorem continentes.

86. Hydrops Uteri fit a quacunque materia os ejus obturante, unde sensim in cavo colligitur aquosa colluvies * graviditatem mentiens; a qua vix hydropem hunc recentem distinguere licet juvenilis aetatis foeminae, sed in vetula suspicionem potius crearet hydropis: Praetumidus uterus cum clauso ore interno, elapso graviditatis termino, haecenus latentem manifestat morbum.

87. Digitus aut catheter per os uteri, sine laceratione aut nimia vi intrusus, solvit momento morbum.— Si vero dilatanti digito aut catheteri non cedat, balneis tepidis relaxandae sunt partes morbidae †.—Emeticis urgenda est lymphae ex ore uteri evacuatio.— Si aegrae periclitetur vita a mole aut acrimonia aquarum, dum fluctuantem sentiat digitus materiem orificio uteri incumbentem, in faccum adigendus est stylus cuspidatus canna instructus (Trocar dictus), ut retracto stylo aqua per cannam effluat, statimque postea iterum tentandum est digitum in uterum immittere: Hoc facto, pro digito substituitur spongia, filo longo ex vagina pendente constricta, quo detrahatur

VOL. II.

G g

spongia

* Mulier singulis mensibus ex utero dimisit aquam, quae sex aut octo pelves implebat; Fernelius in patholog. lib. 6. cap. 15.—Uterus a tumore cervicem ejus occupante hydropicus puerum 10 annorum facile recipisset; Bonet. sepulchret. anat. lib. 3. § 21. obs. 55.

† Comitissa de Keglewich balneis ab uteri hydropse liberata; Miscellan. curios. dec. 3. an. 5. et 6. obs. 162.

spongia saepius renovanda, dum remediis topicis, tenui diaeta, attenuantibus et resolventibus, § 23. ϵ , ζ , η , θ , dictis *, resolvatur tumor, aut viscida obstruens materies.

88. Tumor aquosus sub lingua Hydroglossum dicitur. An sit ductus salivarius submaxillaris in saccum distensus; an sacculus in tela cellulari, a ductu disrupto; an hydatidis ab alia causa, non facile est dicere. Quicquid autem sit, incidendus est tumor, ut aqua evacuetur. Premendus est ductus digito antrorsum et retrorsum, ut exprimatur si quid in eo haereat. Colluendus denique sacculus lenibus detergentibus et adstringentibus †. Si vero recidivus fiat morbus post incisionem, ne iterum claudatur vulnus cavendum est, specillum saepius immittendo.

89. Sacculi quique simplices, qui morbo figuram debent, in homine sano totidem telae cellularis cava fuerunt, § 51 52. Obturatis enim in vicinas cellulas emissariis cujuscunque cellulae, haec distenditur, unde lamellae plures juxta appositae et compactae parietes, quali membranaceos effingunt, et quo plus distenduntur hi parietes, eo plures prioribus adjunguntur lamellae; quo diutius autem apprimuntur, majorem acqui-

* R. pil. mercur. laxant. gr. x. divid. in pil. iii. dosis hujusmodi mane et vesp. devoranda — vel R. pil. scillit. scrup. i. gum. asafœtid. gr. v. mercur. dulc. g. iii. sal. mart. gr. iv. syr. alb. q. s. ut fiat pil. vii. pro dosi repetend. omni mane.

† R. spirit. vini Gallici, unc. i. aq. calcis, unc. iv. mel. rosar. scss. qunc. misce. vel R. alumin. scrup. i. solv. in aq. rosar. unc. iii. syr. Tolut. unc. i. misce.

acquirunt densitatem; hinc tunicae sacci crassiores et densiores fiunt, pro ratione morae et magnitudinis.

90. Vasa saccorum, § 89. tensa semper ab inclusa materia, vim absorbentem minimam possident, § 37. 1. tenuiores tantum humoris particulas in se recipiunt venarum oscula; unde spissius stagnando devenit quod reliquum est.

91. Plerique subcutanei hydropici sacci Hydatidum nomine veniunt, qui tendinibus, tracheae arteriae, glandi penis assident, vocantur Gangliones, Bronchoceleae Serosae*, Crystallini tumores; caeterum vix quidquam, nisi situm, peculiare arrogare possunt. Eadem est ratio interiorum hydatidum, quibus adjunguntur nomina organorum quae ab iis obsidentur. Sed, quum in harum investigatione et curatione variae in diversis speciebus adhibendae sint cautelae, de singulis differendum.

92. Hydatides, § 91. propriis limitibus circumscribuntur, pressae cedunt; sed statim, remota pressura, formam priorem obtinent.—Alternatim digitis agitatae, sensum quidem, sed saepius obscurum, fluctuantis humoris praebent.—Vix, nisi mole functiones aliarum partium turbante, nocent; raro enim adeo acris evadit humor, ut saccum erodat, et minore absorptione sanguis non inquinatur.

93. Me-

* Bronchocele aquosa hic rarior est, sed a celebri Shaw describitur, ut morbus in Helvetia frequens. Boerhaave's aphorisms of the dropsy. —Et Schenklius narrat sanatam a se puellam bronchocele laborantem, lib. 3. de hydropse, obs. 5.

93. Medicamentis internis quibuscunque, aut lenioribus externis, vix unquam dimovetur hydatidis, quandoque repetitis aquae ex alto cadentis ictibus, epispasticis *, vel vesicatoriis cuti tumorem cooperienti applicatis, profligatur: Certius tamen chirurgi manu removetur.

α. Saccum excindendo. In qua operatione frustra se torquent chirurgi, ut saccum integrum servant; nam multo facilior est operatio, quum denudata sacci superficies exterior inciditur, ut evacuetur aqua. Sacco ablato, vulnus per *fysarcolin* sanandum.

β. Si excisio periculosa sit, ob annexas nobiliores partes internas, ex. gr. majores arterias, venas, nervos, tendines, &c. incisura larga aperienda est cystis, vel exterior ejus pars excidenda, tumque caro ab interna sacci superficie sollicitanda, in quem finem frequentes incisurae, escharotica, erodentia vel stimulantia, inflammationem inducentia, adhibeantur.

γ. Si incisura fieri nequeat, vel eam non admittat aeger, punctura in saccum facienda lanceola, vel instrumento, *trocar* dicto, qua evacuetur humor; sed brevi a sanata punctura hydatidis iterum in priorem molem, aqua redeunte, crescit; cui praecavendae prodest, imo, Orificium apertum retinere, ut effusa aqua e cavo fluat, et saccus sensim se contrahat, donec vel evanescat, vel ad nihilum fere redigatur †. 2. Duri
quid

* R. acet. fort. calefact. q. s. eo madefacta spongia tumori imponatur.—vel R. sinapismi simplicis, q. s. hydatidi applicand. vel R. emplastri calidi nosocomii Edinens. q. s. extende ad alutam, et tumori applica.

† In Medical essays, vol. 5. art. 30. legere licet historias saccorum hac methodo sanatorum.

quid sacco immittere, ut excitetur inflammatio, qua parietes vel concrefcunt, vel pus effundunt, caroque pullulat, cavum impletura.

δ. Sunt qui fila per faccum acus ope trajecta inibi relinquunt, ut lymphæ continuo ex orificiis stillent; sed incerti est eventus hæc methodus.

ε. Disruptio cystis percussione mallei lignei fieri minime potest, nisi quando hydatidi subcutaneæ os durum subternitur; et vix unquam hodie usurpatur; nimis enim partes vicinas contundit, et incerti admodum est eventus.

Si ab operationibus sub α, β, γ, recitatis, metuenda sint mala, § 41. enarrata, præcavenda sunt methodo § 42. tradita.

94. Hydatidis in Chorda Spermatica, five sit faccus ex cellulis factus, five portio peritonæi post herniam relicta, cujus hiatus in abdomen occluditur, signis § 92. enarratis cognoscitur, et a hydrocele inter testiculi tunicas formata distinguitur, per figuram magis a sphaera recedentem, sed præcipue a situ supra testem, qui sub aqua sentiri potest; quum in altera hydrocele, testis in mediis aquis fluitans lateat.

95. Sanatur hydatidis hæc § 94. methodo proposita, § 93 β. partem scroti externam incidendo *.

96. Hydrops Saccatus inter tendines musculorum abdominis obliquorum et transversalis, vel inter hunc et peritonæum formatus †, eandem agnoscit diagnosis,

* Vid. historias sanatorum in Medical Essays, vol. 5. art. 22.

† Vid. Sulpitii observat. lib. 4. obs. 44.—Mead. mon. med. cap. 8.

sim, ejusque sanatio tentanda est per medicamenta in § 93. et quae postea in ascite aperto describenda sunt; praecipue vero per viam, § 93. β, γ. descriptam. Quando autem aliquid sacco inclusum, per puncturam vel cannam transire nequit, incisura orificium amplificandum.

97. Saccus qui in cavum abdominis prominet, sive peritoneum musculos succingens protrudat, sive a viscere quodam pendulo emineat, Hydropis Ascitis Clausi nomine a medicis insignitur, qui tactui edit phaenomena in § 92. et ab ascite aperto facile distinguitur, in quo fluctuans humor omnes abdominis regiones pervagatur, secundum hominis situm.

Qui peritoneum protrudit, immobilis semper est tumor. Qui in pendulis visceribus enascuntur, in initio ad inferiora paululum delabuntur, licet tandem et peritoneo accrescant, et locum non mutant.—Si frequentes et parvae per abdomen sparsae formentur hydatides internae, difficilis admodum sunt indaginis; ab aliis enim tumoribus steatomatosis, &c. vix distinguuntur, quum fluctuans nihil sentiat *

98. Quae Ovaria occupant hydatides, etsi speciatim ab auctoribus describantur, nihil peculiare sibi vindicant, nec litem meretur quaestio, utrum in vesiculis, ovis vulgo dictis, an in cellulis ova involventibus, aqua hydropica colligatur †.

99. Medela

* Sennert. lib. 3. p. 6. cap. 3. § 2.—Ruyseh obs. anat. chirurg. obs. 27 46. 65.—Mem. de l'Acad. des sciences 1722.—Ephem. German. 1742, obs. 94.—Phil. transf. No. 207.

† Phil. transact. No. 140.—Med. Essays, vol. 6. art. 73.—Memorabilis

99. Medela morborum, § 97. 98. memoratorum petenda ex dictis § 96. ; notando solum, mobiles faccos vix chirurgiam admittere.

100. In Mediastino nascuntur hydatides, quae nequam ab aliis tumoribus ibi haerentibus distingui possunt ; vel si forte detegantur, non aliam, quam quae § 81. proposita fuit, medelam capiunt.

101. Pulmonum hydatides vix dignoscuntur ; nam respiratio laboriosa, tussis, anasarca, aliaque in hoc morbo observata symptomata, ab plurimis aliis causis etiam inducuntur †.

102. Pro vesicis hisce, § 101. methodo in § 81. adijciendum est, risum, tussim, sternutationem, vel vomitum, eas disrumpere posse, ita ut aqua effluat, vel in bronchos per os cito ejicienda, vel in cavum thoracis, unde educi potest remediis postea enumerandis. Metuendum tamen, ne aeger in ipso risu, tussis, &c. nisu, disrumpente hydatide, suffocetur.

103. Aqua inter oculum et orbitam in sacco collecta, oculum antea propellit, visum hebetat vel tollit. Haec Hydrophthalmia Notha a vera facile distinguitur, ubi globulus ipsius oculi distenditur. Pro curatione, vid. § 93.

104 Ra-

morabilis est historia a D. Houston in Philos. transf. No. 381. § 3. relata, per incisionem 4 digitos longam in ovarii saccum factam evacuae sunt 18 Humoris librae.

† Mem. de l'Acad. 1732, per Mr Maloet.

104. Rariores quidem enarrantur casus, ubi aqua magna copia inventa est inter cranium et duram matrem †, vel inter duram et piam matrem ‡, aut etiam hydatidum in cerebro ipso ||. Hi quum occurrunt Hydrocephali Interiores, hydropi in simplici sacco, § 83. 84. formato accenseri debent, et compressi cerebri symptomata inducunt; aegri, scil. capitis dolore, vertigine, stupore tentantur; intentis oculis vident; frequentius lacrymantur; sopore afficiuntur, et omnes sensus hebescent; tandemque convulsiones, lethargus, aut apoplexia miseros e medio tollunt.—Quum haec symptomata aequae ab aliis causis inducantur, et adultorum crania vi aquae extendenti non cedant, conicere tantum licet, hoc morbo aegrum confectari; sed in infantibus, quorum ossa capitis nondum futuris conjuncta sunt, spatia inter ossa dehiscunt, et quandoque digiti sentiunt aquam fluctuantem.

105. Corroborantia, § 20. et 112.; cathartica, § 32. et 112.; diuretica, § 33. et 118.; diaphoretica, § 34. et 65. usurpanda sunt in curatione morbi hujus periculosi, § 104. prout res exigit.—Pileo laneo, fumis, § 65. a. bene indies calefacto, tegatur calvaria: Fascia constringatur caput ¶ —Fonticulus in ipso bregmate excitetur ope epispasticorum:—Fonticulus etiam in nucha apertus servetur, intrudendo pisa vel talia in cutis vulnusculum.—Tandem, potius quam aeger inevitabili

† Vid. hist. in Bonet. sepulchret. anat. lib. 1. § 2. obs. 45.

‡ Vid. Blancard. oper. vol. 2. p. 135.

|| In Haller. disput. vol. 2. p. 845. a Bergen.

¶ In River. obs. comm. obs. 6.

evitabili morti committatur, lanceola in cavum hydro-
picum immittatur, si fluctuans inter ossa sentiatu-
r aqua, cavendo ne vulnerentur aut arteriarum durae
matris majores rami, aut sinus venosus longitudinalis
superior. Evacuata parva aquae copia, obturandum
est vulnus; nam peiores hic metuendi sunt effectus a
nimia aqua semel educta, quam in alia quavis corpo-
ris parte; imbecilles enim tunicae vasorum cerebri,
ejusque mollis substantia, vi sanguinis rarefcentis, et a
corde impulsæ, resistere nequeunt; cito igitur cerebrum
sanguine irruente obruitur, si subito aquae pressura sit
sublata: Spongia, vel tale quid aquam transmittens
pro obturamento sit; tutius enim ita sensim evacuatur
humor.—Dum hac methodo educitur lymphæ, caput
arctius fasciis constringendum, ut cranium pro ratione
contentorum arctetur.—Si medicamina interna, excre-
tiones augmentia, ægrum adultum ab hydrocephalo in-
terno liberare non valeant, solum, sed audax esset re-
medium terebratio.

106. Sacci Compositi Naturales in quibus collecta
aqua hydropem facit, sunt capsulae articulorum, in
quibus sunt glandulae muci secretioni destinatae, a-
deps, &c.—Cavum in quo testis continetur,—perito-
naeum, viscera abdominalia comprehendens,—pleura
utraque, pulmones,—pericardium, cor, ejusque vasa;
—oculus, iridem, diversosque humores,—cranium,
cerebrum, ejusque partes.—Dura mater in theca verte-
brarum medullam spinalem continet.

107. Quamvis anatomici demonstrent pleraque or-
gana quæ in hisce cavis § 106. contineri dixi, ad ex-

teriora membranae faccum formantis collocari; tamen cum vulgo medicorum liceat nunc, pendula haec organa, tanquam in cavo sacci distensionis capacis contenta, considerare.

108. Sacci hi naturales non statim in initio morbi aequae aqua infarciuntur, ideoque non ita extenduntur ac hydatides; evidentior igitur est tunc fluctuatio humoris in illis contenti, vel a motu corporis vel digito palpani.—Plus etiam sentitur tensio et gravitas liquoris in inferioribus sacci partibus.—Ab agitatione aquae, et organorum plurimorum vicinitate, acrior citius evadit aqua, unde citior partium erosio, sitis, febris, &c.—facilius liquores absorbentur, secundum effatum in § 37. 1.

109. Hydrops Articuli, genu praecipue*, signis, § 4. 5. 6. 7. 8. manifestus, vix unquam medicamentis roborantibus internis, diureticis et diaphoreticis, raro catharticis fortioribus, cedit. Topicis plus auscultat, sudationibus, scil. flamma spiritus vini excitatis, aquis calidis, sulphureis, *Bathensibus*, *Aquisgranensibus*, *Carlsbadensibus*, &c. ab alto cadentibus,—epithematibus acrioribus, § 93.—fonticulis in vicinia defossis.—Si autem hisce resistat, aperienda est capsula incisura in tenuissima parte ab aponeurosis, vasis, &c. maxime libera, a qua quandoque sanatio†; sed saepius in-

flam-

* Pater, in praelectionibus suis, narrat, se hunc morbum nunquam nisi in genu, ibique saepius vidisse, et se, applicata charta bibula accito forti tepido madida, quater genu hydropem sanasse.

† Aët. phys. med. vol. 8. obs. 27.—Med. Essays, vol. 4. art. 20.

flammatione, febre, &c. corripitur aeger *, et acri evadente humore ab amputatione spes sola vitae est.

110. Hydrocele inter testis tunicas testiculum celat; hinc ab aliis hydroceles interioris speciebus distinguitur.—Recens in junioribus quandoque sanatur suffiminibus, &c (§ 65. a.) aut aliis discutientibus, penetrantibus medicamentis †, dummodo simul fasciis bene suspendatur scrotum, et repetita exhibeantur cathartica.—Si vero haec non sufficiant, per puncturam lanceola factam emittenda est aqua, brevi reditura; unde haec imperfecta, vulgo *palliativa* curatio vocatur.—Ut *radicalis* dicta sanatio perficiatur, grandiori incisione aperiendus est saccus, cavendo ne cum aqua exeat etiam testis ‡, haemorrhagia, si quae obvenerit, compescenda §.—Leni postea irritatione excitanda est inflammatio, sine qua vix ad sanationem perfectam perducitur morbus. Caute tamen in irritatione procedendum est; nam a teste irritato febris valida, ingensque inflammatio nonnunquam excitantur ¶.—Quando pus e vulnere effluit, sanationis spes est; tunc enim caro, et a teste, et a tunica *vaginali* succrescit, qua repleatur cavum **,

111.

* Med. Essays, vol. 4. art. 20.

† R. rad. bryon. alb. unc. ii. fol. cicut. vulg. recent. manip. iij. misce, et coque in q. s. aq. font. fiat. s. a. cataplasma. cui adde gum. ammon. in acet. fort. solut. semunc. ol. palmae drach. iij.

‡ Vidi testem extra vulnus relictum ex quo pullans caro cicatrice obducebatur.

§ Vid. hist. talis haemorrhag. Med. Essays, vol. 2. art. 14.

¶ Vid. Med. Essays, addit. ad vol. 5. p. 256.—Sharp's surgery, chap. 9.

** Med. Essays, vol. 5. art. 22. et addit. in quarta editione.

111. In peritonaci cavo aqua collecta hydrops Ascites Apertus vocatur; in quo acrior quam alibi citius fit humor, ob motum quo in amplo cavo agitur, ob admisionem bilis per vesicam felleam transeuntis, et miasmatum putridorum ex intestinis exhalantium.—Humor hypogastrio in situ erecto corporis incumbit, in horizontali vero regionem lumborum inferiorem distendit, et diaphragma opprimit.—Macerata ab aqua viscera chylopoietica male concoctioni ciborum inserviunt.—Vellicata aut erosa inflammantur, concresecunt.—Compressis majoribus vasis, praecipue vena cava et portarum, inducuntur obstructiones, oedemata, hydrops diffusus, &c. plurimarum partium.—Perstricti renes paucam urinam fecernunt, unde hydropis incrementum.—Ab acribus humoris particulis absorptis, sitis, tussis, febris, inflammationes, eorumque sequelae.

Periculosus hicce morbus sua utcunque habet comoda: Nam, imo, Meliores hic edunt effectus corroborantia interna, cathartica et diuretica, quam in alio quocunque hydropes clauso, ob rationem in § 37. 2. memoratam. 2do, Facilius et tutius per chirurgiam aqua educitur, quam in plurimis aliis hydropis speciebus.

112. Quum quo plus potae, plus sitiantur aquae, hydropem augentes, summa in therapeusi instituenda est abstinentia a potu, sitim autem fallere oportet succo acido, os et fauces eluendo, tantillo rarius hausto *.—

Fric-

* Novit duos illustris Mead gravissimo hydropes ascite laborantes, longa istiusmodi patientia, sibi ex toto temperando, ad salutem perductos; Mon. med. cap. 8.

Frictiones, exercitia, fasciae adhiberi debent quantum commode fert aeger.—Emetica † profunt, dummodo nimis non opprimatur ab eorum usu respiratio, aut caput. Catharticorum ‡ repetitae doses pro viribus aegri quam maximae utiles sunt.—Emeticorum et catharticorum minores doses saepius reiteratae, validiora quandoque evadunt hydragoga, quam largiores, sed diutius intermissae; magnam quippe urinae copiam eliciunt ||. Cum catharticis medicamenta corroborantia, § 20. d. et diuretica, § 33. miscentur, et diebus ab alvi purgatione liberis, eadem ¶ semper exhibentur.—

Auxilii

† R. vin. emetic. drach. x.—R. pulv. ipecacuan. semidrach. tartar. emet. gr. iii. misce. Capiat hora sexta pomeridiana.

‡ R. pulv. rhabarb. semidrach. calomel. gr. vi. syrup alb. q. s. ut fiat. bolus.—R. syrup. de rhamn. sesquiunc.—R. syr. de rhamn. unc. j. tinct. jalap. drach. i. misce.—R. pulv. rad. jalap. scrup. i. calomel. gr. x. misce.—R. elect. hydrop. Medul. med. pro exercitu semidrach.—R. pil. ex colycinth. Pharm. Lond. semidrach. form. in pil. vi.—R. succ. irid. nostrat. semunc.—Haec omnia cathartica summo mane devoranda.

Pro catharticorum usu in hydrope, vid. magnum Sydenham de hydrope.

|| R. oxymel. scillit. sesquidrach. aq. cinnam. f. v. unc. i. spir. lavend. comp. syrup. e cort. aurant. ana drach. i. misce. Capiat talem dosin omni quadrihorio.—R. pil. mercur. laxant. drach. ii. pulv. rhei elect. drach. i. ol. juniper. semidrach. misce, fiat massa. divid. in pil. No. xlii. Capiat tres ter de die. R. julep. hydrag. Pharm. Nosocom. Edin. unc. viii. Capiat unc. ii. omni trihorio.

¶ R. vin. amar. Pharm. Lond. vel. tinct. ad stomach. Pharm. Edin. lib. ii. Capiat unc. ii. ter vel quater die.—R. pulv. cort. Peruv. unc. ii. cort. aurant. unc. i. limatur. mart. semunc. syrup. e cort. limon. q. s. ut fiat. elect. Capiat molein. nucis moschatae mane et vespere.—R. aq. menth. piper. unc. iv. tinct. cort. Peruv. serpent. comp. ana unc. ii. pulv. sal. mart. semidrach. misce, Capiat unc. j. horis medicis.

Diureticorum formulas vide in § 118.

Auxilii etiam plurimum a diaphoreticis (§ 65. c.) aliquoties obtinetur.

113. Quando multum tenditur abdominis faccus, non solum miserum aegrum cruciant dyspnoea et tussis, a pressio diaphragmate sanguinis iter per pulmones impediens, sed penitus aboletur aquae hydropicae absorptio, sola morbi curatrix: Educenda igitur aqua, § 37. 1. per paracenthesin, instrumento Trocar dicto, medio loco inter umbilicum et prominentem ossis ischium spinam anteriorem institutam*. Cutis lanceola prius incidenda quam stylus adigatur; tunc enim stylus minima vi impressus musculos perforat. Veteres de nescio quo spiritu, cum aqua effluente, symptomataque § 41. recitata inducente, somniarunt; ideoque aquam repetitis vicibus ex asciticis eduxere: Postquam autem a Meadio† demonstratum fuit, anno 1705, haec symptomata a sola subito ablata pressura pendere, simul et semel omnis educitur aqua, quo minus periculum est gangraenae, tympaniae, aut humoris viscera macerantis, et, admissio aëre, putrescentis; dum cingulo idoneo‡ aequabilis incumbat contentis abdominis pressura, et cum effluit aqua, et post finitam operationem, cujus index est respiratio, quae faciliior vel difficilior est pro ratione vis diaphragma in thoracem prementis. —An liquor adstringens statim abeducta aqua||, vel eodem

* Med. Essays, vol. I. art. 18.

† Mead mon. med. cap. 8.

‡ Med. Essays, vol. I. art. 18.

|| Philos. transact. No. 472. § 3. Christopher Warwick refert foeminam a se sanatam injiciendo vini rubri Gallici (claret dict.) p. 2. aq. Bristol. p. I.

eodem tempore quo effluit *, in abdomen injectus, immunes a recidivo morbo servaret aegros, nondum fatis experientia constat.

Si abdomen in duo cava aqua referta dividatur per accretionem viscerum et peritonaei †, bis peragenda est paracentesis, in utrumque, scil. cavum.

114. Evacuata ex abdomine aqua, intestina saepius inflantur, borborygmi, tormina, anxietates, spasmi aegrum infestant: Hisce sedandis vel a paracentesi, vel emeticorum aut purgantium medicamentorum operatione inductis, optima medela est *opium* vesperi exhibitum, quo etiam diuresis promovetur ‡; et, ut reditus ascitis praecaveatur, diu persistendum est aegro in usu medicaminum memoratorum in § 44.

115. Hydrocele cum hernia ||, et Hydromphalus ¶, non nisi appendices quasi ascitis aperti sunt, quo remoto cessant.—Si vero proxime sub cute in illis tumoribus sentiatur humor, punctura ibi lanceola facienda, ut emittatur aqua; caeterum eadem quae in paracentesi cautela adhibendae, et praeterea assidue applicanda

* Vid. ibid. § 4. propositum ingeniosissimi Hales.

† § 4. Med. Essays, vol. 4. art. 30.

‡ Consulendi sunt de opii in hoc morbo usu Sydenhamus et Mead. Ecce formula. R. aq. menth. piperit. unc. i. cinnamom. semunc. tinct. castorei drach. i. laud. liquid. gutt. xl. ol. tartar. gutt. xx. syrup. altheae drach. iii. misce, pro haustu vespertino.

|| Vid. Med. Essays, vol. 5. art. 22.

¶ River. obs. 4. communi a Formio. Duos mihi narravit casus pater, in altero aqua cutem hydromphali lacerans subito effusa est, in alio lanceola aperiebatur tumor. Vid. Schenkii obs. et Bonnet. sepulchret. anat.

canda sunt ipsis tumoribus corroborantia externa, § 65. a. praescripta, ne collabentes gangraena afficiantur.—Nonnunquam cutem lacerat ipsa aqua viam sibi parens, quo casu methodo jam dicta tractandus est morbus.

116. Hydropem ascitem siccum, vel Tympaniam a veteribus appellatum consulto omisi, utpote a meo proposito alienum; de morbis enim ab aqua orientibus tantum dissero.

117. Hydrops pectoris, scil. cavi costis rigidis exteriorius cincti, cum intermediis musculis tensis, brevibus, ubi neque tumor, nec motus aquarum digitis sentitur, difficilis est indaginis. Si vero sit spirandi difficultas, ponderis sensus nunc ad imum, nunc ad summum pectus, prout homo stat vel recumbit; et si fluctuans quid ab aegro in pectore sentiatur; suspicionem praebet aquam inibi collectam; quae magis confirmatur, si capacior videatur thorax ad sedem diaphragmatis *.

Nescio an semper adsit signum pro pathognomico habitum a Riverio, quando, scil. spirandi difficultas primo somni tempore invadit, eumque intercipit, ac per noctem magis urget; procedente vero die, sensim lentescit †, vel an scrotum in hoc hydropis genere attollatur, antequam vel venter vel pedes intumescant ‡.

118. Diaphoretica, corroborantia, et cathartica bonos

* Vid. Hist. morbor. Uratissav. 1669, 1700, de hydropse pectoris, cap. i. §. 7. et Medical Essays, vol. 5. art. 59.

† Riverii, lib. 7. cap. 5.

‡ Hist. morbor. Uratissav. 1699, 1700. cap. i. § 8.

nos, sed non tantos quam in ascite, edunt effectus.— Emetica meliora, sed caute usurpanda sunt, ne inter vomendum suffocetur aeger, nimium compressis pulmonibus.—Est autem a diureticis * nonnunquam sanatio; renes enim liberi urinam facilius transmittunt, quam in ullo abdominis hydrope.—Non negligendi hic sunt fonticuli inter scapulas incisi, vel fila sub cute inter costas acu trajecta; hisce etenim a gravibus morbis saepe pectus liberatur.

119. Quum morbus hisce remediis non auscultat, aperiendus est thorax, altius quidem quam vulgo praescribitur, ne diaphragma vulneretur; hic enim musculus altius ascendit quam spatium inter 9nam et 10nam costam.—Evitandus in hac paracenthesi locus, ubi sedes pleuritidis aut doloris acuti unquam fuit: Ibi enim accrescunt pulmones pleurae, et in tali loco impossibilis est in cavum thoracis penetratio.—Caute educenda est aqua, quia pulmones laxi nec sanguini resistere, nec eum transmittere possunt; cito igitur infarciuntur, et suffocatur aeger.—Abdomen itaque cingulo comprimatur, et si magna sit aquae copia, repetitis vicibus emittenda est.—In singulis deligationibus aer in vicinio vulneris calefaciendus, non igneis

VOL. II. I i carbo-

* R. rad. scill. gr viii. pulv. ari. comp. gr. x. rad. zinzib gr. v. syrup. e cort. aurant. q. s. ut fiat bolus, talis bis die devorandus.— R. pil. pic. Pharm. paup. Edin. semunc. sal. succin. semidrach. ol. junip. scrup. i. fiat massa, form. in pil. lx. sint tres pro dosi ter vel quater die.—R. magnes. alb. drach. ii. Capiat in cochleari vin. amar. Pharm. Lond. mane.—R. bacc. junip. unc. ii. contus. affunde aq. fervid. unc. x. colat. adde aq. raphan. unc. ii. misce. Capiat unc. ii. mane et hora quinta pomeridiana.—R. ciner. genist. unc. iii. limat. mart. unc. i. sem. sinap. semunc. misce, infunde in cerevis. nov. lib. iii. post biduum cola, hauriat unc. iii. bis vel ter die.

carbonibus, sed aqua fervida in vase clauso, et respirationis nisu e thorace expellendus, quum applicanda sunt deligacula *.

120. Evacuata omni aqua, diu ab aegro devoranda medicamenta hydropi sanandi idonea, praecipua diuretica.

121. Hydrops Pericardii vix pro certo dignosci potest, nisi a morte; quae enim signa hujus morbi tradidere auctores accuratissimi, omnia ambigua sunt †. Inaequalitas, scil. pulsus, tussis vel nulla vel modica et sicca, difficilis decubitus, frequens residendi necessitas, a motu oppressio ad sternum, spirandi difficultas, cum sensu doloris, et jactatione, quiescenti autem, vel omnino, vel maxima ex parte, evanescunt.

122. Si detegatur pericardii hydrops, vix cedit remediis internis, et temerario ausu aperiretur per chirurgum sternum et pericardium.

123. In Hydrophthalmia Vera oculus paulatim intumescit, et pedetentim acies visus hebescit: tandem, si tumor multum augeatur, perit omnino visus, et pars oculi extra orbitam protruditur. Interdum etiam dolor acutus in oculo sentitur.

124. Rarius vitae insidiatur hicce morbus, saepius vero ab eo visus perit.

125.

* Vid. Hist. in Willis pharm. ration. p. 2. cap. 13. § I. de Hydrope pectoris.—Mem. de l'Acad. des Sciences, 1703.

† Vid. Comment. acad. Bonon. tom. I. p. 389.

125. Recens quandoque sanatur medicamentis adstringentibus et corroborantibus topicis *, et cathartici alvum cientibus.

126. Morbo crescente, incidenda est pars inferior corneae, ut aqua evacuetur, tunc assidue applicanda corroborantia †.

127. Aquae in ventriculis cerebri, vel Hydrocephali Interni, eadem sunt symptomata, quae § 104. et eadem curatio quae in § 105. nisi quod incisura, sine praesentissimo mortis periculo, tentari nequeat.

128. Est et prioris appendix Hydrocephalus Spurius, tumor nempe aquosus ex occipite prominens, cujus cavum aperitur in cerebri ventriculis ‡, immedicabilis, citoque mortem adfert. Eadem dicenda sunt de tumoribus aquosis ex Spina Dorsi vel Lumborum prominentibus, ubi deficiunt partes posteriores vertebrarum, et ipsa medulla spinalis in aquam degenerasse videtur ||.

* R. acet. q. s. ut madescat linteum, cui aspergatur pauxillum spir. vin. camphorati, ut oculo applicetur.—R. flor. camaemel. rosar. rub. ana unc. ii. coque ex vin. Gallic. rub. q. s. ut fiat epithema.—R. tutiae praeparat. drach. i. vitriol. alb. gr. iv. sacchar. Saturn. gr. ii. misce, terantur in pulv subtil. et cum aq rosar. sesquiunc. fiat collyrium oculo instillandum.—R. pulv. subtil. tut. drach. ii. alum. gr. v. axung. porcin. drach. iii. misce, fiat s. a. ung. cujus pauxillum inter palpebras immittendum.

† Vide Blancard oper. vol. 2. cap. 13.

‡ Vid. Hist. in Tulpii observation. lib. 1. obs. 24. et 25.—Vesal. anat. lib. 1. cap. 5.

|| Ruyseh decies vidit hunc morbum, obs. 34.—Blancard. bis, vol. 2. p. 145.—D. Malcolm chirurgus cohorti regiae Scoticae mihi retulit, se semel talem tumorem apertum vidisse, et statim puerum fatum suum obiisse—Semel ipse vidi, sed morbi exitum non novi,

F I N I S.

DISSERTATIO MEDICA
INAUGURALIS,
DE
AMAUROSI.

QUAM,
ANNUENTE SUMMO NUMINE,

Ex Auctoritate Reverendi admodum Viri

D. JOANNIS GOWDIE,
ACADEMIÆ EDINBURGENÆ PRÆFECTI;

NEC NON

Amplissimi SENATUS ACADEMICI consensu,

Et nobilissime FACULTATIS MEDICÆ decreto;

PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS

RITE ET LEGITIME CONSEQUENDIS;

Eruditorum examini subjicit

ALEXANDER ROSS,
HIBERNUS.

Phoebe favo, Novus ingreditur tua Templa.——

TIBUL.

Ad diem 22. Aprilis, hora locoque solitis.

EDINBURGI:

M, DCC, LIV.



1 2 3 4 5 6 7 8 9 10

THE NEW YORK PUBLIC LIBRARY

ASTOR LENOX AND TILDEN FOUNDATIONS

500 N. 5TH ST. NEW YORK, N. Y.

THE NEW YORK PUBLIC LIBRARY

ASTOR LENOX AND TILDEN FOUNDATIONS

500 N. 5TH ST. NEW YORK, N. Y.

THE NEW YORK PUBLIC LIBRARY

ASTOR LENOX AND TILDEN FOUNDATIONS

500 N. 5TH ST. NEW YORK, N. Y.

THE NEW YORK PUBLIC LIBRARY

ASTOR LENOX AND TILDEN FOUNDATIONS

500 N. 5TH ST. NEW YORK, N. Y.

Medico peritissimo

ROBERTO WHYT T,

In Academia Edinenſi Medicinæ Profeſſori,

Regalis Societatis Londinenſis Fratri,

Collegii Regii Medicorum Edinburgenſis Socio;

Viro,

Ex ingenio variaque eruditione, perilluſtri;

Ob ſcientiam veræ philoſophiæ maxime conſpicuo,

Atriſque medicæ cultori eximio;

Suaviſſima indole ornato,

Humaniſſimiſque moribus ſpectabili;

Praeceptor ſuo ſibiſque plurimum colendo;

Ob inſignem erga ſe voluntatem,

Hanc Diſſertationem,

Animi grati ſummaeque obſervantiae

Monimentum, ponit:

Nec non

JOANNI ROSS,

Patri ſuo benigniſſimo,

Chariſſimo,

Summa, quam debet, reverentia,

Dat, dicat

ALEXANDER ROSS.

is Gaudens I. ordinatus M.
Agil Medicorum Edinburg

Gaudens in de oratio;
Hanc familliam nobis spectabili;
Hanc non suo libere piumm colenda;
Op ingem et in voluntatem.

ANDER ROSS

DISSERTATIO MEDICA

INAUGURALIS,

DE

AMAUROSI.

QUUM corporis humani fabricam contemplamur, situmque et usum partium diversarum e quibus conflatum est, undique elucet sapientia Conditoris ejus Summi. Ex omnibus vero organis quae compagen humanam exaedificant, instrumentum visus mihi videtur nulli secundum vel pulchritudine vel usu. Si oculum in loco eminenti ceu speculatorem situm respiciamus, et in antro ex diversis ossibus formato, ut ab injuriis externis quantumcunque muniatur; si concinnum partium mechanismum quibus motus perficit accurate perpendamus, ut objecta in luce nimis vivida vel languida sita, vel diversis intervallis posita, rite et distincte videre queat; veritas sententiae, a principe

VOL. II.

K k

philo-

philosophorum enunciatae, clare nobis patebit: 'Ut
' oculus non sine scientia optices fuerit constructus *.'

Talis vero est fors humana, ut partes diversae, quae microcosmon constituunt, variis morbis obnoxiae sint; hinc oculus, quum organum sit tam complexum, quam plurimis morbis gravissimis urgetur: Quorum unum et sine haud levissimum, Amaurosin, scilicet, hujus differtatiunculae subjectum selegi. Sed ut indoles hujus morbi rectius indagetur, descriptionem oculi talem praemittere oportet, qualis huic proposito inserviat, et quaedam in genere de visu praefari.

Oculus tribus tunicis constat, et totidem humores vulgo continere habetur. Tunica sclerotica, quae prima vocatur, toti oculo obducitur, et in duas partes dividitur, cujus posterior, quae cornea opaca nominatur†, dura, membranacea, et crassa est; sensim vero gracilescit, et anterieus pellucida et tenuis devenit, magisque prominens; quae pars cornea lucida vocatur. Tunica secunda choroides dicta, primae arcte adhaerescit, atroque pigmento tegitur, usque ad corneae utriusque concursum, e quo introrsum recedens uveam efficit, cujus superficiei internae nigrum etiam pigmentum obducitur; in uveae medio, foramen adest quae pupilla vocatur, et binis musculis instruitur, quorum unus coarctandae, alter relaxandae pupillae, in luce nimis forti vel languida, inservit.

Tunica ultima retina vocatur; mollis, tenera, et alba est, et pro nervi optici substantiae medullaris expansione habetur. Pergit a nervi optici insertionem usque

* Newtoni Optice, a Clarke edita. q. 28.

† Winslow exposition anat. sect. Xmc. No. 212.

que ad circulum album, et quamplurimis arteriis irrigatur, quae a ramo carotidis internae oculum in medio nervi optici intrante derivantur. Haec objectorum picturas excipit.

Primus inter humores, aqueus dictus; tenuis et pellucidus est, et eandem fere densitatem ac aqua habet. Secundus, vitreus nominatur; viscidus et aqua densior est, albumini ovi recens depositi haud ablimilis. In ejus parte anteriori sub pupilla fossulam habet pro lente chrySTALLINA, quae male pro humore habetur*. Hoc corpus figuram lenticularem habet, et pars ejus posterior majorem convexitatem quam anterior. Hi duo humores capsulas proprias habent. Hujus lentis ambitui plurimae fibrae musculares inferuntur, e circulo albo tendentes, antrorsum convexae, et humori vitreo incumbentes. Processus ciliares vocantur, pulcherri-
moque mechanismo oculum diversis distantis accom-
modant.

Nervi optici a thalamis orti extrorsum prodeunt, de-
in appropinquant et sub infundibulo uniuntur; postea
secedunt, et per foramina sphenoidalia (tunicam fir-
mam nacli) e cranio egrediuntur, bulbumque oculi in
eadem linea cum axi optico, propiores vero naso, sub-
eunt. Arteriam antea dictam, quae per retinam dis-
pergitur, comitem habent.

Ex oculi descriptione ita praemissa, visionis modus
facile intelligitur. Notare solum oportet, quod radii
lucis ab omni puncto corporis visibilis manant, Emis-
sione vel Reflexione; et, quando ex uno medio in aliud
incidunt, diversas mutationes patiuntur: Vel enim a
per-

* Boerhaavi inst. medicae, 527.

perpendicularo vel ad perpendicularum refringuntur, prout densitas et superficies ultimi medii sese habeant. Si medii superficies convexa sit, majori vi refringente pollet. Haec facile innotescunt cuivis in arte visoria vel leviter imbuto.

His positis, intelligere valeamus, radios lucis a puncto visibili manantes et divergentes, ad corneam lucidam appulso, refractionem ad perpendicularum pati, sicque per humorem aqueum pergere; postea per pupillae foramen ire in lentis superficiem, quae eos magis convergentes reddit; hincque per vitreum, qui plus etiam * colligit, et in puncto, ad retinam allapsos, unire, ibique id unum punctum scite et exacte pingere, unde manabant hi radii, cogit. Hoc modo, in oculi fundo recte sub pupilla tot puncta pinguntur, quot fuerunt in imagine conspicua, et eundem locum et situm ipsorum respectu tenentia, unde similis objecto in retina fingitur pictura, quae menti excitat ideam rei visae.

Radii qui oculum tanta obliquitate introeunt, ut in uveam cadant, inde reflexi ex oculo excidunt. Si vero in vitreum illabantur, vel inter uveam et corpus vitreum, in atro pigmento suffocantur, ne distinctionem visus turbarent.

Ex visu sic breviter tradito ratio habetur, cur Myopes vitro cavo juventur, sive hic defectus a cornea nimis prominente, oculo nimis longo, vel lentis vitio, oriatur; cur Senibus duplici modo auxilium praebeant vitra convexa; cur oculis piscium nullus humor aqueus, et quamobrem lens figuram sphaericam habeat; cur,
post

* Rowning's optic. propos. 15. chap. 3.

post discessum ex loco fortiter illuminato in alium minus illustratum, objecta obscure videantur; cur nervus opticus oculum oblique ingrediatur. Ex dictis etiam ratio *ἡμιελαλπίας* et *νυκταλπίας* patet.

Haec necessaria praemittenda inveni, ut morbi indoles, de quo jam agendum est, melius intelligatur. Morbus, *Gutta serena* a scriptoribus inconditis dicta, Graecis vero *Amaurosis*, id est, obfuscatio, apud auctores describitur, 'Visus abolitio, nullo in oculis vitio apparenti, idque repente *.' Secundum igitur descriptionem jam traditam, morbus *Amaurosis* hoc sibi peculiare habet, quod nullo signo comitetur: Notandum autem est, in hoc morbo semper fere dilatari pupillam, ut in Syncope, Apoplexia, et in articulo mortis; retina enim jam insensibilis reddita, a radiis lucis laedi nequit; principium igitur sentiens minime urgetur (quod aliter fieret, si retina percipiendi vim retineret) fibras pupillam coarctantes in actum ducere; fibrae ergo quae pupillam laxant, et majori vi insita gaudent quam orbiculares, sese facultate naturali contrahunt, et pupilla sic ampliatur.

Hic morbus raro subito invadit, nisi aegras hystericas, vel morbis inflammatoriis laborantes. Ingressus ejus est fere semper regularis, et ad fastigium gradatim attingit.

Quoniam vero diximus pupillam patulam *Amaurosin* comitari, caute observandum est, quod pupillae dilatatio Cataractam etiam comitetur; in luce autem fortiter variatur ejus amplitudo, ob retinam illaesam: Licet enim in hoc morbo lens spissior et durior deveniat, radii

* Plempii ophthalmograph. § 30.

dii tamen lucis per eam transire queunt, unde in lucē vivida retina valide afficiatur, et pupilla, ut antea dictum, minor reddatur. Cautē igitur inter hos morbos distinguendum est; diversam enim methodum medendi requirunt. In oculo sano pupilla lucida nigra apparet, usque ad annum 30; postea vero lens coloris flavi devenit †, qui aetate crescit, et consistentia ejus etiam diversis periodis vitae variatur. Ad aetatem enim usque annorum 20, mollis est; dein gradatim indurescit, praecipue in medio ejus. Haec mutatio in lentis consistentia forsan humoris aquei (qui ut aetas senilis appropinquat copia minuitur) in parte vicem supplet, sicque visus perfectus diutius servatur. Hanc conjecturam confirmat durities ejus, circa medium praecipue accidens; radii enim lucis qui per partes lentis extremas transeunt, majorem refractionem patiuntur, quam qui per medium eunt: Durities igitur, in medio praecipue aucta, optime inservit radiis lucis in puncto cito uniendis.—Haec vero obiter.—Ut cognoscatur, autem an pupillae amplificatio Amaurosi vel Cataractae debeatur, obvertatur oculus (alter autem, modo sanus sit, occludatur, ne, per sympathiam oculi laesi, uvea motus ejus comitetur) luci splendenti, vel soli. Si retina bene se habeat, pupilla cito minor deveniet: Animus enim vim nervosam in fibras pupillam coarctantes statim determinat, ut lux nimis fortis excludatur, et sensatio ingrata inde evitetur. Experimentum modo dictum, ante depressionem Cataractae instituentem, caute observandum. In cataracta etiam pupilla diversos colores habet, album, coeruleum, viridem, fuscum,

† Winslow Expos. Anat. § 10. 234.

fuscum, &c. ut cuivis in oculum insipienti patebit. Hocque signum certissimum. His notatis, horum morborum differentiae practico facile innotescunt.

Amaurosis, seu *Gutta serena*, a causis multis diversis, vel extra vel intra cranium haerentibus, oriri potest. Oportet igitur ut hujus morbi varias causas, quantumcunque heri potest, accurate investigemus; quae forsitan satis clare patebunt, si morbum in duas species, insanabilem, viz. et sanabilem, dividamus. Causas inexpugnabiles, quae originem praebent primae speciei, tantum memorare placet; quoniam, hisce immorari, nulli utilitati inserviret: Tales sunt, cerebri exesio, tumor durus thalamos nervorum opticorum comprimens, nervus opticus callosus redditus, cerebri abscessus, corruptio, extenuatio, tum steatoma; omnia, quae vim nervosam abolendo, liberum commercium inter retinam (quae sano statu picturas objectorum excipit) et sensorium inhiberi queunt. Quando Amaurosis a quavis inter causas modo memoratas originem ducit, facile innotescit, eum capere medelam non posse. Quale enim medicamentum vel medicamentorum aggregatum, cerebri exesioni reparandae sufficit? Quid ars medica valet contra tumorem durum nervos opticos prementem? Sicque de caeteris loqui liceat.

Ordo nunc requirit, ut signa ostendamus, quibus practicus intelligere queat, an morbus ex ulla inter causas jam dictas progrediatur. Hoc vero cognitu difficillimum, et ultra mentis humanae aciei limites forsitan positum. Si caput doleat, memoria vacillet, hebetudo adsit, et mentis vires labefactatae videantur; suspicari licet cerebrum praeter solitum affici. Omnibus enim notum est, facultatum animi rectam exercita-

tionem

tionem a statu integro hujus organi nobilis maxime pendere. Quum igitur nulla certa dantur signa, quorum ope speciem primam a secunda in medicina faciunda distinguere valeamus, et ne causa sanabilis pro insanabili habeatur, Medico Amaurosi obviam eundum est, prout symptomata indicent: In prognosi autem ponenda, unde forsitan Medici sagacitas suboleri possit, cautela maxima adhibenda est.

Species secunda, quae medicinae auscultat, a variis causis originem ducit; et quoniam indicatio oritur a causa probe perpenſa, has, ordinis melioris gratia, singulatim notabimus. Satis apte redigantur ad sequentes, 1. A spasmo nervi optici, ut hysterice saepe accidit, idque repente. 2. A colluvie serosa nervos opticos premente. 3. A nervi optici paralyſi. 4. A nimia distentione vasorum quae super tunica reticulari disperguntur. Hae mihi videntur praecipuae causae quae originem praebere possint speciei secundae; Hydrops enim, Phlyctaena, vel Oedema vasorum retinae, ut et inflammationes, et similes morbi membranarum nervum involventium, et hydrocephali aqua caecitatem efficiens, ad aliquam ex causis jam memoratis reduci queant; et, prout huic vel alii accedant, medela tentanda.

Hujus speciei causis sic praemissis, oportet ut methodum medendi unicuique accommodatam indicemus. Quando Amaurosis a prima causa, spasmo scilicet nervi optici, quae Hysterice saepe invadit, oritur; medicamenta stimulantia, cum anti-hysterice conjuncta, in medelam vocanda: Gummi foetida, Tinctura fuliginis, castorei, asaefoetidae, succini, et alia ejusdem notae, cum successu exhiberi possint. Sales volatiles,

volatiles, C. C. viz. vel ammoniaci cum oleo succini misti, in nares commodè duci queant. Spasmus enim, quandam partem occupans, stimulo parti vicinae applicato, saepe tollitur.

Si colluvies serosa huic morbo originem praebeat, quod forte certissime cognoscatur a dolore in capite percepto, hebetudine, sensu in capite gravitatis, et habitu laxo; medicamenta evacuantia dicta exhibenda sunt. Rad. jalappae, vel ejusdem resina, pilula ex colocynthide, extractum Rudii, et similia, huic proposito optime inserviunt. Mercurius etiam, qui secretiones per cutem et renes augeat, et parvam febrim excitet, eodem cum successu, ac in hydrope incipiente, usurpari possit. Sternutamenta etiam pulchros effectus praestant, et commodissime exhiberi possunt; hisce enim totum corpus, praecipue autem caput, concutitur et agitur, colluvies aquosa inde conquassatur, magis fluxa et tenuis redditur, hincque absorptioni aptior et facilius devenit. Afari folia tosta, et in pulverem trita, pro apto sternutamento habeantur; spiritus etiam volatiles in nares ducantur. Diaeta stricta etiam instituenda est, bona, viz. victus ratio, quae corpus moderate alat, nec tamen humectet, et impediat ne quid praeterea morbus influat. Exercitium lene, quale in equitatione vel rusticatione habemus, forsitan haud inutile foret.

Si Amaurosis originem ducat a tertia causa, nervi optici paralyti; hoc, suadente Mead, cognoscitur, pupilla vix dilatata*; huic vero signo fides minime habenda. Rationem enim pupillae patulae, Medicus egre-

VOL. II.

L I

gius

* Monita et Praecepta Medica, cap. II. § 1.

gius non videtur rite percepisse. Dilatio ejus semper fere vim retinae amissam comitatur, ob impulsus lucis in hanc membranam vanos redditos; in hoc enim catu nulla sensatio ingrata excitatur a radiis lucis in retinam impulsis, unde mens non cogitur musculum, pupillam angustantem, in actum ducere, ut lux excludatur: Fibrae igitur musculi pupillae laxatoris, ob majorem vim contractilem, sese retrahunt et breviores redduntur; unde pupilla ampla in Amaurosi, a nervi optici paralyti, vasorum retinae distensione, vel ulla alia causa, pendente. Hic autem haud abs re erit notare, pupillam in Amaurosi aliquando, licet rarissime, arctam reperiri. In recens mortuis, Winslow observavit pupillam angustam devenire; hocque phaenomenon, Professor celebris, et de republica literaria optime meritis, pulchre explicavit, a fibris * uveae longitudinalibus, flaccidis et laxis redditis, unde elongantur, et ad pupillae centrum tendunt. Ex eadem causa pupilla angusta in Amaurosi petenda. Hoc ab Oculista Gallico, Saint-Yves †, observatum; hujus autem

* Dr. Whytt's Essay, ‡ § 7. p. 129. 'Ubi etiam habetur historia pulchra saeminae, Amaurosi in ambobus oculis laborantis; oculus dexter omnino caecus erat; pupilla autem immobilis et contracta ut in lumine len: Pupilla vero sinistra patula, et luci forti obversa, paulo arctior devenire videbatur. Oculi sinistri ope tenebrarum lucisque discrimina nosse valebat. Oculi dexteri retina vim percipiendi omnino amiserat, et fibrae uveae longitudinales paralyticae redditae fuerant, unde caecitas integra et arcta pupilla. Oculi autem alterius retina non omnino sensus expertus erat, unde lucem a tenebris distinguere valebat; et fibrae musculi pupillae laxatoris in statu sano manebant, unde pupilla patula.' Vid. p. 145.

† Traité sur les maladies des yeux, p. 340.

‡ On the Vital and Involuntary Motions.

autem phaenomeni rationem longe a veritate distitam reddidit. Amaurosis a paralyfi nervi optici et cognitu et curatu difficillima. Si caput non doleat, aeger teneri habitus sit, et tremoribus obnoxius; locus adest suspicari, nervi optici paralyfin pro morbi causa. Cura medicamentis anti paralyticis tentanda; quorum praecipua sunt, aromatica, gummi foetida, et chalybeata dicta. Sternutamenta etiam faustos effectus praestant. Vesicatoria inter scapulas applicata levamen adferunt. Setones etiam in aptis locis, occipitio vel brachio, instituendi. In hoc casu, operatio haec aliquando cum successu instituitur: Oculus, prope musculi obliqui superioris vel inferioris insertionem, iimae acie fricetur, ita ut motibus convulsivis agitetur; stimulus enim, uti videtur, omnes musculos ex sympathia afficit, qui vibrationibus suis nervum (quem circumdant) agitant et concutiunt; hinc in partem ipsam laesam agunt, et eosdem forsan praestant effectus ac levis frictio. An percussus ex phiala, aura electrica onusta et ad frontem allata, aliquod boni praestare possit? Si morbus hisce auxiliis feliciter depellatur, aegri vires refocillandae, quod optime fit diaeta nutrititia; exercitium lene, quale equitatio vel levis ambulatio suppeditat, dein instituendum. Si setones in cura adhibeantur, cautela maxima usurpanda est, ut fluxus eorum non temere compescatur.

Causa quarta hujus morbi oritur, a vasorum retinae inflammatione, quae ita intumescunt, ut fibrillas nerveas comprimant et insensiles reddant; radii enim lucis, quos oportet objectorum imagines super retina depingere, in haecce vasa distensa incidunt, nullumque effectum edunt. In hoc casu, flocci et spectra ante oculum obvolitare videntur, oculusque in haemiphaerio

phaerio coelesti foramina nigra videt, ob radios lucis in tot puncta caeca retinae impingentes. Observandum autem est, haecce spectra aliquando oriri a maculis opacis, in cornea vel intra oculum haerentibus, quae, radios lucis intercipiendo, tot defectus in imagine super retina depicta creant. Aliquando etiam puncta lucida in aëre saltantia oculus vidit; quae corpusculis sulphureis et viscosis in humore aqueo natantibus debentur †. Corpora enim talia vi magna refringente pollent, hinc radios lucis ad retinam unire cogunt. Certius signum habetur, si dolor acutus et pungens circa oculi fundum sentiatur, et aeger scintillas videat; arteriae enim inflammatae, quando pulsant, retinam premunt, indeque scintillae oriuntur. Sic si aliquis in loco obscuro oculum ad nasam convertat, et a cantho minore incipiendo, eum digito premat, scintillas et flammam videbit: Idem post validam sternutationem, vel vehementem naris emunctionem, accidit. Hic, methodus medendi antiphlogistica dicta in usum revocanda. Phlebotomia libera manu instituenda; sanguis e brachio, pedibus, vena jugulari, vel arteria temporali, ut unicuique arridet, extrahi potest. Cucurbitulae occipitio applicatae a quibusdam laudantur. Medicamenta evacuantia dein exhibenda sunt, qualia in fena, manna, sale Glauberi, extracto Rudii, pilula ex colocynthide, et similibus, habemus. Potus tenuis, diluens, et attenuans, propinandus; vesicatoria, post evacuationes institutas, capiti ante aliquot horas raso, vi stimulante et rarefacienti auxilium praebeant. Si hanc methodum medendi morbus repudiat, Mercurius in auxilium vocandus.

Quum

† Medical Essays, vol. 4. art. 14.

Quum enim corporum vires sunt ut rectangula velocitatis et ponderis, Mercurius cum sanguine motus, ob pondus ejus et divisibilitatem, aptissimus est ad sanguinem spissum et viscidum, arterias retinae infarci-entem, dividendum, vasa minima permeanda, et ob-structionem tollendam. Catapotia ex calomelanc, ex-tracto Rudii, et resina jalapii, confecta cum successu usurpata vidi. Si morbus hisce medicamentis non ce-dat, salivatio ope Mercurii excitanda. Mercurius par-vis et repetitis dosibus ingerendus, intervallis brevibus interpositis. Hanc medendi methodum maxime lau-dat Mead, qui faustos ejus effectus saepe expertus fuit.

Ex consulto de Amaurosi, a phrenitide, febre arden-ti, apoplexia vel epilepsia, fluxus menstrui suppressione, vel aliqua solita evacuatione intus detenta, originem ducente loqui omisi; hisce enim morbis debellatis, vel evacuatione solenni restituta, omnia in viam natu-rae et salutis redeunt.

F I N I S.

DISSERTATIO MEDICA
I N A U G U R A L I S,

D E

Humore Acido, a Cibis orto, et
Magnesia Alba.

Q U A M,

ANNUENTE SUMMO NUMINE,

Ex Auctoritate Reverendi admodum Viri

D. JOANNIS GOWDIE,

ACADEMIÆ EDINBURGENÆ PRÆFECTI;

N E C N O N

Amplissimi SENATUS ACADEMICI consensu,

Et nobilissime FACULTATIS MEDICÆ decreto;

P R O G R A D U D O C T O R A T U S,

SUMMISQUE IN MEDICINA HONORIBUS ET PRIVILEGIIS

RITE ET LEGITIME CONSEQUENDIS;

Eruditorum examini subjicit

J O S E P H U S B L A C K,
G A L L U S.

Ad diem 11. Junii, hora locoque solitis.



E D I N B U R G I:

M, DCC, LIV.

Viro eximio

G U L I E L M O C U L L E N,

Medicinae Theoreticae Practicaeque,

Et Philosophiae Chymicae,

In Academia Glasguensi,

Professori;

Cujus tutela, contubernio,

Inque studiis consilio,

Et amicitia singulari,

Haud ita pridem

Feliciter usus sum;

Dissertationem hancce

Studiorum meorum primitias,

D. D. C. Q.

J O S E P H U S B L A C K.

VOL. II.

M m

DISSERTATIO MEDICA

INAUGURALIS,

DE

Humore Acido a Cibis orto, et Magnesia Alba.

MHI jam primum opellum hocce inaugurale meditati ultro sese obtulit Magnesia Alba; et praecipue quidem, ob simplicitatem, quam praeseferbat, arrisit argumentum; facilius quippe intra limites praescriptas coercendum, et viribus etiam magis accommodatum. Quum vero hac de re, ea quae sequuntur, jam comparassem, noni aequae ac operis ratio postulabat, ad medicinam pertinere videbantur; ideo pauca etiam de Acido Humore a Cibis orto, cui soli imedetur magnesia, quam brevissime potui praefari decrevi.

Victus, quo homines plerumque utuntur, pars aliqua ab animalibus, maxima vero a vegetabilibus, desumitur.

Sed

Sed talis rerum vegetabilium fere omnium natura est, ut aqua maceratae vel solutae, et in calore tali, qualis est corporis humani, posita, sponte in motum quendam intestinum ruant, qui vulgo fermentatio dicitur; simulque aëris quantitatem magnam emittant, et denique in acidum humorem totae, vel ex parte, abeant; et haec quidem earum mutatio, rebus vegetabilibus jam ferventibus additis, acceleratur.

Omnes res fere vegetabiles, quibus vescimur, in huius generis corruptionem pronae sunt; hic loci vero non abs re foret, eas ordine eo recensere, ut quae citissime in acorem ruunt, primum tenerent locum, reliquae autem pro sua quaque indole, uti in acorem procliviores, sequerentur. Sed quum nullas norim adhuc observationes vel experimenta, quae talem ordinem absolute instruere doceant, summam tantum observationum huc pertinentium breviter proferre liceat; quod priusquam faciamus, notandum, res vegetabiles pro cibo vulgo usurpatas in classes quatuor dividi posse: Quarum prima folia et radices comprehendet: Altera fructus, qui succo dulci et saccharino pollent, naturae vel artis sobole, ut et succos horum in liquorem vinosum fermentatione redactos: Tertia semina farinacea et horum farinam varia arte praeparatam: Quarta lac, quod ex vegetabilibus praecipue constat, in cibum naturae maxime consentaneum elaboratis. Quatenus vero docuit experientia, folia et radices in ventriculum recepta saepius acida fiunt. E fructibus et eorum succis fermentatis, ii huic corruptioni magis obnoxii sunt, qui maiorem continent aquae portionem: Fructus vero ipsi citius etiam quam liquores vinosi ferment. Praeparatorum e farina ea plerumque, in quibus

bus farinae particulae minus conteruntur et subiguntur, crebrius intra ventriculum fervent. Lac autem ex iis esse videtur, quae celerrime in sanguinem rapiuntur, ideoque rarius in intestinis in acidum abit.

Haec omnia in acidum jam conversa corpori rite alendo non tantum inepta, sed et eidem plane noxia sunt, ut ex historiis eorum, qui frequentius et largius acetum hauserunt, satis constat.

Ergo varia organa homini dedit rerum Conditor, quae magnis procul dubio et variis usibus destinata, praecipue etiam cavere videntur, ne haec mutatio adeo noxia cibus intra corpus jam receptis accidat. Et quidem ventriculus cibum recipit jam saliva subactum, et muco multo faucium et oesophagi illitum: Illic calore leni aequali fovetur, ab aëre externo defenditur, perpetuo sed leni motu agitur, comprimitur; cum muco et liquore copioso, qui ex arteriis undique exhalat, sensim miscetur; deinde in intestinum duodenum contractione fibrarum ventriculi successiva deducitur, ubi bilem sensim imbibit, et succo pancreatico diluitur; lente porro in intestina tenuia descendit, et liquorem et mucum etiam ab illis recipit; tum demum a lacteis aliisque absorbentibus venis abripitur, cum lymphae magna vi ab omni fere corporis parte reducis miscetur, et cito in sanguinem deferitur; ut commistione cum hoc fluido intima, et motu velocissimo in sanguinem et ipse tandem vertatur.

Hi varii cibus ordine admisti liquores, hoc modo eorum fermentationem cohibere dicuntur; quod, quum sponte in corruptionem ruant, putridam et alkalineam, acidam, uti videtur, contrariam, chylus ex liquoribus constans adeo sibi repugnantibus, in neutram partem
abire

abire potest; sed blandam indolem per aliquod tempus retinet, donec in sanguinis fluvium rapiatur. Bilis cysticae etiam insignis usus esse videtur, quod, intestina leniter stimulando, tensionem debitam illis conciliet, et motus ordinatos conservet.

Sed, neque tamen horum liquorum admistio fermentationi ciborum cohibendae prorsus sufficeret, si his in ventriculo et intestinis diu stagnare concederetur. Stagnationem ergo et moram impedit perpetua ventriculi et intestinorum agitatio; orta, scil. a partium circumjacentium motu, et a successiva fibrarum ventriculi ipsius et intestinorum contractione assidue renovata, qua cibus perpetuo liquoribus permiscetur, propellitur, succutitur, et in vasa absorbentia transire cogitur: Alternam enim et lenem compressionem ejus absorptionem promovere, et rationi consentaneum est, et pulcherrimo experimento a Cl. D. Kaau probatur; qui chylum ipsum, ut et aquam, de intestini jejuni canis moribundi vel jam mortui portione, sola hujus lenissima agitatione, motus peristalticos imitante, in vasa lactea transire fecit *.

Digestionis opus nunc perpendentibus clare apparebit, corporis motum et exercitationem id promovere; ciborum fermentationem impedire; contra vero desidiam et quietem idem retardare, et ciborum fermentationem quodammodo inducere, debere: Nam corporis motus vel exercitatio cibum succutit, promovet, alternam ejus pressionem et conquassationem, ideoque absorptionem, auget; sanguini etiam velocitatem et impetum addendo, variorum liquorum concoctioni inservientium secretioni obsecundat. Desidies vero et quies

sanguinem

* Kaau perspiratio dicta Hippocrati, parag. 483. et seq.

sanguinem lentius movere sinunt: Hinc minor ejus copia per glandulas fluit, liquores in iis quodammodo flagnant, inspissantur, secretio omnis, hinc et liquorum qui cibis adfundi solebant secretio minuitur: Lentius per viam cibariam progreditur, minus et concutitur cibus; unde, mora et quiete data, ne fermentetur minus impeditur.

Quoniam vero eadem fere est discrepantia corporis fortis et debilis, quae exercitati et otiosi; vires ciborum fermentationi obstantes, pro corporis totius robore vel debilitate majore, caeteris paribus, valentiores etiam vel debiliores esse oportet.

In corporibus quibusdam vi tanta in cibos exercetur concoctionis actio, ut cibum vegetabilem fermentationi vel maxime deditum subigat, et in bonum sanguinem citissime mutet: In aliis vero, actio haec adeo debilis aut imperfecta est, ut eidem concoquendo impar evadat: Hic itaque intra ventriculum fervet, acidus devenit, nasciturque, de quo agitur, morbus.

Actionum, quae digestionem perficiunt, debilitas vel vitium causas habere potest totius corporis debilitatem; motus et exercitationis defectum; viscerum quorundam morbum, quo vel liquoris, ad debitam digestionem necessarii, secretio impeditur, vel chyli propulsio et absorptio retardatur; animi denique affectus, qui actiones omnes naturales saepe perturbant. Corporis vero totius debilitas saepe a magna bonorum humorum jactura provenit, vel ab ipsa aliquando evacuationis singularis suppressione. Morbi viscerum, qui liquorum secretionem impediunt, vel chyli iter remorantur, aliquando pituita mucosa glandulas infarciendo, vel

vel et schirrho, scrophula, aliisque varia digestionis organa obsidentibus, constare possunt.

Ciborum autem fermentatio plurimorum malorum ferax est; aër enim, cujus magna vis emittitur, per intestina vagus, borborygmus facit et flatus, et aliquando inflationes et dolores enormes, dum intestinum ad utramque partem constrictum, aërem includens, portam ei negat. Verisimile etiam videtur, aërem illum omni alii, qui a liquoribus ferventibus oritur, similem omnino futurum: Hic autem vapore repletur adeo vitae noxio, ut animalia, quae ipsum hauserint, repente suffocet; quare fibrarum ventriculi et intestinorum spasmi, quibus saepissime vexantur aegri, ex aëris huius in nervos actione aliquatenus provenire possunt.

Aër hic multus quidem in cibis, ut primum in corpus recipiuntur, inest; verum elatere orbatus; neque elaterem in corpore sano robusto unquam recuperat, sed cum cibis simul in sanguinem deferitur, et una etiam aëris copia, non exigua, quae in ore cibis irretitur, posteaque viribus digestionis elatere suo privatur. Sanguini certe inest, et liquoribus omnibus secretis. Magna etiam copia ex partibus solidis ignis vi elicitur; ideoque in succo nutritio itidem fit, oportet: Unde horum omnium compositioni aptae necessarius esse videtur.

Aërem vero hunc late corporis nostri partibus omnibus unitum, multis magnisque utilibus inservire, non dubitandum; neque ejus absentiam absque incommodis tolerari posse, statuendum: Sed quis sit ejus usus, adhuc ignorare videmur, nec quatenam ejus absentiam sequantur incommoda novimus. Huic sanguis coloris sui partem et globulorum soliditatem forte debet;

hoc

hoc refertus aptior, qui nervos leniter stimulet, forte redditur; unde actionibus, tam vitalibus quam naturalibus, alacritas quaedam et vigor conciliari potest.

Acido autem laborantes semper pulsum debilem habent; languidiores, inertiores, debiliores, indies fiunt; solidae corporis partes flaccescunt, sanguis pallet et vapidus quasi devenit; quae omnia forte aëris in sanguine humoribusque defectui, aliqua ex parte, adscribenda sunt.

Acidum vero jam natum, saepius in os eructatur, ibique sapore et odore teterrimo miseros vexat. Os porro ventriculi sensilissimum vellicando, dolorem facit, scrobiculum cordis urentem, et ex hujus cum capite sympathia capitis etiam dolores, et in facie rubores. Vice fermenti dein fungitur cibus novis admistum; unde hi magis ad eandem corruptionem contendunt. Hinc chylus bonus rite praeparatus vix expectandus; hinc sanguinis fonte depravato, fit et ipse deterior; atque adeo totum corpus pallefcit, enervatur, extenuatur: Instrumenta digestionis ipsa simul labefactantur, morbusque se ipse auget. Acidi interea copia quotidie increfcit, acrius stagnatione redditur, ventriculum vellicat, doloris et famis sensum creat; quae tamen, cibus sumptis, parum levatur.

Si ad gradum acor majorem pervenerit, et simul bilis iners sit admodum, ejus in cibus digerendis, uti videtur, efficacissime vim eludit, adhuc inertiores reddit, viridi illo colore inficit, quem acido omni alio conjuncta contrahit; inde in intestina delatus haec etiam stimulat, diarrhoeam ciet, cum dejectionibus viridibus acidum manifeste olentibus: Morbo denique indies sese augente, vires concoctionis adeo extenuan-

tur, ut cibus parum mutatus per totum intestinorum canalem transeat, lenteriaque miserum tandem obruat, quasi inedia ad ossa pene consumptum.

Diagnosis et prognosis satis ex dictis patent. Curatio autem adgredienda est,

I. Acidum immutando vel absorbendo.

II. Digestionis officinas emundando, easque foribus a fermentatione ortis privando.

III. Cibos acefcentes negando, et in eorum locum, qui facile concoquuntur, adhibendo.

IV. Instrumenta digestionis roborando, adjuvando, omneque id tollendo, quod eorum actionem impediatur.

Acidum immutatur salibus alkalinis et pulveribus absorbentibus: Hi quidem cum acido in tertium quid coeunt, ab utroque tamen diversissimum.

Primae viae emundantur, leni emetico vel cathartico, ex amaris aromaticis, stimulantibus, roborantibus desumpto. Huc imprimis spectant aloëtica et rhabarbarina.

Utrique huic rei infervit Magnesia Alba, si cum grato quodam aromate exhibeatur.

Diaetae prospicitur, vegetabilia illa vitando, quae in fermentationem procliviora sunt, ciboque animali praecipue utendo, qui neque hoc vitio peccat, neque concoctu difficilis: Et quidem ex animalibus vel illorum partibus illa eligenda, quae vel ex sua natura facillime concoquuntur, vel arte, ut ita sint, praeparantur. Haec minore copia, sed saepius, danda.

Instrumenta

Instrumenta chylopoiesi infervientia roborantur, adjuvantur, leniter astringentibus et stimulantibus remediis, chalybeatis, amaris, aromaticis; vinis meracioribus; felle bovino inspissato. Amara huic operi imprimis idonea videntur; nam et fermentationem valide satis inhihent, et stimulo quodam, fellis cystici stimulo haud absimili, intestinorum vim motusque incitant.

Si actiones cibum concoquentes, propter corporis totius debilitatem solam, languide exerceantur, corpus diversis modis in sanitatem revocandum, prout a diversis causis oritur haec debilitas universalis: Si enim a magna bonorum humorum jactura profluat, ei succurrendum, corpus iterum sensim reficiendo, cibi facile concoquendi usu, vel et medicamentorum lenissime roborantium, quae ejus concoctionem promoveant: Si vero ab evacuationum singularium suppressione ortum suum duxerit, hae iterum restituendae.

Quando concoctio, ob motus et exercitationis defectum, languide perficitur, sanatio patet. Si vero a morbo viceris, in chylopoiesi operam suam navantis, proveniat ejus vitium, hic dignoscendus est et sanandus, pro sua indole, modo fieri possit.

Si ab animi affectibus, hi sedandi, simulque motus ordinati revocandi medicamentis stimulantibus, aromaticis, foetidioribus.

DE MAGNESIA ALBA.

Celeberrimo Hoffmanno debetur, Magnesium medicis innotuisse. Is solum fere hanc tractat, et quidem primo pulverem hujus nominis publici juris fecit*,
cujus

* Hoff. opt. T. 4. p. 479.

cujus vires accuratissime monstravit: Parandi item rationem a nitri scilicet matrice, sive salino illo liquore, qui a lixivio nitroso superest, postquam nitrum non amplius ex illo chrystallizatione separari potest. Hic pulvis, ut videtur, olim a privatis quibusdam jam paratus fuerat, nomine pulveris *Comitis de Palma*, famamque magnam per Italiam nactus erat, utpote qui saporis odorisque expers sine ullo incommodo alvum duceret: Illius vero parandi via studiose tum celata fuerat. Vir magnus postea, quum videret liquorem salinum, nitroso illi similem, ex aquis, salem communem praebentibus, simili opere parari, hunc quoque Magnesium daturum suspicatus est; neque res spem fefellit; Magnesium hoc modo multo priore parabiliorem, ei tamen in omnibus simillimam, confecit*. Mihi quidem neque matricem nitri, neque Magnesium, quae ex illa paratur, vidisse contigit, ideoque illam solam examinare licuit, quae a salino illo liquore post salis communis chrystallizationem superstite, a sale cathartico amaro, a sale Glauberi vulgatiore, et a sale demum communi, obtinetur. Hi omnes Magnesium dant ad lixivii alkalinii instillationem, quae, ab eorum quocunque proveniat, semper omnino eadem est; sed ab utraque Hoffmanni Magnesia differre videtur†.

Sal catharticus amarus, experimentorum inquisitioni subiectus, ex Magnesia acido unita totus componi invenitur. Non mirum est ergo eam ab acido liberari ad liquoris alkalinii instillationem; sed et sal Glauberi et muriaticus sal Magnesium eodem modo dant, qui
tamen

* Hoff. Op. T. 4. p. 500.

† Vid. infra exp. 1.

tamen ex alkali, acido unito, constare dicuntur. Unde itaque Magnesia? Verissimum quidem est, eos totos ex alkali et acido constare, quando sinceri sunt, neque tum Magnesium ad liquoris alkalini instillationem dare: Sed rarissime sinceri prostant, et hac quidem de causa; ex aquis marinis enim ambo parantur, solaque fere aquae ad ignem exhalatione. Primus sal, qui in chrysallos cogitur, muriaticus est: Postquam hujus nihil amplius obtineri potest, liquor nunc salinus, ponderosus, amarus, manere invenitur, cui nomen *Bittern* imponunt: Ex hoc postea Glauberi salem, et salem catharticum amarum, extrahunt.

Heic itaque contingit, quod in omni salium separatione, crystallizatione facta, evenire solet, ut crystallorum nullae purae sint, sed caeteros sales sibi immistos habeant; quoniam vel aqua, quae crystallo salinae formandae omnino necessaria est, ipsa in hoc rerum statu impura est, caeterosque sales continet. Caeteros vero in hac salium farragine communis vel muriaticus longe superat: Facilius etiam, et quidem sub ipso ebullitionis aestu, quod reliquis non contingit, in crystallos cogitur. Hinc iis purior evadit, et modicum tantum Magnesiae dat. Sal Glauberi parum a sale cathartico concretendi facilitate distat: Erit ergo quam maxime impurus, aut hujus magnam copiam sibi immistam habebit: Neque quidem, ut purior sit, moliuntur Salaria, dummodo salis Glauberi speciem tantum prae se ferat, quam quidem lentissima coagulatione sal ipse amarus satis perfecte induit.

Patet ergo Magnesium, in his omnibus salibus, eandem esse; neque multum referre a quonam separetur, si dotes ejus solas spectemus. Sed quoniam Glauberi
sale

sale vilior sal amarus est, Magnesiaque copiam, quam sal communis, dat longe majorem; his duobus in Magnesia paratione anteposendus est. Liqueor quidem salinus ipse, a quo hi sales separantur, huic rei satis idoneus esset; sed quum non semper in promptu sit, Magnesia optime ratione sequente paratur.

R. Salis cathartici amari, et cinerum clavellatorum, portiones aequales: Seorsim in aqua, quanta satis est, solvantur, et per chartam bibulam transeant; misceantur quam validissime agitando; dein ad ignem paulisper ferveant: Addatur nunc aquae purae ferventis duplum vel etiam plus; probe mixta quiescant, donec Magnesia ad fundum delabatur: Aqua superflua effundatur, nova fervida addatur; iterumque effundatur, et hoc dein, aqua frigida adhibita, ad decimam aut duodecimam vicem repete, vel etiam ulterius, si purissimam, ideoque ad chymica experimenta aptissimam, Magnesium velis; atque demum exsicca. Hac ratione ex salis cathartici amari libris quatuor Magnesia libram unciasque decem obtinui.

Acidum in hoc processu alkali vi tanta ad se arripit, ut Magnesium relinquere cogat. Haec vero, cum per se aqua non sit solubilis, fundum petat, necesse est. Sed simul sal novus medius fit, ex alkali scilicet et acido, tartari vitriolati dotes omnes habens: Hic ab aqua difficilius solvitur, ejusque copiam non exiguam, ut liquetur, requirit. Magna ejus pars ergo ad fundum cum Magnesia decedit, ob aquae ad ejus solutionem requisitae defectum. Hinc repetitae aquae primo fervidae, dein frigidae, affusiones ad Magnesium penitus depurgandam requiruntur; prior enim salem solvit, posterior eluit. Huic rei quidem in praeparatione
Magnesia,

Magnesiae, quae vulgo prostat, minus prospicitur; saepe enim aliquam salis portionem tenet, et aliquando vel salem alkali adhuc sapit.

Pulvis hic ratione jam dicta paratus, omnis saporis expers est: Acidum quodvis cito in se arripit, immutat, ideoque et acidum in ventriculo humorem promptissime absorbet. Summa vero ejus prae caeteris pulveribus absorbentibus dignitas est, quod alvum leniter post acidi immutationem laxat; unde, quamvis ipse nullius saporis sit, purgantis tamen alioquin ingrati vicem gerit, eoque impuritates ex ciborum fermentatione ortas, novos cibos citius in acidum vertentes, subducit: Hanc ejus vim Hoffmannus sali medio ex Magnesia acido unita conflato recte adscribit, et quidem experimentum rem firmat; namque de illa, ut certior fierem, magnesiam aceto destillato (fermentationis, scil. sobole, acidoque ex cibis nato omnium simillimo) saturavi; salem inde factum exsiccavi, ejusque drachmas sex aqua solutas, sensim sumendas, viro adulto dedi, qui, postquam ejus tertiam partem hauserat, alvum quater absque vel minimo incommodo exoperavit. Reliquum dedi foeminae vegetae, habitu corporis pleniore: Hanc vero ad decimam vicem purgavit; unde hic sal, gustu quamvis lenis, vi tamen purgante reliquos superare videtur.

Liquet igitur, Magnesiam optimum medicamentum esse contra acidum in ventriculo humorem, et praesertim quando infantes hoc morbo cruciantur; hi enim medicamenta purgantia fere omnia, utpote ingrata, plerumque averfantur: Hoffmannus tamen eam quandoque noxiam esse suspicatus est: 'Neque tamen,' ait, 'praeterire possumus, id incommodi nos quandoque
' ab

‘ ab hoc Magnesia pulvere deprehendisse, quod flatu-
 ‘ lentias et morificationes in imo ventre reliquerit; si
 ‘ frequentius in usum trahatur, primaque regio pro-
 ‘ gignendis corrosivis succis, ut in hypochondriacis fie-
 ‘ ri solet, exposita sit.’ Haec quidem omnia rationi
 consentanea: Nihil tamen contra Magnesium facere
 videntur. Acidum enim in ventriculo Magnesia mu-
 tat tantum, morbi causam non tollit, quae debetur tali
 virium concoquentium debilitati, quae cibis quibus-
 dam subigendis impar est. Cura igitur praecipue ad-
 hibenda, in idoneo victus delectu, simulque instrumen-
 torum chylum perficientium roboratione: Si his non
 prospiciatur, morbus se ipse indies augebit; Magnesia
 sanationem nunquam absolvet; contra, alvum crebri-
 us subducendo, eoque aegrum quodammodo debilitan-
 do, causam morbi pertinaciorem reddet. Sed dubi-
 tandum, an Hoffmanni observatio ex his solis explican-
 da sit. Forte aliquid etiamtribuendum vi cuidam
 specificè debilitanti, quam in quibusdam salibus mediis
 observavit sagacissimus Professor noster Botanicus,
 quamque sal ipse e Magnesia intra ventriculum ortus
 etiam possidere potest. Si quid tale subsit, cautela o-
 pus est in ejus administratione, in quibusdam casibus;
 et non alienum esset, aromatici cujusdam grati pauxil-
 lum admiscere, quod leni gratoque stimulo vitae vires
 excitet.

Magnesiae historia viribusque summa, qua potui,
 brevitate tractatis, dotes ejus chymicas paucis nunc
 perstringere liceat.

Ut vero hujus pulveris natura singularis manifesti-
 us pateret, necessarium duxi, pauca etiam nova expe-
 rimenta caeterorum pulverum absorbentium prodere,
 praeter

praeter illa, quae de Magnesia enarrantur. Fatendum, me et alia ratione inductum fuisse, ut haec diversa pulverum genera periclitarer : Experimentis Doctorum Whytt et Alston, celeb. in hac Academia Professorum, tam multa nova et utilia de calce viva in lucem proferuntur, ut haec certe omnium attentione dignissima jam extiterit. Speravi quidem me calcem vivam novam, calcisque aquam, a vulgaribus diversam, et forte calculo solvendo potentiolem, inventurum. Spe quidem destitutus sum, sed neque laboris pigebat. Experimenta haud pauca jam feceram : Eorum pleraque nova erant, quaedam etiam notatu satis digna : Ideoque non ingratum fore duxi, iis ex condiscipulis, qui philosophiam chymicam amant, si eorum insigniora publicarem : Ab his igitur benigne recipienda esse spero. Novi enim experimenti eventum, quicumque sit, non negligendum ; quum chymicae scientiae, medicinae adeo utilis, adhuc tamen valde imperfectae, fundamentum experimentis solis nitatur. Quidquid ergo novi appareat, sedulo colligendum est, cumuloque experimentorum communi adjiciendum. In iis, quae sequuntur, pulverum vel terrarum species quatuor a se invicem omnino distingui videmus, quas tamen chymici communi nomine Absorbentium confundere solent : Medici etiam cornu cervi calcinato, et pulveribus caeteris absorbentibus, utuntur sine discrimine ; cum tamen illud inutile adeo videatur, ut forte et materia medica absque incommodo ejici possit.

EXPERIMENTUM I.

Ab acido vitriolico cito et perfecte Magnesia solvitur, in eorumque congressu magna aëris copia ex illis exturbatur; ubi vero commistio ad saturationem perficitur, sal, cathartico amaro simillimus, exoritur.

Hac nota, evidentissime a pulverum vel lapidum calcario genere discrepat Magnesia. Calcaria vero illa omnia apte fatis dici possunt, quae valido igne usta in calcem vivam abeunt. Hujus generis sunt, calx ipsa, marmor, creta, spatii species, testae, lapideaeque animalium concrementa, ea denique, quae Lithophyta dicuntur: Haec omnia, si prius in pollinem subtilem contundantur, affuso vitrioli acido fervent quidem maxime, vix tamen ab eo solvuntur, sed acidum in se recondentia, pulveris albi specie, ad vasis fundum jacent. Simili ratione, si acidum vitrioli, cuivis eorum, acidi nitri, salis, vel aceti ope soluto, instilletur; vitriolicum illud, acidum debilius expellit, semet pulveri conjungit, cumque illo ad fundum simili modo decidit: Quod quidem Magnesia solutae non accidit: Haec enim, acido vitrioli conjuncta, aqua facillime solvitur.

Hinc apparet, utramque Hoffmanni Magnesium ab hac, de qua agitur, diversam esse: Nam de solutione utriusque, sive de liquoribus salinis, unde parantur, affirmat * eas, oleo vitrioli admisto, pulverem album demittere: Saepius vero oleum vitrioli illi liquori salino, qui in his regionibus ab aquis marinis paratur, ad-

* Hoff. op. T. 4. p. 480. et 500.

admiscui; semper tamen perlucidus mansit. Ratio hujus dissimilitudinis satis quidem facilis videtur, si Magnesiam ejus primam, five nitrosam, solam respiciamus; cum haec diversam prorsus originem habeat. Si vero secundam, difficilior; et forte hinc petenda, quod Hoffmannus liquorem suum salinum a fontium, salem communem praebentium, aquis habuit, quae a marinis diversae esse possunt.

E X P E R. II.

Affuso nitri acido, Magnesia similia etiam patitur illis, quae in experimento imo enarrantur. Soluta etiam colorem aureum, saporem acrem, amarum, nitrosum, acido impertitur, et, aquae leni ad ignem facta exhalatione, crystallos dat, quae in aëre sicco servatae formam suam retinent; humido autem, in liquorem resolvuntur. Papyri frustulum huic liquori immixtum, et dein exsiccatum, in igne nitri modo non deflagrat.

Notandum vero, pulveres lapidesque calcarios, acido nitri solutos, nullo modo in crystallos cogi posse.

E X P E R. III.

Fervet etiam valide et cito solvitur Magnesia, in acidum salis injecta: Soluta vero in crystallos non cogitur; saporem gaudet acri muriatico.

E X P E R. IV.

Eadem omnino patitur etiam aceto destillato commista, saporemque illi non ingratum conciliat: In
cry-

crystallos non abit, sed materies salina, aqua dissipata, relinquitur, lentissima, glutini simillima, difficiliter exsiccanda, quae frige facta durefcit, et fragilis fit.

Pulveres vero et lapides calcarii, huic acido conjuncti, salem dant satis facile in crystallos striatas cogendum, nec vel minimum tenacitatis habentem.

E X P E R. V.

Omnibus hisce modis soluta, addito alkali fixo vel volatili, facile restituitur.

E X P E R. VI.

Magnesia, in calidum salem ammoniacum solutum injecta, alkali volatile illico excutit, quod singulari odore facile sese prodit. Si haec mistura aliquandiu leni calore foveatur, Magnesia tandem penitus solvitur, nisi plus indatur, quam quae alkali omni expellendo acidoque saturando sufficiat. Recuperatur iterum additione cujusvis alkali fixi, vel etiam volatilis.

Hoc experimentum praecedenti ex diametro contradicit. Haec enim Magnesia fortius quam alkali volatile, illuc autem alkali volatile fortius quam Magnesia, acida attrahere videtur. Et quidem hujus experimenti eventus idem est, siue Magnesia alkali fixi, siue volatilis, auxilio prius parata fuit, siue tandem alkali ipsius, quod experimento sequenti obtinetur. Haec quidem me superant, neque quare ipsum alkali, quod Magnesia ex acido excussit, hanc iterum non illico deturbet, novi. Suspicebam quidem, alkali volatile novas quasdam mutationes inter distillandum pati, quae

quae hujus differentiae causa esse possint; sine distillatione autem nunquam purum paratur: Neque absone valde videbatur sententia, cum ex Cel. Hales experimentis aërem inter distillandum absorbeat, ideoque revera mutetur*. Hoc animo salem ammoniacum vulgari similem confeci, ex alkali volatile et salis communis acido: An huic composito resolvendo Magnesia impar esset, visurus: Sed omnia, uti in experimento sexto, eveniebant.

E X P E R. VII.

Magnesiae p. i. salis ammoniaci p. ii. optime commistae, distillatae, spiritum et salem volatilem alkalinum fundunt, illis, qui a sale ammoniaco alkali fixi ope separantur, simillimos.

E X P E R. VIII.

Lique scat cujusvis pulveris calcarii drachma, acidi nitrosi vel muriatici ope, et ne qua supersit aciditas caveatur; adde Magnesiae drachmam, et vas repone in aqua ebulliente, per horas circiter quatuor et viginti; tum decuplo aquae dilue, et per chartam bibulam trans mitte. Pulvis tum in charta superstes, omnis fere calcarius erit; qui vero transivit, liquor Magnesium veram, liquore alkalino instillato, pauxillo pulveris calcarii mistam, dabit.

Magnesia igitur acidum a pulvere calcario eripit: Sed cum tempore multo longiore opus esset, ad absol-

ven-

* Analysis of the air, exper. 52.

vendam pulveris calcarii ab acido separationem, hoc experimento non penitus perficitur, sed et Magnesia paululum manet non liquatae, et liquor adhuc aliquid pulveris calcarii continet.

E X P E R. IX.

Magnesia, in mercurium sublimatum corrosivum solutum injecta, colorem aureum cito induere videtur, et sensim in pulverem coloris rubri lateritii mutatur: Pulvis hic ruber, inquisitioni chymicae subiectus, mercurius evadit.

E X P E R. X.

Misceantur optime calcis vivae drach. i. Magnesia drach. iii. scrup. i.: Phiolae dein imponantur uncia- rum quatuor capaci, quae aqua repleta, et optime obturata, per horas duas in aqua fervida reponatur; tum frigescat. Aqua nullum calcis saporem habebit, mercurium sublimatum solutum nullo modo turbabit; neque calore leni dissipata quicquid post se relinquet. Saepius hanc Magnesia vim expertus, et quidem varia calcis vivae portione ad eandem Magnesia copiam adhibita, jam dictam maximam esse reperi, quae experimentum succedere sinat: Hanc vero variare oportet, secundum calcis vivae vim majorem vel minorem.

E X P E R. XI.

Magnesiae in pulverem subtilem redactae drach. iii. scrup. i. in phiolam indidi uncia- rum quatuor fere capacem;

pacem; hanc aqua calcis implevi, optime obturavi, et aqua dein ferventē fovi: Aqua calcis cito omnem penitus perdidit saporem, inque aquam puram conversa est; hanc itaque effudi, novam addidi, in eodem calore reposui, opusque iteravi, donec aquae calcis lib. vii. unciasque xiv. jam affudissem; tunc vero recens affusa saporem suum non amplius amittebat. Magnesia dein optime exsiccata pendebat drach. iv. scrup. i. grana xv.

E X P E R. XII.

Magnesia ratione in exper. xi. dicta praeparata, cum salis ammoniaci portione aequali optime commista, destillata, spiritum dedit et salem iis, qui in exper. vii. parantur, similes, neque causticos.

E X P E R. XIII.

Magnesiae uncia in crucibulum, operculo instructum, immissa in igne, qualis ad cupri fusionem sufficit, per horam circiter stetit: Frigefacto tum crucibulo, Magnesia drach. iii. scrup. i. pendebat.

Hanc Magnesiam ustam nominare liceat.

E X P E R. XIV.

Magnesia usta (exper. xiii.) lente ab acidis omnibus solvitur, et quidem cum singulis, sales constituit, illis, qui experimentis i. ii. iii. et iv. describuntur, simillimos: Sed, quod praecipue notandum, solutio placidissime fit, et absque vel minima ebullitione.

E X P E R.

E X P E R. XV.

Eadem in mercurium sublimatum corrosivum solutum injecta, caloris lenis ope, mercurium lente deiecit, forma pulveris atri; qui tamen chartae affricatus eam, quasi rubigine, maculat.

E X P E R. XVI.

Magnesia usta alkali volatile, e sale ammoniaco soluto, expellit, uti in experimento quinto enarratur.

E X P E R. XVII.

Pulverem tamen calcarium, acido solutum, deturbare non videtur.

E X P E R. XVIII.

Sed neque calcis aquam ullo modo mutat.

E X P E R. XIX.

Magnesiae ustae drachma cum aquae uncia simul, in phiola clausa, calore leni fovebatur per aliquot horas; aqua dein per chartam bibulam trajecta, saporis omnis expers erat, neque mercurium sublimatum solutum ullo modo turbidum reddebat, nec syrupi violarum colorem mutabat: Magnesia ipsa, optime exsiccata, drach. i. gran. x. pendebat: Acidis mista non fervebat, neque calcis aquam ullo modo afficiebat.

Ex-

Experimentis proxime praecedentibus mutationem fatis notabilem in Magnesium ustione induci videmus; ab illa tamen diversissimam, quae pulveribus vel lapidibus calcareis, eadem passis, accidit. Hujus rei ratio mihi diu fatis obscura videbatur, multaue feci experimenta ut eam intelligerem, quorum frequentia lucem quandam adferre videntur.

E X P E R. XX.

Magnesium uncias tres in vas vitreum destillatorium, recipiente instructum, et arenae impositum, indidi; ignem dein admovi, qui sensim auctus fuit, donec Magnesia jam obscure ruberet. Frigefactis omnibus, Magnesia unc. i. drach. iii. cum dimidio pendebat: Valide adhuc, quamvis non aequè ac antea, in acida injecta fervebat. In recipiente, aquae subalbidae paululum inveni, ponderis drachmarum quinque: Haec spiritum cornu cervi vix redolebat, syrupi violarum colorem in viridem mutabat, mercurium sublimatum et argentum soluta, leviter turbabat: Cum acidis tamen admistis minime confligebat.

Vidimus (exper. xiii.) Magnesium partem sui ponderis maximam ad ignem amisisse. Hoc exper. igitur, quid amiserit, scire volui. Calor autem heic adhibitus, illo, qui ad absolutam ejus ustionem requiritur, multo minor erat, ideoque adhuc cum acidis valide fatis fervebat, quod evitare non potui; instrumentis enim rei idoneis carebam: Experimentum igitur imperfectum relinquere coactus fui, donec occasio rectius perficiendi occurreret.

Liquoris, in vas recipiens excepti, pondus amissi dimidium non aequat ; quid igitur istuc est, quod evanuit ? Aquae forte aliquid, aëris autem plus esse videtur, quem magna copia Magnesia adhaesisse oportet, cum vel tanto amisso, acidis affusis, eum adhuc ejiciat. Aquae qualitates pauxillo forte Magnesia, aëri, et aquae unitae, vi ignis transvectae, deberi possunt.

E X P E R. XXI.

Magnesiae drach. ii. modo in exper. xiii. enarratae, ad scrup. ii granaque xii. redactae sunt ; in vitrioli spiritum dein injectae placidissime liquabantur. Ab illo iterum liberata est Magnesia, sale alkali fixo soluto addito ; cujus huic rei magna vis requiritur. Optime denique lota et exsiccata est. Pondus jam ad drachmam i. granaque l. iterum increverat, summa bullitione et aestu, cum acidis confligebat ; in mercurium sublimatum solutum injecta, pulverem rubrum formabat ; pulveres calcarios ex acidis dejiciebat ; calcisque aquam inspidam reddebat : Omnes denique, quas ustione perdiderat, qualitates jam recuperaverat. Quid ergo Magnesia hoc experimento amisit, quid demum recuperavit, quod, quum adesset, tam multas qualitates dabat, cum abesset, tollebat ? Aërem forte : Experimenti enim vigesimi consideratione, verisimile admodum videtur, ponderis, ustione amissi, partem maximam aëre evanido constare : Et hoc quidem eo roboratur, quod aërem nullum, post ustionem, in acida injecta emittat. Nonne etiam verisimile, aërem iterum Magnesia ab alkali restitui, quo tempore illam hoc de acido depellebat : Alkali fixum aëre certe abundare,

bundare, ex ingeniosi Hales experimentis constat*,
cujus quidem magnam vim eructat, ubi acido puro
conjungitur; hac occasione, quamvis non puro, acido
tamen certe conjungitur, et sal etiam medius ex ho-
rum conjunctione fit, copia, dotibus, omni denique
modo idem, ac si acidum purum additum fuisset; sed
neque tamen vel minimum aëris erumpit: Nonne igitur
ex alkali ab acido excutitur, et Magnesiæ sese unit
aër?

E X P E R. XXII.

Salis tartari drach. ii. et aquae unciam simul in
phiolam capacem, collo terete longo instructam, indi-
di: Phiola intus salem et aquam continens pendebat
uncias ii. drach. ii. dein vitrioli oleum, aqua dilutum,
sensim instillavi ad absolutam salis saturationem, quae
jam perfecta erat, quum acidi drach. ii. scrup. ii. gran.
iii. affudissem; phiola nunc, iterum ponderata, unc. ii.
drach. iv. gran. xv. pendebat: Ergo ponderis scrup. i.
gran. viii. amissa sunt; cujus pars minima aqua, vel
simile quid, esse potest; reliqua aër.

Haec celeberrimum Homberg eluserunt, quum soli-
di et fluidi proportionem, in diversis acidis, invenire
conaretur†; rem aggressus est, salem purum alkali-
num, singulis acidis saturando, pondusque observando,
quod sali, ex cujuslibet acidi copia definita, accessit:
Sed calculum ejus erroneum fuisse necesse est, cum
alkali, ponderis sui partem, non parvam, inter satu-
randum amittat.

E X P E R.

* Analysis of the air, exper. 74. et 99.

† Mem. de l'Acad. de Sienc. vol. I. p. 52.

E X P E R. XXIII.

Experimentum novissimum iteravi, Magnésiae drach. ii. vice salis tartari adhibitis, et quidem spiritu vitrioli eodem usus fui: Hujus autem drach. iv. scrup. i. gran. vii. solutionem absolverunt. Phiola, una cum Magnesia et aqua, exactissime ponderata, unc. ii. drach. ii. pendebat, ante acidum vitrioli immissum; post vero Magnésiae solutionem, unc. ii. drach. v. scrup. ii. gran. xi. Ergo scrup. i. gran. xvi. per ebullitionem amissa.

E X P E R. XXIV.

Eadem omnia iterum adhuc, cum Magnésiae drach. ii. valida uestione ad scrup. ii. granaque xii. reductis, perfeci: Ejusdem acidi drach. iv. scrup. i. gran. ii. solutionem peregerunt: Grana tantum duo inter solvendum amisit, quae quidem aqua constare possunt.

Oleum vitrioli, in haec experimenta impensum, aqua prius diluendum curavi, ne aestum subitum et fervorem, dum aquae imisceretur, in phiola excitaret, eoque hujus portionem dissiparet. Phiolam etiam capacem elegi, ex iis scil. in quibus oleum Florentinum in has regiones important. Hinc, vapores et aquae guttulae, a liquoribus ferventibus ejectae, per phiolae caveam paulisper vagae, cito ad ejus parietes, roris specie, collectae sunt; sed ne vel guttula collo tenus ascendit, quod, peracto experimento, omnino fictum erat.

Experimentum hoc causam monstrare videtur, cur Magnesia uesta, acidis juncta, sales iis, quos ante uestionem

nem fecerat, similes faciat : Aërem quippe suum Magnesia usta, ante congressum cum acidis, amisit ; eundem vero Magnesia non usta, sub ipso congressu emittit.

Ex praecedentium experimentorum consideratione, verisimile videtur, strepitum ingentem, quem aurum, aqua regia prius liquatum, iterumque, alkali soluti ope, in forma pulveris restitutum, igni admotum, edit, aëri, de alkali in aurum transfuso, qui, ignis vi, repente liberatur, deberi : Aër enim, in calce metallica, latere certe potest ; cum, a Cl. Hales, e minio ipso, expulsum sit*.

Experimenta de Pulveribus et Lapidibus calcariis.

E X P E R. XXV.

Cretae unciam salis spiritu solvi ; ab acido iterum, alkali fixi ope, separavi, et omne salinum, repetitis aquae affusionibus effusionibusque, ablui. Creta dein chymice examinata nullo modo mutata fuisse apparuit, siquidem cum acido vitrioli fortiter fervebat, non tamen ab eo liquata est ; valido igne usta in calcem vivam veram abibat, quae calcis aquam dabat, spiritumque, acerrimi odoris, e sale ammoniaco excutiebat.

Hoc experimento scire volui, num creta Magnesiæ dotes nancisci posset ; vel annon Magnesia eas praeviae cum acido conjunctioni, et ab eo demum separationi, deberet : Sed creta hoc processu nihil mutatur.

EXPER.

* Analysis of the air, p. 192.

E X P E R. XXVI.

Injiciatur cujusvis materiae calcariae pulvis subtilissimus in alumen solutum calidum; magna illico fiet fermentatio aërisque ejectio; sed neque tamen liquabitur pulvis; mole potius augeri videbitur. Iteretur pulveris injectio, donec fermentationem non amplius cieat. Liquor nunc, alumen minime, calcarium vero parum, sapit; neque ad liquoris alkalini instillationem coagulum, uti alumen solutum, deponit, sed leviter solummodo turbatur.

Pulvis calcarius, in hoc experimento, acido sese unit, ideoque aluminis terram deturbat; sed hanc etiam et pulvis calcarius ipse, acido conjunctus, ad fundum sequitur; vitriolico enim acidum aluminis simile est; hinc calcariis conjunctum, pulverem constituit vix aqua solubilem: Nubecula, ad liquoris alkalini instillationem orta, a calcarii soluti pauxillo provenit.

Experimenta de Cornu Cervi calcinato.

E X P E R. XXVII.

Cornu cervi calcinatum, in spiritum vitrioli injectum, acidum absorbet, et sensim in pulverem albissimum dilabitur: Non tamen liquatur, neque acidum ebullire facit.

E X P E R.

E X P E R. XXVIII.

Lente a falis et nitri acidis solvitur, cum bullitione perexigua. Quamvis acido, postquam jam saturatum esse videtur; adhuc ejus pulverem subtilissimum addas, et per aliquot dies leni calore foveas, non tamen acorem suum penitus deponit; quin et saporem acido-acrem retinet, et infusum violarum rubro adhuc inficit colore.

E X P E R. XXIX.

Acetum destillatum super hujus pulverem calefactum, neque ebullitionem ullam concipit; neque ejus ullam, quae cerni posset, copiam solvit. Acetum effusum eundem, quem antea, fere saporem habet, et nubeculam tantum levissimam, ad liquoris alkalini instillationem, demittit. Nullas ergo in medicina virtutes habere videtur; inter pulveres enim acidum absorbentes solos habetur, cum tamen huic negotio prorsus ineptus sit, nisi acidum, fermentatione productum, absorbeat.

E X P E R. XXX.

Cornu cervi calcinatum, igne validissimo ustum, mutationem nullam patitur; neque calcis vivae dotes ullas adipiscitur.

Experimenta de Terra Aluminis.

Salem alkali purum solutum sensim in alumen solutum instillavi; ebullitio fatis conspicua subinde exorta est,

est, terraque aluminis, coaguli specie, sese exhibuit, quae optime lota sequentibus experimentis adhibita est.

E X P E R. XXXI.

Terra aluminis ab omni acido solvitur, sed lentissime quidem, nisi calor admoveatur. Liquor, qui ex acido vitriolico terrae aluminis unito fit, alumen solutum plane refert; qui autem ex nitri vel salis communis acido perficitur, magis austerus evadit; qui ex aceto destillato, dulcedinem quandam, saporis astringentium admistam, habet: Eorum nulli eo adduci possunt, ut acidum in iis penitus immutetur: Sed saporem subacidum semper retinent, et violarum infusi colorem in rubrum mutandi potestatem; eoque cum alumine soluto congruunt.

Terra haec attractione exili tantum acidis adhaerere videtur; et, ut liquetur, eorum magnam copiam poscit, eademque sibi conjuncta, quam caeterae terrae absorbentes, minus immutat.

Terra aluminis, aceto destillato soluta, aluminis speciem dat novam, quae cum vulgari lenior sit, et forte penetrantior, huic, in medicina facienda, aliquando commode anteponi potest.

E X P E R. XXXII.

Terra aluminis validissimo igni, per horam, exposita, nullam patitur mutationem, nisi quod quintam circiter sui ponderis partem amittat, difficiliusque postea acidis solvatur.

F I N I S.

DISSERTATIO MEDICA
INAUGURALIS,
DE
ULCERE UTERI.

QUAM,
ANNUENTE SUMMO NUMINE,

Ex Auctoritate Reverendi admodum Viri

D. JOANNIS GOWDIE,
ACADEMIÆ EDINBURGENÆ PRÆFECTI;

NEC NON

Amplissimi SENATUS ACADEMICI consensu,

Et nobilissime FACULTATIS MEDICÆ decreto;

PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS

RITE ET LEGITIME CONSEQUENDIS;

Eruditorum examini subjjicit

GULIELMUS BROUGHTON,
HIBERNUS.

Ad diem 6. Augusti, hora locoque solitis.

EDINBURGI:

M,DCC,LV.

VOL. II.

Qq



D. THOMÆ BROUGHTON,

Mercatori Dubliniensi,

Patri optimo,

Benignissimo,

Summa, quæ debet, reverentia,

Animoque grato,

D. D. C. Q.

Filius

GULIELMUS BROUGHTON.

DISSERTATIO MEDICA

INAUGURALIS,

DE

ULCERE UTERI.

STRUCTURA delicatior, et munera vitae quibus a natura designantur, sexum pulchriorem, sed eo magis imbecillem, multis morbis et incommodis, quibus mares vivunt prorsus immunes, a teneris etiam annis subjiunt. Sortem ergo foeminarum lugens, et, quamplurimum in me est, adjuvare sperans, dum legibus academiae obtemperem, de ulcere uteri, malo eas frequenter vexante, sed parum hactenus tractato, differere volo.

Quemadmodum in caeteris partibus, sic in utero, fit ulcus; quod est solutio continui cum pure: Fit autem triplici de causa.

1. Ab inflammatione suppurata; ruptus enim et evacuatus abscessus in ulcus vertitur.

2. A

2. A vulnere utero inflictō, quo uteri tunicae dilatinantur; quod ex labiorum suppuratione in ulcus brevi degenerat.

3. Ab erosione sensim facta, qua uteri tunicae abradantur; haec autem erosio infertur a pessariis aut injectionibus acrioribus; a foetu mortuo; ab unguibus imperitae obstetricis; ab immodico fluore albo, diuturno, viridi, et erodente; a humore uterino viru siphilitico inquinato; a pure extremum uteri os astringente in gonorrhoea virulenta, quae sedem habet in glandulis vaginae et uteri. Ulcera multiplici ratione differunt a se invicem.

1mo, Ratione causae; sic alia ab inflammatione, alia a vulnere, alia ab erosione fiunt.

2do, Ratione magnitudinis; sic alia lata, sed superficialia; alia quidem profunda, sed angustata; alia fistulosa sunt, quae modo per medias uteri tunicas ferpunt, modo per vaginae superjectas communicant, modo in intestinum rectum aperiuntur, modo ad alias pelvis partes protenduntur.

3tio, Ratione mali; alia benigna, et haec pus paucum coctum album et parum graveolens emittunt, et non multo dolore stipantur; alia maligna et cachectica, quae pus tenue, acre, sanguinolentum, grumosum, inaequale, foetidum emittunt, et summe dolorifica sunt; alia demum cancrofa seu carcinomatodea, quae nullum vel paucissimum effundunt, et atrocissimis doloribus cruciant.

4to, Ratione situs; sic alia uteri fundum, alia partes laterales anticas aut posticas, alia cervicem et osculum

culum ipsum, occupant. Ex nota ulceris natura, facile est, symptomata quae infert, explicare.

1mo, Dolor adest; quia pus acre fibras nerveas partibus internae fortiter lancinat.

2do, Vigiliae; quia fibrae cerebri a dolorificis refluxibus qui ab utero fiunt perpetuo quassatae, sensum doloris continuo menti afferunt.

3tio, Febris lenta seu hectica; quia acria miasmata, quae ab ulcerata parte sanguini transfunduntur, ejus motum praeternaturaliter intendunt. Huic autem febri superveniunt symptomata omnia febribus hecticis essentialia; nempe, marcor seu marasmus, exacerbationes nocturnae, sudores matutini, diarrhoea, unguinum incurvatio.

4to, Rhagades seu phlyctenae in vagina accedunt.

5to, Dysuria.

6to, Si ulcus uteri fistulosum cum vesica communicetur, pus una cum urina per urethram, et vicissim urina cum pure per vaginam, emittetur.

7mo, Pari ratione, si ulcus uteri in rectum penetret, pus cum faecibus alvinis prodibit, et, vice versa, faeces liquidiores cum pure per vaginam.

8vo, Quod si ad pelvis latera protendatur, vel ad os sacrum, ad foramina ovalia, vel ad varias pelvis et muscutorum partes, dolore fixo et duritie renitente manifestantur.

D I A G N O S I S.

Ulcus uteri facile dignoscitur: 1mo, Ex dolore fixo in utero. 2do, A puris effluxu, qui ulceris existentiam

tiam demonstrat. Cognatos duos habet, nempe, fluxum album, et gonorrhoeam virulentam. A priore distinguitur, tum constantia doloris, tum veri puris effluxu, quod utrumque in fluore albo abest; a posteriore vero distinguitur, tum sede, tum scaturigine purulentae materiae: Siquidem in ulcere uteri dolor in utero sentitur, a quo pus emanat; in gonorrhoea vero virulenta, dolor vulvam aut vaginam discruciat, ex quibus quoque materia purulenta fluit. Variarum causarum, quibus uteri ulcus refertur, dignoscuntur ex praegressis circumstantiis. Reliquae vero ulcerum uteri differentiae vel a tactu, vel a dolore, vel a natura puris dignoscuntur: Si vero fistulosum fuerit, ad vesicam aut rectum protenditur, aut per varias partes pelvis cuniculos agit, manifestum fiet faecum aut urinae inspectione.

P R O G N O S I S.

Ulcus omne uteri periculosum est. 1mo, Ratione partis, quae, cum sit exquisiti sensus, dolores gravissimos excitat, et in gangraenam facile abit. 2do, Ratione symptomatum, ut febres lentae quae miseras aegrotantes tacita labe consumunt. 3tio, Ratione situs, unde nec debito modo detergi, nec convenienter exsiccare, et cicatrice obduci potest. Periculum vero quod ab ulcere uteri pendet, varium est. 1mo quidem, Ulcera cachectica, cavernosa, fistulosa, fere semper insanabilia sunt: Contra vero, curantur facilius ulcera benigna, angusta, superficialia. 2do, Aegerrime curantur ulcera quae ab erosionem oriuntur, ob adjunctam sanguinis

sanguinis dyscrasiam, qua fovetur: Contra vero, facilius quae ab abscessu aut vulnere, modo levia sint, producuntur. Ulcus quod a siphilitide dependet, sanatur commodius quam ulcus quodcumque ab alia causa inductum; quia, profligato semel viru venereo, tollitur antecedens morbi causa, et ulcus benignam naturam acquirit. Tandem, ulcera quae uteri cervici insident, tutius et promptius curantur, quam quae profundiora sunt.

C U R A T I O.

Ut ulcus uteri cicatrici coeat, imo quidem, corrigenda est sanguinis dyscrasia. 2do, Ulcus ipsum convenientibus remediis oppugnandum est.

Sanguinis dyscrasia in ulcere uteri, vel a viru venereo quo inquinatur, vel a vitiosa acredine qua inficitur, dependet. Si prius, hydrargyrosa in ulcere uteri adhibenda; quae debellando siphilitico contagio unicuique esse remedium constat. Si vero posterius, remedia varia in usum promovenda sunt; quae, imo, Salium sanguine luxuriantium copiam evacuare per cutem, renes, aut intestinales glandulas, apta sunt. 2do, Quae relictas salium moleculas dissolvere possunt. 3tio, Demum, quae eas immutare et castigare possint.

1mo, Adhibenda sunt purgantia blanda saepius repetita. Catharticorum usui adhibenda sunt juscula amara et diuretica, ex radicibus cichor. fragor. fol. nasturt. aquat. agrimon. et fumariae cum rhab. frustulo-

que carnis vitulinae, aut pullo gallinaceo, confecta. Immo, si pacatus sit sanguinis fervor, plantae vulnerariae adjungendae, ut bugul. veronic. fanicul.

2do, Jusculis modo dictis succedere debet lactis usus: Quod si asininum aut caprinum fuerit, crudum; si vero vaccinum, coctum usurpetur: Coquatur autem cum decocto capil. vener. vel theae; vel, si res ita ferat, cum decocto herbarum vulnerariarum, ut chinae farfap. &c. Post lactis usum, praescribendae sunt misturae absorbentes, exsiccantes, vel vulnerariae, ex oculis cancrorum, coral. rub. sanguine dracon. pulp. cassiae, et bals. capiv. quae hora ante decubitum, vel mane ante lactis usum, deglutienda sunt. Quod si re. mediorum horumce usu sanguinis crasis dissolvatur, ulcus uteri ope injectionum detergi possit; et conveniant tunc temporis ptisanæ sudorificæ, vel decocta ex radicibus lignorum parata. Sed hæc methodus tantummodo utilis est, cum sanguinis massa colluvie serosa laborat, quæ ulceris cicatricationi obstat: Contra, si sicciior fuerit sanguinis diathesis, usu aq. min. diluenda est; inter quas potissimum laudantur aquae tepidæ.

Uteri ulcus, 1mo, Injectionibus demulcendum. 2do, Detergendum. 3tio, Astringentibus leviter coercendum. 4to, Epuloticis exsiccandum. Itaque,

1mo, Si dolor gravis urgeat, immittendæ sunt injectiones in uterum ex decoct. emollient.; debent quoque enemata, eodem modo parata, injici. Frequenter debet autem utrumque genus remedii per plures dies iterari.

2do, Mitigato semel uteri dolore, detergentes injectiones usurpandae, ex decocto hordei cum mel. rosar. vel aq. therm.

3tio, Post sufficientem detergentium usum, refrigerantibus utendum est, nempe, injectionibus cum hord. ros. rub. burs. pas. et radice symphat. maj.; quibus tamen caute insistendum est.

4to, Tandem, astringentia, cum tutia ceruss. ung. de pomp. thereb. cocta, mire profunt.

F I N I S.

THE
LIBRARY
OF THE
MUSEUM OF
COMPARATIVE ZOOLOGY
AND ANATOMY
HARVARD UNIVERSITY
CAMBRIDGE, MASS.

C

DISSERTATIO MEDICA
INAUGURALIS,
DE
TESTIBUS et de SEMINE
in variis ANIMALIBUS.

QUAM,
ANNUENTE SUMMO NUMINE,

Ex Auctoritate Reverendi admodum Viri

D. JOANNIS GOWDIE,
ACADEMIÆ EDINBURGENÆ PRÆFECTI;

NEC NON

Amplissimi SENATUS ACADEMICI consensu,
Et nobilissime FACULTATIS MEDICÆ decreto;

PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS

RITE ET LEGITIME CONSEQUENDIS;

Eruditorum examini subjicit

ALEXANDER MONRO,
SCOTO-BRITANNUS.

Ad diem 27. Octobris, hora locoque solitis.

EDINBURGI:

M,DCC,LV.



ALEXANDER MONRO

PATRI SUO

S.

QUUM nemo sit, cui plus debeam aut placere malim, quem cariorem habeam, aut aemulari praetulerim, qui adulatione minus egeat, observantiam magis mereatur; Tibi, PATER, Praeceptor, optime, Filius, Discipulus, studiorum aemulus, Dissertationem hancce, animi monumentum grati, dicatam accipias, precor.

DISSERTATIO MEDICA

INAUGURALIS,

DE

TESTIBUS et de SEMINE in variis ANIMALIBUS.

INTRODUCTIO.

QUUM mihi, haud ita pridem, testiculi humani fabricam indaganti, pauca quaedam, felicissima mercurii infusione, dilucidius saltem, detegere contigisset, cupido mirandi hujus organi compagem penitius explorandi incessit. Cum vero, prae partium contextu et tenuitate, corporis humani fabrica interior sensus nostros prorsus saepe effugiat aut fallat, dum intima partium structura, in aliis animalium generibus, rudiori quasi penicillo delineata, clarius et patentius sese prodatur; ac porro, cum varia naturae artificia, in

VOL. II. S f variis

variis animalibus, eodem conspirantia, lustrando et contemplando, quae huic vel illi organo adventitia, quaeve omnino necessaria sint ut munere suo rite fungatur, discamus; in testium structura exploranda, plura animalia homini, immo et sibi ipsis invicem, conferenda constitui.

Sed multorum animalium investigationem temere et inconsulto percurrere, ut taedii et laboris plenam, ita parum profuturam esse liquido constabat, cum structurae discrepantiam, potius quam convenientiam, in anatome comparata expetere oporteat; idcirco, ut coeptis nostris plus utilitatis, simul et molestiae minus, accederet, paucorum tantum testiculos descriptos dare in animo destinavimus, sed eos e variis animalium classibus elegimus, quae inter se, quod ad hujus organi faciem attinet, discrepant, ita ut uniuscujusque classis exemplaria non multa, caeterorum omnium quasi norma esse possint. Et eo quidem consilio,

Ex quadrupedibus viviparis,

Ex quadrupedibus oviparis,

Ex avibus, et

Ex piscibus,

eorum animalium quae parabilia et in promptu essent corpora incidimus.

Et piscium quidem in tres classes, *cetaceos*, scilicet, *cartilagineos*, et *osseos*, divisionem instituimus; quandoquidem unaquaeque classis, si sequentes tantum definitiones respiciamus, structuram, quod ad organa genitalia, sibi propriam vindicat.

Pisces cetacei sunt qui, quadrupedum viviparorum more, pulmone respirant, coeunt, concipiunt, vivos foetus pariunt, et lacte alunt.

Inter

Inter pisces cartilagineos et osseos in eo convenit, quod branchiis respirant, et unicum tantum cordis ventriculum obtinent: Sed eo tamen discrepant, quod squamis carent, illorum mares duobus appendicibus minimis, penes dicas, instruuntur *; et foeminae intra se ova grandia, avium instar, cum duplici intus humore, albumine scilicet et vitello, concipiunt, quae in utero foveant et excludunt, adeoque foetus vivos edunt †.

Ex piscibus osseis mares vix ulli mentulis gaudent, et foemellae innumera fere ova exigua deponunt, nulla intus albuminis et vitelli distinctione, quae, uti videtur, mares edita semine aspergunt et foecunda reddunt ‡.

C A P. I.

De TESTIUM numero et situ.

His omnibus jam dictis animalibus providus et benignus naturae Auctor testes binos efformavit, ut alter

* Auctores vulgo, minus tamen apte, pinnis mentulas adnexas describunt; nam, in Raja saltem laevi, semen per duas papillas vel penes, intra intestini recti marginem, ad partem ejus superiorem, effunditur, eodem fere modo quo in salamandra, forte ut, semen in aquas projiciendo, foemellas eadem via, non facile dicenda quidem, qua Demours de Salamandra observavit, foecundas reddant.

† Harveius de generat. animal. exerc. 3.

‡ Nos non latet pisces quosdam et ossibus et cartilaginibus instructos — alios, qui cartilaginibus solis muniuntur, generationis modo cum ossibus convenire — et nonnullos ex ossibus viviparos esse (Vide J. Raium in synops. pisc.); sed a generationis modo, potius quam ab ossibus et cartilaginibus, piscium differentias assumere, ad rem nostram facit.

ter in alterius languentis aut deficientis subsidium veniret; sed eorum quidem situm varium, in variis animalium classibus, observare licet. Homo et quadrupes fere omnes vivipari, eos externos gerunt. Quadrupedibus paucissimis viviparis *, et piscibus cetaceis, intra musculos abdominales reconduntur. Quadrupedibus oviparis, avibus, et piscibus cartilagineis, inter viscera abdominalia et vertebrae absconditi latent. Dum piscibus osseis totam fere abdominis longitudinem occupant.

De animalibus adultis solummodo diximus, quippe tenero hominis et quadrupedum viviparorum foetui testes intra corpus latent, et sensim tantum in scrotum delabuntur. Multi enim auctores, in foetu, eos intra abdomen haerentes descripserunt, et etiam sub partum, vel per totam vitam reliquam, intus latentes observant †, et in puerulis facili negotio intra musculorum abdominalium annulos truduntur; ita ut ne quidem dubitandi locus superfit, ipso ex ortu testiculos intra abdomen haerere, et ante, aut sub partum, vel forte in quibusdam animalibus post partum, (adhuc enim prae inopia observationum tempora accuratius definire non

* Erinaceo, Talpae (vid. Blasum in anat. animal. cap. 35.), Elephantanti (v. Aristotle. de generat. an. et du Vernoi in Act. Petropolit. vol. 2.)

† Vid. Haller. in Boerh. Instit. § 641. not. 200. qui multos de hac re auctores citat. Vid. etiam Trew de differentiis inter hominem natum et nascendum, et Le Cat in Phil. Transf. vol. 47. p. 325. et nuper quidem foetum humanum quinquemestrem foetui, et testes ad latera vesicae urinariae, uti Trew T. 5. pinxit, sitos deprehendi, et tunica vaginali obvolutos. Et duobus cattalis, post partum etiam, testes intus latentes inveni, sed tunica tantum propria vel albuginea cinctos, ob structurae discrimen infra explicandum.

non datur), expelli, et situ inverso, ut quod antehac in teste superius, nunc inferius evadat *, in scrotum decidere. Hujus mutationis causa quaestio perdifficilis esse videtur: Quum vero, foetui humano †, et forte etiam quadrupedibus, caput corporis pars ima sit, testes pondere suo diaphragma, potius quam muscutorum abdominalium annulos, peterent; et praeterea, cum in iis quibus adest musculus cremaster, non autem in aliis animalibus, testium situs mutetur; verisimile videtur, hoc musculo ministro, testes in inguina, et dein pondere suo in scrotum, descendere.

Et forte herniae adeo multo in infantibus quam adultis frequentiores, magna ex parte, a dilatatis, ob testium descensum, muscutorum abdominalium annulis, originem ducunt.

C A P. II.

De TESTIUM TUNICIS, et de FUNICULO SPERMATICO in genere; et ex his corollaria quaedam.

§ 1. Testes, omni quidem animanti, tunica arcte conteguntur, *albuginea* dicta; quibus vero extra abdomen humidum collocantur, accedit etiam tunica laxa testem ambiens, *vaginalis* dicta, quae vaporem suppeditat, testem lubricum et liberum, ne cum partibus vicinis concreascit, conservantem.

Homini tunica haec vaginalis undique quam accuratissime clauditur, et eadem fere ratione testem, qua

cor

* Vid. Trew, libro citato, tab. 5. fig. 72.

† Vid. Haller. in pr. lin. physiolog. § 843.

cor pericardium, complectitur: Quadrupedibus non item; nam quum his sit quasi intestinulum caecum ex peritoneo productum, digitali aptissime confertur*: Quod in quibusdam quadrupedibus, e. c. in forice, luculenter apparet, siquidem in iis testes leni pressione in abdominis cavum trudentur; et licet, ut plurimum, multum juxta muscutorum abdominalium annulos coarctetur, in omnibus tamen specillum facillime ex abdominis cavo in tunicam vaginalem illabatur, et testem tunica albuginea cinctum attingit†. Hinc in homine, aquae intra abdominis cavum congestae, quatenus mole sua venas arctant, hydrocelem forte inter tunicam vaginalem et testem efficiunt; non tamen ulla alia de causa hos morbos a se invicem pendere, et ex anatomico, et ex praxi etiam quotidiana, comprobatur, quum hic morbus illum raro comitetur: In quadrupedibus vero, aquae facillime ex abdomine in tunicam vaginalem incidere, vel ex hac in illud destillare, possunt.

§ 2. Dependent testiculi, et in homine, et in quadrupedibus viviparis, per vasorum sanguineorum, lymphaticorum, &c. fasciculum insignem, *funiculum spermaticum* dictum.

Ejus in homine pars superior, pone *peritoneum*, tela cellulari circumdata descendit; sed dum muscutorum abdominalium annulos pertransit, densa adeo et stipata tela haec cellulosa evadit, membranas quasi mentiens, ut nuper, non apte quidem, funiculi spermatici *vaginae* nomine donetur.

Qua-

* Vid. Monro in Ed. Med. Essays, vol. 5. art. 20.

† Confer tab. 1. fig. 2. 4. 5. cum tab. 4. fig. 4.

Quadrupedum funiculum spermaticum, non tantum intra abdomen, sed etiam intra testis tunicam vaginalem, sustinet et complectitur peritonei duplicatura, non secus ac intestina comprehendit mesenterium; ut in iis tunicam testis vaginalem, funiculi etiam spermatici vaginam appellare liceat, quum haud minus hunc intra illam dicas, quam intra peritoneum vel abdominis cavum viscera abdominalia, haerere.

§. 3. Haec quidem accuratius notavimus, quandoquidem nuperi quidam et celeberrimi auctores, licet jam dicta prorsus intelligere videantur, nihilo tamen secius quaedam proposuerunt, quae, dum sequentibus corollariis, ex structurae discrepantia ductis, repugnant, chirurgiae praxin etiam labefactare possunt.

In quadrupedum herniis inguinalibus, viscera intra tunicam testis vaginalem, ipsi testis tunicae albugineae contigua, conduntur: Homini vero, nisi prius peritoneum ruptum, ac deinde etiam testis tunicam vaginalem dilaceratam fingas, quod qua ratione fiat non video, hoc evenire nequit*.

Testium

* Duos herniosos secui, quorum utrisque sacculus qui viscera conclusit per muscutorum abdominalium annulos, ante vasa spermatica, descendit, quae parti ejus posteriori adhaerebant; musculo cremasteri a vasis spermaticis detruso, et ad sacculi latus externum praesertim expanso. Visceribus intra abdomen retractis, testis minime quidem ad sacculi fundum apparuit; immo, inter hunc et tunicae testis vaginalis partem exteriorem, intercessit tela cellulosa densissima et stipata. Saccus incisus glaber a parte interna et a peritoneo dimissus videbatur.

Attamen quum peritoneum tenue et debile sit, et per muscutorum abdominalium annulos protendatur, haud immerito suspicari licet
hernias

Testium quadrupedum exsectio herniam inguinalem recidivam praevenire potest, propterea quod testis tunicam vaginalem, i. e. saccum qui viscera concludit, simul auferat. Sed testes in homine hernioso praecidere, ut crudele, ita supervacuum esset, quum aegro, ab iterato in morbum lapsu, securitatem praestare nequeat.

Eandem etiam ob causam, operationes chirurgicae, *punctum aureum* et *sutura regia* dictae, apte satis quadrupedibus respondent; tunicae enim eorum vaginalis angustatio, quam in quibusdam satis amplam esse supra notavimus, viscerum prolapsum procul dubio impediret. In homine vero, funiculi spermatici tela cellulosa, vel, ut loqui amant, vasorum spermaticorum vagina, quantum libet coarctetur; herniae tamen recidivae, angustatio haec et constrictio, nulla ratione obstare potest. Ut igitur hae operationes, utcunque excultae, in hominis commodum quovis modo cedant, in ipsum tantum peritonei saccum a visceribus detrusum instituendae sunt, et eo solum consilio, ne intestina in illum, non autem ne in vasorum spermaticorum vaginam inepto dictam, relabantur.

C A P.

hernias saepenumero, si ex vi subita morbus incidat, ex rupto peritoneo provenire, et viscera in telas cellulosas delapsa sibi ipsis saccum efformare, qui brevi in parte ejus interna, per viscerum lubricitatem, laevis et a peritoneo quidem continuatus apparebit. Allquando tamen peritoneum foras expelli et subito quidem, ex eo patet, quod peritonei saccus intro cum visceribus quandoque simul reponi potest.

C A P. III.

De ARTERIIS et VENIS SPERMATICIS.

§ 5. Hominis, quadrupedum viviparorum, et piscium forte cetaceorum, (inter quos et quadrupedes, si situm excipias, quod ad testium fabricam convenit *,) *arterias spermaticas aorta* plerumque sub renalibus generat. Hae arteriae, praesertim ad ortum suum, pro testium mole minores videntur, quam in aliis visceribus; et totius corporis, pro diametri tenuitate, longissimae sunt.

Homini, ut plurimum, paullulum flexuosa, aliquando fere rectae, pone peritoneum descendunt; et quamvis multos ramulos partibus vicinis emittant, non tamen, ea ratione qua caeterae arteriae, quae similem ramorum numerum edunt, decrescunt. Ad aliquot tandem digitos supra testiculum, in tres quatuorve ramos insignes dividuntur †.

Omnibus quae incidimus quadrupedibus, forici, scil. erinaceo, cani porco, ariet, capro, tauro, equo, miris modis arteria haecce contorquetur; et, quod non minus admiratione dignum, trunci arteriae diameter, quamplurimis etiam ramulis emissis, sensim augetur, donec testem ipsum attingat ‡. Ut unum ex multis

VOL. II.

T t

ad.

* Haec non tantum ex analogia, sed ex Raii etiam observatis, constant, quem vide (in Phil. Transf. No. 74) de Phocaena.

† Vid. tab. 1. fig. 1

‡ Vid. tab. 3 fig. 5. et tab. 4. fig. 1. 2. 3.

admirandi hujus artificii exemplum proferam: In porco, arteria spermatica pone peritoneum serpentino ductu pergit, ad duos vero tresve supra testem digitos mirum in modum glomeratur. Hanc partem abscidi ponderavi, mercurio replevi, et quanto pondus auctum esset notavi; arteriae dein diametri circa partem ejus mediam mensura accurate praefinita, et calculo ex datis instituto, hujusce arteriae portionis longitudinem quinque pedes, et ultra, superare comperi. Ne vero errorem in calculis subducendis irrepsisse diceretur, cincinnos omnes postea, dissoluta laboriose tela cellulosa, ad quinque pedes cum dimidio produxi.

Rarus sane et insignis hujus arteriae decursus, in quadrupedibus praesertim, fluidorum impetum eo usque minuit*, ut in ea, post mortem, sanguinis copiam majorem quam in aliis arteriis invenerim. Hinc igitur, si uspiam in arteriarum ramis majoribus, humorum particulae homogeneae se mutuas attrahere valebunt: Hic loci certe seminis partes coire incipient atque adeo non immerito arteriae spermaticae a veteribus *praeparantes* dicibantur.

In quadrupedibus oviparis, rana, scilicet, bufone, et salamandra, arteriae spermaticae ex testium situ breves sunt et rectae decurrunt.

Avibus, exemplo sit gallus gallinaceus, duae vel tres in utroque latere arteriae spermaticae observantur: Quarum superior et major ex aorta, inferiores ex arteriis renalibus, et ad rectos fere angulos, originem ducunt. Brevissimae sunt; sed intra testem in ramos divi-

* Pulsus in arteriis quadrupedum spermaticis, priusquam testem attigerint, deficere, vero haud absimile videtur; sed nondum in vivo animali experimentum feci.

dividuntur qui ad truncos insignem rationem habent, quo quidem sanguinis vis haud parum imminuitur.

In piscibus cartilagineis et osseis, ex aorta descendente arteriae plures oriuntur, quae per testes disperguntur: Sed quum nihil in earum decursu et distributione, nisi quod in aliis visceribus obtinet, observandum veniat, sanguinis motus forsan, qui in omnibus praeter arterias branchiales tardus est et aequalis, femini secernendo sine alio ullo insigni artificio aptus esse poterit. Utraque enim classis unicum tantum cordis ventriculum obtinet, ex quo arteria aorta dicta, sed quae pulmonalis aptius diceretur, egrediens, tota in branchias per innumeras arteriolas capillares impenditur. Ex hisce venae reduces in majores iterum ramos coalescunt, et, emissis ad caput et ad pinnas anteriores ramis arteriosis, in unum tandem truncum coeunt, qui partes aortae descendentes suscipit, in quo sanguis motu lento et aequabili sine pulsatione fertur*.

Aliud notatu dignum discrimen, inter has jam dictas animalium classes, et inter hominem et quadrupedes viviparos, animadvertatur: Illis, scilicet, arteriae spermaticae supra arterias renales originem ducunt. Et exinde apparet, quam minime tutum sit ex paucorum animalium inspectione regulas generales colligere, e. c. sanguinem, priusquam tenuem, acrem, et faeculentam urinam dimiserit, femini miti et viscido secernendo prorsus ineptum esse. Sed ponamus etiam arterias spermaticas omnibus animalibus infra arterias renales ortum duxisse: Nonne ineptum esset in animum inducere,

* Vid. Du Verney, Mem. de l'Acad. des Sciences, 1699 et 1701, de capione; et Raium in Willoughbei hist. piscium, lib. 3. de piscibus cartilagineis.

cere, ramos ex majoribus arteriarum truncis emissos, majorem vel minorem, harum vel illarum partium, copiam abducere; quum alternis cordis et arteriarum succussibus, et motu quidem contrario, agitentur et inter se intime misceantur sanguinis partes?

§ 2. Hominis, et omnium fere quadrupedum viviparorum, eorum potissimum quae scrotum laxum et pendulum gerunt, *venae spermaticae*, e testiculo egredientes, e plurimis ramis serpentinis conficiuntur, qui, sive numerum sive eorum amplitudinem spectes, multo majore quam in aliis glandulis ratione arterias superant, et in plexum longissimum contexuntur, in quo nunc plures venulae minores in ramum majorem coalescunt, et is denuo in plures ramulos diffunditur, donec tandem in unum truncum coiverint.

In corpore humano et plerorumque quadrupedum, venae hae ad renes fere usque ascendunt, antequam se in alias venas majores exonerent. In nonnullis, ut in forice, in venas iliacas; in aliis, ut in erinaceo, ad mediam circiter distantiam inter venas iliacas et renales, in venam cavam, inferuntur.

In omnibus quae de industria virorum secui cadaveribus, valvulas in hac vena semper, varias quidem et loco et numero, inveni: Vel, scilicet, ad ostium, in venam cavam in dextro latere, et in venam renalem in sinistro; vel in venae trunco infra ostium; vel in ramis majoribus: In plerisque unum tantum vel duo, in aliis vero quinque vel sex, valvularum paria vidi *.

Necque

* Vide hominis venam spermaticam delineatam ad tab. I. fig. 2. et rationem art. ad venam ad tab. I. fig. 3.

Neque hic loci silentio praeterire possum, quod in mulierum venis spermaticis dictis (et quinque consulto earum cadavera exploravi, ex quibus tres gravidae erant, et iis venae spermaticae vehementer mole auctae), ne quidem valvulam unam vidi. Et haec quidem observatio theoriae etiam consentire videtur, quum mulierum venae spermaticae musculorum abdominalium annulos non pertranseant, et hinc vagis musculorum succussibus non adeo subjiciantur; et praeterea valvulae fluxui menstruo impedimento essent, ut forte earum defectus non immerito inter menstruorum causas praecipuas haberi possit.

In plerisque quadrupedibus viviparis, venae spermaticae valvulis creberrimis muniuntur; in nonnullis, ut in forice et erinaceo, paucae, si ullae, adsunt.

Venae forte spermaticae eo usque intra corpus ascendunt antequam in venas majores aperiantur, ut sanguinis a teste reditus, per venarum plexus longissimos, magis retardetur. Nihil enim omnino columinae, ex venis spermaticis productis, altitudini auctae tribuimus; quoniam, quum sanguis ad cor tandem feratur, ejus pressio tantum supputanda ex cordis supra testiculos altitudine perpendiculari, nulla omnino venarum longitudinis, antequam se in truncos exonerent, ratione habita. Valvulae forsan magis in quadrupedibus scatent, ut venas, inter quadrupedum violentiores motus et conatus, roborent, et sanguini repulso fortius obstant et resistent.

In aliis animalium classibus, venae spermaticae breves, rectae, et sine valvulis, plerumque in venam cavam; in nonnullis ex piscibus osseis, e. c. in halece,

in

in ipsam cordis auriculam, inferuntur: Sed in earum distributione nihil insigne annotavimus.

§ 3 Vias patentes, per quas sanguis ex arteriis spermaticis in venas comites effunderetur, unanimi fere consensu anatomici descripserunt et delinearunt*: Usque dum Graafius primus, et apto quidem experimento, hanc sententiam convellere ausus est†; Lealis tamen postea, si non patentes, insolitas saltem vias, experimento in vivo animali capto et aliis argumentis, defendit‡; et nuper vias patentes per injectionem cereaceam detectas et delineatas, Mortimerus iterum in scenam introduxit§.

Quum vero horum pro iis pugnantium experimentorum fallaciam luculenter adeo Martinus indicaverit¶; et accuratissimi anatomici hodierni eas frustra perquisiverint††; nobis omnino supervacaneum esset de his quae ex utraque parte dicantur pluribus differere; superest tantum, ut, quae ipsi de hac re fecerimus experimenta, quam brevissime exponamus.

In hominis arterias spermaticas, cerae et sevi, p. æ. liquefactas et cinnabare rubefactas, violenter, non semel injeci; nec tamen in venam comitem transiisse unquam observavi.

Testiculis

* Vide G. Martini commentaria in tab. Eustachii 12.

† Graaf de virorum org. p. 24. et 25.

‡ Lealis περί σπερματιζόντων οργάνων exercitatio epistolica.

§ Mortimer. in philos. trans. vol. 36. No. 415. p. 373.

¶ Martin. in Ed. Med. Essays, vol. 5. art. 19.

†† Winslow exp. anat. traité du bas ventre, § 481. Monro Edin. Med. Essays, vol. 5. art. 20. Haller pr. lineae phys. § 778.

Testiculis autem in aquam tepidam immerfis, axungia porcina, cinnabare tincta, in arterias spermaticas injecta per venas quidem rediit. Non tamen, hac de causa, ad vias insolitas confugendum; quum idem in aliis visceribus, v. c. in renibus, contingat, ubi nemo quidem, praeter Mortimerum, de viis sanguinis insolitis somniarit. Praeterea, summa licet cum sollicitudine vasa repleta secuerim, nullam tamen anastomosen oculo nudo detegere potui.

Mercurius etiam in arterias spermaticas infusus, multos ramulos minutissimos replet; et tamen, nisi insigni pressione adhibita, ejusque columnae altitudine lente et prudenter aucta, in venas non transibit; quae tamen adhibita, transire comperi: Adeo, ut praeter vias quae inter omnes arterias venasque corporis intercedunt, aliarum ne quidem suspicio superlit.

Iisdem omnino rationibus, eodem cum eventu, in quadrupedum viviparorum arterias spermaticas, experimenta similia institui. Et quoniam, si necessariae essent tales anastomoses, omnibus animalibus adessent; eas etiam in avibus et in piscibus ossibus, neque feliciore exitu, indagavi.

Refutatis viis hisce inter arterias venasque spermaticas insolitis, usus varios dictos, sanguine scilicet crassiore arterias orbandi, &c. argumentis refellere inane esset; praesertim cum etiam testis recentis sectio, arterias et venas multas et insignes sanguine plenas coram oculis sistens, hujusmodi fabricae manifesto repugnet.

C A P. IV.

De TESTIUM Vasis Lymphaticis in genere.

Multa quidem et magna, in quadrupedibus viviparis vivis, per funiculum spermaticum decurrentia, vasa lymphatica conspiciuntur, quae ex testium tunicis ortum ducere videntur. Ea et in quadrupedum, et in hominis cadavere, arte quadam, haud adeo difficili, liquoribus coloratis replere licet *: Quod in praesentia silentio praeterimus; quum in animo sit de vasis lymphaticis in genere seorsim agere.

C A P. V.

De TESTIUM Sensibilitate.

Nervis testem scatere, et ex anatome comprobatur †, et satis argumenti est dolor quem vix effari possumus et languor qui ictus ejus et contusiones individui commitantur, et quod testium tumores non raro morbos atrocissimos inferant ‡.

Adeo

* Vide vasa lymphatica mercurio turgida ad tab. 1. fig. 4. 5. 6. tab. 2. fig. 10. tab. 3. fig. 5. tab. 4. fig. 2. et 4.

† Vid. accurat. Hallerum in pr. lin. phys. § 780.

‡ Ex tumore testis, in uno apoplexia, in altero hemiplegia. Vid. commerc. literar. Norimberg. an. 1735. p. 267. Ex tumore testis epilepsia, et ex testis laesione, maxillae inferioris convulsio. Vid. auct. citat. a Th. Bartholin. in anatom. cap. 22. A compressis testibus convulsiones et tetanus. Vid. Haller. in Boerh. instit. § 647. not. e. ubi varii citantur auctores.

Adeo inter se similes videntur testium et intestino-
rum doloris sensus, ut, si ex analogia ratiocinari lice-
ret, in testium inflammationibus pulsus celer et durus,
sed tamen contractus esset*, qualis in intestinorum
inflammationibus ab auctoribus practicis observatur;
quum haud a vero alienum videatur, pulsus contrac-
tum, a corde et arteriis, per partium sensum exquisitum
et plusquam dolorificum, et nervorum etiam nexum,
irritatis et spasmodice affectis provenire. Si, quod
hic loci pro conjectura tantum ponimus, experientia
roboretur, tunc certe venis sanguinem detrahere, us-
que dum pulsus plenior et fortior evadat, ut intestino-
rum, ita apte etiam testium inflammationibus congru-
eret.

C A P. VI.

TESTES *recentes dissecti*, et VASA SANGUINEA *intra*
TESTES *descripta*.

Hominis testiculi, tunicis abscissis, carnem attentis
oculis lustrantes, totam fere ex fibris albicantibus co-
agmentatam clare cernimus, quas, infra, tubulos cavos
esse, experimentis haud dubiis evincemus, mire qui-
dem tortuosos et implicatos, et molles adeo tenerosque,

Vol. II. U u ut

* Et nonne hoc innuit Galenus de praefagatione ex pulsibus, lib.
4. ? Ex testibus inflammati pulsus non ita durus ac magnus est.
Quae enim partes arteriosae et venosae sunt, majores pulsus excitant;
quae nervosae, aut omnino nihil aut parvos, at tetanos generant et
spasmos.

ut eos ultra paucos digitos expedire difficile sit ; neque eorum origine ; neque glandulis aut folliculis, oculo etiam apparatu optico armato, unde ductus originem traxisse suspicaremur prorsus ; neque finibus, quantum satis est, perspectis.

Quadrupedibus viviparis, et piscibus cetaceis, eadem fere omnino testium fabrica obtinet : Nonnullis quidem, ut erinaceo, tubuli hi humanis minores sunt ; aliis, v. c. cani, apro, equo, ejusdem fere sunt diametri ; aliis, e. c. arietis et tauro, paululum majores ; et paucis, muri scilicet, et apertius adhuc forici, multo ampliores nec adeo involuti conspiciuntur *, neque aegre in insignem longitudinem extrahuntur.

Ductuum horum flexus tela subtilissima cellulari colligantur ; ut, si hanc prius aqua mollias et dissolvas, leni in aquis agitatione facilius explicentur ; vel, si vini spiritum affundas, qui iis robur et firmitatem quandam conciliat, promptius producantur. Neque tamen hac ratione eorum origines, neque ductus minores in majores coeuntes, retegere potui, sed ejusdem omnes diametri videbantur.

Hominis et quadrupedum viviparorum testiculi, septulis membranaceis crassis satis et ex ordine collocatis divisi, a quibusdam anatomicis describuntur et delineantur † ; dum alii membranas has omnino rejiciunt, et ductus tantum esse excretorios, aut vasa sanguinea quae pro iis auctores descripserint, autumant. Hominis vero et plurium quadrupedum, hac de causa, testiculis accurate dissectis, mihi saltem videntur tenuissima

* Vide tab. 4. fig. 3.

† Graaf de vir. org. tab. 3. et 4. Claudius Uberius in Phil. Trans. No. 42.

ma membranacea involucra, septula vix dicas, ex tunica testis albuginea provenire, et ductus serpentinus, non in decem aut viginti fasciculos, sed in multo plures colligere, unumquemque fasciculum ambientia, non tamen his accurate adeo intercedentia, ut omnem omnino ductuum intertextum intercipient; vix enim, nisi dilaceratis ductuum serpentinarum nonnullis, a se invicem diducuntur fasciculi, et in eorum interstitiis arteriae et venae spermaticae rami majores decurrunt.

Inter hominem vero et quadrupedes hoc maxime interest, quod in illo a parte testis superiore, a reti scilicet ductuum spermaticorum dicto *, hae membranae descendunt; in his vero, ab omni testis ambitu, ad lineam fibrosam partem ejus mediam occupantem convergunt †.

Arteria hominis spermatica, ad aliquot supra testiculum digitos, ramum insignem, qui epidydimidi praecipue impenditur, dimittit; dein dividitur, plerumque in duos, aliquando in tres ramos praecipuos, qui tunica albuginea perforata, per testiculi latus internum, emissis undique ramulis, serpentino cursu progrediuntur, et ad testis oram inferiorem reflectuntur; et inde per latus ejus externum ascendentes, toti ramulis minutissimis in ductus serpentinus tandem insumuntur ‡.

Arteria spermatica, in omnibus fere quadrupedibus, testiculi partem superiorem, globum epidydimidis minorem versus, flexuosa percurrit, inter quem et testem descendit, et deinde testis partem inferiorem ductu venuste

* Vid. infra ad cap. 7. § 1.

† Vid. infra ad cap. 8. § 1. et ad tab. 3. fig. 5. et tab. 4. fig. 5.

‡ Vid. tab. 1. fig. 1.

venuste flexuoso perrepat, ramulos per ductus tortuosos dimittens.

Hominis venulae spermaticae, eadem fere ratione qua arteriolae, testium ductus serpentinis ramusculis suis ornant; sed earum rami majores, per testis carnem mediam, ad rete testis recti fere ascendunt, ut si testem, non scalpello, sed digitis pandas, septula Graafiana, quanquam non adeo compositi et ordinati sint, tamen haud parum referant.

In quadrupedibus, plures venulae minores, lineam fibrosam versus, Highmori corpus dictam, convergunt, et in ramos majores conjunctae, secundum illam decurrunt.

Quanquam omni procul dubio sit arterias in ductus serpentinis semen tandem deponere, rationem tamen, qua intercedat haec communicatio, frustra et in homine et in quadrupedibus in conspectum ducere contendendi, seu quidem oleum terebinthinae, seu axungiam porcinae cinnabare tinctam, injecerim: Nec prospere magis cessit mercurii infusio, quanquam per venas pleno rivo redierit, et, iis vinculo constrictis, columnae altitudinem, usque dum arteriae crepuerint, lente auxerim; attamen mercurii guttulam intra ductus serpentinis se insinuasse nunquam persensi, etsi innumeri prorsus arteriarum et venarum ramuli, iis diametro multum cedentes, per totum fere testem mercurio replerentur. Nec me quidem latet D. Ed. King * afferuisse, se quidem, hac ratione, testis ductus in homine liquore spiritioso colorato implevisse; sed figurae et earum expositio adeo parum accuratae non levem erroris

* Vid. Lowthorp's abridg. of Philos. Transf. v. 3. p. 193.

roris suspicionem movent. Et tamen id fieri posse nullus dubito; immo potius nostri experimenti eventum parum felicem liquoribus nimis crassis tribuimus.

Si avium majorum, galli gallinacei, anatis, vel aliorum, testes inspiciamus, massae gelatinosae rudis et incompositae, quam vasa sanguinea percurrunt, speciem exhibent: Attamen experimentis postmodo afferendis patebit, totam fere iis etiam testis molem, ut homini, ductibus flexuosis et implicatis consilari; quorum tamen tunicae tenues adeo sunt, ut, si liquore colorato non repleantur, lyncei visus aciem prorsus effugiant.

In quadrupedibus oviparis, rana scilicet et bufone, testes ex plurimis globulis fiunt. In salamandra, testis in utroque latere duobus vel tribus lobulis discretis, et unusquisque lobulus ex sphaerulis, sinapi feminis instar, vasis sanguineis pulcherrime pictis, constat, quae lanceolae cuspidae punctae liquorem subflavum effundunt.

In raja-laevi, quam piscium cartilagineorum exemplum proponimus, testis ex multis lobulis figurae enormis sibi invicem adhaerescens componitur; et eorum unusquisque ex pluribus sphaerulis minimis, magis adhuc perspicue quam in quadrupedibus oviparis, conficitur †.

In piscibus ossis semen in receptaculum amplum deponitur, quod in quibusdam per septula membranacea tenuissima dividitur, ut in halece; nonnullis amplam vesicam sine septulis refert, ut in anguilla. In aliis ejus tunicae crassae sunt et glandulosae; in aliis subtiles

† Tab. 5. fig. 4. et 5.

subtiles adeo ut ne quidem glandulae quid simile appareat.

C A P. VII.

Ductuum SEMINIFERORUM in Homine progressus.§ 1. *Quae de iis prodiderunt auctores celeberrimi.*

Quanquam inter anatomicos constet, semen in testibus secretum, per epidydimida et vas deferens progredi, subtiles tamen tenerosque canales, quos semen percurrit, in conspectum ducere et examini subijcere, arduum adeo inventum est, ut, ante accuratissimum Hallerum, Graafius solus ad veritatem cominus accessisse videatur. Graafius † testium ductus serpentinos (quos, si absque ruptione dissoluti sibi invicem annecterentur, facile viginti ulnarum longitudinem excedere supputat), in plures ductus rectos coeuntes descripsit, qui intra tunicam albugineam, secundum testiculi longitudinem, ad partem ejus superiorem decurrunt, et deinde in sex vel septem tenuissimis ductibus e testiculo per tunicam albugineam erumpentes, et de latere in latera curvati, majorem epidydimidis globum constituunt; in eoque simul concurrentes, uno tantum ductu ad vesiculas seminales excurrunt; ejusque longitudinem ad quinque ulnas aestimat. Quanquam Graafius haec quidem perspicue et descripserit et delinearit, fidem tamen apud alios ejusdem temporis anatomicos, et qui eos etiam subsecuti sunt, non impetravit: Et omnes fere

† Vid. Graaf. de virorum organis.

fere anatomici accuratissimi hodierni, de ductibus Graafianis ex teste prodeuntibus, vel obscure admodum loquuntur, vel eos in dubium revocant; et, quodad epidydimidis structuram, huic disertis verbis contraria edocent, eam ex pluribus tubulis in vas deferens tandem coalescentibus conflari contendentes *. Et, si quidem ponamus epidydimida ex duobus vasculis fieri, ni haec, priusquam scalpello ea explicare aggredimur, liquore colorato repleantur, alterutrum eorum sectum vix cerni poterit.

Nuper vero ingeniosus et acutissimus Hallerus †, difficillimum esse harum partium structuram, sine erroris periculo, scalpelli tantum ope detegere, praesentens, eos immisso ex vase deferente argento vivo, replere conatus est; neque frustra experimentum instituit: Fluidum enim et ponderosum metallum per totum epidydimida ad testem usque refluxit. Ita ex testis parte superiore *vasa recta* prodeuntia vidit; dein intra tunicam albugineam mutuis anastomosis conjuncta, quam ductuum inosculationem *rete testis* aptissime dixit; ex eo *vasa efferentia* decem vel duodecim oriuntur, quae per vasa plicata vel conos vasculo-

fos

* Winslow Exp. Anat. traité du bas ventre, § 488. Ravius in It. Angl. 114. Multa et anastomosis conjuncta vasa esse credidit. Heister comp. anat. de part. genital. § 225. p. 95. Omnia vero haec vascula tandem in unum ductum vas deferens dictum abeunt. Cheselden in anatom. p. 266. says, *He has unravelled the vas deferens backwards, first into a single vessel, and then into more and smaller, like the excretory vessels of other glands.* Hambergerus in Physiol. § 489. Epidydimidis minorem crassitiem acquirit dum plura vascula in pauciora abeunt. Et alii.

† Haller in Phil. Trans. No. 494. § 12.

fos desinentia, *epidydimidis caput efficiunt* † : Et Graafio assentitur, vasa haec cito in unum canalem coire apparere, qui variis suis flexibus totam reliquam epidydimida constituit, et qui explicari queat, et ex plicis per cellulosa revinctis resolvi : Ipsum vero id perfecisse, graphice et perspicue pro more suo non asseruit ; neque aliud ullum experimentum, quo de hujus rei veritate constaret, proposuit.

§ 2. TESTICULI *Ductus flexuosi, infuso Mercurio, examini subjiciuntur.*

Quum inter mercurii infusionem, ipse neque syringis neque digitorum pressionem inaequabilem adhiberem, sed caute admodum et lentissime mercurii prementis vim apparatu quodam auxerim ‡, ut neque plus minutve quam sufficeret pressionis esset ; summa cum cura omne semen prius exprimens, et partes in aquam tepidam mergendo laxarem : Exinde forte mihi felicius quam aliis cefferat hoc experimentum ; non tantum per epidydimida, sed per quamplurimos etiam testiculi ductus flexuosos refluyente mercurio ¶. Et in genere annotavi, Ductuum numerum censum consuetum multum superare : Quanquam multos pollices, immo aliquot pedes, refluxerat mercurius ¶, cylindricos tamen omnes, nullis emissis ramulis minoribus, videri : Quum vero

† Tab. 3. fig. 1.

‡ Vid. tab. 5 fig. 6.

¶ Vid. epidydimidis et testium ductus spermaticos mercurio turgidos ad fig. 2. 4. 5. 6. tab. 1 et ad omnes tab. 2. figuras.

¶ Praesertim in vase d. fig. 4. 5 et 6 tab. 1 quod microscopio illustratum accuratissime ad ejusdem tab. fig. 12. delineatur.

vero ad rete testis, jam dictum, fere accedant, rectos ad lineam et ultra decurrere, et plures ex ductibus rectis adunatos in rete se exonerare.

Ut vero plenior et clarior ductuum testis feminiferorum conspectum exhibeamus, eorum diametrum, numerum, uniuscujusque dein longitudinem, et hinc flexuum numerum quem ab origine ad rete testis usque perficiunt, ad calculum revocare liceat. Non difficillimum inveni ductuum qui mercurio turgabant diametrum accuratissime dimetiri, quum in multis locis ductus tres vel quatuor contigui sint, et post accuratissimas mensurationes, plus quam simplici vice repetitas, eos ad $\frac{1}{128}$ pollicis aestimo. Cum vero mercurius ad ductuum originem non refluxisset, ni, quantum mercurii pondus eos distraxerat, notum esset, calculum ex eorum diametro cum testis mole collata instituire ineptum esset. Ductus igitur octo vel decem ex testiculo recenti, mercurio non repleto, explicui, ad latera inter se composui, et, capta mensura, uniuscujusque diameter ad $\frac{1}{256}$ pollicis circiter tantum ascendit; unde mercurii infusionem ductuum diametrum ad rationem 10 : 6. i. e. 5 : 3 adauxisse apparuit. Testiculum dein, tunica albuginea abscissa, in aquam immersum, cylindro $\frac{5}{4}$ pollicis lato et pollicem alto aequalem notavi: Et quoniam inter se cylindrorum lumina sunt ut diametrorum quadrata, testis ex 62,500 ductibus constabit, quorum singuli pollices longitudine sunt; unde, si omnes sibi invicem in unum ductum anneckerentur, 62,500 pollices, i. e. 5208 pedes et pollices 4 longitudine expleret.

Antea testem in multos ductuum fasciculos dividi, qui conicae quasi figurae sunt, et conorum apices reti

testis affigi observavimus. Unicum fasciculum, quantum fieri potuit, accurate exsecui, (tubulorum enim fasciculos ad origines suas paullulum implicari supra notavimus), ponderavi, et testis totius $\frac{1}{120}$ pondere aequalem comperi. Hinc igitur, si unusquisque fasciculus unum tantum ductum contineret, ejus longitudo pedes 34 et pollices 8 excederet; accuratissime vero teste, mercurio injecto, explorato, omnes tales fasciculos binos ductus tenere, qui ad rete testis in unum ductum rectum conjunguntur, animadverti. Unde uniuscujusque longitudo pedes 17 et pollices 4 superabit. Haecenus arteriarum, venarum, nervorum, &c. ramulos, qui intra testem scatent, in rationem non adduximus; sed, in cadaveribus, testis tertiam partem ad plurimum vix occupant; qua etiam subducta, uniuscujusque ductus longitudo duodecim circiter pedes explebit. Sin autem flexuum numerum supputemus etiam, vereor ne fidem superet; vix enim ultra $\frac{1}{40}$ pollicis eundem cursum rectilineum servant, ita ut, ab origine sua ad testis rete, flexus 5760 singuli perficiant.

Hinc testem animo depingamus, quasi ductuum 300, qui vasis sanguineis ornantur, congeries esset, quorum uniuscujusque diameter $\frac{1}{800}$ pollicis sit, et ejus longitudo pedes circiter 12, flexus 5760 ab origine ad finem perficiens.

§ 3. *Epidydimidis Mercurio repletae structura experimentis proditur.*

Hanc admirabilem, immo vix credibilem testium fabricam prorsus obstupefcimus; nec tamen minus admiratione

miratione dignum videtur, omne postea semen per canalem unicum, paulo tantum dictis ampliozem, multo vero longiorem, et crebrius adhuc plicatum, epididimida, scilicet, transire.

Cum anatomici accuratissimi adeo inter se de hujus organi fabrica dissensissent *, maximam in illo explicando difficultatem subesse credideram: Quapropter, ut, de ejus fabrica, ex facili et certo certius constaret, sequentia experimenta prius exposueram †; nempe si, inter infundendum mercurium, ullae epididimidis parti, praeter caput ejus, vas crepuerit, vel si unum tantum vas vinculo constrinxerimus, nos frustra, ultra rupturam aut vincturam, mercurium propellere conari. Vel, si epididimida transversim dissectuerimus, deinde mercurium vi insigni in vas deferens adegerimus, per unicum tantum epididimidis sectae orificium profilire. Quae quidem experimenta extra dubitationem clare evincunt, totam epididimida, praeter caput, unico funiculo miris modis flexo constare, dum in quibusdam animalibus, ut postea patebit, organorum tenuitas aut structurae perplexitas nullum aliud hujus rei veritatis argumentum perspicuum admittunt. Ex illo autem tempore, epididimida mercurio turgida, variis in partibus, in vas unicum subtile saepius resolvi, ne quidem mercurii guttula effluente.

Unicum esse canalem jam comprobato, longitudinem ejus supputemus. Quo loco coni vasculosi in unum conjunguntur, canalis hic tenuissimus apparet, et, dum epididimidis globum minorem versus progreditur,

* Supra citat. ad cap. 7. § 1.

† Edin. Physical Essays, v. 1. art. 16.

ditur, paullulum fenfimque craffior fit; ad globum minorem subito magis ampliatur, et, paucis exinde flexibus factis, vas deferens evadit. Exinde non multum a veritate decedes, fi canalem huncce, mediam circiter epidydimida, dimetiariis, et pro regula, in calculis subducendis, ponas. Accuratiffimis hac ratione menfuris in variis cadaveribus captis, diametrum ejus $\frac{1}{80}$ pollicis aequiparantem inveni*. Epidydimide ponderata, dein mercurio infuso repleta, iterumque librata, pondus ejus drach. ii fs. auctum animadverti. Argentum vivum, quo ufus fum, aquam 13 pondere superavit. Ex hisce datis †, calculis subductis, apparet, hujusce canalis longitudinem 30 pedes et pollices 11 excedere, et quum, communi flexuum ratione habita, vix ultra $\frac{1}{30}$ pollicis rectilineus progrediatur, 11,100 flecti.

Ex dictis patet, semen, a ductuum serpentinorum intra testem origine ad vas deferens usque, vasa percurrere, quae singula 16,860 plicantur, et, fi in rectitudinem exporrigantur, 42 pedes longitudine excederent.

§ 4.

* Hujusce canalis vero magnitudo ad tab. I. fig. 7. exprimitur.

† Pollex cubicus 8145 $\frac{5}{11}$ tubulos continet, quorum uniuscujusque diameter $\frac{1}{80}$ pollicis aequat—aquae pollex cubicus 253 gr. Troica ponderat, (Vid. Phil. Transf. vel 45. p. 447.) Hinc aquae uncia = $\frac{480}{253}$ pollicis cubici, et argenti vivi unc. i. = $\frac{480}{253}$ pollicis cubici per 13 divisum, i. e. = $\frac{480}{3289}$; itaque argenti vivi drach. ii. = $\frac{60}{3289}$ et drach. iifs. = $\frac{150}{3289}$. Idcirco denique 3289 : 150 :: 8145 $\frac{5}{11}$: ad ductuum numerum unius pollicis longitudinis qui in drach. iifs continentur, vel ad pollicum numerum in epidydimide, i. e. ad pollicis 371 et ultra, vel ad pedes 30, et pollices circiter 11.

§ 4. *De Vase deferente.*

Vas deferens, cavitate tantum exigua donatum, cylindricum ad finem fere pergit, dein ampliatur, et serpentino ductu progreditur; adjunctis, ad feminis majorem copiam retinendam, loculis aut receptaculis*.

C A P. VIII.

De Ductibus feminiferis in aliis animalibus.§ 1. *De iis in QUADRUPEDIBUS VIVIPARIS.*

Vias feminis in quadrupedibus nunc consectemur, quae anatomicis parum adhuc innotuere, et difficilioris etiam quam in homine indaginis sunt, quoniam liquor coloratus aegrius in eos regreditur.

Sed, ut sua cuique reddamus, quae de iis auctores prodiderunt, paucis imprimis attingere liceat.

Highmorus †, qui quadrupedes potissimum secuit, ‘In media testis substantia, corpus quoddam teres, album ac densum, vasi deferenti haud dissimile, nec minus, sed nulla aut perobscura saltem cavitate donatum, detexit; et, cum nullam aliam, per quam semen ducatur, viam invenerit, illi hoc officium pertinere non dubitavit; et unicum ductum testem parastatae conjungere asseruit.’ Plures subsequentes anatomici,

* Vid. tab. 3. fig. 4.

† Highmorus in disquisit. anatom. lib. i. part. 4. cap. 1. et 2. tab. 10. et 11.

tomici *, cum alios ductus feminiferos non viderint, hanc substantiam exinde cavam esse crediderunt, et Highmori ductum appellarunt : Sed tamen de ejus fabrica alii alia diversissime pronunciarunt.

Alii multi celeberrimi anatomici † omnino cavam esse strenuo abnegarunt : Et hodierni anatomici accuratissimi, qui quadrupedum testes indagarunt, omnes, illud ad ductuum spermaticorum et vasorum sanguineorum stabilimentum tantum ordinatum esse, sed nullam cavitatem obtinere, Graafio suffragantur.

Hanc litem, per mercurii in vas deferens infusionem, dirimere perdifficile expertus sum : Quoniam aliis quadrupedibus magna copia semen in epidydimide colligitur quod exprimi nequit, ita ut omnem injectionem impediat ; et aliis post mortem semen spiffescit. Quum autem, quo loco corpus hoc desierit, epidydimida semper oriri annotarem, et id transversim sectum, propius dein et caute lustratum, poris abundare cernerem, cavum renunciare minime dubitavi, et experimentis instituendis pergere decrevi. In catulum igitur grandiusculum experimentum primum postea instituti, quia verisimile videbatur, semen tenuius et minori copia in juniore animali secretum, refluente mercurio minus obstare ; neque conjectura aberravi ; retrogressus est enim mercurius ad testem usque, sed hic loci vasis disruptis, paucae tantum ejus guttulae testem subierunt, eas autem intra corpus Highmori dictum

* Quorum praecipui sunt, Claudius Uberius, King, Whartonus, Waleus, Bidloo, Fantonus, Leal Lealis, Glisson, Peyerus, H. Barbatus.

† J. V. Horne, Regnerus de Graaf, Swammerdam, Diemberbroeck, Tauvry, Welschius, et alii.

dictum latentes deprehendi †. His incitatis, et cum in adultis et majoribus animalibus mercurii in vas deferens infusionem saepius sed frustra instituisssem, uni valorum semen ex teste efferentium, priusquam plicarentur, tubulum inferere excogitavi. Hac ratione, in porci testiculum mercurii copiam insignem infudi, qui per alia omnia vasa efferentia rediit; et testis tunicis dissectis, per omnes ejus partes vasa plurima convoluta, ejusdem quae in homine est diametri, mercurio turgebant; et teste digitis distracto, ductus flexuosi per tubulos rectos se corpori supra dicto inferuerunt, eodem prorsus modo quo in rete testis in homine se exonerant testiculi ductus ‡. Exinde patet, hanc substantiam reti testis in homine analogam esse, et, quum unicus ductus non sit, plures esse mutuis anastomosibus conjunctos, sequitur.

Ut vero hanc rem clarius adhuc oculis subjicerem, uni vasorum equi testiculo semen efferentium, axungiam porcinam, liquefactam, et cinnibare tinctam, testem versus injeci, quae, caetera vasa efferentia, retrograda, eadem qua in porco ratione, replevit. Inciso testiculo, ductus aliquot serpentinis, non majores quam in homine, axungiam introisse comperi. Ductuum serpentinarum plures in radices rectos conjuncti, multo ampliores et longiores quam in porco, se in corpus medium immerunt, neque vasis rectis mutuae etiam anastomoses defuerunt; et corpus Highmori evidenter ex vasis majoribus quam facile crederes, quamplurimis anastomosis inter se conjunctis, constabat; et ad testiculi extremum,

† Vid. tab. 4. fig. 4. 5. et 6.

‡ Vid. tab. 3. fig. 5.

tremum, statim priusquam vasa efferentia demittat, in rete hoc inferebantur duodecim et plures ductus majores qui inter testis carnem et tunicam albugineam latebant *. Praeterea, arteriae et venae per illud decurrunt, et membranacea involucra illi annectuntur, praesertim in animalibus majoribus; ut non immerito, quum pluribus minoribus, muri, forici, erinaceo desit, Graafius, quanquam veram fabricam ignoraret, ad vasorum sanguineorum et seminiferorum stabilimentum ordinatum esse dixerit.

Omnibus, quos adhuc investigavi, quadrupedibus, muri, scilicet, forici, erinaceo, cani, arieti, porco, tauro, equo, vasa plura efferentia ex reti testis emergunt †, et per conos vasculosos desinunt; qui cito in unum canalem coeunt; qui miris modis plicatus, et animalibus majoribus ultra fidem fere longus, vasis tandem deferentis sub nomine finitur; quod, ut homini, rectum et sine plicis, nonnullis ad finem fere, aliis ad finem usque pergit: Ita ut, praeter retis ductuum situm cum homine in ductibus spermaticis quadrupedes conveniant.

§ 2. De iis in avibus.

In avium vas deferens, gallus gallinaceus exemplo sit, semine prius caute expresso, mercurius immixtus
facili

* Vid. tab. 4. fig. 8. et 9.

† Quanquam enim Cowperus (vide Motte's abridg. of Phil. Trans. v. 2. p. 328.) ductum unicum ex oppositi testiculo prodentem depinxerit, tamen ob diametrum ejus insignem, et cum foricis ductibus efferentibus similitudinem, vid. tab. 4. fig. 2. plusquam probabile videtur, auctorem celeberrimum in errorem lapsum esse, quum membranam externam, ea coercentem, non incidit.

facili negotio in testiculum refluit, et tot ductus flexuosos, qui antea prae sua tenuitate oculorum aciem omnino fugiebant, replet, ut totus jam testiculus ex iis, pulcherrime tunicam albugineam perlucens, conficiatur. videatur.

Ex testis parte interna emergunt ductus recti circiter triginta, qui quartam fere pollicis partem percurrentes, semen in vas deferens flexuosum effundunt; quod ad podicem serpentino cursu descendit, ejus amplitudine multum inter descendendum aucta*. Eorum vero vas deferens dissolutum, hominis et quadrupedum epididymidi longitudine multum cedit; et, cum etiam multo latius et membranis fortioribus confectum sit, hinc expedite magis et ulterius per ductus feminiferos mercurius in avibus regreditur, quam in aliis adhuc animalibus expertus sum: V. c. In galli gallinacei testem ipsum, exsecto vase deferente, unc. iis mercurii infudi, qui prima facie argenti vivi sacculum plenum fere referret; quanquam, uti per incisionem postea inveni, ne quidem mercurii particula ex vasis disruptis effluxerat, neque in arterias aut venas spermaticas sese insinuaverat. Testis ductuum diametro, qui mercurio magnopere turgebant, accuratissime dimensa, hanc $\frac{1}{128}$ pollicis aequare deprehendi: Ita ut, homini, quadrupedibus plerisque, et avibus, testium ductus ejusdem fere sint amplitudinis.

Ex datis dein rationum subductione instituta †, si omnes ductus mercurio repleti in unum conjungeren-

VOL. II. Y y

* Vid. tab. 5. fig. 2. et 3.

† Calculus hac ratione instituitur. Antehac apparuit argenti vivi unc. i. = $\frac{480}{1289}$ pollicis cubici; hinc unc. iis = $\frac{720}{1289}$. Uniuscujusque

tur, is 4011 pollices excederet; ut si ponamus, unumquodque ex vasis rectis efferentibus in binos ductus serpentinos dividi, quod, quantum observare potui, verum est, i. e. si testiculum ex 60 ductibus feminiferis constare ponamus, mercurius in singulis per pollices 66, vel 5 pedes cum dimidio refluxerit.

§ 3. De iis in Quadrupedibus oviparis.

In testitudine, epididymis cum vase deferente, ejusdem fere quae nunc jam in avibus diximus structurae depingitur †.

In salamandra, ex testiculi lobulis 5 vel 6 ductus recti egrediuntur, qui cito in unicum vas deferens conjunguntur; quod eadem fere ratione qua in avibus, sed adhuc magis convolutum, ad podicem retrogreditur ‡.

De ranae et bufonis ductibus spermaticis nondum mihi constat, quum eos tempore opportuno haud indagarim, et hac anni tempestate vix apparent.

§ 4.

cujusque ductus diameter $= \frac{1}{120}$ pollices; et hinc circuli, cujus diameter pollicem lata sit, lumen erit $= 14400$ ductuum serpentinarum luminis: Et quum circulus, ad diametri quadratum fere sit, ut 11 : 14, numerus 14400 per 11 dividatur, et dein per 14 multiplicetur, numerus hinc productus 18327 erit $=$ ductuum numero unius pollicis longitudinis, qui in pollice cubico continentur.—Exinde 3289, i. e. partium numerus in quas pollex cubicus dividitur, erit ad 720, ut 18327, i. e. ductuum numerus quos pollex cubicus continet, sit ad ductuum numerum unius pollicis longitudinis, i. e. ad pollicum numerum quae mercurio replentur: Vel 3289 : 720 :: 18327 : 4011.]

† Vid. Aristinos, dissection des quelques animaux.

‡ Tab. 5. fig. 1.

§ 4. *De iis in Piscibus cartilagineis.*

In piscibus cartilagineis, laevi-raja exemplo sit, testis substantia alba medullosa obducitur; utrum vero haec ductuum feminiferorum tenuissimorum plexus sit, an potius feminis receptaculum, nondum comperi: Sed utcunque sit, ex eo plures fibrae producuntur, quae, cum certe cavae sint et epidydimidis capiti annectantur, vasa recta efferentia dicas. Epidydimis, quae maxima in iis observatur, evidentissime ex vasis convolutis componitur, quae, dum anum versus retrogrediuntur, ampliantur, et ad partem posteriorem ex unico canali (prout, mercurio infuso, experimentis supra dictis comprobatur, dissolutionem enim non finit ejus mollities), epidydimis certissime conficitur. Vas deferens praeterea, perinde atque avibus, cursu flexuoso progreditur, ut, si epidydimida cum vase deferente in rectam lineam producta ponamus, avium, hominis, et plerorumque quadrupedum epidydimidis cum vase deferente conjunctae longitudinem excederent †.

§ 5. *De iis in Piscibus offeis.*

Pisces offei feminis organorum fabrica simplicissima gaudent; lactes enim, aut testes, aut vesiculas seminales dicas, ex quorum singulis, ductus rectus, latitudinis insignis, semen ad exitum suum defert ‡.

CAP.

† Tab. 5. fig. 4. et 5.

‡ Piscibus quibusdam offeis, v. c. carpioni, praeter lactes, vesiculae etiam seminales, supra vasorum deferentium fines adsunt. (Vid, Petit. Memoires de l'Acad. des Sciences.)

C A P. IX.

*An, ex dictis, Naturae Artificium in Seminis Secretione
in variis Animalibus colligere liceat?*

Hominis, quadrupedum viviparorum, piscium cetaceorum, et avium testiculis, glandulas minimas vel folliculos glandulares adesse, omnino negavimus.

Quum adeo ampli sint ductus flexuosi, et tanto quidem diametro sua arterias minimas, rubrum etiam sanguinem vehentes, superent; nequaquam verisimile videtur, arteriolas tenuissimas spermaticas productas, in ductus hos serpentinis ea tandem ratione desinere, qua in fistulas uriniferas terminantur arteriolae renales*: Ita viri in experiundo clari, arteriae minimae rubrae diametrum ad $\frac{1}{8000}$ †, alii ad $\frac{1}{3240}$ ‡ tantum, pollicis aestimant; quum $\frac{1}{800}$ pollicis partem vincat ductus serpentini diameter: Et hinc, ad minimum, ductus huiusce diameter, octuplo arteriae minimae rubrae diametrum excedit; et exinde lumen ejus sexagesies et quater arteriolae lumine amplius erit.

Plures minores ductulos in majores coeuntes nunquam observare potuimus; et retro compulso mercurio repleti, cylindrici, nullis omnino ramulis emissis, apparent: Omnes praeterea eorum ambages, ab origine ad finem usque, arteriolis multis, nullo discrimine, ornantur. Ex quibus patet, plures in teste tubulos
mino-

* Vid. Haller. in Boerhaavii instit. § 644. not e.

† Hales, Haemastatics, p. 55.

‡ Jurin,

minores in ductus majores sensim non coalescere, prout in aliis plerisque glandulis observatur.

Perpenſis hinc inde omnibus, veriſimillimum apparet, teſticulum ductuum ſerpentinorum cylindricorum, quorum apices vel principia caeca ſunt, congeriem eſſe, et per eos arteriolas minimas diſpergi, eaque fere ratione ſemen in eorum cava deponere, qua arteriarum meſeraicarum ramuli in inteſtinorum cavum lympham inteſtinalem ſtillant *. Haec conjectura, dum omnibus optime phaenomenis reſpondet, non parum etiam ex multorum inſectorum analogia firmatur, quorum teſticularia ductibus flexuoſis, evidentiffime ad originem ſuam caecis, conſtant †. Praeterea, cum in aliis glandulis mercurius non difficillime a ductibus excretoriis in arterias repellatur ‡; in teſte, quatenus experimentis, in homine, quadrupedibus viviparis, praefertim, vero in avibus, captis, dubiei fruſtra periculum feceris. Et ſi poſt repetita tentamina, liquoribus etiam aquoſis tenuiſſimis adhibitis, hoc ſemper eodem cum eventu cedat, hypotheſin hanc certe non parum firmabit; quum forte, eadem ratione qua arteriae meſeraicae

* M. Malpighius de glandul. conglob. ſtructure, p. 6. huic ſententiae, hiſce verbis indulget: Nec puto ſollicite quaerendas eſſe minimas glandulas in teſtium compage, cum ſufficere probabiliter poſſint inteſtinula membranofa quibus tota ipſorum moles coagmentatur.

† Scarabaei naſicornis genitalia, quod ad vaſa teſticularia, unico funiculo, longo, cavo, innumerabiliter flexo, atque principio vel apice caeco, conſtant. Swammerdam in Lowthorp's abr. of phil. tranſ. vol. 2. p. 782.—In inſectis, et praecipue locuſtis, inteſtinula, quaſi brevium caecorum congeries, teſtes efformant. Vid. Malpighium de ſtruct. gland. conglob.

‡ Ant. Nuck adenograph. p. 13. De mulierum mammis.

feraicae rami liquores in intestinorum cava injectos respuant, ex testis ductibus eos non admittant arterio-lae spermaticae.

Multis quadrupedibus oviparis, et piscibus cartilagineis, testiculus globulis sphaericis conflatur, vasis sanguineis pictis, liquore repletis, ut forte in anatome frustra pulchrius systematis follicularis, *Malpighiani* dicti, exemplar quaeras.

Et in piscibus offeis, lactes folliculos magnos glandulares esse, semini parando dicatos, *Malpighii* fautores per nos licet contendant.

C A P. X.

De Vesiculis Seminalibus.

Homini et quadrupedibus omnibus viviparis quae coitum cito celebrant, semen in ampla receptacula, *vesiculas feminales* dicta, reponitur; iis vero quae in coitu diutius detinentur, v. c. canibus, vesiculae defunt. Et quum, exiguo tempore, per testis, epididymidis, et vasis deferentis ductus, semen transire non possit; pro concessio forsan habere licet, omnibus animalibus quae coitum celeriter perficiunt, vesiculas feminales ordinatas esse; et coitum diutinum, vesicularum defectum indicare.

Earum autem situs quidem et fabrica, pro variis animalibus, varia sunt.

De feminis receptaculis in piscibus offeis jam diximus.

Avibus

. Avibus et piscibus cartilagineis, vasis deferentis extremum ampliatum, vesiculam simplicissimam efformat.

Homini et quadrupedibus plerisque, quum vas deferens vesiculae feminali parallelum fere descendat, et ejus ductui per angulum acutissimum inferatur, semen exinde in vesiculam cursu retrogrado ascendit.

Quadrupedibus nonnullis, muri, v. g. et forici, vesicula evidenter, et nulla praevia dissectione, ex ampulla caeca, cujus lateribus intestinula caeca minora annectuntur, conflatur *. Homini et quadrupedibus aliis plerisque, quanquam eadem in genere fabrica obtineat, cum tamen intestinum princeps plicetur, et plicas et caecas appendices religent telae cellulosae, fabrica ejus perspicue, scalpelli ope, demonstrari, nisi difficulter, non potest, et omnes praeter Hallerum anatomicos † latuit; qui nuper vesiculas cera repletas, et, dissectis patienter cellulosis, dissolutas depinxit ‡. Multum invenit in appendicibus diversitatis, in longitudine, simplicitate, directione, diametro. Et in iis quas explicui diversitas maxime quidem insignis est: In aliis vix ultra appendices 3 vel 4 vidi, in aliis 20 fere, et ex iis plures iterum ramosas ||. Modo autem vesiculae cera repletae membranas sine plicarum dissolutione auferamus, veram aptissime fabricam detegimus ¶. Multis etiam quadrupedibus structura difficilioris

* Vide tab. 3. fig. 1.

† Leal Lealis et H. Bassius, uterque veri quid simile, sed omne verum non dixerit.

‡ Vid. Phil. Transf. No. 494. § 12.

|| Vid. tab. 3. fig. 2. et 3.

¶ Vid. tab. 3. fig. 4.

cilioris adhuc quam in homine indaginis est ; exemplo fit erinaceus.

C A P. XI.

De Seminis Motu.

Quanquam in omnibus animalibus, semen, ut rite digeratur, lentissime per ductus suos promoveri debet ; ne tamen omnino confisteret et vias intercluderet, testes leni compressioni aut agitationi subjiuntur.

Quibus extra corpus propendent, accedit musculus *cremaster* dictus, qui non tantum eos sustinet, sed etiam emulget ; quum, quibus defunt vesiculae feminales, fortior sit, propterea quod coitus tempore semen celerius per ductos suos propelli opus est ; et praeterea, scroti tela cellularis, quae pinguedine destituitur, vi contractili qua gaudet musculum mentitur.

In quadrupedibus nonnullis atque piscibus cetaceis, testes intra corpus latentes alternis respirationis succussibus exponuntur.

In quadrupedibus oviparis plerisque, serpentibus, et avibus, non tantum per musculorum abdominalium actionem in respiratione comprimuntur, sed cum praeterea vesiculis aëreis aut contigui sint, aut etiam iis annectantur, aliquanto plus conquassantur et agitantur.

In piscibus denique cartilagineis ac osseis, musculorum abdominalium contractiones testes experiuntur ;

et

et quibus vesica natatoria adest *, inter hanc et viscera abdominalia collocantur, ut ab aëris vibrationibus, dum magis aut minus rarefcit, vel majori vel minori copia colligitur, aliquatenus concutiantur.

C A P. XII.

De Vasis Semen Sanguini reddentibus.

Quum in omnibus animalibus semen in testibus tenuius quam in vase deferente aut in vesiculis feminalibus sit, exinde constat, partes ejus tenuiores, aut quidem per venae spermaticae ramos, aut per vasa lymphatica, in sanguinis fluvium reforberi.

Antea autem vidimus neque liquores crassiores oleosos, neque mercurium, ex venis sanguineis in ductus spermaticos transire; et ob valvulas creberrimas frustra liquores per vasa lymphatica repellere conamur: Quare,

VOL. II.

Z z.

fi

* Hic loci, quanquam abs re alienum videatur, observare liceat, multis praeterquam piscibus latis vescas natatorias deesse, v. c. piscibus forte omnibus cartilagineis: Centrine saltem ex cartilagineis longis, et rajae-laevi ex cartilagineis latis, desunt. Feli etiam marino nobis dicto, lumpo, scombro, et aliis multis ex piscibus offeis.

Et quibus adest, eorum aliis, v. c. asello majori, asino, asello albo, vario, in ea neque ingressus neque egressus invenitur.

Aliis, luccio, v. c. ductus ex vesica in oesophagum hiat.

Aliis in ventriculi partem superiorem, exemplo sit anguilla.

Et nonnullis, ut haleci, mercurius in ventriculum immissus, per canalem infundibuliformem, ex ventriculi fundo dimissum, in vesicam hanc, infra partem ejus mediam, dilabitur; et dein per ductum ad partem vesicae inferiorem aut posteriorem, per cloacam, si digitis premas, iterum elabitur,

si omnino vasa semen in sanguinis gyrum abripientia in conspectum duci et examini subijci possint, in ductus spermaticos liquores infundamus oportet.

§ 1. Hac ratione, dum accuratissimus Hallerus mercurium in hominis epidydimida infunderet, vasculum unicum de media epidydimide decedens, in rectitudinem exporrectum, et una cum testiculi vasis ascendens, sed nunquam ad finem deductum, ter omnino inter multa experimenta detexit; et procul dubio ad vasa lymphatica pertinere, et resorbendo humori, adeoque crassiori reddendo semini, destinari, valde probabile esse credidit.

Post sedecim in hominis testiculos experimenta instituta, quater omnino vasculum hoc detexi; semper autem ex globi minoris epidydimidis parte interna originem ducens, et ad ortum suum, qui oculis nudis non obscure percipi potest, aequae saltem amplum est atque canalis epidydimidis circa partem ejus mediam; $\frac{1}{80}$ scilicet pollicis in adulto circiter aequat. Et exinde, epidydimida ad globum ejus minorem bipartitam putemus, et alterum ramum canalem hunc efficere, alterum productum in vas deferens tandem desinere. Ad ortum ejus semper mihi plicatus, nunc magis, nunc minus, apparuit, et versus funiculum spermaticum progredi visus est.

Semel atque iterum mercurius flexus ejus serpentinus ad pollicem unum aut duos subiit, et dein, laceratis cellulosis, effluxit*.

Tertium, Canalem hunc introiit mercurius ad pollicem unum circiter, uti primo aspectu videbatur; sed

accuratius

* Vid. tab. 1. fig. 2. lit. F.

accuratius lustratus, multum plicatus et convolutus, epidydimidi simillimus, apparuit, atque mercurius non ad unum sed ad plures pollices eum subierat, et tandem constitit, frustraue ulterius urgebam; et cum urgendo pergerem, disruptis vasis, effluxit. Globo dein epidydimidis minori exinanito, mercurium ex hoc vasculo in illam retro compuli; et exinde valvulas hactenus saltem deesse comprobatur *.

Quum huc usque valvulis destitueretur, et cursu fluxuoso epidydimidi simillimo progredieretur, mercurius in illo consisteret, frustraue ulterius eum propellere aggredieremur: Et quum non semper sed semel tantum, ex dictis, inter quatuor experimenta viderem: His, inquam, motus, persuasum habui unum esse vasorum efferentium a reliquis segregatum et aberrans, flexuosum factum, et epidydimidi tantum ad globum ejus minorem conjunctum, et semen in eo contentum mercurio viam intercludere.

Tandem vero, prospere magis adhuc in puero bienni cedente mercurii infusione, hoc errore liberatus sum. Flexuosus enim ex epidydimide, et, ut primum videbatur, ex parte fere ejus media, sed accurate dissectus, evidenter ex globo ejus minori exortus est; et introrsum paullulum serpentino cursu latus, tum rectus et evidenter valvulosus factus, in duos ramos dividebatur, qui per vas deferens conscendebant; et tandem, quo loco vas deferens flexu facto vesicam urinariam versus descendit, in unum iterum coierunt; qui, vase deferente relicto, sursum ad pollicem unum circiter ascendit; et hic loci terminatur injectionis successus:

Partibus

* Vid. tab. 2. fig. 2. lit. c. et tab. 2. fig. 9.

Partibus enim ex corpore exfectis, effluxit mercurius; sed, in chyli receptaculum tandem se immisisse, non ullus dubito*.

Cum ad originem suam amplius adeo fit hicce canalis, neque multis flexibus factis, rectus, amplior, et valvulosus evadat; nequaquam video, cur vel quomodo partes feminis tenuiores tantum, et non omnes, auferat: Quoniam semen haud facilius globi epidydimidis minoris flexus et vas deferens perfluit, quam per hunc canalem ascendit. Et quatenus novimus, non tenuiores tantum, sed omnes feminis partes, in sanguinis massam iterum resorberi, necessarium esse potest, priusquam miros suos effectus in corpus edat. Fortasse etiam cum vasa istiusmodi adeste constet, non adeo dictu difficile sit, cur homo et multa animalia semen per tempus longissimum non emittant, quamquam secretio semper perstet; si vero partes tenuissimae tantum abriperentur, brevi feminis receptacula nimium extenderentur, vel in massam durissimam et solidam semen abiret. Verissimum quidem esse fateor, neque Hallerum, neque nos, vasculum hoc semper, neque plura in epidydimide vidisse unquam; vasa tamen ejusmodi, vel intra testem vel in epidydimide, originem ex ductibus spermaticis ducentia, omnibus adeste minime dubitamus.

Plura huc spectantia experimenta feci: Et, quamquam ea nondum detexerim, in experimentorum tamen nonnullis, ea, primo intuitu, replevisse jurares: Mercurius, videlicet, in pueri biennis vas deferens injectus, per totam epidydimida refluxit, testem subiit; et

* Vid. tab. 2, fig. 10. lit. f. gg. h. et fig. 11. ejusdem tabulae.

et dein ex testis parte superiore, ex reti, scilicet, uti videretur, ductuum spermaticorum, vasa quatuor aut quinque valvulosa, mercurio turgida, ortum ducentia vidimus, quae per funiculum spermaticum in abdomen ascendebant *. His non obstantibus, vasa haec jam *descripta* analogia minime dicenda sunt; diligentius enim teste explorato, rete ductuum spermaticorum disruptum, et mercurium in cellulosas effusum,prehendimus; et, omnibus accuratissime indagatis, vasa reforbentia aut lymphatica, ex ductibus spermaticis emissa, nulla detegere potuimus; et in aliis quibusdam experimentis, ubi mercurius per plurimos testiculi ductus serpentinos, neque tamen extra vasa effusus, refluxerat, ejusmodi vasa in conspectum non venerunt. Denique, in experimentis postea sedulo institutis, sine mercurii effusione similia replere nunquam contigit; extravasatione autem consulto facta, et teste dein leniter manibus attrectato, vasa lymphatica, prius inconspicua, dilucide mercurio turgescerant †.

Exinde, si intra testem canales miro huic similes, qui semen sanguini reddunt, adsint; vel minores sunt quam ut mercurium admittant, vel ad eorum origines mercurius in nostris experimentis non refluxerat.

§ 2. Quum in quadrupedibus viviparis vasa semen reforbentia non minori cum diligentia exquisiverimus; quo eventu experimenta fecerimus, strictim percurrere liceat.

In

* Vide tab. 1. fig. 4. 5. 6. et tab. 2. fig. 10.

† Ut ad tab. 3. fig. 5. depingitur, et etiam ad tab. 4. fig. 2. et 4.

In mure, ariete, tauro, saepius ultra epidydimidis globum minorem, ad partem ejus circiter mediam, mercurium retro adegi; sed, nisi quod semel in ariete, disruptis vasis, vas lymphaticum mercurium admiserit, *vasa descripto* similia non unquam observavimus.

In foricis vas deferens mercurio adacto, vas lymphaticum insigne in funiculo spermatico mercurio turgidum apparuit*; sed ad originem suam, globum circa epidydimidis minorem, mercurius in telam cellularem eruperat; ut pro certo dicere non ausus sim, an ex tela cellulosa, an ex vase deferente, exortum sit: Ex cellulosa tamen ortum duxisse existimo; quum simplici id tantum postea vice viderim, vasis tum de industria disruptis.

Erinacei epidydimida ad caput ejus fere, porci ad mediam pene, mercurio replevi; et hujusce testiculi etiam ductibus flexuosis, ex vasis efferentibus, mercurium injeci: Non ullis detectis vasis resorbentibus.

In equo, vasis efferentibus testiculum versus inflatis, et vasorum lymphaticorum et venarum ramuli turgebant: Quomodo autem hoc evenerit ignorare quidem fateor; axungia enim porcina liquefacta injecta hos non subiit.

In cane saepenumero sed frustra epidydimida mercurio replere aggressi sumus; tandem vero in cane juveni ex votis experimentum cessit, mercurio ad testem usque refluyente; et ex globo epidydimidis minori vasculum valvulosum exortum, et diametri magnae admodum, mercurio turgebat, rectum et sursum ascendens, nullis plicis serpentinis, sed valvulis creberrimis

mu.

* Vid. tab. 4. fig. 2.

munitum * ; et sine mercurii effusione repleti ex hoc etiam constabat, quod ultra originem ejus, (ad epididymidis globum scilicet minorem), ad testem usque exinde perrexit mercurius; et intra testem, vasis ruptis, plurima etiam vasa valvulosa lymphatica, mercurium, eadem ratione qua in homine contigisse observavimus, receperunt.

§ 3. Quanquam avibus defint, vel saltem adhuc non detegantur vasa lymphatica, in gallo tamen gallinaceo vasculum bis deteximus, quod admirationem non parum excitaret.

Omnibus praeter testes visceribus ex corpore amotis, semine caute expresso, tubulo in vasis deferentis extremitatem inserto, mercurium infudi; nec opinato eum ad quintam circiter costam, a parte inferiore scilicet, intra thoracem effluentem vidi. Mercurium dein retro fluentem caute insequutus, a vase deferente canalem exortum, et huc usque inter costas et pulmones protractum, deprehendi; et hic loci, viscera thoracica ubi exscideram, sectum aut laceratum fuerat. Valvulis omnino destituebatur; ad testem enim mercurium facillime retro compuli †. In testiculum postea, nec corde nec pulmonibus amotis, mercurium injeci; et inter quatuor experimenta, vas deferens apice vel origine caeca ad partem testis superiorem semper defuisse comperi. Quinto autem eadem ratione instituto experimento, argentum vivum iterum intra thoracem, per vasis deferentis productionem, ascendit, et ad costam

* Vid. tab. 4. fig. 4.

† Vid. tab. 5. fig. 2. et 3. E. E.

stam tertiam, inter hanc et pulmones, prorupit : Utrum vero vasculum tale sit quale in homine et cane depinximus, an vero vasis deferentis praeter consuetum producti lusus, dicere non ausus sum ; cum temporis angustiae impraesentiarum experimentis hisce nos non sinant immorari.

§ 4. In salamandra, ni magnopere fallor, ex vasis deferentis parte suprema vel anteriore oritur vas rectum, $\frac{1}{200}$ circiter pollicis diametro aequale ; quod supra ventriculum, inter hunc et vertebrae, caput versus fertur, et, uti probabile fit, vel in venam cavam prope cor, vel in cordis auriculam, inferitur *. Et minime dubito quin sanguini semen reddat ; quamquam liquore colorato salamandrae ductus spermaticos nondum impleverim.

Haec quidem eo fusius exposuimus, quod ad alia experimenta de vasis lymphaticis in genere instituenta nos incitarunt : Quae, quum non tantum per ductus glandularum excretorios, sed ratione ab auctoribus indicta et praetermissa, replere contigerit ; per liquorum, videlicet, in telas cellulosas et in cava corporis effusionem, ut in nonnullis experimentis jam diximus ; et cum sine effusione in telas cellulosas, liquores in vasa sanguinea injectos, nunquam in nostris experimentis admiserint : Haec inquam, inter alia, argumenta non levia suppeditarunt, *Vasa lymphatica valvulosa, per totum corpus, venarum absorbentium systema esse ; neque, uti vulgo fertur, ab arteriarum furculis emanare.*

* Vid. tab. 5. fig. 1. lit. h.

emanare. Sed omnia nunc, quae de hac re disputari possunt, proponere, longe ultra talis dissertationis limites excurreret: Et multo aptius de iis, de eorum, scilicet, origine, fabrica, agendi ratione, et usu, si quando per otium licuerit, seorsim agetur.

C A P. XIII.

Seminis Dotes et varia ejus Phaenomena.

Utut injucundum sit, cum tenuitati nostrae parum competat, phaenomenorum quae a semine concitantur rationes investigare; quum tamen viris celeberrimis argumentum arriserit, nobis disquisitione haud indignum visum est.

§ 1. Hominis fani semen emissum, variis liquoribus quos in transitu offendat admistis, album, viscidum, ponderosum est, odorem gravem sibi proprium spirans. In vesiculis feminalibus vero lustratum, coloris flavo-fusci et tenuius apparet; ut albedinem et lentorem, magna ex parte, a liquoribus affusis, prostatae praesertim, mutuetur. Si aëri exponatur, cito deliquescit et pellucidum evadit, et post paucas horas sedimentum trassum dimittit, liquore tenuiore supranatante; nec minus notatu dignum est, calori insigni objectum, subito deliquescere et translucere.

Variis quadrupedibus species diversissimas semen ex-

VOL. II.

A a a

hibet.

hibet. Quibus vesiculae feminales defunt, aquosius et tenuius apparet : Aliis, semini humano simillimum videtur ; aliis, v. g. arieti, cuniculo, forici, muri, lentius et tenacius est, et ad aërem non tantum non colliquescit, sed etiam indurescit ; et nonnullis, forici, v. c. et muri, vesiculae glandulosae liquore aquoso repletæ semini viscidissimo diluendo parantur ; erinaceo, non tantum liquores aquosi, sed albi viscidissimi, miro et multiplice apparatu secreti, semini commiscuntur.

Quadrupedibus oviparis, avibus, et piscibus cartilagineis, semen lentum et album ; piscibus autem ossibus lentius adhuc, comparatur ; quod aquae miscelam respuit, et aëri expositum parum mutatur.

Omnibus animalibus : Acidum vegetabile semini affusum id emollit : Acida mineralia fortiora, nitri acidum imprimis, id integre solvunt : Aqua calcis feminis lenterem tollit, sed vix dissolvit, et eosdem fere effectus, quos in gummi vegetabilia aut in mucum animale, edit : Oleis aromaticis et alcali volatili affusis, spissius et lentius fit : Alkali fixo affuso, aliis lentorem summum, aliis duritiem efficit : Et omnibus, præterquam piscibus ossibus, alcoholi instillatum, in coagulum album et durum abit : Camphora non obstat quominus ad aërem colliquescat.

Ex mutationibus hisce per liquorum affusionem semini inductis, nonne inter testiculi tumores lentos et pertinaces, sine inflammatione, ubi ductus spermatici obturantur et infarciuntur, vel etiam disrumpuntur, si remediis stimulantibus et discutientibus opus sit, acetum, camphora, et similia, spiritibus vinosis, salibus volatilibus alcalinis, anteferenda sunt ; quum aequè
stimulo

stimulo suo profint, et si poros pertranseant *, et liquoribus impactis admisceantur, eos etiam dissolvant et liquefaciant; dum haec alia remedia, hac ratione assumpta et intromissa, eos irresolubiles cogerent?

Semine retortae immisso et igni commisso, prodit phlegma, sal volatilis, oleum foetidum, relicta in vitro terrae copia insigni †.

Quamquam, ex omnibus hisce inter se collatis, ad mucī naturam semen propius accedat, dotes tamen possidet, quibus aliis liquoribus, sive lymphaticis, sive serosis, sive mucosis, sive gelatinosis, minime convenit, ut ad hanc vel ad illam humorum classē non apte referatur, quum sui generis liquor omnino sit.

§ 2. Lewenhoeckii experimentis de semine microscopio objecto, per plura volumina dispersis, immo inter se dissidentibus atque pugnantibus, microscopio insuper ex ejus temporibus curatius exulto; ab experimentis D. Buffon nuperrimis mutuari potius, atque ea in compendium quasi redigere non injucundum fore, duximus.

Semen humanum, ut refert Buffon ‡, recens corpore extractum, microscopio subjectum, primum cylindros cavos intertextos qui corpuscula vibrantia concludunt, exhibet: Brevi, cylindri dissiliunt, et corpuscula mo-

ventia,

* Per corporis meatus liquores resorberi et membranas pertransire, multis exemplis constat: V. c. ex egregio remedium, mercurii praesertim, quae corpori externo applicantur, in morbis subcutaneis depellendis successu: Ex tunicis intestini colon, quo loco vesicam felleam attingit, flavedine imbutis; et similibus.

† Vid. Verheyen, anat. lib. 2. cap. 15.

‡ Vid. Buffon, hist. natur. des animaux, chap. 6. exper. 1—46.

ventia, figurae rotundae, emittunt, fibram vel caudam post se trahentia, quae eo usque motum impedire videtur, ut, dum progredi nitantur, non rectilinea procedant, sed de latere in latus agitentur. Post duas aut tres horas, ubi semen fluidius fit, corpuscula haec majori copia observantur, caudis brevioribus, celerius mota, et sine vibratione inter progrediendum adeo insigni. Post 5 vel 6 horas, quo tempore semen summum fluorem attigerit, caudas omnino deponunt, et microscopii campum motu citatiore percurrunt, et animalcula magis referunt: Sed variis figuris conspiciuntur; alia enim rotunda, alia oblonga, alia ad corpus medium tenuiora, et ad extremitates majora et rotunda, depinguntur. 12 horis elapsis, sedimentum crassum jam deposuit, et in parte superiore et tenuiore corpuscula haec motu celerrimo feruntur; sed minora quam prius apparent, et unum ex hisce bifariam divisum clare apparuit. Post 48 horas corpuscula conquiescebant.

His D. Needham adjecit †, semen corpuscula haec aliquando illico exhibere, alias autem non nisi post plures horas elapsas; et postquam prima haec corpuscula quieverint, vel, si animalcula dicas mortua sint, alia adhuc minora resuscitari; et sic deinceps, usque dum oculorum aciem, microscopiis optimis adjutam, prorsus prae sua tenuitate effugerent ‡.

Porro,

† Needham in Phil. Tran. N. 490. § 6.

‡ Quanquam auctores celeberrimi laboris plurimum experimentis hisce impendisse videantur, quum tamen ex iis aliorum theorias refellere et novas prorsus stabilire et firmare nitantur, quibus forte nimium

Porro, in canis semine, Buffon * corpuscula similia se vidisse dicit; et etiam in cuniculi semine, sed minora, et aqua semini admista, ad diem 8 motus perstitisse, indies vero corporum mole decrescente tandem conspectum omnino effugisse.

Canis et arietis testiculis conscissis aqua affusa, corpuscula haec per dies 16 aut 20 visa, prae sua tenuitate tandem evanuisse.

In carpionis, barbi, et lucii, lactibus, globulos minutissimos motu agitados conspexisse.

Corpuscula

um indulerint; quae, inter non multa quidem experimenta, accurate tamen et optimis microscopiis instituta, nobis se obtulerint, paucis enarrare lubet. Corpuscula haec (quae, ex motu vario, nunc tardiore, nunc citatiore, nunc antrorsum, nunc ad latera, nunc retrorsum; ex concursus vitatione; ex caudae actione quam instar gyrinorum vibrant; animalcula non dubie dixerim) intra paucissima saltem minuta secunda, si non illico, visuntur; et corporis figura, sed cauda longiore, (capitis enim longitudinem quintuplo circiter superat), et tenuiore, gyrinos non parum referunt; et cauda non tantum motui non obstat, sed cauda plicata, extensa dein, et violenter agitata, antrorsum eodem prorsus modo quo gyrini progrediuntur. Tribus horis elapsis, et mortua etiam, corporis figura, magnitudine, caudae longitudine, nequaquam mutari unquam observavi. Neque mirum videatur, si post aliquot horas motu velociore ferantur; quum ad aërem semen deliquecat et multo tenuius evadat. Sub vitae aut motus exitum, dum multum languent, caudis liquori lento vel exsiccatō fere affixis, motu quidem oscillatorio, ob virium defectum, corpora agitantur. Post quatuor horas emortua nostris experimentis reperiuntur. Et hominis 24 horis emortui vesiculis seminalibus semen extractum nulla animalcula exhibuit: Nec adhuc corpuscula variis formis et figuris, majora et minora, bipartita, alia minora e primis mortuis resuscitata, unquam mihi observabantur; et semen putredine solutum nulla animalcula exhibet. Sed haec, quibus otium superfuerit, et rei curiositas excitarit, ulterius indaganda relinquimus.

* Buffon, l. c.

Corpuscula haec in infantibus nulla esse; sterilibus, fenibus, et a coitu frequenti, deesse *; in gonorrhoea languere, et, sanata gonorrhoea, denuo apparere; ab auctoribus fertur †.

Apud Lewenhoeckium, et omnes fere auctores, invaluit opinio, in maris semine, non autem in aliis corporis liquoribus, animalcula aut corpuscula haec inveniri: Buffon vero et Needham ‡, in vaccae et canis foeminae ovariis sub aëstum venereum, similia se detexisse asserunt: Porro etiam in aquis carni affusis; in succo carnis ovinae assatae dum calet vitro infuso, et per paucos dies accurate etiam oblignato; in jusculo ex carne vitulina elixa confecto; et aquae infusis multorum vegetabilium floribus et feminibus; corpuscula descriptis prorsus similia, se perspexisse autumant.

C A P. XIV.

Seminis Secreti, et in Sanguinem resorpti vel excreti, Effectus quidam.

a. Parce adeo usque ad tempus vitae praefinitum munere suo testis fungitur, ut quod liquoris secernitur, in transitu suo per ductus spermaticos, in sanguinis gyrum abripiatur. Semen tandem, sub pubertatem, copia insigni secretum, non tamen excernitur, nisi organa id retinentia emulgeantur et elidantur. Irrepente

* Ita Buffon in cane, tertium semine emisso, corpuscula haec non detexit.

† Vid. Haller. in Boerh. Inst. sect. 651. not. I.

‡ Locis citatis.

pente senectute, minori sensim copia paratur, donec ad extremum, omni iterum resorpto, excerni desierit. Seminis reassumptio haec, et forte ejusdem actio in nervos, corporis et hinc animi affectionum, sub pubertatem praefertim, miras inducit mutationes, quas, non ab aetate accedere, quum emasculatis non eveniant, comprobatur*.

β. Eadem causae feminis, quae aliorum liquorum, copiam augent; cibus, v. c. plenior et boni succi, stimulantia, quaecunque denique corpus incendunt et calefaciant, appetitum venereum excitant: Atque feminis excretionis provocatio, libido non expleta†, cogitationes libidinosae, feminis copiam adeo promovent, ut non raro, debilibus praefertim, ab his accedant tumores, vel in venis, vel in ductibus spermaticis, qui *varicocele* et *spermatocele* medicis audiunt; et animalibus diutius in coitu haerentibus, semen si non inter coeundum secernatur, per ductus spermaticos saltem longissimos tunc propellitur.

γ. Nonne stimulus quicumque ductuum seminiferorum ostiis admotus feminis copiam augebit, quum aliis glandulis liquorum secretiones augeat? V. c. piper oculo vel ori immissum lachrymas et salivam citat. Non
injuria

* Hallerus in Boerh. instit. § 658. in not. c. d. e. et in pr. lin. phys. § 790. miras mutationes animalibus castratis inductas recenset. Hist. de l'Acad. 1742. Pisces molliores et exquisiti magis exfectis ovarii sapiunt, et procul dubio lactes praescissi eisdem effectus praestarent. Hippocrates in aphor. 28. § 7. Eunuchi non laborant podagra, neque calvi fiunt.

† Hist. de l'Acad. 1700. insignis historia ingentis testiculi tumoris ex libidine non expleta occurrit.

injuria igitur suspicari licet, venenum venereum intra urethram latitans, tantam feminis copiam stimulo suo concitare posse, ut, veram quamvis gonorrhoeam non cieat, nocturnis tamen feminis emissionibus, adeo in hoc morbo creberrimis, materiam suppeditare possit.

d. Nonne magis verosimile videretur, feminis copiam hac de causa non parum intendi, quum hoc morbo laborantibus testes subito saepenumero multum, neque magna inflammatione excitata, intumescant, quanquam sanis, semen per id tempus secretum, nec tamen emissum, in hanc magnitudinem testes non attollat?

Et quum apud practicos annotetur *, testiculos ex intempestiva gonorrhoeae suppressione subito saepe intumescere, et resuscitata gonorrhoea detumescere, haud temere ponamus, stimulum levem feminis secretionem promovere; acriorem autem ductuum simul orificia impedire et constringere, et hinc feminis effusioni obviare, ut exinde testes in tantum tumorem excrescant:

e. Et pari ratione, testes, veneno venereo etiam intactos, inflammatione tentatos putemus, si acrior evaserit liquor venereus in urethra delitescens, et in fortiores vibrationes arterias spermaticas concitarit †. I-
stud

* Vid. Graaf de viror. org. p. 91. frequenter accidit ex repentina aut intempestiva gonorrhoeae suppressione ipsos testiculos in ingentem magnitudinem excrescere. Cujus rei exemplar memorabile vid. in act. phys. medic. vol. 5. a Kellnero enarratum.

† Professor noster Medicinae Theoreticae acutissimus D. Whytt (in dissertationum suarum merito celebrium, De Actionibus Vitalibus et
quae

stud autem statuere, virus nempe venereum in sanguinis massam per vasa absorbentia susceptum, et dein per arterias spermaticas testibus illatum, eos in tumores attollere, vix ac ne vix quidem nos edocet, Cur alia corporis organa non etiam invadat; Cur subito adeo testes intumescant cum materies morbosa lentissime certe per arterias in testes irruat; denique, Cur subito adeo detumescant resuscitata gonorrhoea, neque aliis organis vitium inferat. Contra ponere, venenum venereum, recta per vasa lymphatica vel per vas deferens resorptum, in testes incurrere et eos occupare, anatome omnino adversatur.

§. Quodcunque materiei in urethra hospitantis acorem obtundit, et hinc urethrae inflammationem tollit, ex dictis, testium inflationem citissime etiam amovere debet. Annon igitur injectiones blandae mucosae aut mercuriales, quae huic consilio apte congruunt, saepius in usum, quam apud multos solet, revocari debent?

VOL. II.

B b b

Et

quae praeter Voluntatem fiunt, sectione sexta), multorum similium phaenomenorum rationes ex arteriarum vibrationibus auctis reddidit; quae nonnulli, sed inique admodum, ad venarum arctationes referunt. Quod liquido constabit, si, praeter rationes validas ab Auctore nostro celeb. adductas, reputemus, majorem etiam sanguinis copiam in nonnullis organis intra datum tempus congestum esse, quam ex sanguinis circuituonis legibus per arterias transit, quanquam ne guttula quidem per venas redierit; cujus exemplar insigne suppeditat penis erectio. Et quanquam oculis subjici, vel ad calculum omnibus numeris absolutum revocari nequeat, attamen, ex copia sanguinis cor intra tempus praescriptum pertranseuntis, ex aortae transversim sectae area, ex ramorum ad truncos ratione, ex arteriarum denique quae penis corpori cavernoso impenduntur luminibus, quod Auctor laudatus posuit, veritati consentaneum esse, mentis oculis non difficillime subjicitur,

Et si forte periculum ne hac ratione venenum per urethram ascendat, ab hac praxi nos absterreat; nonne hoc per digitorum, inter injiciendum, supra partem affectam pressionem, minui aut prorsus amoveri potest?

7. Seminis excretio nimia, plus quam aliorum liquorum jactura insignis, debilitat, et miros et multiplices morbos inducit*.

8. Quanquam animalia ad tempus vitae constitutum proli generandae valeant, pleraque tamen, si non omnia, strenue magis ad certas anni periodos generandi facultate pollent, in quibus miras mutationes organa genitalia subeunt†.

Hae quamvis, magna ex parte, a cibo pleniore et firmiore, et a calore grato anni exstimulante, et novas quasi vires addente, proveniant; quum tamen tempora haec diversissima sint, plura phaenomena occurrunt, quae ad causam finalem tantum, quatenus apparet, referantur: Ut, scilicet, quibus temporibus cibus nutritioni aptus et accommodus abundet, et tempestatis faevitia non obstat, faemellae foetus enitantur.

9. Animalia, quo majora, eo rarius, in genere, coitum appetunt, et pauciores foetus generant.

Hic

* Vid. Boerh. institut. med. § 776. et Haller. in Boerh. institut.

§ 658 not. f

† Aristoteles de animalibus, lib. 3. cap. 1. § 13 Coitus tempore testes valde magni sunt, praesertim in piscibus et avibus, palumbis, perdicibus, &c. quamobrem, ne ullos quidem illis esse per hyemem quidam arbitrati sunt. Vid. etiam Harveium de gener. anim. exerc. 65 p. 431. et in exerc. de partu; et Willoughbeium in Ornitholog. lib. 1. c. 2.

Hic quidem Naturae consilium clare se offert: Scil. Ut omnibus animalibus cibus abunde suppetat. Et fortasse causa efficiens est, quod minoribus animalibus motu citatiore humores feruntur, et quod multo plus cibi pro ratione molis concoquunt; et exinde omnes corporis liquores secreti, et hinc semen, majori copia fecernuntur et citius digeruntur; et, ob easdem rationes, foetus horum in utero gesti incrementum maturius capiunt.

. Animadvertatur etiam, animalia ovipara viviparis foecundiora esse, quod fortasse aliquatenus ex sequentibus pendet: Animalia, scil. ovipara viviparis in genere minora esse; eorum testiculos intra corpus recondi et foveri, et exinde arterias spermaticas breves esse; eorum plerisque semen per ductus breviores ad exitum suum deferri; et pennis, squamis, et similibus obduci, vel inter aquas vitam degere, qua non parum perspiratio cutanea minuitur; et, quatenus novimus, humor qui per cutem vaporis specie transit, si per testem transiret, feminis naturam induere posset. Hinc etiam constat, testium situm haud parum feminis copiae augendae conferre; cum homines et animalia vivipara, quibus testes intus praeter naturae consuetudinem lateant, falaciosiores esse, et plures foetus gignere, ab auctoribus feratur.

C A P.

* Vid. Bauhini theatr. anat. p. 94. Graaf. de viror. org. passim. Hambergerum in phys. med. cap. 7. § 4.

C A P. XV.

An modum quo Semen, in Animantibus perpetua serie propagandis, officio suo fungatur, penes nos sit explicare?

An semen animalium generationi necessarium sit, hodie disputatione indignum merito aestimatur *: Qua tamen ratione proli fuscitandae conferat, vereor ne hoc quidem, alta caligine obrutum, conatus nostros prorsus effugiat; quae saltem adhucdum prodierunt hypotheses celeberrimae, eas circumstant difficultates quam plurimae vix satis enodandae.

§ 1. Si quidem ponamus, foeminam ex conceptu i-
deae generalis, sine materia, sed ex phantasia sola, im-
praegnata, generationis opificem evadere †: Audia-
mus, quaeso, Cur foeminae, sine maris auxilio, ex in-
somniais venereis foetus nunquam concipiant; Cur
spadones infoecundi sint; Cur asinus alium quam e-
quus conceptum excitet; Cur foeminae, quibus vagi-
na vel os uteri non pertundatur, foetus non concipi-
ant; Cur ova non maturescant, oppilatis tubis Fallo-
pianis.

* Insectorum nonnulla quidem instar vegetabilium germinant et prolem edunt, e. s. Polypus. Alia sine mare generant, vid. des Reaumur de pucerons. Hist. des insect. t. 3. Et auctores historias quasdam etiam attulerunt, quibus mares animalium majorum, semine orbatos, foeminas foecundas fecisse autumant. Sed perpensis omni-
bus apparet, satis superque seminis restitisse, quod omnes effectus e-
narratos perficeret. Vid. Haller in Boerh. instit. § 649. not. o.

† Harveius in exereit. de conceptione.

pianis *. Denique, si piscium qui ossibus muniuntur et quadrupedum oviparorum ova, de foemella demissa et edita, semine maris dein asperso foecunda reddantur †; theoria haec mole sua ruit.

§ 2. Neque forte veritati consentaneum magis videatur, corpuscula in semine maris motitania, animalia esse omnibus numeris absoluta, patri similia, quae in nidum aptum deposita incrementum capiunt ‡. Praefertim si verum sit, hujusmodi globulos in aliis liquoribus cerni: In hoc non statim apparere, sed postquam aliquamdiu aëri expositus fuerit; unum bipartitum visum fuisse, et mole decrefcere. Quum veloci adeo et motu perpetuo agitentur. Quum difficillimum sit mente consequi qua vel ratione producantur, vel cur non citius exhauriantur. Ex maximo feminum dispendio et quasi profusione; quanquam enim multa vegetabilia magnam feminum vim dispergant, quorum pleraque perduntur, omnia tamen foecunda esse possunt; sed animalibus, paucissimis exceptis, omnia necessario

* Mulieris cadaver haud ita pridem secui, cui utraque tuba Fallopiana, intestini caeci instar, ad ejus extremum amplius et ab utero remotius, terminabatur: Et historia ejus indagata, per annos ultra viginti viro strenuo nupto fuerat, neque conceperat. Novimus tamen, ova impraegnata intumescere, et ex ovario erumpere, et, si casu contigerit ea ex tubis Fallopianis in abdominis cavum delabi, ex partibus vicinis nutrimentum haurire posse. Si igitur ova in hac foemina foecunda reddita fuissent, Cur non ex ovario eruperunt, et intra abdominis cavum in ingentem magnitudinem excreverunt?

† Quod optimis auctoribus arridet. J. Raio in Willoughb. hist. piscium, lib. 1. cap. 9. et Buffon. hist. nat. des anim. cap. 9. et du Verney, et Swammerdam de ranis.

‡ Lewenhoeckius, et subsequentes omnes fere auctores.

cessario disperduntur. Ex matris etiam similitudine : Et si quid fidei literis peregre allatis habendum esset, scilicet, cuniculum cum gallina coitum instituisse, et ex copula, ovum, dein foetum productum esse, qui gallinam corporis forma, cuniculum vero pelle, referret ; tunc quod objicitur gravius erit, foetus enim hinc cuniculo-pullinus, si ita loqui liceat, matris potius quam patris imaginem reddit Haec et alia multa, ne temere huic sententiae suffragemur, vetant.

§ 3. Corpuscula haec igitur, an partes organicae, quae similibus in foemella conjunctae foetum efformant, dicendae sunt * ?

Huic sententiae minime quidem assentire possumus, donec intellexerimus, Cur haec corpuscula animalcula non dicantur : Quid inter animalcula et partes organicas intersit. Et nonne imaginandi vim prorsus superat, alia corpuscula capiti, alia dorsi vertebrae, alia brachiis, alia cruribus, atque ita porro, analogae esse ? Atqui, si essent ; unde, quaeso, partes hae, vago, uti fertur, consilio concurrentes, foetum perfectum efformare possunt ?

Vereor ut primas rerum causas nimia audacia et fiducia exponere ausus sit auctor celeberrimus : Et fatuus videtur, et nostrae magis imbecillitati competere, earum ignorantiam fateri ; agnoscentes, corpuscula haec, quatenus in semine foecundo reperiuntur, ad generationem conferre ; rationem autem qua semen munere suo fungatur adhucdum latere, immo disquisitiones nostras in aeternum elusuram, verosimillimum videri.

T A.

* Buffon libro citato.

TABULARUM EXPLICATIO*.

T A B. I.

FIG. 1. Arteriam spermaticam sinistri lateris cera repletam exhibet, testiculo, pictoris incuria, e situ ap-
to dimoto.

A. testiculi latus internum, abscissis tunicis. B. Ca-
put epidydimidis. C. Corpus vel pars media epidydi-
midis. D. Globus minor epidydimidis. E. Vas defe-
rens. *f.* Ortus arteriae spermaticae ex aorta. *g, h, i, k.* E-
jus rami ad peritoneum et ad partes vicinas; *i.* ramus
solito major. *l, l.* Ramus ad epidydimida. *m, m.* Ra-
mus qui tunicis testiculi praecipue impenditur.
n, n, o, o Rami inter tunicam albugineam et testiculi
carnis latus internum descendentes; et dein ad testiculi
fundum reflexi.

FIG 2. Venam spermaticam dextri lateris cera re-
pletam, ramis dein diductis et explicatis, et epidydi-
mida mercurio turgidam, exsiccatas, ostendit. A. Te-
sticuli tunica albuginea cincti latus externum. B. Ca-
put epidydimidis. C. Tunicae vaginalis abscissae re-
liquiae. D. Globus minor epidydimidis, vel pars e-
jus ima et posterior. Testiculi enim situs obliquus est,
ut epidydimidis caput, globo ejus minori sesquipollice
circiter altius sit. E. Vas deferens. F. vasculum se-
men sanguini reddendo destinatum. *g.* Venae sper-
maticae truncus, qui supra hanc partem ob valvulas
ceram

* N. Tabulas hasce, magis propter res quas exprimunt, quam
propter artem quâ exprimunt, expetendas; et nos de structura potius
quam de partium situ et nexu sollicitos esse.

ceram respuit et abscinditur. Sed hoc raro accidit; quoniam valvulae, uti norunt anatomici, injectionibus non semper obstant. *b.* Venae truncus in duos magnos ramos divisus. *i.* Venulae quae supra hanc partem trunco inferuntur. *k, k.* Bina valvularum paria. *l.* Valvulae cera turgidae delineantur. *m, m, m, m.* Ramorum plexus longissimus qui varius in variis cadaveribus reperitur, et interprete non egit. *n, n.* Venae quae per vas deferens ascendunt, et non raro valvulis donantur. *o.* Plexus venularum insignis supra corpus testiculi. *p.* Venulae inter testis carnem et tunicam albugineam ascendentes.

N. B. In hisce figuris et arteriae et venae ramusculos ex consilio omitti.

FIG. 3. Rationem inter arteriam et venam spermaticam cera repletas, ex alio cadavere, exhibet. A. Vena spermatica. B. Arteria spermatica. C. Ramus venae spermaticae, cum venulis minoribus quae arteriam irretiunt,

FIG. 4. A. testiculi dextri tunica vaginalis, ad partem ejus inferiorem incisa, et sursum in funiculum spermaticum reflexa. B, testiculi latus internum. C. Caput epidydimidis mercurio repletae, qui intra testem effusus vasa lymphatica, D. Per tunicam vaginalem translucencia subiit. E. funiculus spermaticus.

FIG. 5. A. ejusdem testiculi latus externum. B. Tunica vaginalis reflexa. C. Funiculus spermaticus. D. Epidydimidis dimidium fere intra tunicam vaginalem. E. Ejus caput. Et hoc accurate annotari debet;

bet; quum inter operationes chirurgicas, in hydrocele, v. c. plus a scalpello periclitetur epididymis, quam ipsius testiculi corpus, et ex epididymidis fabrica, vulnera ejus multo certe plus periculi afferrent.

FIG. 6. Abscissa tunica testis vaginali, in Fig. 3. et 4. visa, exsiccantur membranulae; et deinde simul apparent: A. Vas deferens. B. Globus minor epididymidis. C. Corpus epididymidis. D. Caput epididymidis. E. Testiculus tunica albuginea inclusus, quam mercurius intra testem extra vasa effusus translucet. *fff.* Vasa lymphatica per extravasationem mercurio turgida et per funiculum spermaticum ascendunt. *g.* Vasculum lymphaticum, mercurio ad epididymidis medium in cellulosas effuso repletum.

T A B. II.

FIG. 1. Ab Hallero exscriptimus*. A. Ductus deferens sensim complicatis vasis. B. Pars ima ubi contra se ipsum ascendere incipit cum epididymidis nomine. C. Epididymis tota repleta ex serpentino vasculo composita. D. Caput epididymidis dissolutum. *e, e, e, &c.* Totidem coni vasculosi in quos caput epididymidis resolvitur. *ff.* Vascula semen efferentia. *g, g.* Rete testis. *b, b.* Aliquot ductus rectilinei: Reliqui globuli dissoluti sunt ab argento vivo per rupta aliqua vascula effuso, quos voluit expressos, ne quidquam veritati iconis decederet. *i, i.* Caro testis nuda.

VOL. II.

C c c

FIG.

* Vid. Phil. Tran. No. 494. § 12.

FIG. 2. Epidydimis mercurio repletur, et abscissa dein tunica testis vaginali, conspiciuntur a parte externa: A. Vasis deferentis initium. B. Pars epidydimidis posterior et ima, globus minor dictus, ex quo, C. vasculum semen sanguini reddendo ordinatum exoritur, et cursu serpentino funiculum spermaticum, D. versus progreditur. E. Medium vel corpus epidydimidis. F. Ejus caput. G. Ejus ortus ex testiculo, H. tunica sua albuginea cincto.

FIG. 3. et 4. Tunica dein albuginea, A. ad testiculi fundum incisa, detracta, et supra epidydimida reflexa, apparent ductus recti, *h, h*, reti testis emergentes et in ductus spermaticos serpentinis *c, c, c*, desinentes.

d. In Fig. 4. Ductuum fasciculus ad fundum etiam testiculi mercurio refluyente impletus.

FIG. 5. Tunica testis propria ad testiculi fundum incisa, testis medius ad rete ductuum spermaticorum usque digitis distrahitur. Et in Fig. 6. particula ex latere testis hac ratione detrahitur.

In utraque videmus, vasa recta ad *h, h*, testem subeuntia, quae brevia sunt, et in vasa convoluta *c, c, c*, desinunt. *d.* Vas serpentinum, in quo argentum vivum multos pollices refluxit, et quum flexum ad testiculi fundum, caput epidydimidis versus, fasciculus hic faciat; exinde patet, non ita ordinata esse septula, ut a nonnullis depinguntur.

N. B. Hisce figuris nondum delineatis, testes per plures menses spiritu vini macerati fuerant; et maxima praeterea sculptoris Londinensis incuria, praesertim in Fig. 4. et 5. ductus flexuosi indistincti et perturbati

turbati repraesentantur, ut in hunc usque diem pulchriores longe in teste ipso conspiciantur: Sed triennium abhinc fere testibus hisce mercurio repletis, et multum per demonstrationes corruptis, figuras utut vitiosas non emendavimus.

FIG. 7. A. Caput epidydimidis. B. Epidydimis ad medium fere in unicum funiculum explicatur, ut ejusdem vera magnitudo indicetur.

FIG. 8. Epidydimidis globum minorem, qualis nuperrime sine dissectione visus fuit, exhibet. A. Epidydimidis medium. B. Globus minor. C. Epidydimidis plicae priusquam vasis deferentis nomine insignitur. *d, e, f.* Tres partes, quibus ductus unicus apparuit.

FIG. 9. Vas semen sanguini reddendo destinatum, et at literam C. Fig. 2. delineatum, hic accuratius indicatur. A. Epidydimidis medium. B. Globus minor epidydimidis. C. Vas deferens. *d.* Vasis hujusce exortus. *e.* Ejus flexus dissoluti. *f.* Vasculum hoc dilaceratum et filo constrictum.

FIG. 10. Pueri biennis testiculum exponit, mercurio in vas deferens infuso. A. Vas deferens. B. Globus minor epidydimidis. C. Caput epidydimidis. D. Tunicae vaginalis abscissae margo. E. Testiculus tunica albuginea involutus. *f.* Vasis semen sanguini reddentis ortus, quod paucis plicis serpentinis descriptis, in duos ramos majores *g, g.* valvulis instructos dividitur, qui per vas deferens scandunt, et ad partem ejus superiorem in unum iterum vasculum *h*, coalescunt; quod, vase deferente relicto, ad pollicem unum ascendit,

ascendit, et dein lacerato canali mercurius effluit. *i, i.* Vasa lymphatica mercurio intra testem effuso turgida, et per funiculum spermaticum, *k, k, k,* ascendunt. *l,* et *m.* Rationem inter arteriam et venam spermaticam, cera ad hanc partem repletas, ostendunt.

FIG. 11. A. Vasis sanguini semen reddentis, litera *f*, in Fig. 10. notati, exortum, dissectum, exsiccatum, et vitro convexo lustratum, exhibet.

FIG. 12. Ductum spermaticum in Fig. 4. 5. et 6. litera *d* insignitum, microscopio lustratum, et accuratissime delineatum, coram oculis sistit. AB. Flexus ejus multiplies. C. Vas rectum, per quod se in rete testis exonerat: Plerumque vero ductus serpentini per flexuum numerum in fasciculos crassiores colliguntur, uti dilucide in Fig. 6. apparet,

T A B. III.

In Fig. 1. Soricis vesiculam feminalem mercurio impletam delineavimus; quoniam, inter hanc et hominis vesiculam feminalem, quodam structuram in genere convenit: Quod si anatomici prae oculis habuissent, eas tamdiu forte non latuisset vera vesicularum feminalium fabrica,

FIG. 2. Hominis vesiculam feminalem mercurio repletam et deductis corniculis exsiccatam, simplicitate maxime insignem, repraesentat.

FIG.

FIG. 3. Hominis vesiculam feminalem, cera repletam, dissolutam, exsiccata, appendicum numero conspicuam, monstrat.

FIG. 4. Hominis etiam vesiculam feminalem A, vasis deferentis extremitatem B, et ductum C, qui prostatam perforat, et semen in urethram effundit, cera repleta, exesis dein membranulis, ostendit *.

FIG. 5. Porci arteriam spermaticam, vasa lymphatica, et ductus testium spermaticos, mercurio infuso, turgida exhibet †. A. Arteria spermatica huc usque recta fere. Ad B. plurimum intorta, diametro inter descendendum aucta, et in rectam lineam exporrecta 5 pedes cum dimidio explevit.

Ex hominis et quadrupedum funiculis spermaticis inter se collatis, patet, illi venarum ramulos, his vero arteriae spermaticae cincinnos, corpus pyramidale praecipue efficere. Et quum homini arteriae spermaticae rectae fere decurrant; venae tortuosae paucis tantum valvulis muniantur; corporis situs erectus sit; sanguis in testis majori vi irruit et difficilius regreditur; et exinde *varicocele* homo quadrupedibus obnoxius magis est.

C, C. Ingens vasorum lymphaticorum agmen, ex testiculi tunicis emergens, et mercurio in arteriam infuso repletum, sed non sine mercurii in telas cellulosa

* Et hac arte, cor, pulmones, hepar, lienem, pancreas, ductus salivales, renes, multimodis praeparata, (et in nonnullis vasa subtiliter adeo cera replentur ut visus aciem effugiant), exsiccata, vel liquoribus aptis condita, conservamus.

† N. Antequam haec delineata erant per plures septimanas spiritu vini macerata fuerant,

fas effusione; et ne mercurii guttula quidem per venas spermaticas rediit.

D. Vas deferens. E. Globus minor epidydimidis. F. Corpus epidydimidis. G. Ejusdem caput. H. Vafa efferentia undecim. Incisa tunica albuginea, testiculi caro, I, digitis distrahitur, usque dum KK, corpus Highmori dictum in conspectum veniat, et id mercurius in unum vasorum efferentium infusus subit, et ex omni ejus ambitu emergunt ductus recti quamplurimi qui in ductus serpentinis l, l, l, l, desinunt. Testiculi extremitas transversim dissecta corpus medium N, transversim sectum poris scatere ostendit. Ex eo divergunt membranulae tenuissimae testem quasi in fasciculos dividentes.

T A B. IV.

FIG. 1. Soricis arteriam spermaticam mercurio repletam et tunicam testis albugineam simul cum ea abscissam, exsiccatas, demonstrat. A. Arteriae pars superior recta. B. Plurimum dein implicata. C. Iterum fere recta, ubi per superiorem testis partem decurrit, et inter testem et globum epidydimidis minorem descendit. D. Flexus ejus serpentine ubi testiculi fundum perrepat. E. Ejus in ramos divisio, qui in testiculi carnem sese immergunt. Haec arteria sensim inter descendendum diametro sua augetur.

FIG. 2. A. Soricis vas deferens. B. Globus epidydimidis minor. C. Caput epidydimidis. D. Vasorum efferentium fasciculus. E. Testiculus tunica sua albuginea

albuginea involutus F. Funiculus spermaticus. g. Arteria spermatica testiculi partem superiorem percurrent, et dein inter hunc et globum epidydimidis minorem, flexu facto, testiculi fundum, ductu flexuoso, h, perrepat. Mercurio in vas deferens infuso, vas magnum lymphaticum, i, i, i, subiit, cui alia vasa lymphatica ad o, o, o, o, inferuntur, dum per funiculum spermaticum ascendit.

FIG. 3. Soricis testiculum incisum, ut ductus spermatici, ampliores nec adeo involuti atque homini, conspiciantur, exponit.

FIG. 4. A, A. Canis testiculi et funiculi etiam spermatici partis inferioris tunicam vaginalem, vel peritonei processum qui digitali confertur, per totam suam longitudinem incisum, exsiccatum, ostendit. B. Membrana ex parte tunicae vaginalis posteriore, quae, mesenterii instar, vas deferens et vasa spermatica ambit et sustinet. C. Tunica vaginalis, globo epidydimidis minori in plerisque quadrupedibus annexa. Ex quo et aliis argumentis comprobari potest, Graafium, quanquam hominis testiculos secuerit, in tabularum tamen 1. et 2. figuris nonnullis, canis testiculos pro humanis substituisse; et figura prima tabulae 4. non parum sapit figuram 3. tabulae 3. quam ex cane delineatum proponit. D. Vas deferens. E. Globus minor epidydimidis ex quo oritur, G, G, vasculum semen sanguini reddendo ordinatum. H. Caput epidydimidis cum vasis efferentibus teste emergentibus. I. Testis tunica albuginea obvolutus. K K. Quamplurima vasa lymphatica valvulosa, quae mercurio intra testem effuso turgent, et per funiculum

lum spermaticum ascendunt; sed quae hic loci inepte delineantur.

FIG. 5. A. Canis arteria spermatica multum per aliquot supra testiculum digitos plicata. B. Vas deferens. C. Globus minor epidydimidis. D. Tunicae vaginalis reliquiae huic alligatae. E. Caput epidydimidis. F. Testiculus per medium dissectus, ut Highmori corpus dictum in conspectum veniat, cum membranulis tenuissimis huic annexis.

FIG. 6. Canis epidydimida cui mercurius injicitur exsiccatam exhibet. A. Vas deferens. B. Globus epidydimidis minor. C. Caput epidydimidis in 8 circiter conos vasculosos dissolutum. D. Vasa efferentia brevissima.

FIG. 7. Erinacei epidydimida mercurio repletam exhibet. A. funiculus spermaticus. B. Vas deferens. C. Globus minor epidydimidis. D. Processus per quem testis musculis abdominalibus, quo loco aliis quadrupedibus anpuli adsunt, annectitur; quoniam enim intra abdomen testes locantur, tunica tantum propria involvuntur. E. Epidydimis huc usque mercurio impleta. F. Testiculus.

FIG. 8. Axungia colorata per vasa equi efferentia testem versus injecta, incisa dein albuginea, testiculi caro a parte ejus inferiore ad corpus Highmori dictum distrahitur. Ad A axungia constitit, neque totum corpus hoc subiit. B, B, B, B. Ductus serpentine, in vasa recta et anastomosis juncta desinentes; quae longiora quam aliis plerisque animalibus sunt. c, c, c. Ductus aliquot serpentine, quos axungia subiit. D, D.

D, D. Ductuum spermaticorum ad testem medium plexus five rete. E, E. Vasa duodecim circiter efferentia, quae, perforata albuginea, testiculo erumpunt. F. Totidem coni vasculosi qui epidydimidis caput conficiunt, et cito in unum vasculum coeunt, quod totam reliquam epidydimida constituit, ejusque duobus locis, G, G, dissoluti verà magnitudo depingitur.

FIG. 9 Testiculi hujusce caro, abscissa albuginea ad ejus extremitatem capiti epidydimidis proximam, denudatur. A, A, A, A, A Aliquot ductus serpentine quos axungia subit. B, B, B, B Duodecim circiter ductus recti et ampli, qui ductuum spermaticorum reti, priusquam vasa efferentia demittat, inferuntur. C. Retis hujusce extremitas e quo vasa efferentia emergunt.

TAB. V.

FIG. 1. Salamandram incisam, intestino recto A a latere aperto, exsectis caeteris intestinis, exhibet. a, b, Vesica aërea, vel pulmo sinistri lateris; qui cc, testiculo sinistro in duos lobos diviso alligatur. d. Adeps. ee. Ductus recti tres vel quatuor, qui ex utroque lobulo proveniunt, et ductuum reti f. inferuntur; e cuius parte superiore vel anteriore exoritur vasculum unicum serpentinum, g; ex eo vasculum rectum, h, sursum cor versus ascendens, ortum ducere videtur, et semen sanguini reddendo destinari probabile fit. ii. Vas deferens inter retrogrediendum diametro auctum. k k. Ductus recti qui ex reti provenire, et in hanc partem valis deferentis semen effundere videntur. In-

VOL. II.

D d d

testino

testino recto a latere inciso et aperto, vasorum deferentium a parte ejus superiore ostia // conspiciuntur. *m.* Organum ex tubis conflatum, femini diluendo liquorem aptum fecernens, et ad recti marginem effundens. *n.* Stylus, vesicae urinariae in intestinum rectum aperturae, immissus. *o, o.* Duo corpora fungosa et glandulosa, quae mari adfunt, foemellae defunt, et muscutorum abdominalium parti inferiori accrescunt; horum usus ignoro. *p, p.* Renes infra testes fiti; et inter eos vasa magna sanguinea decurrunt.

FIG. 2. Galli gallinacei ductus spermaticos lateris dextri mercurio impletos, a parte superiore vel posteriore, exhibet.

A. Vesicula seminalis cui tubulus injectorius insertus fuit. B, C. Vas deferens, quod, quo vesiculae propius accedat, eo amplius evadit. D, D. Ductus testiculi serpentini quampiurimi, mercurio impleti, sed qui prius ob tenuitatem inconspicui erant. E. Vas deferens ad latus internum testiculi flexuosum. F. Vas deferens intra thoracem bis productum visum, quo autem finitur nondum comperi, in aliis omnibus enim experimentis, ad G, apice caeco terminatur.

FIG. 3. Faciem ejusdem testiculi anteriorem vel inferiorem exhibet. A, B, C. Vas deferens cursu flexuoso progrediens, et supra testiculum, praeter naturae consuetum, productum, ut in priori figura apparuit. Ductus recti, *d, d*, circiter triginta, teste emergentes, qui in vas deferens inferuntur. EE. Ductus testiculi tortuosi mercurio turgidi.

FIG. 4. A. Rajae-laevis testiculus, quater circiter naturali brevior et arctior, ex lobulis figurae enormis compositus.

compositus. B, C. Testis corpore medulloso tectus. D. Fibrarum vel ductuum spermat. corum fasciculus. E. Caput epididymidis. F. Epididymidis vasculum inter retrogrediendum auctum. G. Tota epididymis corpore glanduloso tecta. H. Vas deferens plicatum. I. Vesicula seminalis. K. Papilla per quam semen in intestinum rectum, ad partem ejus superiorem, ad ani marginem, effunditur, eadem omnino ratione ac salamandrae depinximus.

FIG. 5. Laevi-rajae testiculi frustulum transversim sectum. A. Globuli rotundi quibus testis lobuli constant. B. Substantia alba medullaris testi superjecta.

FIG. 6. *Mercurii infundendi ratio.*

Parentur tubuli vitrei, (ferrei aptiores essent, sed difficilius conficiuntur), figurae A, B, et diversae ad B amplitudinis: Et tubus ferreus C, D, 3 pedes longus, quartam circiter pollicis partem latus, cui infundibulum, *e*, adaptetur, ita ut eandem argenti vivi copiam teneat, sive horizonti ad libellam respondeat, sive perpendicularis tubus sit, i. e. *e g.* aequalis sit *ef*. Tubus supra axin ad H, (et CH sit ad HD, ut quinque ad unum) sursum deorsumque moveatur. *i*. Axis sustentaculum, cujus apex *k*, ad pollicem unum circiter pone axin, infundibulum inter infundendum mercurium sustinet. Sustentaculum *i* intra cylindrum cavum *l* movetur, qui, per cochleam ad *m*, ad mensae marginem firmatur. *n*. Cochlea quae cylindrum, *l*, perforat, et in sustentaculum urgendo tubum qualibet directione figit, dum cochleae, qua ad mensae marginem firmatur, intorquendae etiam inserviat. *o, o*. Catena

tena infundibulo annexa. *p.* Hamulus mensae affixus, cui catenae series annectuntur, ut tubi extremitas, *C*, quam lentissime descendat. Tubum ferreum, *C*, *D*, tubulo vitreo, *r*, per cylindrum cavum qualis est, *q*, *x* corio emplastro adhaesivo illinito confectum, et filo vinctum, ne extroisum urgenti mercurio cedat, adjungimus.

Tubo dein horizonti parallelo collocato, mercurium infundibulo infundimus, donec per tubi vitrei, *r*, extremum profiliat; et hac ratione, aëre excluso vasi, *f*, cui mercurius injicitur, tubulum vitreum inferimus. Extremitate dein, *C*, ex tubi mercurio impleti pondere, lentissime descendente; mercurii columnae altitudo, et hinc ejus vis, sensim sensimque augetur; et quocunque situ, nullo nostro negotio, catenae ope firmatur.

Liquores aquosos et aërem, per mercurii pondus, injicendi ratio.

Si optatius sit, liquores aquosos coloratos injicere; in promptu est cisternula, *t*, duobus tubulis, *u*, *v*, instructa, quorum alter *u*, ad ejus fundum fere descendit, alter ex parte ejus superiore ascendit, et dein flectitur. Illi tubus ferreus, *C*, *D*, huic tubulus vitreus, *w*, per cylindros cavos coriaceos, *y*, *y*, accommodatur.

Omniis, ut figura exhibet, fere sitis, liquorem aquosum coloratum infundimus, quo cisternulam et tubum etiam implemus; dein mercurium supra affundimus, et expectamus usque dum ad *u*, descenderit; et tunc vasi cui injicitur tubulum vitreum, *w*, aptamus,
et

et posthac columnae mercurii altitudinem, quatenus opus fuerit, augemus.

Sin autem aërem, certa quadam vi lente aucta, inflare velis; tubulum vitreum *w*, vasi *x*, priusquam mercurium infundas, accommodato, et huncce apparatus aptissimum habebis.

N. Lagenae vitreae, cui caput ferreum duobus tubulis ornatum conglutinatur, cisternulae vicem apte fatis supplet; et corio emplastro adhaesivo illinito, super instrumento qualis est in fig. 7. *a*, *b*, involuto, filo victo, eductis dein, *c*, *d*, tubuli coriacei facillimo parantur.

IN-

I N D E X C A P I T U M.

INTRODUCTIO,	Pag. 321
CAP. I. <i>De testium numero et situ,</i>	323
CAP. II. <i>De testium tunicis, et de funiculo sper-</i> <i>matico in genere; et ex his corollaria</i> <i>quaedam,</i>	325
CAP. III. <i>De arteriis et venis spermaticis,</i>	329
CAP. IV. <i>De testium vasis lymphaticis in genere,</i>	336
CAP. V. <i>De testium sensibilitate,</i>	ib.
CAP. VI. <i>Testes recentes dissecti, et vasa sangui-</i> <i>nea intra testes descripta,</i>	337
CAP. VII. <i>Ductuum seminiferorum in homine pro-</i> <i>gressus,</i>	342
§ 1. <i>Quae de iis prodiderunt auctores ce-</i> <i>leberrimi,</i>	ib.
§ 2. <i>Testiculi ductus flexuosi, infuso mer-</i> <i>curio, examini subjiciuntur,</i>	344
§ 3. <i>Epidydimidis mercurio repletae struc-</i> <i>tura experimentis proditur,</i>	346
CAP. VIII. <i>De ductibus seminiferis in aliis anima-</i> <i>libus,</i>	349
§ 1. <i>De iis in quadrupedibus viviparis,</i>	ib.
§ 1. <i>De iis in avibus,</i>	352
§ 3.	

IN VARIIS ANIMALIBUS. 399

§ 3. *De iis in quadrupedibus oviparis, Pag.* 354

§ 4. *De iis in piscibus cartilagineis,* 355

§ 5. *De iis in piscibus osseis,* *ib.*

CAP. IX. *An, ex dictis, naturae artificium in seminis secretione, in variis animalibus, colligere liceat ?* 356

CAP. X. *De vesiculis seminalibus,* 358

CAP. XI. *De seminis motu,* 360

CAP. XII. *De vasis semen sanguini reddentibus,* 361

CAP. XIII. *Seminis dotes, et varia ejus phaenomena,* 369

CAP. XIV. *Seminis secreti, et in sanguinem resorpti vel excreti, effectus quidam,* 374

CAP. XV. *An modum quo semen, in animantibus perpetua serie propagandis, officio suo fungatur, penes nos sit explicare ?* 380

TABULARUM EXPLICATIO, 383

F I N I S.

1870

1870

1870

1870

1870

1870

1870

1870

1870

1870

1870

1870

1870

1870

1870

1870

1870

1870

1870

1870

C
DISSERTATIO MEDICA
INAUGURALIS,
DE
MORBO HYPOCHONDRIACO.

QUAM,
ANNUENTE SUMMO NUMINE,

Ex Auctoritate Reverendi admodum Viri

D. JOANNIS GOWDIE,
ACADEMIÆ EDINBURGENÆ PRÆFECTI;

NEC NON

Amplissimi SENATUS ACADEMICI consensu,
Et nobilissimæ FACULTATIS MEDICÆ decreto;
PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS

RITE ET LEGITIME CONSEQUENDIS;

Eruditorum examini subjicit

GULIELMUS TURNER,
ANGLO-BRITANNUS.

Ad diem 30. Aprilis, hora locoque solitis.

————— Ut sit mens sana in corpore sano.

JUVENAL.

EDINBURGI:

—————
M,DCC,LVI.

Vol. II.

E c c



Viro egregio

REV. JOANNI SEDDON

DE WARRINGTON,

Ob doctrinam insignem,

Morum facilitatem,

Ingenii acumen,

Sermonis elegantiam,

Omnisque alias animi dotes,

Quae hominem exornant,

In primis conspicuo :

Nec non

Viro eruditissimo, sagacissimo,

ROBERTO WHYT, M. D. R. S. S.

In academia alma Edinburgena

Medicinae Theoreticae et Practicae Professori,

Collegii Medicorum Regii Socio,

Praeceptori suo plurimum colendo ;

Ob amorem eximium

Quo discipulos complectitur,

Beneficia permulta in se collata,

Hasce studiorum primitias,

Grati animi monumentum,

Sacras vult

GULIELMUS TURNER.

DISSERTATIO MEDICA

INAUGURALIS,

DE

MORBO HYPOCHONDRIACO.

INTER morbos diversos quibus obnoxii sunt mortales, vix ullus gravior quam morbus Hypochondriacus: Cujus etymologia est ab *ὑπο* *sub*, et *χονδρος* *cartilago*; eo quod sub costis spuris et earum cartilaginibus suam tyrannidem exercet. Multi alii morbi summo afficiunt dolore, et in periculum capitis et vitae discrimen adducunt; hic autem de quo nunc agitur non corpus solum, sed et mentem continua aegritudine perturbat, et vitam reddit miserrimam; saepissime homines cernere licet quam maxime vexatos acutissimis doloribus, arthritide, calculo, cancro, colico, imo et circumventos inopia, exitio, et omni fere calamitate, se fortiter sustentantes, et vitam quantumvis miseram protrahere volentes; sed ubi hoc exitiale malum imperium sibi crudele semel arrogaverit, omnes
laeti

laeti animi motus in aeternum aufugiunt, nec bona animi, nec corporis, nec fortunae amplius juvant, nec amicitiae, nec societatis gaudia, nec artes, nec scientia, neque virtus ipsa ullo modo oblectamento sunt: Quoties enim, heu! nimis frequenter videre licet hos infelices derisos et ludibrio habitos, perinde ac si tota aegritudo vanae phantasiae et fictae imaginationis effectus esset? Hoc iniquum, ingratum, et quam maxime inhumanum est.

Morbus enim revera existit, et cum in extremis et ultimis gradibus augeatur, vita ipsa nec eligenda, nec toleranda evadit; quid de invidia cecinit Poeta, de morbo Hypochondriaco verissime dicendum;

Siculi non invenere tyranni majus tormentum.

Morbus Hypochondriacus eos praecipue invadit, quibus habitus corporis spongiosus, mollis, vasa laxa et exiliora sunt prae iis, quibus corpus strictius est: Non minus eos adurit, qui vel natura languidiores existunt, aut qui in morbum vitio parentum procliviores sunt; vel qui longis morbis insignem virium ac roboris naturalis contraxerunt imbecillitatem, aut perverso vivendi modo, crapula, scil. et sorbitionibus theae, coffeaeque nimis, aut aliorum tepidorum potibus aquosis; praesertim infestantur hoc malo, qui vitae sedentariae sunt addicti, literarum studiis nimium indulgent, assiduisque vacant meditationibus et lucubrationibus, unde morbus literatis familiarissimus et veluti proprius; et etiam qui usum veneris immodicum, et praecipue ante pubertatem, nimis colunt; et qui patiuntur vehementiores corporis motus, vel etiam multo saepius violentas quasdam animi commotiones a repentino

pentino aliquo, five irae, five doloris, five etiam timoris, et similium pathematum insultu ; qui etiam vivunt sub humidiori et frigidiori coelo, et ubi aëris temperies valde mutabilis est : Hinc ob hanc causam, neque ob luxuriam solam, Britannia magis obnoxia est huic morbo, quam ulla alia regio ; nulla enim plaga nota est, ubi coelum tam variabile est ac in Britannia ; vix enim anni ibi tempestas constans, sed revera complicatio quatuor tempestatum.

Hic morbus est affectio totius corporis, ob magnam universi systematis nervosi debilitatem, in quo omnes partium solidarum motus recedunt a naturali suo statu, et ob causam laevissimam in praeternaturalem ac violentam agitationem compelluntur ; unde circulatio tarda et languida, secretiones et excretiones inaequaliter peraguntur, ingesta male conficiuntur ; hinc necessario sequetur functionum, quae ab his pendent, laesio multiplex, et vires fatiscunt : Veruntamen est ille, si veram spectemus ideam, affectus primarum viarum, nominatim ventriculi, ac intestinorum spasmodico flatulentus, ab inverso et perverso illorum motu peristaltico natales suos mutuans, et iste primario oritur ex spasmis et convulsivis motibus ; unde, si partes inferiores intestinorum contrahantur, speciatim quum plenae sint, faeces non solum retinentur in tubo, sed flatus generantur et concluduntur, adeo ut latera intestinorum et ventriculi turgeant, et vehementer distendantur ; et sic sympathia quadam totum nervosarum partium systema in irregulares motus conjicitur, et tota oeconomia functionum perturbatur.

Sed nec spectabilior est hujus morbi frequentia, quam varietas illa multiformis, qua se ostendit, et nul-

los non fere aemulatur ex iis effectibus, quibus attē-
runtur miseri mortales; quamcunque enim corporis
partem infederit, symptomata, qualia ei competunt
parti, statim producit; et nisi medicus (ait magnus
Sydenhamus) tam sagaci quadam solertia et *Δυστοκεία*,
quam in arte peritia valeat, fraus ei fiet, atque ista
symptomata a morbo aliquo essentiali hujus vel illius
partis, non vero ab adfectione Hypochondriaca, pen-
dere arbitrabitur.

Multae et variae fuerunt sententiae doctissimorum
auctorum de indole et natura hujus morbi, quas in
hac dissertatione nec necesse, nec licitum erit, enume-
rare; nullus enim scribendi pruritus me tenet, neque
juvenile hocce tentamen scriptum edere auderem, ni
Academiae hujus leges specimen aliquod progressus in
studiis vulgandum postularent.

Sed ut ratione et ordine procedat oratio, phaenome-
na quaecunque separatim, utpote functiones varias
laesas indicantia, consideranda veniunt, hoc modo pro-
grediendum a functionibus naturalibus ad vitales, de-
nique ad animales male affectas: His excussis, symp-
tomatum rationem explanare licebit; tum morbi prog-
nosin stabilire conabimur; denique cum methodo me-
dendi finiemus.

SYMPTOMATA AB ACTIONIBUS NATURALIBUS LÆSIS.

In primis morbi principiis, graves sentiuntur ventri-
culi ac intestinorum tensiones et inflationes, praefer-
tim sub costis spuriiis, in hypochondriaca regione,
maxime

maximè sinistra, in qua nonnunquam tumor durus formatur, ubi oesophagus ventriculum contingit: Nau-
sea frequenter cietur, ciborum fastidium; appetitus va-
gus est, nunc omnino prostratus, nunc avidior; inge-
sta malè concoquuntur; cruditates acidæ viscidæque
generantur; dolor ventriculi pressorius et gravitate op-
primens plerumque sentitur statim post cibos sumptos:
Haec praeterea observantur, spasmotica contractio
gulæ, mucus limpidus ex oris glandibus continuo de-
fluens, (hinc *sputatores* dicuntur Hypochondriaci),
gravis cardialgia; ructus acidissimi, vomendi nîsus,
et ipsi vomitus, quibus saburra quam maxime acris
emittitur, dentes hebetans, et linteamina corrodens;
membranae faucium porro ita ab hac acrimonia affi-
ciuntur, ut deglutitionis impedimentum mox contin-
gat.

Porro, in volumine intestinorum percipiuntur graves
circa umbilicum dolores, cruciatus, torsiones, lancina-
tiones, borborygmi, murmura; aliquando est violentum
alvi proluvium, aliquando pertinacissima adstrictio, cum
flatuum retentione, vel supra vel infra eructatorum
reliquas paullulum passiones mitigant, sed brevi reno-
vatis viribus redeunt. Tubercula et caecæ hæmor-
rhoïdes anum sæpe obsident, et fluor sanguineus ali-
quando succedit: Meiore in quibusdam est difficile,
urina tenuis fit, diluta, pallida, insipida, profusa quan-
titate in morbi paroxysmo, ut in diabete, et nonnun-
quam copioso sedimento arenoso imbuta: Hinc ne-
phritidem et calculum aliquando mentitur.

Ingravescente malo, caput etiam vehementer affligi-
tur; partes externæ cephalalgîis, hemicraniis, et va-

riis doloribus tractatoriis cum rigiditate junctis, atque clavo, uti vocatur; internae partes autem, vertigine, scotomate, et immodica levitate, turbantur: Maculae nigrae, atomi, muscae, parva retia saltantia in aëre circumvolantia, percipiuntur; oculi saepissime obscurantur; aures tinnitu molesto perturbantur, et auditus difficilis est; saepissime vigilia pertinacissima et continua vexantur; vel, si aliquando somnus obrepit, horrendis somniis terrentur, terrores magici, miracula, sagae, nocturni lemures, et innumera portenta vanae phantasiae, adfunt: Incubus pectus opprimit, et dum summis viribus ad deiciendum onus conantur, difficulter suspirant, ab imo pectore ingemiscunt, donec tandem expergiscuntur oppressi anhelatione angusta, et inaequali cordis palpitatione.

Symptomata quae in membris apparent, sunt frequentia; in membris extremis frigiditas, sudores visci et frigidi, magni et continui dolores, graves spasmi et musculorum contractiones, subsultus tendinum, convulsivae vellicationes in palpebris, labiis, et omnibus muscularibus partibus, et denique per totum corpus inquietudines universae.

SYMPTOMATA A FUNCTIONIBUS VITALIBUS MALE AFFECTIS.

Pulsus parvus et exilis, respiratio crebra et difficilis, graves angustiae et constrictiones in thorace, cum tremore et palpitatione cordis creberrima. Denique,

ANI.

ANIMALES FUNCTIONES MORBO
AFFICIUNTUR.

Animus, vel nulla vel saltem levissima causa, incitatus ad perversas commotiones, inquietudines, angores, terrorem, moestitiam, iram, diffidentiam abripitur, ad fluctuationem cogitationum, vanas imagines, perversamque phantasiam inclinatur; deficit memoria, et denique ratio labascit.

RATIO SYMPTOMATUM.

I. Graves tensiones ventriculi, ac intestinorum, praesertim sub costis spuris in regione hypochondriaca, maxime sinistra, &c.] Haec symptomata oriuntur ex imbecillitate tubi alimentaris, indeque digestionem turbata, chylicatione laesa, fordiumque excrementiarum impedita excretionem; ingesta, tam animalia, quam vegetabilia, in bonum alimentum converti nequeant. Hinc, dum remanent in canali intestinorum, praesertim in eorundem plicis et flexuris, acidas viscidasque cruditates producant, unde flatus generantur copiosissimi: Calore tamen ventriculi, et partium vicinarum motu, putredinem seu corruptionem contrahere incipiunt, qua nervos intestinorum sensiles vellunt, et tunicam eorum muscularem ad spasmodicas stricturas proritant; stringitur itaque tubus ille in nonnullis locis arctissime, ut nec flatus transmittat, qui ergo fluctuant in ea canalidis parte, quae a spasmis libera est,

est, eamque distendunt mirifice: Et sic primum apparet ratio gravium dolorum circa umbilicum, cruciatuum, torsionum, lincinationum, borborygmore, murmurum. Porro, flatus inferius nescii exire, posito a spasmis obice, ad superiora magis compelluntur, et tum praesertim colon occupant, et in ejus flexuris concluduntur: Namque sciendum est, quod intestinum colon, praesertim sub costis spuriis, in utroque hypochondrio flexuras format, et cum sacco renum cohaeret; in sinistro autem latere, ubi flexuram patitur, angustus est: Unde hoc in loco a flatibus frequentissime et violenter infarcitur, ac in tumorem elevatur acutissime dolentem, quem falso lienis vitio tribuunt: Continuantibus spasmis, inverso motu peristaltico, et invalescente morbo, halitiosi illi vapores ad ipsum ventriculum sursum repelluntur, quem ultra modum distendunt, et anxiam inflationem sensibus conspicuam inducunt; occluso stomacho, aer expansilis magno conatu referare portas certat: Nec frustra; rumpit enim per os ventriculi superius volitantia acida secum vehens, aut nidorosas partes aëri conjunctas; hinc ructus acidi, et gravis cardialgia.

II. Nausea frequenter cietur, ciborum fastidium; appetitus vagus est, nunc prostratus, nunc avidior, &c.] Facile patet exploranti, viscus talia ostendens phaenomena male se habere, ventriculo (scil. officina corporis totius) seu humoribus pravis repleto, sive multum debilitato ut ex ingestis nutritus rite elici nequeat: Per vasorum enim et viscerum robur debitum, cruda ingesta in naturam humoris inquilini mutantur; unde cum in ventriculo vires ad digerendos cibos defunt,

appe-

appetitus deficit, ingesta male concoquuntur, cruditates acidae viscidaeque ab humoribus crassis pituitosisque in ventriculo commorantibus generantur; vel lenta haec pituita faucibus adhaerens, vel in ventriculo fluctuans, et hinc inde mota, continuam fere nauseam producit; unde tandem appetitus prostratus et ciborum fastidium. Natura autem saluti consulens corpus fastidioso onere liberare conatur, scil. respuendo cibum, ne moles massae heterogeneae in ventriculo commorantis crescat; dein nisum ad vomitionem solum inferendo, ut modos iustos pro aegri salute recuperanda investiget: Denique, propter humorum quantitatem, motus spasmodicos fortiores excitando; unde per vomitum rejiciuntur humores ventriculum onerantes. Vomitus quoque saepe oritur ab acido in ventriculo ex ingestis aciescentibus nato, atque mora et calore acriore facto; hujus enim stimulo ingrato provocatur vomitus, cujus ope saburra quam maxime acris saepe emittitur, dentes hebetans, linteamina corrodens, et membranas faucium ita laedens, ut deglutitionis impedimentum mox contingat.

III. Dolor ventriculi prefforius, et gravitate opprimens, plerumque sentitur, statim post tempus edendi.] Semper se plenos, semper saturatos, et de pondere molesto hic haerente conqueruntur: Ea enim est ventriculi fabrica, ut, dum aliquid contineat non facile digerendum, sensus gravitatis et anxietatis nascatur.

IV. Mucus limpidus continuo defluens ex oris glandulis, &c.] Quoties ventriculus nausea laborat, glandulae oris et faucium liquores suos copia solito majore eructant,

eructant, utpote irritatae, ob sympathiam quam cum ventriculo habent.

V. Nunc est violentum alvi proluvium.] Alimenta ventriculo ingesta, nec rite concocta, cruditates generant, et vel in putredinem vel in acidam naturam abeunt; unde in intestina depulsa horum nervos sensiles irritant, unde augetur motus peristalticus, cujus ope ad anum citissime feruntur intestinorum contenta.

VI. Nunc est alvus adstrictior cum flatuum retentione, &c.] Languente intestinorum tono, suboritur alvi segnities; siquidem sordes lente adhaerentes nec abstergi nec propelli queunt; et denique, cum intestinorum spasmi, cum flatulentis distentionibus reciprocantes, suboriantur, luculenter patet, cur alvina excretio in hypochondriacis sit tardior. Imo nonnunquam tam pertinax adstrictio alvi contingit, ut nec tenuiores halitus, multo minus foeces, transire queant. Adstrictio alvi in hypochondriacis etiam oriri potest a bilis inertia; unde languescet motus peristalticus, sicque foeces lente admodum propellentur ad anum.

VII. Tubercula et caecae haemorrhoides anum saepe obsident.] Ex antedictis motum peristalticum labefactatum et minus regularem fuisse patet: Unde sanguinis circulatio minus libera erit; namque in uno intestinorum loco est spasmus, qui constringit comprimitque simul vasa sanguifera; in altero loco flatus latera tunicarum distendunt, et ita quoque graviter premunt vicina vascula; eo vero magis retardatur sanguinis per venam haemorrhoidalem regressus, cum illa
situ

situ praedita sit perpendiculari : Hinc passim oriuntur humorum stagnationes in tunicis intestinorum, ut cruor circa exitum intestini recti cumuletur, et in tubercula, quae caece dicuntur haemorrhoides, elevetur; aliquando per vasorum ora dilatata erumpens fluxum haemorrhoidalem producit.

VIII. Mingere in quibusdam est difficile, urina tenuis, diluta fit, &c.] In hypochondriaco corpore fragili et caduco, cum mente imbecilla et fluctuante, mirandum non est, tam fragilem truncum rudioribus animae motibus succumbere, et humores male per canales fluere, et spasmos hinc inde generari. Si vero spasmus ductus uriniferos in renibus occupet, nihil transmittunt, nisi solam tenuissimam et aquosam urinae partem, dum faeces crassiores intra vasa manent. Simulac spasmus solvitur, arteriae solitos affuentes diametros urinam salubrem inde demittere incipiunt. Vesica quoque spasmis mire afficitur, eademque fere patitur, ac si calculus in ea lateret : Quandoque ureteres contrahuntur et dilatantur, in faccum magnum excitantem dolores acerbissimos, qui saepe dolorem calculi mentiuntur, et calculum seu arenam ex pelvi cadentem exquirunt imperiti medicastri.

IX. Ingravescente malo, caput etiam vehementer affligitur, partes externae cephalalgiiis, hemicraniis, et variis doloribus tractatoriis, &c.] Haec symptomata a nervis capitis, praesertim pericranii male affectis, vel aliquo modo irritatis, nascuntur : In hoc malo molesto quandoque fere omnes partes capitis afficiuntur, nonnunquam dolor vellicans sentitur in una tantum parte,

parte, similis clavo in capite fixo; aliquando acerbissimi dolores frontem, oculi bulbum, nasum, dentes maxillares superiores, aurem externam, &c. occupant; hi saepe dolores mediante consensu oriuntur, quem omnes universi corporis nervi, nervosaeque partes cum se invicem obtinent. Spasmi ventriculi et intestinorum ad alias quoque propagantur remotiores regiones; nervi enim per ventriculum et intestina dispersi mirum habent consensum cum caeteris nervis corporis, praesertim capitis, cordis, pulmonis, et renum: Hinc a ventriculo male affecto, aliquando palpitat cor, pulmones, ob fibras eorum spasmò correptas, aërem aegre admittunt, unde respiratio difficilis; atque vascula secretoria renum insolitis oscillationibus correpta, urinam admodum copiosam distillant: Inter nervos autem ventriculi et capitis maxime conspicuus est consensus; quoties enim ex ventriculo materia faburrosa heterogenea onerato, vel aëre flatulento distento oriuntur capitis dolores, vertigines, scotomata, &c.? Ipse expertus sum cephalalgiam ex aëre flatulento in ventriculo natam disparuisse cito post copiosos emissos ructus. An capitis dolor ab aëre in ventriculo hospitante nascitur, quoniam ab hoc viscere inflato comprimitur aorta descendens, unde majori copia determinatur sanguis versus caput? vix probabile videtur.

X. Maculae nigrae, atomi, muscae, &c.] Sicut complures capitis affectiones olim memoratae, ex spasmis et vitiis primarum viarum saepius originem suam trahunt; ita oculorum affectiones in hoc morbo occurrentes ad similes fere causas referantur: E. g. Si
arteriae

arteriae per retinam disperfae ultra modum dilatantur, vel oscillationibus, five motibus insolitis spasmodicis, corripiantur, visus variis modis turbabitur, scintillae, maculae, atomi, et pulveres ante oculos apparebunt. Quoties enim ob vitium arteriolarum vel librarum nervosarum retinae, adest in ea punctum insensibile, et ad visum ineptum; in hoc puncto oculus caecus erit, et, si millena talia punctula sint, tot puncta, five maculas nigras vel obscuras, in aëre ante oculos videbit aeger. Auditus depravatus a vitiis similibus nervum auditorium afficientibus quoque oritur.

XI. *Vigilia pertinacissima et continua vexantur.]* Quando organa sensuum externorum et internorum ita se habent, ut ab objectis externis facillime afficiantur, vel interna cerebri dispositio ea sit, ut continua irritatio quasi sensorii communis fiat; praesertim autem quando ab animi affectibus violentioribus et pertinacioribus plus solito commoventur spiritus animales, oculi somno dulci nunquam inclinant; atque inde vigiliae ab ira, odio, metu, cupidine vindictae, moerore, &c.

XII. *Vel si aliquando somnus obrepit, horrendis somniis terrentur, &c.]* Quoties hepar, lien, vel ventriculus male afficitur, aeger vel vigiliis affligitur, vel somnus insomniis fere semper turbatur; quorum causa forte est ingrata quaedam sensatio quae harum partium malas affectiones comitatur: Atque si morbi viscerum hypochondriacorum saepe mentem insigni melancholia, moerore, vel timiditate afficiant, non mirandum est insomnia terribilia ab eadem causa saepe produci. Hos aegros incubus saepe invadit; durante

quo, pectus multum opprimitur, imo circulatio sanguinis per pulmones magna ex parte sistitur; ad onus hoc amovendum, et ingratam sensationem abigendam, aegri summos conatus edunt, sed saepe frustra, donec tandem expergiscantur oppressi anhelatione angusta, et inaequali cordis palpitatione.

XIII. Symptomata quae in membris apparent, sunt in membris extremis frigiditas, crebraeque horripilationes per totum corpus propagatae.] Quorum causae sunt spasmodicae contractiones vasorum minorum a sympathia, quam invicem obtinent ope nervorum; ubi spastica est vasorum contractio, ibi quoque circulus humoris fit inaequalis; quamdiu liber transitus est per omnia vasa, remanet calor; ubi vero sanguis per vasa minora lente admodum transit, vel in iis fersistitur, frigus sentitur.

XIV. Graves spasmi, et musculorum contractiones, subsultus tendinum, &c.] Ab una eademque causa, scil. inaequali et irregulari fluxu fluidi nervosi in fibras musculorum; hic autem oriri potest, vel a vitio quodam in cerebro, vel in fibris muscularibus, vel etiam ab inanitione vasorum.

SYMPTOMATA A FUNCTIONIBUS VITALIBUS MALE-AFFECTIS.

XV. Pulsus parvus et exilis, &c.] Omnes actiones nostri corporis quodammodo musculari motu pendent; universales enim causae motrices, cor nempe et arteriae,

riae, musculosae sunt; sed hae actiones tantum effici possunt, dum adsunt boni spiritus, et spirituum confectio ultimam et perfectissimam requirit assimilationem: Itaque dum debilia nimis viscera nequeunt ingesta penitus concoquere, ita depauperabitur sanguis, ut turbari imminuique debeat spirituum, sive animalium, sive vitalium, in cerebro aut cerebello secretio; et hinc adeo frequens vacillatio pulsuum: Porro, hic observare licet, humorum expansilitatem, vel indolem rarefcentem: Hinc, ob mentis vehementiores vel tardiores motus, humores mire afficiuntur; dum enim aegri exhilarantur, pulsus plenus, aequalis, rythmum servat, venae distenduntur, et quoad caetera sani instar sunt: Dum, mente aliena corpori, omnia in ruinam tendunt, venae detumescunt, humores contrahuntur, pulsus parvus, inaequalis fit. Item, ab eadem causa, respiratio crebra et difficilis, graves angustiae et contractiones in thorace cum tremore et palpitatione cordis creberrima: Ob motum scilicet fluidi nervosi inaequalem parcumque, et mentem corpore alienatam, contrahentur et vasa externa, et longius a cerebro cordeque sita; unde inanientur haec, dum venae cordi dextro vicinae sanguine copioso nimis repleantur; refluat enim sanguis a partibus exterioribus per venas, donec obruantur cor et pulmones: Hinc respiratio crebra, difficilis, cordis palpitatio, &c. ut protrudantur humores iniqui, ne penitus suffocentur.

DENIQUE,

DENIQUE, ANIMALES FUNCTIONES
MALO AFFECTÆ SUNT.

XVI. Animus vel nulla, vel saltem levissima, de causa, &c. abripitur.] Animae perturbatae causas immediatas mortalium perscrutationibus attingere non datur, neque inquisitiones nostras altius quam ad effectus pervehere licet. Annon a functionibus corporis non rite peractis, ex viribus vitae debilitatis, accidunt? nam mens et corpus, quanquam longe inter se differant, ita tamen formantur, et mirifice in nobis conjunguntur, ut altera reciproca sympathia ab altero afficiatur, et constat mentem in corpore effoeto, quam in vegeto et robusto, plus valere: Sed, in robusto et alacri corpore, aequilibrium justum est inter fluida bona et solida elastica, inter corporis vires et animae pathemata; ut ejus tumultuosis jactationibus multum resistere queant solidarum vires: At in hypochondriacis corporibus, quorum vires olim disperduntur, solida relaxata saevioribus animae motibus oppugnare non possunt; et, ob parciolem secretionem (diutius morantem) quam quae ad sanitatem requiritur, vasa inanientur: Tum, uti magnus Hippocrates dicit, sequuntur convulsio, singultus, atque forsan plures id genus morbi.

Prognosis hujus morbi admodum ambigua est, eamque variare constat, prout symptomata eum comitantia majus minuve pertinacia sunt: Affirmare autem licet, malum hoc, quamvis parum periculosum sit, et per se

se raro lethale, saepissime tamen pertinax esse, ac curatu difficillimum.

Si morbus hic primo neglectus, sicque in corporis habitu radicatus, aeger ad morbum aliquem periculosiorem proclivior erit, nimirum melancholiam, maniam, epilepsiam, apoplexiam, convulsionem, &c. Sin vero aeger ab ullo morbo praegressio parum passus fuerit, si vires vitae non sunt valde debiles, et morbus potius nascebatur a perverso vivendi modo, aut vita sedentaria, vel vivendo sub humidiori et frigidiori coelo; eum debita perseverantia in methodo medendi postea tradenda a morbo liberatum fore persuasum habeo: Sed, e contra, si maxime passus fuerit diuturnis morbis, si robur multum exhaustiatur, et si morbus nascatur a vehementibus animi agitationibus, ab immodico veneris usu, aut ubi morbus vitio parentum evenit, raro medelam nisi imperfectam admittit.

INDICATIONES CURATORIAE IN HOC MORBO SUNT SEQUENTES.

Primo, Pravos humores primis viis haerentes, malo continuum pabulum suppeditantes, eliminare, fordesque acres corrigere ac temperare.

Secundo, Vehementes motus animi sopire.

Tertio, Spasmos et borborygmos intestinorum demulcere.

Quarto, Spasmis relaxatis, inversum motum peristalticum in naturalem ordinem reducere, eundemque languidiorem fovere, ut recta fiat ciborum concoctio, ac chylus reliquique humores generentur laudabiles.

Denique,

Denique, Totum systema nervorum et fibrarum corroborare, ut morbo recidivo, quantum fieri potest, occurratur.

Ut autem consilium medendi primum felicius cedat, ab emeticis initium ducemus, quo quamprimum fordes acres e ventriculo expelli possint, cui radix ipecacuanæ aptissima videtur; hoc enim pravos humores non solum nullo periculo evacuat, et leniter operatur, sed et simul nervorum tonum laxatum corroborat ac restituit: Deinde tincturae rhabarbari, aut tincturae sacrae, vel vini aloëtica alkalini (P. L.) sive pilularum Ruffi, sive etiam pill. aromat. dosi ad exoneranda intestina quibuscumque sordibus, et ob eorum indolem roborantem exhibeatur: His quoque remediis, alvi lubricitas conservanda, fomitumque putridorum generatio impedienda est, si per vices, prout rei necessitas exigit, propinentur: Et ad corrigendos ac temperandos humores acidos, &c. qui in primis viis haerent neque inepti erunt pulveres absorbentes; ex pulvere scilicet e chelis cancrorum composito, Margarita, coralliis, &c. una cum paucis granis rhabarbari, ne alvus astricta sit, ob eorum usum; etenim aeger pessime se habet, quoties alvus tarda est.

Secunda indicatio erat, ut vehementes motus animi sopiantur, &c.] Et ad hanc absolvendam sufficit, ut quocumque modo mutetur cogitatio, ne eadem idea, diutissime inhaerens, tandem totam mentem non unquam postea delenda occupet. Ubi vero validi animi affectus omnia turbant in corpore, et totum systema nervorum irritant, tunc ad illa confugiamus, quae spiritus sopiunt, et omnem cerebri actionem pro
tempore

tempore filere faciunt ; nimirum opium apta dosi sumptum, quod, instar nepenthes Helenae, omnium malorum oblivionem inducit.

Tertia est, Spasmos et borborygmus intestinorum demulcere. Hoc scopo, potimur beneficio anodynorum, antispasmodicorum, carminantium, laxantium, quae spasmos quoque leniunt, ac roborando intestina, flatus potenter evacuant ; uti, v. g. camphora, castoreum, crocus, moschus, myrrha, assa foetida, galbanum, nux moschata, valeriana silvestris, &c. Inter illa autem princeps merito opium habetur, verus spasmodorum delinitor, et cujus usu solo, testatur magnus Sydenhamus *, se acerbos dolores, vomitus, diarrhoeas, &c. a spirituum perturbato motu orta, sedare potuisse. Tum vero nullum est in gravioribus casibus remedium ; quod, in motu intestinorum inverso, ad inferiora derivando, spasms sedandis atque flatibus fordibusque eliminandis, praesentiozem, certiozem, ac efficaciozem virtutem praestet, quam clysteres, qui ex herbis emollientibus, carminantibus, ac discutientibus, concinnari possunt ; uti e decoctis, aut potius in aqua ebulliente infusis florum chamaemeli, foliorum althaeae, artemisiae, meliloti, baccarum juniperi, lauri, feminum anisi, carvi ; simul etiam quam maxime conducit fomentis calidis, ex laxantibus et anodynis paratis, totum abdomen obvolvere : Quantum autem boni ab his expectari possit in sedandis spasms, ex Galeno patet † : Dum enim, ob distractos enormi vi musculos, instare in seipso convulsionem sentiret, perpetua

* Vid. diss. epist. p. 506.

† Morbis, lib. 3. cap. 13. Charter. tom. 7. p. 588.

petua calidi olei affusione ad partes affectas hoc malum effugit; et testatur se illico sensisse cervicis musculos distendi, et instare convulsionem, dum vel modico tantum tempore intermitteretur calidi olei affusio. Similia et in volvulo curando commendavit Hippocrates *. Emplastra antihysterica, carminantia dicta in officinis, in eisdem usus adhibentur; quae exhalantem e corpore humorem reperiendo fovant, et aromaticum, quibus constant, grato stimulo leniter calefaciente profunt.

Vix tamen ullum praesentius remedium cognoscitur ad spasmos illos solvendo, quibus intercepta materia flatulenta coërcetur, quam cucurbitae; per illas enim illico dolores a flatulentia orti tolluntur, ac si incantamento hoc fieret, jam Galenus monuerat †; et effectus suos praestare videntur cucurbitae, dum humorum copiam et impetum in quemvis corporis locum, cui immediate adhaerent, derivant, sicque a vicinis partibus avertunt; simul etiam nervi per partem cucurbitae suppositam dispersi irritantur, et dolent saepe; atque ita possunt solvi spasmi in aliis locis corporis nati; quod veteres putabant materialem fieri flatuum causam, ex profundo corporis extrahendo.

Quarta, Ut porro ventriculus reficiatur, inversus motus peristalticus in ordinem naturalem reducat, ac totum nervosarum partium systema corroboretur, in usum vocari possunt medicamenta corroborantia, et quae solamen debili ventriculo conferant, talia ex absinthio Romano, angelica, balsamo Peruviano, cardamomo,

* Lib. 1. cap. 4. Charter. tom. 7. p. 91.

† Lib. 12. meth. medend. cap. ultimo. Charter. tom. 10. p. 292.

momo, castoreo, cortice aurantiorum, canella alba, gentiana, myrrha, serpentaria Virginiana, valeriana silvestri, zedbaria, &c. parantur. Sed palmam facile caeteris praeripiunt, et dotibus efficacissimis praeditae sunt, aquae minerales chalybeatae, chalybs, cortex Peruvianus, et exercitatio: Omnibus enim remediorum generibus in curando hoc morbo praestat corporis motus; hoc enim major sanguini fluor conciliatur, perspiratio insensibilis augetur, fibrae roborantur, et sanguinis et humorum circulus aequabilis promovetur: Tanti fecit equitationem Sydenhamus *, ut non solum alia mala, sed tabem non tantum conclamata, ubi jam nocturnis sudoribus funesta adeo phthificis diarrhoea accefferat, se sola equitatione curare posse confidat; nec magis efficacem credidit mercurii in lue venerea, vel corticis Peruviani in febribus intermittentibus usum, quam equitationis in curanda phthisi: Sed notandum, debilem hominem non debere equitare pleno ventriculo, sed ante prandium, vel post digestionem fere peractam; distento enim ventriculo, non sine molestia hos concussus ferre possunt. Praeterea, summum auxilium a recta vivendi ratione expectari debet; quae si negligatur, omnis reliqua curatio irrita erit et sine fructu: Si itaque aeger humido et frigido coelo vivat, in puriorem ac temperatiorem aërem sese conferre, ab omnibus cibis qui haud facile digeruntur, ut et ab omnibus calidis et aquosis liquoribus abstinere oportet: Nam apud Hippocratem, faciunt carniū effeminationem, nervorum impotentiam, mentis stuporem, haemorrhagias, animi deliquia, &c.

VOL. II.

H h h

E

* In diss. epist. p. 523. et 524.

E contra, cibis illis quibus multum nutrimenti inest, quique facile digeruntur, uti debet, et cyathus generosi cujusdam vini concedendus est; qualia sunt ea quae ex Canaria, Malaga, Madeira, importantur.

Nunc ad finem hujus curtae perfunctorieque tractatae dissertatiunculae perventum: Nihil denique restat, nisi ut Praeceptoribus meis, plurimum colendis, ob summam curam atque amorem, quo me semper foverunt, gratias quam maximas agam, neque me, quoad vivam, sub auspiciis virorum adeo clarorum rei medicae tyrocinia posuisse, poenitebit.

F I N I S.

DISSERTATIO MEDICA
INAUGURALIS,
DE
MERCURIO.

QUAM,
ANNUENTE SUMMO NUMINE,

Ex Auctoritate Reverendi admodum Viri

D. JOANNIS GOWDIE,
ACADEMIÆ EDINBURGENÆ PRÆFECTI;

NEC NON

Amplissimi SENATUS ACADEMICI consensu,
Et nobilissimæ FACULTATIS MEDICÆ decreto;
PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS

RITE ET LEGITIME CONSEQUENDIS;

Eruditorum examini subjicit

P R Y C E O W E N,
CAMBRO-BRITANNUS.

Ad diem 10. Maii, hora locoque solitis.

EDINBURGI:

M,DCC,LVII.

INSTITUTIONAL REPORT
OF THE

U. S. DEPT. OF AGRICULTURE

OFFICE OF THE
GENERAL LAND OFFICER

WASHINGTON, D. C.

1900

THE

LAND OFFICE

AND

THE

LAND OFFICE

AND

THE

LAND OFFICE

AND

THE

Viro eximio

H U G O N I O W E N

D E W O O D H O U S E , M . D .

Patruo suo plurimum honorando,

Ob optima,

In studiis excolendis consilia,

Beneficiaque innumera in se collata,

Hasce studiorum primitias,

In grati animi monumentum,

D. D. C. Q.

P R Y C E O W E N

DISSERTATIO MEDICA

INAUGURALIS,

DE

MERCURIO.

ARGENTUM vivum, a Graecis *ιδεαργυρος* a chemicis *Mercurius* dictus, est semimetalium fluidum, argentei splendoris, omnium corporum quae novimus, auro et platina exceptis, ponderosissimum.

In terrae visceribus haud raro, quandoque purum mobilitate, et nitore lucido conspicuum, invenitur argentum vivum, et tunc *virgineum* audit; saepe tamen, adjuncto sulphure minerali, reducitur in statum minerae, quae nomine *cinnabaris nativae* venit; haec est minera Mercurii propria, et forte sola, specie tantum variata, pro varietate matricis in qua dispersa sit.

E cinnabare, adjectis quae sulphur retinere possint, distillatione elicitur Mercurius purus, et vel hac via e minera extractus, vel natus virgineus hisce dotibus, se prodit.

Summo

Summo frigoris gradu adhuc experto expositus Mercurius, fluidus permanet, quod nulli alii praeter aërem fluido, quantum novimus, contingit.

Calori gradus in thermometro Farenheiteano 600 expositus idem mercurius, in auras prorsus avolat; si vero apparatu idoneo vapores avolantes colligantur, et frigore condensentur, sistunt se iterum sub forma Mercurii currentis, a vaporatione ista haudquaquam mutati.

Si vero caloris gradui cuivis inter 400 et 600 medio, per tempus satis longum expositus fuerit Mercurius, fatiscit in pulverem rubentem acrem, qui in pharmacopoliis *Mercurius praecipitatus* per se, vel *calcinatus*, appellatur.

Mercurius statu suo nativo fluido, sive, ut dicitur, vivus vel currens, omnino inodorus et insipidus est, et corpori humano ingestus, nullam aliam vim, quam quae ex pondere ejus in primis viis pendet, in corpore exerit, sed (ut nobis saltem videtur) per tubum alimentarem transiens, ano demum ejicitur prorsus immutatus.

Hoc autem corpus statu suo fluido, ut diximus, iners, medicamentum validissimum fieri potest, vel *calcinatione* supra dicta, vel *trituratione* in pulverem nigrum subtilem, vel denique *conjunctione cum acidis*.

In pulverem nigrum subtilem mutatur Mercurius, si vase vitreo inclusus per longum tempus valide agitur; inde etiam ex insipido, fit acris, saporem quandam metallicum, cupreum, nauseosum, praebens.

In pulverem nigrum etiam mutari potest, si adjuncto simul pulvere quovis sicco, ut fluore sulphuris, pulvere testacco, vel similibus, apparatu idoneo, teratur;

sed cum istiusmodi pulveribus prorsus aridis, neque in pulverem acrem, neque in medicamentum vi notabili praeditum, Mercurius convertitur.

Sed si Mercurius cum pulvere quodammodo tenaci, vel potius cum liquore quovis viscido, quantumvis blando, satis diu teratur, adipiscitur demum colorem nigerrimum, subtilissime dividi videtur, et in medicamentum validissimum transit.

Mercurius cum quovis acido conjungi potest, et ex conjunctione ejus cum variis acidis, plurima medicamenta in pharmacopoliis parata, prostant.

Solvitur facillime in acido nitroso; si solutio haecce rite evaporata fuerit, non tantum aquosa pars acidi, sed multum etiam ipsius acidi, abigitur, relinquens Mercurium corrosum in pulverem album, qui ulteriori calcinatione in rubrum transit; hic pulvis dudum nomine *praecipitati rubri* notus, nunc aptius *Mercurius corrosivus ruber*, appellatur.

Acido item vitriolico conjungi potest Mercurius, si solutioni hujus in acido nitroso injiciatur acidum vitriolicum: Hoc enim fortius Mercurium attrahens, cum eo conjungitur, et conjunctum, cum in aqua vix solubile sit, ad fundum cadit, facile separandum. Mercurius etiam cum acido vitriolico uniri potest, si cum hoc ad ignem ebulliat, et adhibito igne donec fluidum omne abigatur, obtinetur calx alba quae affusione aquae fatiscit in pulverem flavescentem quondam *turpethi mineralis*, nunc *Mercurii emetici flavi* titulo cognitum.

Acido etiam muriatico conjungi potest Mercurius; praecipitatione ex solutione in acido nitroso, eodem modo, ac ob easdem rationes, ut de acido vitriolico

modo dictum est; hujusmodi praecipitatum plerumque *Mercurius praecipitatus albus* dicitur. Aliter etiam acidum muriaticum conjungitur Mercurio, si nempe calci hujus cum acido nitroso factae addatur sal marinus, et mistura vasis idoneis igni exponatur, ex ea sublimatur Mercurius cum acido muriatico conjunctus, quae officinis *Mercurius sublimatus corrosivus* vulgo audit.

Haec, quae jam diximus, sunt praecipua, vel saltem fundamenta, omnium medicamentorum quae ex Mercurio acidis conjuncto parantur.

Sunt quidem omnia acria; acrimonia vero, pro differentia acidi quodammodo diversa, adeo ut ex acido nitroso minor, ex vitriolico major, ex muriatico maxima acrimonia, oriri videatur.

Omnia tamen haec praeparata adeo acria sunt, ut nisi caute satis adhibeantur, effectus aliquando violentos et periculi plenos, in corpore humano exerunt. Inde est quod medici et chemici omni ope annisi sint, ut medicamenta ex mercurio minus acria et tutiora obtinerent, et obtinent quidem variis modis, qui tamen, ut videtur, omnes in hunc finem conspirant, ut scilicet in misto quovis, ratio acidi ad Mercurium quam minima fiat; ita, si Mercurio sublimato corrosivo addatur lege artis portio Mercurii vivi, obtinetur inde Mercurius sublimatus satis apte *dulcis* dictus, utpote ob portionem majorem Mercurii cum acido conjunctam multo mitior; item, si a quovis praeparatorum superius dictorum, quovis modo abstrahatur portio quaedam acidi, praeparatum fit inde mitius; ita affusione aquae fontanae, vel spiritus vini, vel digestio-

ne cum iisdem, vel tritu cum camphora, et oleis essentialibus, vel denique additione salis alkalini fixi, vel volatilis, portio acidi abstrahi potest, ut Mercurius quidem adhuc corrosus, sed omnino minus corrosivus relinquatur.

De praeparatis Mercurii, quae vim quandam sensibilem in corpus humanum exerunt, scilicet de Mercurio calcinato, de Mercurio viscido quovis irretito, et in pulverem subtilem comminuto, et de Mercurio denique acidis conjuncto, jam satis dictum est. Omnia illa, ut nobis videtur, vires easdem, saltem non nisi gradu diversas, proferunt; effectus igitur communes nunc primum describendi sunt, et deinde qua ratione fiunt pro viribus explicandum.

Ex praeparatis mercurialibus, supra dictis, quodvis ventriculo ingestum, praesertim si ex acrioribus sit, vel pleniore dosi ingestum, dolorem ventriculi facit, nauseam creat, imo vomitum ciet. Idem in intestina delatum, cathartici instar ventris fluxum, cum torminibus, inducit.

Si vero medicamentum mercuriale ex lenioribus sit, vel refracta dosi ingestum, per tubum alimentarem transit sere innocuum, et in sanguinem deferitur: Hic saepe fudoriferi vice fungitur, saepe urinam pellit, nec quidem datur emunctorium quodvis, cujus excretionem non aliquando adauget Mercurius, sanguini admixtus.

Prae ceteris tamen omnibus frequentius ad glandulas salivales ruit; ibi salivam copiosam eliciendo, symptomata ut videntur singularia inducit, quae sequenti ordine plerumque se excipiunt. Primum, aegros quiddam metallicum cupreum et fastidiosum sapit, halitus

litus deinde graviter ac foede olet, gingivae tument tumore quodam spongioso, adeo ut ex frictu vel laesione quavis leniori, sanguinem fundere proclives sint. Os internum totum calet, ac sitibundus evadit aeger: Saliva denique fluit copiosior, plerumque viscida et acris. Si dum haec fiunt, plus Mercurii adhuc ingeratur, saliva fluit adhuc majori copia, et cum aucto ptyalismo, symptomata omnia inflammationis oris, et partium vicinarum valde augmentur. Totum os internum ulcusculis dolentibus obsidetur, glandulae salivales, et simul mucosae omnes tument, lingua, pellicula crassa alba semper obducta, interdum tumet, adeo ut ore vix, aut non omnino quidem contineri possit. Labia, etiam tota facies, et fauces, tumore calido afficiuntur, et denique per totum horum symptomatum decursum, plus minuisse febris semper adest.

Symptomata haec pro quantitate Mercurii ingesti, habitu corporis, aetate aegri, et praesertim pro regime ejus vario, tum plus minusve vehementia fiunt, tum per longius vel brevius temporis spatium perdurant.

Si aeger se objecerit aëri frigido, vel liquoris gelidi aliquid hauserit, inflammatio oris exinde plurimum augetur, et plerumque saliva exinde copiosior fluit.

Aliquando a frigore, corpori utcunque applicato, nonnunquam etiam sine causa ulla evidenti, Mercurius antea per corpus diffusus, subito et copia majori ad intestina ruit, turbas ibi maximas et periculosas admodum ciens; tormina atrocia, cum anxietate summa, excruciant, dejectiones alvi tenues, aquosae, nonnunquam etiam sanguinolentae, crebrae, copiosae, aegrum

grum debilitant, unde animi deliquium, imo mors ipsa, saepe arcessitur.

Hi sunt effectus generales Mercurii praeparati, et corpori humano ingesti, ut supra dictum est; mox qua ratione hi omnes fiant considerandum venit.

Medici plerique, et inter eos celeberrimi quidem, hos effectus omnes, ad actionem Mercurii in fluida corporis retulerunt. Cum mercurium sit corpus ponderosum, et sanguine fere quatuordecies ponderosius, non dubitant quin sanguini admixtus, pro ratione ponderis momentum majus semper habeat, et in particulas sanguinis ideo impingens, eas dividat, ita ut tota massa fluidior, et per secretionem quasvis ad proflendum proclivior omnino evadat, vel saltem quod sanguis Mercurio impregnatus, ponderosior sit, et ad referenda et permeanda minima quaeque vasa inde aptior foret.

Haec theoria, utcumque magnis nominibus se tueatur, vix sine dubio admitti potest.

Nam, imo, Mercurius sanguini admixtus in particulas minutissimas semper dividitur. Quo autem corpus in partes minores dividatur, eo ratio superficiei ad quantitatem materiae in quavis particula semper major evadit. Particula igitur perparva, utcumque ponderosa sit, ob superficiem respectu quantitatis materiae semper magnam, ad superandam cohaesionem fluidorum certe parum idonea erit. Aurum ponderosissimum in partes minutas divisum aquae fluidissimae cohaerentiam superare haud valet, sed in ea facile suspenditur. Mercurium itaque ad cohaesionem sanguinis

nis viscidum superandam parem fore, haud omnino censendum est.

2do, Si mercurius pro gravitate qua pollet maxima ad solvendum sanguinem idoneus fuerit, nonne etiam expectandum foret alia corpora, sanguine etiam multo graviora huic immista, effectus quodammodo similes praestitura? Sed ab alio metallo quovis, nec ab auro ipso ingesto, effectus similes nusquam observati sunt; a gravitate ergo specifica sola cujusvis medicamenti solutio sanguinis nequaquam speranda est.

3tio, Mercurius parva adeo dosi effectus suos praestat, ut exinde neque pondus sanguinis sensibilibiter auctum iri, neque effectum quidem in tota massa sanguinis, respectu Mercurii adeo magna, qualemcunque produci expectare liceat. In Nosocomio regio Edinensi nuper vidimus (sub ductu celeberrimi nostri Professoris Joannis Rutherford) ptyalismum, ad libram unam in horis sex, a grano dimidio Mercurii sublimati corrosivi excitatum. In hoc casu fere certum est (uti etiam plerisque aliis in quibus effectus valde notabiles, per dosim medicamenti perparvam producti sunt) eos non a mutatione quavis fluidorum pendere.

Medicis diu persuasum fuit, opium sanguinem rarefacere, unde vasa ad basin cerebri distendebantur, adeo ut nervorum origines comprimerentur, et somnus inde induceretur; jam vero a Professoribus nostris doctissimis Carolo Alston * et Roberto Whytt †, demonstratum

* Medical Essays.

† An essay on the vital and other involuntary motions of animals;

Et Essays physical and literary, vol. 2. art. 20.

tum est, opium in systema nervosum solum agere, effectusque ejus soporiferos inde oriri.

Cantharidum ad dimidium grani corpori ingestum, effectus saepe notabiles in vias urinarias exerit, et ex experimentis cum sanguine extravasato institutis*, suspicari quodammodo liceat, sanguinem a cantharidibus solutum iri; sed si solutio unius tantum grani, unciiis aliquot sanguinis affundatur, nulla inde mutatio huic contingit; multo igitur minus totius corporis humani sanguinis mutationem ab eodem grano sperare licet.

4to, Non tantum sanguinis mutationem, vel a gravitate, vel a quantitate Mercurii, quae plerumque ingeritur, expectare non licet; sed porro a Mercurio, quantitate satis magna, ut in quibuldam sit ingestio, nulla sanguinis mutatio sensibilis revera fieri videtur; nam tempore salivationis a mercurio satis magna quantitate ingestio proritatae, saepe vidimus sanguinem missum haudquaquam differre a sanguine corpore integro detracto: Eadem portio cruoris apparuit, eadem separatio accurata in cruorem et serum in illo, quam in hoc, contigit. In hoc solum sanguis hominis salivantis, a sanguine hominis sanissimi differre videbatur, quod in illo cruor, ob inflammationem, salivationis comitem fere individuum, pellicula tenaci alba semper obductus fuit: At hoc ipsum, sanguinem nequaquam solutum fuisse, satis bene ostendit. Celeb. Van Swieten dicit, se vidisse febrem tertianam media salivatione ortam, et, persistente etiam salivatione, febrem per plures paroxysmos perstitisse†. In Nosocomio regio Edinenfi nuper vidimus hominem sub finem sali-

fali-

* Baglivi dissert. de usu et abusu vesicant. cap. I.

† Comment. in Boerhaav. aphorism. sect. 755.

salivationis febris quartana correptum, et plures paroxysmos passum fuisse.

In hisce casibus certe visciditas liquidi arteriosi, si quae sit, causa febrium intermittentium nequaquam abolita fuit. Denique, probe notum est Mercurium saepissime et securissime simul hydropi mederi *: Nocere autem omnino oportet fluidis jam nimium solutis medicamentum quod ea magis adhuc solveret.

Ex his omnibus rite perpenſis, fatis (ni fallor) constat, Mercurium utcunque ingestum, nec ad solvendum sanguinem idoneum esse, nec sanguinem in salivantibus ab eo ullatenus solutum esse.

Quanam alia igitur ratione Mercurius effectus suos praestat, jam inquirendum est: Res certe fatis ardua, et cui forte nos impares omnino sumus; sed pro viribus tentanda.

Probabile admodum nobis videtur, Mercurium vi stimuli omnino agere, et effectus ejus omnes, utpote a stimulo productos, fatis bene explicari posse. Hujusmodi explicationem ad pleraque phaenomena a Mercurio ingesto producta, applicare nunc aggrediemur; sed prius principia quaedam physiologica e re foret hic praemittere.

I. Fluidorum motus per vasa corporis minima, et speciatim per tubulos glandularum secretorios, a vasorum horum motu oscillatorio, ad quem stimulo fluidorum excitantur, praecipue peragitur.

II. Acre quodvis cum sanguine commistum stimulo suo, solidorum contractiones naturales augebit; cordis
ideo

* Vid. *Monro on the dropsy.*

ideo et arteriarum motus validiores et crebriores efficiens, circuitum sanguinis multum promovebit *.

III. Circulantis sanguinis impetus, et excretionum omnium copia stimulis ad excretoriorum oscula admotis, insigniter, et forsan praecipue, augentur.

His igitur praemissis, ad effectus Mercurii quos supra descripsimus, nunc singulatim tractandos, progredimur.

Vomitum ciet.] Hunc effectum Mercurii ab acrimonia et stimulo profectum esse, nemo est qui dubitat, sed ad Mercurium ex acido adjuncto acrem plerumque refertur. Mercurius autem tum calcinatus, tum agitatione sola, in pulverem conversus idem facit. Mercurius igitur quoties agit in corpus humanum, si quantitate satis magna ventriculo ingeratur, etiam in hunc vi stimuli agit.

Cathartici adinstar ventris fluxum inducit.] Cathartica omnia plus minusve acria et stimulantia sunt, et a stimulo eorum superficiei internae intestinorum admoto tum oscula excretoriorum omnium in interna illa superficie patentium stimulantur, et fluida quaeque in cavum intestinorum naturaliter depluentia, majori copia eliciuntur, tum simul fibrae intestinorum musculares irritatae, dejectiones alvi crebriores faciunt. Certe Mercurium effectus prorsus similes exerentem, eos eadem vi stimuli exerere omnino putandum est. Ut saepe Mercurius, ita aliquando cathartica cuti inuncta, ad intestina tandem perveniunt,

VOL. II.

K k k

et

* Haec principia a sagacissimo Professore Roberto Whytt, M. D. accurate demonstrata sunt. Vid. An Essay on the vital and other involuntary motions of animals. Et Physiolog. Essays.

et eisdem effectus ostendunt, ac si per os vel anum ingesta fuissent. Hos autem effectus cathartici cuti inuncti, nemo forte est qui ad vim ejus in solvendo sanguini referre velit, et omnino ad vim stimuli per secretionem ad intestina tandem delati referendi sunt. Cum autem Mercurius vel per os ingestus, vel cuti inunctus, effectus catharticos ostenderit, nonne hos etiam ad stimulum Mercurii ipsis intestinis applicatum omnino referre debemus?

Sudoriferi vice fungitur, saepe urinam pellit.] Sudorifera et diuretica fere semper manifeste acria et stimulantia sunt, et diuretica saepe effectus stimulant in viis urinariis satis aperte exhibent. Censendum ideo est, tum sudorifera, tum diuretica, vi stimuli praesertim agere, et Mercurium eodem modo sudoriferi vel diuretici vice fungi existimare licet. Novi quidem plures qui solvendi sanguinem vim aliquam, tum sudoriferis tum diureticis inesse putant; sed tantum sanguinis quantum per renes vel cutim ab actione medicamenti aliquando egeritur, a quantitate adeo ut saepe fit parva ingesta solutum fuisse, nequaquam concedere possumus.

Frequentius ad glandulas salivales ruit.] Si fluida, ut vulgo opinatur, a Mercurio solverentur per secretionem omnes simul et semel profluere deberent. Hoc autem non evenit, sed plerumque per unum ex emunctoriis solum in quod stimulus Mercurii praecipue dirigitur, plus quam per alia quaevis profluunt fluida. Cur autem stimulus Mercurii ad excretoria salivae frequentius dirigatur, explicare multum se torquent physiologi, et plerumque ad gravitatem Mercurii specificam confugiunt. Volunt quidem Mercurii moleculas

culas cum sanguine e corde sinistro in aortam expul-
 sas, necessario per carotidas recto quasi itinere pergere,
 dum sanguinis particulae quaevis leviores per aortam
 descendantem divertuntur. Sed falsa anatomia inniti
 videtur haec theoria; nam aorta, antequam in arterias
 carotidas dividitur, incurvatur, adeo ut vel carotis dex-
 tra in directum cum sinistri cordis orificio nequaquam
 sit. Cur ideo Mercurius ad glandulas salivales fre-
 quentius tendit, aliter certe explicandum est. In hunc
 finem, vel, ut cathartica, quovis modo ingesta, stimu-
 landi intestina vim specificam habere videntur; ita
 Mercurium excretoria salivalia stimulandi vim quan-
 dam specificam possidere arbitremur: Vel, ut cantha-
 rides et salina pleraque quod ab aquea parte sanguinis
 abripiantur, et in renes deferantur, hos praesertim sti-
 mulent; ita quod Mercurius iis sanguinis partibus
 quae per glandulas salivales transeunt facilius affocie-
 tur, et cum iis in os devehatur, ibi potius stimulum
 suum alias communem exerat, haud incongrue cense-
 re licet.

Ægri os quiddam metallicum cupreum et fastidio-
 sum sapit.] Hicce sapor idem est cum illo quæ^m ex
 Mercurio agitatione in pulverem acrem conversio et
 gustato cernimus; et hicce sapor sub ipsis initis sali-
 vationis semper perceptus, [clare monstrat mercurium,
 antequam salivationem proritare possit, statu suo acri
 in os semper deferri: Et stimuli quidem mercurialis ad
 os applicati plurima symptomata mox videbimus.

Halitus deinde graviter et foede olet.] Hoc est
 symptoma quod medicos plerumque ad solutionem
 sanguinis in salivantibus putredinosam suspicandam
 duxit; sed temere nimis, ni fallor: Ex foetore enim a-
 nimae

nimae sanguinis statum putridum semper inferre vix licet: A dente carioso inquinata anima saepe foetet, caetero tamen corpore satis bene valente. A quam parva quantitate materiae ore inhaerentis halitus gravis ac male olens oriri potest, ex hoc constat, quod, salivatione peracta, saepe per plures postea annos halitus male olens ex ore prodit; cum tamen de sanguinis vel etiam salivae putredine ne minimum suspicari liceat. Saliva ergo ipsa a mercurio mutari, et forte in putrescentem indolem quodammodo converti, potest; sed idem in tota sanguinis massa, vel maxima ejus parte, factum fuisse minime putandum, cum nec in sanguine e venis misso, neque quovis alio symptomate, ut in scorbuticis solet, solutio ista putredinosa manifeste appareat. Quod tamen a medicamento per totam sanguinis massam disperso fieri non potest, ab eodem per secretorium quodvis iterum collecto fieri facile concedimus.

Gingivae tument.——Os internum totum calet, &c. &c.] Haec et caetera quae sequuntur symptomata inflammationem a stimulo ipsi ori applicato subortam satis aperte monstrant; neque dubium superesse sinunt, quin Mercurius ingestus excretoria salivalia stimulando, effectus suos gignat, eodem modo quo alia quaecunque medicamenta evacuantia effectus suos excretoria stimulando producant.

Jam igitur effectus Mercurii plerosque singulatim perpenfos consideravimus, et eosdem vi stimuli productos esse ostendere, quantum in nobis erat, conati sumus. De effectibus ejus igitur, et modo operandi, jam satis egimus. Restat nunc ut de usu ejus in uno alterove morbo, cui plerumque medetur, paucis differere progrediar.

DE MERCURIO QUATENUS VIRES IN
SCHIRRHUM EXERCET.

Præcticis omnibus jamdudum compertum est, Mercurium obstruentium omnium, quorum notitia ad nos manavit, efficacissimum esse. In tumoribus scirrhis mitioribus, aut modo coeptis, discutiendis, saepe prodesse reperitur. Ubi materia quidem duritiem majorem nacta fuerit, praesertim si scirrhus ad inflammationem paulo proclivior sit, praeparationes mercuriales nocere possunt.

Nulla pars corporis est, ubi circulatio per vasa tenuissima peragitur, quae scirrhus non affici potest; at partes structura glandulari donatae huic maxime obnoxiae sunt. Omnes hi succi qui glandularum fabrica separantur, ac folliculis seu cavitatibus colliguntur, coagulatione et spissatione adeo arescere et durescere posse dicuntur, ut glandulae ductu excretorio nequaquam exire possint; sed folliculo quo coarctantur distento, vascula per glandulae substantiam dispersa comprimunt, unde tumor et durities nascitur, Ruyschius tamen constanter asseveravit, quod postea Hallero confirmatum est *, nec glandulas conglobatas, nec conglomeratas, folliculos ullos habere, quare quoties scirrhus evadunt, obstructionem, aut arteriolis parvis, aut nonnunquam forsitan in ductibus excretoriis, fieri necesse est.

Mercurius sanguini admistus, atque ad excretorium per pervia glandulae vascula delatus, stimulo suo non
solum

* Prim. lin. physiologiae.

solum canalium apertorum motum oscillatorium, sed et motum eorum qui obstructi sunt, augebit; unde materia his impacta validius agitabitur, attenuabitur, et vel in venas, vel per ductum excretorium propelletur, unde tumoris resolutio.

Quod si obstructio autem adeo confirmetur, ut vasorum motu oscillatorio actione Mercurii ita aucto removeri nequeat, scirrhus in pejus ruet; vasis enim in materiam inclusam validius agentibus, calor, inflammatio, ac humorum fluxus major versus partem istam, gignetur; his autem scirrhum exasperari, et in indolem cancrösam mutandum proclivius fieri, inter omnes convenit. Hinc patet quam caute Mercurius in scirrho curando administrandus sit.

DE USU MERCURII IN LUE VENEREA.

Nullus datur morbus in quo Mercurius saepius ac felicius adhibetur quam in lue venerea; et dubitare quidem licet, annon sola sit medicina quae hunc morbum foedum (nostra saltem regione ubi radices plerumque altius egerit) penitus evellere valeat. Quomodo autem hoc praestat haud adeo facile dictu, cum viri venerei natura adhuc parum cognita, nec forte cognoscenda sit; an Mercurius huic tanquam antidotus seu specificum, an veneno evacuando solum medetur, vix affirmare possumus. Utcunque tamen sit de usu Mercurii lue venereae maxime accommodato pauca quaedam afferre licet.

Libros de hoc morbo scriptos evolventibus fatis constat, opinionem ut plurimum valuisse ptyalissimum Mercurio

curio excitatum, ad luem veneream radicitus evellendam; omnino necessarium esse, et haec praxis ad nostra fere tempora observatur.

Cuivis tamen symptomata ptyalismum comitantia attentius secum reputanti facile patebit, nihil nisi spem solam malum foedissimum depellendi, taedium, molestiam, vel periculum hujusmodi medelae ut subeat, aegrum adigere posse: Angina, haemoptoe, phrenitis, dysenteria, ptyalismo supervenientes, saepe subito miserum de medio tollunt; et licet haec effugerit, salivatione peracta, tumores faucium et oris schirrhosi, maxillae immobilitas, conglutinationes linguae cum palato, ac buccarum cum gingivis, debilitas corporis maxima, tremor, paralyfis, diathesis phthifica, et alia mala saepe sequuntur, quae miserum vel diu excruciant vel tandem occidunt: Neque hoc totum est; cum forte ex salivationis periculis omnino evaserit aeger, post molestiam et taedium plurimum hebdomadam devoratum, saepe virus in corpore languente, nec jam medelae iterum subeundae pari, delitescens adhuc miser invenit. Hoc evenit, et evenit quidem saepe, ut videtur, ob Mercurium per venas salivales subito ruentem, antequam corporis recessus omnes pervaserat, et virus latens penitus eliminare potuerat.

Ex hisce satis constat, molestiam et periculum salivationis, non tantum aegro, sed etiam medico (si fieri possit) omnino fugienda esse; et non dubitamus asserere, quod in lui venereae ope Mercurii medendo aliam viam inire, et possumus, et debemus.

In hunc finem, antequam Mercurius ingeratur, oportet implere corpus decocto diluente, et attenuante simul, quo secretiones urinae et perspirationis patentiores

tiores et laxiores evadant, et eo facilius Mercurius illuc ducatur; convenit etiam, cutim totam balneo tepido mundare, laxam et apertam reddere.

Corpori ita parato, Mercurius, num per os ingestus, num cuti inunctus fuerit, dosibus semper parvis, ac non nisi per intervalla longiora, adhibendus est, quod tum de effectibus ejus in diversis corporibus diversissimis melius constaret, tum ne nimis subito ad glandulas salivales ruat, certius caveretur. Si doses primum ingestae ventrem moverint, vel minuenda dosis, vel opio adjecto, catharsis praecavenda est. Si ventrem minime moverit Mercurius, continuo, per intervalla tamen ut diximus, ingerendus est, donec effectum quemdam sensibilem ostenderit; si sudorem elicuerit, vel urinam pepulerit, bene est, et iisdem omnino dosibus ingerendis persistendum, donec luis symptomata penitus evanuerint. Si vero neque sudorem, neque urinam cierit, Mercurius tum iisdem vel paulo largioribus dosibus ingerendus est, donec sapor metallicus in ore perceptus, vel foetor animae, vel denique gingivarum tumor, ptyalismum jam imminentem ostenderint; simulac haec symptomata comparent, ingestio Mercurii in tempus sistenda est, ne salivatio copiosa symptomatibus suis molestis et periculosis stipata inauspicato accedat. Cum vero de quantitate Mercurii sanguini admisti satis constet, et contra salivationem copiosam satis cautum sit, plus Mercurii per intervalla tum est ingerendum, tantum tamen quantum vel salivationis imminentis indicia monstret, vel levissimam modo sputationem proritet, et hac via insistendum est, donec morbus penitus evanescat.

In

In hos usus, inter varia Mercurii praeparata, selectio quaedam forte facienda est. Haec non nisi gradu acrimoniae diversa esse supra diximus: In praefens igitur, de selectione eorum, satis erit dicere, quod Mercurius cum viscido quodam tritus, *catomelas* et similia mitiora, forte tutius exhibeantur, ventriculum et intestina minus facile laedant, et non adeo subito, neque symptomatibus stimuli acrioris, in os prorumpere soleant. Hinc praeparatis iis mitioribus plerumque utimur; sed nuper in Nosocomio regio Edinenfi, praeparata quaedam acriora, ut *Mercurius sublimatus corrosivus*, et *Mercurius emeticus flavus*, non tantum tuto, sed etiam optimo cum successu, exhibita esse, jam saepius vidimus. Haec, si refracta modo dosi ingerantur, satis tuto fit, et plerumque citius quam mitiora quavis per vias sudoris et urinae transeunt, et has evacuationes potentius cientia, in vasa salivalia minus facile ducuntur. Sine salivatione igitur, morbis satis certe et satis cito etiam medentur.

Mercurii fluxu ad cutim derivato, materia morbifica in vasis exilioribus juxta corporis superficiem latens, per poros recta forte via abibit; sin vero Mercurii cursus ad glandulas salivales obversus esset, virus iterum in venas, ac per cor et pulmones transire oporteret, antequam ore expelli potuerit.

Per totum tempus quo Mercurius quovis modo praeparatus adhibetur, convenit simul ingerere copiam satis largam decocti diluentis, et quodammodo sudoriferi, quo Mercurius ad vias sudoris et urinae certius dirigatur. Convenit etiam eodem tempore, ut aeger utatur diaeta tenui blanda; acribus, calidis, et pingui-
bus quibuscvis omnino vitatis. Omni cura etiam, sub

usum Mercurii, frigus a corpore arcendum; nec tamen in nimio calore detinendus est aeger; calor gradus cuiusvis inter sexagesimum quartum et septuagesimum medii maxime accommodatus videtur.

Jam ergo ostendere conati sumus, quod lues venerea, alia administratione Mercurii, aequae certe et celeriter, et multo minori aegri molestia et periculo, quam per salivationem, sanari potest; hujusmodi exempla plurima vidimus in praxi clinica eximii viri ac summi medici Joannis Rutherford, qui hanc methodum plurimis annis secutus, multos ad sanitatem restituit, quibus salivationes iterum atque iterum repetitae nulli usui fuerunt. Idem quoque feliciter expertus est vir ille solertissimus Gulielmus Cullen, M. D. et Chemiae in hac Academia Professor, qui nullam non occasionem discipulos praelectionibus publicis ac colloquiis privatis erudiendi alacriter amplectitur; quare salivationes, saepissime parum necessarias, imo plerumque noxias, affirmare licet.

Ququam vir robustus, viribus adhuc integris, atque aetate florente, ptyalissimum nullo fere damno perferat; attamen quis medicus, sana mente praeditus, in puerulis delicatis, et infantulis tenellis, hoc tutum putaret? Annon, de his qui senio ac morbis opprimuntur, idem dicendum est? Aegris hujus generis, salivatione superata, vires adeo imminuerentur, ut reliqua vita tantum oneri foret. Si salivatio mulieri utero gestanti more solito excitaretur, metuendum omnino foret, ne sanguinis impetus a mercurio ut solet multum auctus, placentam ab utero separaret, et abortum inferret. In aegris scirrhus sive cancro occulto laborantibus, morbus a quo forte nil periculi per totam vitam

vitam timendum erat, ab impetu sanguinis tempore salivationis semper aucto, in cancrum rabiosum et exulceratum facile mutari potest, ut tristibus exemplis saepe edocti sumus. Salivationes denique in struma, scorbuto, phthisi, et multis aliis morbis, pluribus omnino quam hic recensere possumus, magnopere certe nocent.

Pensum mihi demandatum jam ad finem perduxì, quam autem feliciter alii judicent; nec me fallit nonnulla festinanti nimis calamo perscripta esse, quae ut lectores aequi bonique consulant, precor: Has enim primitias ingenii mei, erroribus et lapsibus nequaquam immunes, Professorum meorum clementiae commendatas, potius quam severo examini subiectas, velim. Plus temporis huic dissertationi impendere vix potui, nisi simul colendi studia occasionem nunc oblatam, ac postea frustra quaerendam, nimis neglexissem.

F I N I S

THE

DISSERTATIO MEDICA
INAUGURALIS,
DE

B I L E.

QUAM,

ANNUENTE SUMMO NUMINE,

Ex Auctoritate Reverendi admodum Viri

D. JOANNIS GOWDIE,
ACADEMIÆ EDINBURGENÆ PRÆFECTI;

NEC NON

Amplissimi SENATUS ACADEMICI consensu,

Et nobilissimæ FACULTATIS MEDICÆ decreto;

PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS

RITE ET LEGITIME CONSEQUENDIS;

Eruditorum examini subjecit

ROBERTUS RAMSAY,
SCOTUS.

Ad diem 10. Decembris, meridie, loco solito.

EDINBURGI:

M,DCC,LVII.

Viro generoso, eximio,

GEORGIO DUNDAS

DE DUNDAS,

Antiquissimæ Dundassiorum gentis

Principi dignissimo :

Nec non

J A C O B O

Ejus filio natu maximo,

Juveni ornatissimo,

Amicissimo ;

Hæc suas in re medica primitias,

Perpetuæ observantiæ et amoris

Pignus,

Vero animi affectu

D. D. D. C. Q.

ROBERTUS RAMSAY.

DISSERTATIO MEDICA

INAUGURALIS,

D. R.

B I L L E.

CUM specimen quoddam inaugurale edendum sit, satius duxi, aliquid, utcunque parvulum, e proprio penu eductum, proferre, quam aliorum scrinia compilare. Experimenta igitur quaedam, ad bilis animalium naturam et usum plenius indagandum, a me instituta, hic in medium affero; cumque ad finem conclusiones quasdam, quae ab experimentis nostris sequi videntur, adjecerim, ut haec schedula pro dissertatione inaugurali habeatur, precor.

Experimenta hic enarranda, omnia quidem non omnino nova sunt, quoniam in experimentis etiam repetendis bene collocatur studiosorum opera; et ut saepius repetantur pleraque experimenta, haud parum interest rei medicae. Quaedam igitur ab aliis prius facta hic repeto; sed plerumque, ni fallor, vel paulo accuratiora reddidi, vel ulterius prosecutus sum.

VOL. II.

M m m

Ex.

Experimenta quae in bile institui, in bile humana fecisse omnino vellem, sed in ovina vel bovina facere coactus sum; quia bilis humanae copia, ad haec necessaria, hic loci, nequaquam haberi potest.

Experimenta etiam omnia hic dicenda, in bile cystica tantum facta sunt; tum quia bilis hepaticae copia minus facile obtinetur, tum quia, si obtineretur, per eam experimenta repetere minus necessarium, et forte superfluum esset. Physiologi enim, ni fallor, omnes jam censent bilem cysticam totam, [quanta in cystide deprehenditur, ex ductibus hepaticis derivari, et motu per ductum cysticum retrogrado, e ductu hepatico in vesicam tantum fluere. Ductus hepato-cystici, a quibusdam praeteriti seculi anatomicis dicti, ab hujus aevi perspicacissimis, in homine jam non inveniuntur, et omnino non adesse, pro certo haberi licet. Bilem porro hepaticam, ex ductu hepatico vel communi, per cysticum in cystin facile, et revera deferri, experimenta quotidiana demonstrant; et nullam aliam viam, qua deferatur, dari, bene ostendit Celeb. Hallerus. 'Quoties,' inquit, 'calculus iter cystici ductus obsidet, vel manus anatomici ductum cystici cum ligavit, praeter mucum exiguum insipidum, aut aquulam exhalantem nihil folliculo inest*.' Neque obstant quae de differentia inter bilem hepaticam et cysticam vulgo notantur; hanc nimirum spissiore, amariorem, et plenius coloratam esse. Haec, utcumque vera sint, observavit tamen D. Ferren †, bilem hepaticam, in ipsis pori biliarii extremitatibus, tum amar-

* Halleri Prim. Lin. Physiologiae, sect. 690.

† Histoire de l'Academie Royale des Sciences, année 1733. p. 52.

ram, tum flavam esse. In ductus hepatici ramis, ipse gustu deprehendi, bilem vix minus amarescentem, quam in ejusdem animalis vesica fellea; et, comparatione saepius instituta, inter utramque bilem, nullam aliam differentiam observare potui, nisi quod bilis hepatica, cystica magis diluta esset. Quod a bile in folliculo stagnante, pars quaedam aquea per resorptionem auferatur, compertum habemus, et quod haec pars fere aqua mera sit, et ad naturam bilis parum pertinens, hinc comprobavi, quod, cum bili cysticae parum aquae fontanae affudissem, ut saepius feci, eam bili hepaticae prorsus similem semper effecerim. Differentia igitur quae videtur inter bilem hepaticam et cysticam, harum indolem peculiarem adeo parum attingit, ut quaecunque de natura bilis cysticae per experimenta invenientur, de natura bilis utriusque tuto praedicari possint. Hisce praemissis, ad experimenta ipsa jam progredior.

EXP. I. Bilis est fluidum, coloris ex flavo viridescentis, saporis intense amari, odoris peculiaris quodammodo aromatici, consistentiae lactis vaccinae recentis, sed paulo viscidioris.

EXP. II. Bilis cum aqua fontana pura frigida facile miscetur, et cum aqua bulliente etiam miscetur, sine partis ullius coagulo.

EXP. III. Bilis, oleis vegetabilium vel animalium expressis affusa, cum iis nequaquam miscetur, quamvis concussione vasis, vel tritura longa in mortario, miscelam efficere molitus sim; et ab hac miscela ma-

gis

gis aliena videbatur bilis, quam vel mucilago gummi Arabici, vel saliva hominis.

Exp. IV. Bilis, cum spiritu vini vulgari, cui plurimum aquae inest, facile et perfecte miscetur; sed cum alcohole mista, fit turbida, et mucosi ejusdam pauxillum ad superficiem rejicit.

Exp. V. Bilis, syrupo violarum affusa, colorem hujus nequaquam mutat.

Exp. VI. Cum liquore salis alkalini, vel fixi vel volatilis, bilis miscetur, sine effervescentia, praecipitatione, vel coagulo quovis.

Exp. VII. Bilis recens, calori hypocausti aliquamdiu exposita, septem partes sui ponderis amisit. Quod remanebat, ficcum, et frigore fragile erat; calore vero ductile et liquefscens; igne prompte inflammabile. Saporis erat intense amari, coloris ex nigro viridis. In aqua totum solubile fuit, et septempace aqua solutum, in omnibus ita bili, e folliculo recens exemptae, simile fuit, ut per vaporationem adhibitam, nihil, vel certe parum, praeter aquam meram, ab ea detractum fuisse videretur.

Exp. VIII. Acidum quodvis fossile bili recenti affusum, colorem hujus in intense viridem prasinum mutat. Acidi et bilis mistura fit turbida, et opaca; paulatim aliquid ad fundum cadit, quod primum flavescit, sed tandem fusco-virens evadit. Si idonea acidi copia addita fuerit, et vas aliquamdiu in quiete reponatur,

natur, mixtura in duas partes plane secedit; altera aquosa supernatat; altera solidescens ad fundum residet. Hanc partem dehinc Praecipitatum Bilis nominabimus.

Exp. IX. Pars aquosa ex bile, per Exp. VIII. separata, pellucida fuit, et penitus limpida, fluiditatis prorsus aqueae, saporis valde acidi, neutiquam amari.

Exp. X. Pars liquoris hujus aquei, Exp. VIII. leni calori exposita, fere tota in vaporem penitus inodoram abiit. Cum fere tota evaporasset, residuum in duas partes secedens inveni; altera solidescens extractum Exp. VII. aemulabatur; altera liquidior in aëre frigido seposita, in crystallos tenues, acicularum fasciculos referentes, fere tota concresebat. Hae crystalli in aqua iterum facile solubiles, saporis erant acidissimi, syrupi violarum colorem in rubrum mutabant, et alcali cuivis soluto additae, cum effervescencia insigni miscebantur.

Exp. XI. Praecipitatum bilis Exp. VIII. ab aquosa parte accurate separatum, consistentia et aliis dotibus, extractum Exp. VII. satis exacte referebat, nisi quod ob adhaerens, ut videtur, acidum, sapore parum acidum, et colore paulo magis viride apparebat.

Exp. XII. Ut extractum Exp. VII. ita praecipitatum Exp. VIII. in aqua totum solubile est, et in aqua septemplex solutum, bilem recentem satis exacte aemulatur.

Exp.

Exp. XIII. Extracto Exp. VII. vel praecipitato Exp. VIII. in aqua soluto, si addatur acidum quodvis fossile, succedunt eadem fere phaenomena quae in Exp. VIII. enarrantur.

Exp. XIV. Tum extractum, tum praecipitatum bilis, in lixivio salis alkalini fixi, satis facile et integre solvuntur; et ab eodem, per additionem acidi cujusvis fossilis, facile iterum praecipitantur, forma omnino eadem, quam ante solutionem, habuerunt.

Exp. XV. Tum extractum, tum praecipitatum bilis, maxima parte solvuntur in spiritu vini, et praebent solutionem diaphanam, viridem. Pars quidem utriusque a spiritu non solvitur, et effusa solutione, restat quiddam ex albo flavescens, viscidum, et consistentiae mucosae, in aqua tamen non solubile.

Exp. XVI. Solutioni Exp. XV. acidum vitriolicum additum, nihil praecipitat, sed solutionis colorem viridem in rubrum mutat.

Exp. XVII. Acetum vini, bili recenti affusum, colorem hujus in fusco-flavescensem mutat, et ex ea praecipitat quiddam album, grumosum, neque extracto Exp. VII. neque praecipitato Exp. VIII. ullo modo simile, sed illam potius materiam, a spiritu vini, in Exp. XV. relictam, referens; et sicut illa, ita haec, neque in spiritu vini, neque in aqua solubilis erat.

Exp. XVIII. Ex aceti partibus quatuor, et bilis recentis partibus quinque, mistura facta, neutrius saporem

rem praebebat, sed medium quendam, manifeste dulcem.

EXP. XIX. Mistura aceti et bilis, ut in Exp. XVIII. facta, lacti recenti affusa, coagulum hujus non induxit, etsi eadem aceti copia, per se affusa, plus quam sufficiens ad coagulum inducendum fuisset.

EXP. XX. Lacti per acetum coagulato, bilis affusa, coagulum *in totum* solvere non potuit.

EXP. XXI. Tum acidum vegetabile ex ligno abiegnodestillatum, tum acetum ex aerugine destillatum, et bene concentratum, bili affusum, eadem omnino phaenomena, quae acetum, in Exp. XVII. XVIII. XIX. et XX. ostendebat.

EXP. XXII. Tartarus vitriolatus aqua solutus, et bili recenti affusus, ex ea deiecit materiam, illi ab aceto in Exp. XVII. praecipitato, omnino similem.

EXP. XXIII. Idem quod Tartarus vitriolatus, effecit sal marinus; sed materia per hunc praecipitata adeo copiosa vix fuit.

EXP. XXIV. Bili, cui affusum fuerat vel acetum, ut in Exp. XVII. vel Tartarus vitriolatus, ut in Exp. XXII. vel sal marinus, ut in Exp. XXIII. acidum vitriolicum postea additum, ex ea praecipitabat materiam simillimam illi, quam ex bile recenti sola, in Exp. VIII. deiecerat.

EXP.

Exp. XXV. Ut bilis putrescentiam examinarem, in unam phialam infudi bilis recentis semunciam, cum aquae fontanae sesquiuncia, et in alteram phialam infudi carnis, ex eodem animali, recentis, et in pulpam contusae, drachmas duas, cum aquae fontanae unciae duabus. Utramque phialam apertam reposui in hypocausto, ad calorem hominis sani calefacto. Post horas sex, caro odorem summe foetentem cadaverosum praebat; bilis vero odor nequaquam mutata fuit, et non nisi post horas quadraginta octo, odorem velut moschi exspirabat.

Exp. XXVI. Bilis in phiala clausa, et modico calore exposita, post aliquot dies, ex flavo-viridi, in colorem rubrum mutabatur, et odorem moschi obtinebat. Eadem bilis in phiala aperta, cinereum colorem acquirebat, et odorem putridi ovi exspirabat.

Exp. XXVII. Bili putrefactae acidum vitriolicum affusum, ex ea praecipitabat materiam, habitu omnino similem ei, quae ex bile recenti, in Exp. VIII. praecipitabatur; in hoc tamen dissimilem, quod praecipitatum ex bile putrefacta in aqua solubile non esset, et ad tempus servatum duritiem majorem acquireret.

Exp. XXVIII. Ex bile putrefacta praecipitatum, in aquam ebullientem injeci, ubi calore quodammodo mollescebat, sed ad fundum vasis resedit, non solutum. Cum refriguisset aqua, praecipitatum induratum inveni, et aqua exemptum, odorem foetidum amisisse, et moschi odorem acquisivisse, deprehendi. Aqua in qua
prae-

praecipitatum bilis coctum fuit, odorem fumme foetidum adepta est.

Exp. XXIX. Aqua bilis putrefactae, praecipitatum Exp. XXVI. perinde ac in Exp. VIII. supernatans, saporis acidi, odoris valde foetidi fuit, et paulatim materiam viscidam, grumofam, deponebat. Eadem, vaporatione adhibita, cryftallos acidas, illis Exp. X. omnino fimiles, praebibat.

Exp. XXX. Ut bilis vires in fermentatione vel incitanda, vel reprimenda, discerem, in unam phialam misturam, ex bilis recentis femuncia, micae panis drachmis duabus, et aquae fontanae unciiis duabus, infudi: In alteram phialam, carnis bubulae recentis in pulpam contusae drachmas duas, micae panis tantundem, et aquae fontanae uncias duas, commiscui. Utramque phialam in hypocausto, ad calorem corporis humani, et paulo ultra calefacto, reposui, hora undecima post meridiem. Postridie mane, phiala, in qua fuit caro, fermentationem satis activam, cum multi aëris generatione, ostendebat, et odorem carnis putrescentis exspirabat: Altera vero phiala, in qua fuit bilis, eodem tempore fermentationem lenissimam tantum, et paucas omnino aëris bullulas subinde erumpentes ostendebat: Post horas viginti quatuor, in phiala, in qua fuit caro, fermentatio penitus cessaverat: In altera vero, fermentatio, licet lente, pergebat in diem alterum. Ob calorem in hoc experimento nimium, forte nihil acidum in utraque phiala percipiebatur.

Haec sunt experimenta quae mihi, studiis aliis multis occupato, licuit haecenus instituire. Haec forte

repetenda sunt, et alia multa ad bilis naturam, et in oeconomia animali usum plenius indagandum, adhuc instituenda sunt: Quae tamen, ut primum otium fuerit, instituenda spondeo.

Liceat mihi interim, ad experimenta recensita observationes quasdam hic adjicere, et conclusiones paucas, quae ab experimentis jam factis sequi videntur, hic innuere.

1. Bilis, nec ad sententiam Sylvii alkalina est, nec quidem, ut sentiunt plurimi recentiores physiologi, subalkalina, vel ad indolem alkalinam propius accedens, dici potest. Neque enim cum acidis quibuscvis effervesceat, neque cum iisdem in salem neutrum, nec quidem cum acidis fossilibus ullo modo coit.

2. Bilis est liquor animalis non valde putrescens, et minus saltem quam caro, sanguis, vel ejus serum. Partem bilis aquosam, vel resinosam ad putredinem proclivem, nemo forte putabit: Bilis igitur ex parte, tantum putredine obnoxia est, ex illa scilicet parte, quae ab acidis vegetabilibus affusis, vel a salibus neutris additis, e recenti bile dejicitur, quae neque ab aqua, neque a spiritu vini solubilis est: Haec autem pars bilis, quae sola putrescens est, magna copia bili non inest.

3. Bilis, ut vulgo, vix sapo appellari potest: Qui proprie saponem dicuntur, ex sale et oleo constant, et saponem praecipui ab acido affuso resolvuntur in oleum, et in alkali, cum acido affuso coeunt: Sed in bile nihil omnino alkalini, cum acido coeuntis, invenimus; id etiam, quod ab acido, e bile recente praecipitatur, in aqua solubile est, et licet ex bile putrefacta, quidam

dam resinofum, in fpiritu vini, nequaquam autem in aqua, folubile, ab acidis foſſilibus dejiciatur; tamen, ob abſentiam alkali, ne quidem in putrefacta bile apparentis, ſaponem in bile eſſe, minime concedimus. Viſcidum porro quodcunque, olea irretiens, et cum aqua quodammodo confundens, ſaepe ſapo appellatur; quam recte, judicent chemici; ſed in hunc etiam uſum, neque fatis apta videtur bilis, et ſi quidem foret, inde ſaltem non magis recte ſapo, quam viſcida quaevis vegetabilia, et animalia, ſapones appellari poſſunt.

4. Bilis materiis conſtare videtur tribus diverſis, parte ſcilicet aquoſa; parte resinofa, ſpiritu vini, non aqua, ſolubili; parte denique viſcida putreſcente, neque aqua, neque ſpiritu vini ſolubili.

5. Bilis pars aquoſa, cum acidis coiens, et ſimul cum illis a caeteris partibus ſecedens, pure aquea, vel mera aqua eſſe videtur: Sub vaporatione enim, odorem nullum ſpirat, et nullum, praeterquam acidi affuſi, ſaporem praebet.

6. Pars bilis resinofa, dum aquae, quae bili naturaliter ineſt, adhuc immiſcetur, aqua inſuper affuſa, facile diluitur vel ſolvitur: In extracto etiam et praecipitato bilis recentis, dum pars resinofa cum viſcida adhuc miſcetur, utraque aqua facile ſolvitur: Cum vero per putredinem diuturnam resinofa pars a viſcida penitus ſeparatur, tum magis pure resinofa videtur, et aqua non ſolubilis evadit. Quas vero dotes peculiareſ tum habeat, reſtat adhuc inquirendum.

7. Pars bilis, quam ob defectum vocabuli magis apti, viſcidam appellavimus, dum caeteris bilis partibus adhuc miſcetur, aqua facile ſolvitur; ubi vero ab acidis vegetabilibus, vel ſalibus neutris, e recenti bile dejicitur,

jicitur, vel ubi ex extracto aut praecipitato, per spiritum vini separatur, in aqua nequaquam solubile est, facile putrescit, et pars bilis sola putrescens videtur, putrescens ab aqua sustineri quodammodo videtur, sed ab ea iterum facile secedit.

8. Haec sunt quae ex praemissis experimentis ad analysin et indolem bilis spectant; de ejus vero in oeconomia animali usu differere, haud ita facile est. Tribus autem potissimum usibus, ni fallor, recte inservire existimatur bilis. 1. Alimentorum partium aquearum cum oleosis miscelam adjuvare. 2. Alimentorum vegetabilium indolem acescentem, ab animalium natura alienam, corrigere, et in alcalescentem immutare. 3. Stimulo suo motum intestinorum peristalticum ciere, et ad faeces alvinas promovendas, et demum expellendas, valere.

9. Quod ad usum primum (8) attinet, bilis certe liquor viscidus, uti caetera animalium fluida viscida, olei et aquae miscelam quodammodo adjuvare potest: Sed ad hunc scopum multum conducere bilem, neque experimento nobis constat, neque illud, in quantum fit, ex natura ejus proprie saponacea pendere nobis videtur.

10. Quod ad bilis usum secundum (8), satis certa videtur observatio Helmontii *, quod, licet in ventriculis animalium vegetabilibus pastorum acidi quiddam semper inveniatur, post bilis tamen affusionem, nihil omnino acidi, vel in intestinis, vel in faecibus alvinis rejectis, reperiri potest. Constat porro, per experimenta superius adiata, acidum quodvis vegetabile, a bile affusa adeo immutari, ut neque gustui, neque lac coagulando, acidum jam esse se prodatur. Alimentorum

* In Sextup. Digest. Aliment. humani.

rum igitur indolem acefcentem utcunque mutat bilis; fed, ut nobis videtur, hoc non fit per mifcelam partis cujufdam alkalinae, vel fubalkalinae, quae in bile nequaquam deprehenditur, nec quidem per admiffionem partis cujufdam alcalefcentis, vel putrefcentis ex bile; nam, licet ejufmodi aliquid in bile effe deprehendatur, ex ea tamen per affufionem acidi vegetabilis continuo femper praecipitatur. Porro, licet acida vegetabilia a bile utcunque immutentur, eadem tamen in totum deftrui, vel in materiam protinus alcalefcentem ftatim mutari, non videtur: Nam chylus, five lac animalium vegetabilibus pafforum, per horas etiam plures, poft affufionem bilis, adhuc acefcens eft.

II. Quod ad bilis ufum tertium (8), plures quidem obfervationes virtutem bilis laxantem, five catharticam, fatis certo evincunt: Adeo ut reflet tantum indagandum, unde haecce virtus. Cum acrimonia quaedam amara bili manifefto infit, licet forte vim ejus catharticam ad acrimoniam illam referre. Simul vero notandum eft, bilis amarorem in animalibus phytophagis, in dulcedinem blandam perpetuo immutari, et partem illam cum acidis vegetabilibus chylo immifceri, vel forte chylum ipfum fieri; unde illam partem bilis amaram cum faecibus mifceri et excerni, minus probabile videtur. Potius igitur cenfendum eft, illam bilis partem, quae per acida vegetabilia praecipitatur, eam vere effe, quae in putredinem vergens, inteftina praefertim ftimulat, et tum fui ipfius, tum faecum alimenti dejectionem, promovet.

Haec funt, quae de ufu bilis in praefens innuere licet; cum experimenta ulterius profecutus fuero, plura et certiora me adlaturam fpero.

F I N I S.

DISSERTATIO MEDICO-CHIRURGICO
I N A U G U R A L I S,
D E
C A T A R A C T A.

Q U A M,
ANNUENTE SUMMO NUMINE,

Ex Auctoritate Reverendi admodum Viri

D. JOANNIS GOWDIE,
ACADEMIÆ EDINBURGENÆ PRÆFECTI;

N E C N O N

Amplissimi SENATUS ACADEMICI consensu,
Et nobilissimæ FACULTATIS MEDICÆ decreto;
P R O G R A D U D O C T O R A T U S,

SUMMISQUE IN MEDICINA HONORIBUS ET PRIVILEGIIS
RITE ET LEGITIME CONSEQUENDIS;

Eruditorum examini subjicit

JOHANNES LANDER, A. M.
HIBERNUS.

Ad diem 19. Septembris, hora locoque solitis.

—————Parnassia Laurus

Parva sub ingenti Matris se subjicit umbra.

VIRG. Georg. II.

E D I N B U R G I:

—————
M,DCC,LVIII.

JOHANNES LANDER

S.

NEMO est, Pater optime, cui plus te debeam.
Tu vitam donasti, pueritiam erudisti, ju-
ventutem moribus ornasti, quicquid in me est inge-
nii liberali manu excoluisti. Haec dum reputo, et
caetera beneficia in me indies collata, quorum alta
mente reponitur sensus, cui prae te dicatas vellem
hasce, qualescunque fuerint, Operae meae primitias?
Ad te ergo confugiunt, tuumque patrocinium pro-
pria sibi affinitate vendicant. Quod diu vivas fe-
lix faustusque tuis ex animo opto, precor filius omni
officio devinctus.

DISSERTATIO MEDICO-CHIRURGICA

INAUGURALIS,

DE

CATARACTA.

CUM in corpore humano nulla pars est oculorum fabrica admirabilior, nulla functio visu jucundior et utilior, et nullius damnum infeliciores reddit; hinc morbi nullius curatio aegris magis exoptata devenit, aut ad medici artisve honorem magis conducit, quam visus perditum restitutio, laesi emendatio. Inter mala autem quae visum laedunt, satis frequenter sese offert Cataracta. Quare, ut institutis almae hujus academiae rite obsequar, de hac mihi differendum pro ingenio putavi, quod quam sit exiguum haud inficiari licet.

Cataracta a Graecis *ὑποχυμα* vel *ὑποχυσις* dicitur, et *Γλαυκωμα* seu *Γλαυκωσις*, a Latinis, *suffusio*. Cum vero de nominibus hisce inter auctores non conveniat, a proposito haud alienum videtur exponere, quolibus, quarum.

quarumque oculi partium, affectionibus veteres haec nomina imposuerunt.

Γλαυκωμα seu Γλαυκωσιν, humoris chrySTALLINI affectionem esse asserunt eorum nonnulli, ut * Oribasius, † Aetius, ‡ Paulus, et || Actuarius. Υποχυμα vero (*suffusionem*) in humore aqueo haerere dicunt ¶ Celsus, †† Galenus, Aetius, Paulus, et Actuarius. Sed ut modum videamus quo hosce humores affici putabant, praesertim cum †† nonnulli nostrae aetatis scriptores negant Γλαυκωμα eundem significare morbum ac Cataracta, operae pretium duxi paucas ex his modo dictis auctoribus sententias proponere.

Oribasius, loco citato, dicit ‘ Affectionem, quae ‘ *Glaucedo* a medicis nominatur, esse siccitatem ac ‘ niam humoris chrySTALLINI concretionem, et caecita- ‘ tem maxime, prae omnibus morbis qui oculis acci- ‘ dunt, inferre.’

Aetius etiam, loco allegato, ‘ Glaucedo duobus mo- ‘ dis dicitur; Glaucedo enim proprie mutatio est cry- ‘ stallini humoris ad Glaucum colorem siccitasque ac ‘ concretio. Altera autem Glaucedinis species ex prae- ‘ gressa suffusione fit, humore juxta pupillam vehe- ‘ mentissime congelato ac reficcato. Et haec species ‘ incurabilis est. At proprie dicta Glaucedinem in- ‘ cipientem aliquando sanare datur. Suffusionem au-

tem

* Med. collect. lib. 24. cap. 3.

† Tetr. 2. sermo. 3. cap. 50.

‡ De re med. lib. 3. cap. 22. ex Ruf.

|| Med. sive de meth. med. lib. 2. cap. 7.

¶ Lib. 6. cap. 6.

†† Def. med. 363.

†† Ut Heist. et Hoffm.

‘tem * afferit esse, praeterfusionem humorum circa
 ‘pupillam congelatorum, ut ubi perfecta fuerit visum
 ‘impediat.’

Pauli verba haec sunt: ‘Glaucoma et hypochyma
 ‘veteres unam quandam affectionem esse putant: Po-
 ‘steriores autem Glaucomata humoris crystallini af-
 ‘fectiones esse putaverunt, qui prae humiditate ad
 ‘Glaucedinem transmutaretur: Suffusiones vero esse
 ‘praeterfusionem inter tunicam corniformem et cry-
 ‘stallinum humorem. Sunt autem omnia Glaucoma-
 ‘ta incurabilia, suffusiones autem sanantur, sed non
 ‘omnes.’

Hinc patet, quod veteres *Γλαυκωματα* aliquando sic-
 citati lentis crystallinae tribuerunt, aliquando humidi-
 tati; suffusiones autem concretionibus quibusdam in
 humore aqueo haerentibus. Suffusionem *Cataractae*
 nomine donasse, incultiori saeculo, medicos, dicit
 † Plempius. At ‡ alius auctor inquit, ‘Antiquos ve-
 ‘neticos oculos Cataractas appellasse.’

Καταρακτης vel *Καταρρακτης* (a *καταρρασσα* impetuose
deturbo) significat locum abruptum et praecipitem in
 flumine, unde aqua ruit potius quam fluit ||. Hinc
 morbi nomen, ut ¶ quidam velint, et natura; est enim
 (secundum illos) humor alienus in oculos irruptus.
 Est etiam *Καταρακτης* *vec̃tis*, porta, et †† nonnulli mor-
 bum

* Tetr. 2. sermo, 3. cap. 41.

† Ophthal. cap. 9. lib. 5.

‡ Galen. lib. de oc. adscrip. § 4. cap. 4.

|| Ut sunt Nili Cataractae; qua ratione nubes cum impetu imbrem
 profundentes, *Cataractas* Coeli apertas dicimus.

¶ Vide Plem. opthal. lib. 5. cap. 9.

†† Vide Hieronym. Fabric. ab Aquapend. cap. de suffusione.

bum faciunt ab illis portis oppidorum et castrorum quae superne cadentes omnem prohibent transitum; eodem modo a capite cadens humor in oculos luci et visioni transitum adimit. * Alii iterum similitudine morbum deducunt a valvis mobilibus, quibus aquae impetus coërcetur; nam Cataractam faciunt ita esse valvam in humore aqueo positam et objectam spirituum visivorum itineri.

† Plempius asserit, ‘in crystallino, et pone crystallinum in vitreo humore posse consistere materiam suffusam; fatetur autem rarius in vitreo, rarissime in crystallino, ac fere semper in aqueo observari.’ Et ab humore aliquo vel pellicula concrecente ad foramen uveae, vel nonnihil a tergo ipsius in humore aqueo, Cataractae fieri plerumque credebantur. Ad initium autem hujus saeculi, ‡ Gallorum nobile par, dissectionibus oculorum Cataractis laborantium repetitis, demonstraverunt nullam in iis extitisse pelliculam aut tunicam, sed lentem crystallinam semper obnubilam et opacam apparuisse ||: Et hanc veram esse Cataractae causam ad mathematicam fere certitudinem primum reduxisse Petitum dicit ¶ Hallerus. Sexaginta autem fere annorum spatio ante hoc tempus cognitum fuit Petro Borelio, Quareo Gassendo, Rauhaltio, Wernerio, Rolfinckio, aliisque. At quoniam oculi tali morbo

* Vide Boerh. de morb. oc. cap. de Cataracta.

† Capite citato.

‡ Antoin. Maitreian et Brissau.

|| Praeterea sectiones multiplices oculorum tali morbo affectorum, ut et operationes Daviellii, Sharpii, &c. Cataractam lentis crystallinae morbum fere semper esse comprobant.

¶ In notis Boerh. praelect. in § 528.

morbo laborantes non inspiciebantur, doctrina nova negligebatur, et, grassante praepudicio, a nemine credebatur. Inter eos qui contra hanc doctrinam pugnant praecipuus erat Woolhoufius, cujus tamen argumenta ab Heistero solide refutari * dicuntur. His argumentis aliorumque observationibus praepudicium vetus erat abdicatum, novaque doctrina ab omnibus fere receptum; cui etiam non parum auxilii offerebant praelectiones Boerhaavii tunc temporis publicae institutionis. His ergo rationibus † quidam innexi confirmatique Cataractam definiverunt esse morbum lentis crystallinae, totam qui reddit opacam, &c. At novae sententiae ‡ propugnatores etiam ipsi non dicunt Cataractam semper, sed frequentissime ab humore crystallino, rarissime autem a tunica, praeter naturam in humore aqueo genita, oriri. Et suffusionem (qualem vulgo describunt medici) nonnunquam contingere, est celeberrimi sententia || Morgagni; veramque humoris aquei opacitatem se vidisse ¶ Boerhaavius dicit. Porro, incisa cornea, membranam extraxit † Mery.

Quoniam ergo de hujus morbi natura atque causa auctores ita dissentire videmus, et quoniam phaenomena quibus dignosci solet satis manifesta sunt, rectius videtur ex his quam ex illis ejus definitionem eligere.

* Ea enim non vidi.

† Ut Sharpius, Miles, aliique.

‡ Ut Heisterus, cujus verba haec sunt ‘ex ipsa uvea minutae quaedam pelliculae, quales et me videre memini, subortae, quae in tunicam forte degenerare quandoque possunt.’

|| Advers. 6. animadvers. 74.

¶ In Praelect. in § 840.

†† Mem. de l’Acad. de scien. 1707.

gere. Igitur Cataractam adesse dicimus, quando visus laedatur vel et integre tollatur, cum opacitate, colore alieno, spectabili in oculo, se pupillae, ubi olim nullus erat color, opponente.

Color alienus in oculo Cataracta laborante observatus, varius est; plerumque colorem refert margaritarum, aut ferri nitentis, saepe albicans est, et gryseus, fuscus, cineritius, flavus etiam, et aliquando viridis; nigrum autem colorem Cataractam unquam sibi adsciscere, non constat; et licet aliquando observari concedamus, dubii tamen haerent auctores, num sit species Cataractae, num potius signum guttae ferenae. Interdum subviridis sive glauci coloris apparet, unde * *γλαυκωματος* nomen acquisivisse videtur. Hujusce coloris Cataractarum situm, cum humoris vitrei situ accurate convenire, Heisterus affirmat, et tunc partem obfuscatam altius sive profundius in oculo delitescere vult. Hinc glaucoma diversum a Cataracta morbum † nonnulli fecerunt.

Varias Cataractarum species, harumque iterum subdivisiones a scriptoribus enumeratas, utpote ad memoriam potius turbandam quam intellectum instituendum pertinentes, haud operae pretium omnes recensere judicavi. In veras tamen et spurias dividi commode possunt; in illis humor crystallinus, in his aqueus afficitur.

Antequam in causas, quae lentem ad radios lucis transmittendos ineptam reddunt, inquiramus, alienum

* *Γλαυκος*, *caesius*, *caeruleus*, a *γλαύσσω* *splendo*.

† Sed ex supra dictis constat, non ita nomine uti veteres. Galenus etiam (lib. 1. de symp. causis cap. 2.) nullam vitrei affectionem commemoravit, quasi is nullo pacto possit visioni obesse.

num non videtur pauca de ejus fabrica dicere. † *Lens crystallina siccata* componi evidenter apparet ex multis laminis, tenuibus, concentricis, sibi succedentibus, quae ex fibris suo intortu elegantissime figuratis constare videntur. Inter has laminas continetur liquor pellucidus, qui per senium in colorem flavum abit. Intimae laminae propius sibi incumbentes duriores quasi nucleum efficiunt. Densior est vel aqueo vel vitreo humore.

Figuram habet duarum portionum convexitatis ellipticae, cujus pars posterior, magis convexa quam anterior, est. In puerili autem aetate ad sphaeram propius accedit, quam in senili; adeo ut in recens nato pene sphaerica sit, diametro a parte anteriori ad posteriorem parum differente a diametro transversa; (et inter alias haec forte ratio est cur pueri plerumque myopici sunt.) Proveniente vero aetate, gradatim minuitur diameter anterior; hinc sensim complanantur pars superficiei anterior et posterior, ita ut ad annum aetatis trigesimum formam telluris ad polos referunt. Postea ejus figura non multum mutari observatur. Secundum calculum ingeniosi Petiti, superficies ejus anterior pene aequat segmentum sphaerae, cujus diameter inter sex et novem lineas unciae est, fere autem inter septem cum dimidia vel octo. Posterior autem superficies plerumque est segmentum sphaerae, cujus diameter quinque linearum non superat.

Ut figura lentis et convexitas, ita color etiam et consistentia, cum aetate variant: Nam in foetu, tam crystallinus quam vitreus plerumque rubicunduli co-

VOL. II.

P p p

loris

† Haller. prim. lin. phys. § 510.

loris est. Sed haud ita multo post pellucidus fit et absque colore; in quo statu manet donec ad acmen pertingat homo. Post vigesimum autem quintum vel trigesimum aetatis annum, colorem subflavum sensim contrahit, qui usque ad septuagesimum vel octogesimum annum augetur, quo tempore succini flavi colorem refert; hanc tamen flavedinem comitatur splendor pellucidus. * Petitus primus hanc coloris mutationem observabat, quem sequuntur † Winslowus, ‡ Morgagni, et § Hallerus. Haec flavedo a centro lentis fere oritur, et ad circumferentiam excurrit, sic ut flavus iste nucleus frequenter molliori (at minime flava) substantia circumfusus, observari potest. Sed lens humana aëri exposita atque siccata, flava fit, quod vix unquam aliorum animalium lenti contingit. Eadem fere ratione et consistentia mutatur, mollis et sibi consistens ad annum aetatis vigesimum, postea in media mole gradatim durescens.

Lens crystallina in vitrei humoris sinu sita est, ut axis visionis per centrum ejus transiret. Continetur in membrana firma, elastica, tenui, pellucida, capsula dicta, inter quam et lentem paululum aquae semper reperitur ¶. Haec oritur a tunica vitrea quae ad lentis ambitum in duas laminas discedens, eam anterieus et posterius complectitur §§. Connectitur etiam circulo

* Mem. de l'Acad. de Sciences, anno 1726. et 1730.

† Anat. art. 2. sect. 10. § 10.

‡ Epist. 18. sect. 26.

§ Prim lin. physiol. § 510.

¶ Vid. Med. Essays, vol. 4. p. 157. et sequent.

§§ Winsl. anat. § 10. art. 2. § 3. sed Hallerus dicit, lentem veram habere

culo ciliari per ligamenta ciliaria, quae incumbunt vitreo humori, et lentis capsulae adhaerent; et horum ligamentorum ope mobilitatem habere * dicitur.

Lentem crySTALLINAM vasis scatere † quidam negant, ‡ alii admittunt. Illi, qui vasa negant, lentem ab aqua quae inter eam et capsulam est, vegetabilium more, nutriri volunt. Nullam connectionis mentionem fecit || Morgagni, etsi aquam observaret; et Petitus omnino negat ulla vasa a capsula lentem subire. Sed in hac re potissimum valent experimenta Albini, qui in oculo balenae vasa demonstravit quae per ligamenta ciliaria ad lentem penetravere ¶. Et nunc in foetu; post felicem injectionem, vasa observantur non solum in capsulam percurrentia, verum etiam in lentis ipsius substantiam intrantia ††.

Opacari lens potest, sive ipsius, sive capsulae, sive liquorum pellucidorum vitio. Si enim ex ulla causa, aqua, quae habitat inter capsulam et lentem, deficiat, abundet, vel ullo modo degeneret, lens opaca redditur; et in priori casu, sicca, atque similis lenti ex oculo extractae ficcataeque, et Cataracta nascitur. Ob-

fuscat

habere capsulam propriam, quae posterius certo, antea non nisi probabiliter, vitrea membrana obducitur, vide Boerh. praelect. in § 524. n. b.

* Med. Essays, vol. 4. p. 160.

† Vide p. 157. ejusd.

‡ Haller. prim. lin. physiol. § 510. Boerh. inst. 524. et Winslow. anat. sect. 10. art. 2.

|| Advers. 6. p. 90.

¶ Vide Boerh. praelect. § 524. n. g.

†† Vide Winslow. anat. sect. 10. art. 2. § 9. et Boerh. praelect.

§ 524. n. g.

fufcatur capsula, si minutissima ejus vasa obstruantur, inaniantur, collabantur, vel concrefcant.

Causae procatarcticae sunt omnia quae calorem in oculo vel augere vel minuere possunt. Sic ab inflammationibus oculorum internis *, quando diuturnae et acres fuerint, ortum aliquando duxerunt Cataractae: Inflammationem corneae cicatrices potius sequi solent. Ab aucto calore, vasa relaxata alienos globulos admittunt, sicque oculi diaphaneitatem impediunt: Ab imminuto autem calore, vasa nimis contracta liquores suos non admittunt.

In ipsa lente, si illi nulla sint vascula communicantia, nec inflammatio nec obstructio locum habere potest; affici autem queat ratione liquoris pellucidi, qui, inflammata vel obstructa capsula, debita copia non interjicietur; hinc capsula lenti contigua deveniet, opacaeque fient. Sin illi vascula concedamus, dignosci vix potest inflammatio, licet adsit, in minutis adeo vasculis.

Ab imminuto calore originem derivare Cataractam probari videtur, ex hac observatione, scil. † quod oculi senum fere caliginosi sunt. In his enim circulatio deficit, ergo et reparatio humorum pellucidorum. Praeterea, omnes secretiones tenuiores in senectute minui observantur. Huc referri possunt affluxus humorum
versus

* A dolore etiam in oculi fundo, sive a causa venerea, sive ab alia quacunque, si diuturnus fuerit, Cataractae provenire memorantur. Vide Boerh. de morb. ocul. cap. de Cataracta.

† Vide Boerh. de morb. oc. cap. de Catar. ubi dicitur, quod ‘homines raro ad ultimam perveniunt senectutem, quin in uno vel altero oculo, parva vel magna Cataracta laborant.’

versus caput, moeror et tristitia *. Ex epilepsia Cataractam in infante vidit † Boerhaavius; tempore enim paroxysmi epileptici oculi incredibili celeritate rotantur, unde vascula quaedam interna rumpi poterint.

A causis etiam externis ‡ Cataractae aliquando proveniunt, et praesertim ab injuriis; sic subitas ab ictu Cataractas legimus ||; ‘erumpit enim lens, adhaeret iridi, et continuo fit opaca.’ A vi externa, ut contusione, vulnere, &c. saepissime sequitur inflammatio Cataractae parens. His etiam addi possit frequens solis aut ignis inspectio ¶; unde fabri ferrarii, chemici, campanarii, et metallurgi, huic oculorum morbo sunt †† obnoxii. Medicamenta quoque calidiora oculis applicata hoc vitium procreasse ‡‡ memorantur. Antoninus Maitreian, Cataractae causam adducens, magno conatu magnas nugas dicit, scil. ‘acidum, sese in poros lentis insinuando, fermentum ejus radicale dissolvere, particulas molles conjungere ‡‡,’ &c.

Signa Cataractae incipientis, partim ex aegri narratione, partim in oculum inspectione, explorata desumuntur.

Imo, [Ægri narratione.] Omnes fere, qui hoc sustinere malum, de hebetudine visus primum conquiesci

* Hoffm. dissert. de Cat.

† De morb. oc. cap. supra citato.

‡ Vide St Ives, of the diseases of the eyes, part 2. chap. 13.

|| Boerhaave praelect. § 524. n. b.

¶ Heist. Cheir. part. 2. sect. 2. cap. 55. de suff.

†† Ramaz. de morb. artif.

‡‡ Boerh. praelect. § 527.

*** Vide Hoffm. dissert. de Cataract.

sti sunt; vident enim quasi per nebulam fumumve: Minora objecta non recte distinguere possunt. Quibusdam muscae volitantes floccique in aëre haerentes, aliis araneorum texturae atque filamenta, aliis punctula nigra, scintillae, imagines, ante oculos obversari videntur. Haec ultima huic malo non propria sunt.

2do, Inspectione in oculum.] Si pupillam aliquo inquinatam colore (nam suapte natura nigra est) cernamus, Cataracta praedicenda est.

Quaenam sunt signorum rationes nunc est dicendum. Signa Cataractae jam formatae facillime cognoscuntur; nam ex definitione patent: Incipientis magis sunt obscura.

Imo, Hebetudo visus, (i. e. quando vident quasi per nebulam fumumve), a radiis lucis, qui ab aliquo objecto veniunt, partim interceptis, et in retinam non perfecte transmissis, oritur. Incipiente enim morbo, liquores pellucidos sensim degenerare aut deficere, vel capsulam obscurari, observamus.

2do, Objecta minora non recte distinguere possunt.] Ex minoribus objectis pauciores radii dimanant, quorum nonnullis in transitu ad retinam interceptis, ob lentem minus pellucidam, necessum est talia confuse tantum spectari. Tum pupillae contractio necessaria est, ut minuta objecta distincte videantur; sed haec pendet a stimulo lucis in retinam, qui in Cataracta incipiente obtunditur. Praeterea, ut objecta distincte videantur, mobilem esse lentem oportet; sed mobilitas
lentis

lentis ab integritate ligamenti ciliaris pendet * ; in Cataracta vero lens et augeri et minui inventa fuit, † unde ligamenta ciliaria aut relaxari aut contrahi, ex anatomicis constat ; ergo tollitur mobilitas lentis. Internae quae hoc malum excitare valent causae, ligamenta quoque ciliaria afficere possunt, quorum actione vel minime laesa, oculus ut objecta (forfan minora) distincte videat, accommodare se non valet.

3tio, Quibusdam muscae, &c.] Macularum duae sunt species ; quaedam (quasi muscae volitantes) quae locum mutant respectu axis visionis, quaedam quae non : Illae in humore aqueo, hae in reliquis oculi partibus, sedem habent ‡. Vascula oculi tunc temporis nimis aperta, pertransire sinunt particulas heterogeneas, quae humorum diaphaneitatem turbando et impediendo, muscarum, filamentorum, &c. speciem praebent.

4to, Scintillae aut maculae luminosae, magna ex parte, a particulis oleosis, diaphanis, in aqueo humore fluitantibus, oriri affirmantur : Hae enim secutae naturam olei, majorem refractionis vim habere demonstratae sunt.

Curationem admittere Cataractas incipientes, consentiunt fere omnes. ‘ Inter initia nonnunquam certis observationibus discutitur ||.’ Heisterus ¶ affirmat,

* Vide Med. Essays, vol. 4. p. 160.

† Vide Boerh. de morb. oc.

‡ Vide Med. Essays, vol. 4. p. 211.

|| Cels. lib. 6. cap. 6.

¶ Cheir. cap. de fuffus.

mat, ' quosdam, solius naturae beneficio, absque om-
 ' ni medicamentorum atque ferramentorum usu, con-
 ' valescere; sed hoc rarissime evenit.' Tentata fuit
 curatio remediis tum internis tum externis. ' San-
 ' guinem ex fronte vel naribus mittere, in tempore
 ' venas adurere, gargarizando pituitam evocare, suffu-
 ' migare, oculos acribus medicamentis inungere ex-
 ' pedit;' sic * Celsus. Venæsectionem etiam com-
 mendat † Aetius; ' Curandi sunt qui suffusione tentan-
 ' tur in principio, sanguinis de cubito detractione.'

Si aeger plethoricus sit, si humorum versus oculos
 affluxus, aut inflammatio in causa sint, sanguinem
 mittere necessarium est. Cucurbitulas locis consuetis
 accommodare, vesicatoria applicare, et aliquamdiu a-
 perta fervare, adjuvat. Setacea etiam in cervice, et
 fonticuli in brachio, subsidium ferre pollicentur. Haec
 derivatione, forsan et particularum morbidarum eva-
 cuatione agunt. ‡ Boerhaavius dicit, inter interna
 remedia, mercurialia fere sola Cataractas dissolvere;
 et ex pulvere sternutatorio, in quo fuit mercurius dul-
 cis, optimos vidisse effectus affirmat. Sulphure anti-
 monii fixato suffusionem aliquoties discussam esse || le-
 gimus. Ad referendam lentis obstructionem, et ma-
 teriem peccantem eliminandam, laxantia et evacuan-
 tia conducunt. Ad eundem tendunt finem sudorife-
 ra, ut decocta lignorum, &c. quae sanguinem corri-
 gunt et puriorem reddunt. Errhina etiam commen-
 dari solent, utpote quae abundantes humores per os
 et

* Loco citato.

† Tetr. 2. ferm. 3.

‡ De morb. oc.

|| Hoff. dissert. de Cat.

et nares derivant et educunt; stimulant simul oculum, ejusque vasa in fortiores oscillatorios motus agitant. * Boyleus affirmat, se solo turpetho minerali Paracelsi, ad grana tria naribus attracto, multos a caecitate sanasse. Masticatoria etiam et collyria ab auctoribus laudantur; externa autem omnia quae oculis applicari solent, suspecta esse debent; oculum enim intrari nequeunt sine ruptura aut exulceratione corneae, unde opaca redderetur. Porro, certo certius est, quod acria omnia oculum exulcerant, inflammationemque excitant.

Quae vero ab imminuto in oculo calore exoriuntur Cataractae, in senectute plerumque contingunt, secretionibus tenuioribus tunc deficientibus, et liquoribus pellucidis a pelluciditate naturaliter degenerantibus. Hae ergo incurabiles merito aestimantur.

Antequam de curatione Cataractae jam formatae dicamus (ejus scil. quae manum requirat), idoneum videtur signa exponere quibus cognoscere licet, an operatio institui debet necne.

Omnes fere qui de hoc morbo scripserunt uno ore clamant, unicum tantum esse statum, quo convenit operatio; et hunc vocant ejus maturitatem. ‘Expectandum est, donec jam non fluere, sed duritie quadam concrevisse videatur †.’ ‘Ad operationem feliciter instituendam (inquit Heisterus ‡) plurimum refert cognovisse, satisne jam matura an immatura adhuc Cataracta sit, praesertim quod in Cataractis immaturis aliena prorsus atque noxia operatio est.’ Ca-

VOL. II. Qqq taractae

* In Philosoph. Experim. vide Hoffm. Dissert. de Cat.

† Cels. lib. 7. cap. 7.

‡ Cheir. cap. de sus.

taractae (ut * quidem volunt) similes sunt fructibus quos carpere non oportet, antequam idoneam maturitatem sunt affecuti, et nonnullae, non nisi quatuor vel quinque annis, perfectae maturescunt. Hoc autem regulare incrementum duritiei humoris crystallini praecise negat Sharpius †, dicens, Se non modo Cataractas vidisse, anno saepe ab ortu ipsarum secundo aut tertio, quae tactum acus perferre non possent, quin molles lacteaeque fluerent; sed, e contrario, et alias, quae post mensem, imo et diem, quartum vel quintum, (praesertim si ictum punctumve secutae sunt), debita potirentur consistentia. His innixus observationibus, concludit, quod tunc temporis convenit operatio, quando in totum opacae fiunt. Nullum enim est tempus definitum quo generantur Cataractae: Aliquando citius, aliquando tardius progreditur morbus. Una nocte Cataractam oriri et visum periisse vidit Boerhaavius ‡. Exempla suffusionis unius spatii diei exortae ac maturatae apud alios observatores occurrunt ||. Nunc intra annum unum, nunc intra aliquot menses, pro varietate humorum, dispositione, externorumque irruentium impetu, ad maturitatem pertingunt, proindeque operationi aptae evadunt ††. Igitur ex colore perlato et opacitate dignoscendae sunt maturitas earum et firmitas.

Vitii hujus plures species sunt; quaedam sanabiles, quaedam quae curationem non admittunt. Inter posteriores

* St Ives diseas. of the eyes, chap. 19. part 2.

† Treatise of the operations of Surgery, lib. 2. cap. 8.

‡ De morb. oc. cap. de Cataract.

|| Fernel. path. lib. 5. cap. 5. et Fabric. Hildan, cent. 5. observ.

24.

†† Hoffm. Dissert. de Cataract.

Superiores habentur illae, in quibus retina afficitur, aut, Cataracta iridi adhaeret. Si aeger, loco tenebricoso positus, partem inferiorem globumve oculi digito fricet, tunc, oculum a digito deflectens, videt, ad partem oppositam, circulum colorum luminosorum aut igneorum, venustis illis haud abfimilium, qui pavonis caudam exornant, cognoscimus retinam non esse affectam. Hi enim colores nullam aliam agnoscunt causam, nisi talem motum in retina pressione atque motu digiti excitatum, qualem et alias ibi a luce excitatur, quae a parte opposita ad visionem celebrandam * venit; sin, tali frictione adhibita, nullus coloratus circulus appareat, signum est nervi paralytici aut insensibilis. Sed talis circuli apparitio evidenter ostendit nervum nequaquam esse affectum; de operationis ergo successu nil desperandum, licet etiam pupilla immota maneret. Immobilitas enim pupillae non semper ab insensibilitate nervi provenit, sed interdum debetur Cataractae pressioni in uveam, vel adhaesioni; quorum neutrum signum indubitatum operationis supervacaneae aestimari debet †. Si etiam aeger in summa luce positus nil sentit, indicium est retinae vitiatae.

Si pupilla (sensibili existente retina) nec in clara luce contrahitur, nec in debiliore aut tenebris dilatur, sed in eadem semper amplitudine perstat, tunc iridi Cataractam adhaerere noscimus. De mobilitate autem pupillae melius judicabitur, si clausae palpebrae leviter agitentur digitisque contrectentur, et oculus subito

* Newton's optics, quer. 16.

† Sharpius enim dicit, se unam hujusce speciei curare, sed adhaesio exigua erat. Treatise of the operations of surgery, chap. 29.

subito aperiatur. Haec adhaesio externe inspicienti aliquando patet.

Ex colore etiam de aptitudine Cataractarum ad operationem obeundam judicatur. Si colorem habent perlarum, si cineritium, si etiam a latere sensum aliquem fulgoris relinquunt, spes superest. Si color caeruleus est, si albus, lacteus, viridis vel flavus, vix unquam succurritur: ' Fere vero peior est quo ex graviore morbo, majoribusve capitis doloribus, vel ictu vehementiore, orta est: Neque idonea senilis aetas est, quae sine novo vitio tamen aciem hebetem habet, ac ne puerilis quidem, sed inter has media aetas *.'

Et si plurimae methodi susceptam operationem explere propositae sunt, etsi ingens acuum hamarumque varietas excogitata fuit, his tamen omnibus praetermissis, tota considerari potest operatio utpote in duas species redacta, depressionem, scil. et extractionem. Quarum utraque, sicut et aliae res, sua habet comoda et incommoda. Sed, quaenam anteponenda sit, ut recte judicemus, operationes separatim proponere decet, et expendere quid utrique accidit.

' Ad aegrotantis praeparationem quod attinet, noxios humores per alvum, sanguinem vero abundantem per venas educere convenit, ad inflammationem praecavendam. Ante operationem clysterio etiam quodam pro alvo solvenda utendum est; nisi ea forte jam per se rite respondeat. Ne facile etiam sub ipsum opus hominem mens deficiat, haud alienum videtur, cibi quidpiam, vel roborantem forbitionem
' quan-

* Celsus, lib. 7. cap. 7.

‘quandam aut iusculum, aegrotanti prius porrigere,
‘quam ad operationem medicus aggreditur *.’

Antiqua operatio sic aggreditur: Æger in lumine et sedili convenientibus collocandus est, sic ut contra medicus paulo altius sedeat. Pulvinar pone dorsum ponendum est, ita ut corpus antrorsum inclinet, caputque medico appropinquet, quod tunc paulo in pectus ministri reclinandum est. Quinetiam ipse oculus qui curabitur immobilior faciendus est, super alterum lana imposita et deligata †; nam levi motu eripi acies in perpetuum potest. Diligenter antea monendum est aegro, ut quietus et immobilis persistet. Imperandum quoque est, ut versus nares oculum vertat, sic ut amplum satis albi oculi partem exhibeat. Tunc, ministro palpebram superiorem attollente, medicoque inferiorem deprimente, ‡ Acus ad duas cum dimidia lineas a cornea, et ad quartam lineae partem sub circulo horizontali demittenda est, e regione mediae suffusionis, sic ne qua vena laedatur. Tunicas penetrari cognoscimus quando prementi nihil renititur. Inclinando statim acus ad ipsam suffusionem est, leniterque ibi verti, et paulatim eam deducere infra regionem pupillae debet. Si haesit, curatio expleta est, si subinde redit, iterum deprimenda est, hocque toties fiat

• Heister. Cheir.

† Speculum oculi non commendat Sharpius, quia oculus, humoris aquei per puncturam effluxu, aliquantulum exinanitus, depressionem Cataractae promptius admittit, quam si instrumento esset compressus.

‡ Aptissimae illae sunt quae in Heist. Cheir. tab. 17. fig. 5. 6. 7. delineantur, monetque ut exactissime semper sint perpolitae, ne forte propter asperitudinem seu rubiginem difficilius in oculum penetrent, vel graviter quoque ipsum laedant aut lacerent.

fiat quoties ascendit. Statim, depressa Cataracta, retrahenda est paxillulum acus, ne ab ea in lentem intrusa iterum elevetur. Si cataracta membranacea sit, post fluidi effluxum magis concidenda est, et in plures partes dissipanda *, quae singulae et facilius conduntur et minus late officiunt. Sin uniformiter sit fluida, aut admodum elastica, horrendam inflammationem, rei bene gerendae conatu inani, concitemus.

Curari sinister oculus dextra manu, dexter sinistra, debet. Sin in dextro oculo Cataracta sit, et medicus non tam prompte sinistra manu uti possit quam dextra, pone aegrum sistere dextraque uti, licet.

Si Cataracta tam firmiter uveae adhereat, ut vix inde separari queat, prodest (secundum Heisterum) ‘subinde eam in medio perforare; ita enim radii in oculi fundum per hoc foramen intrare possunt, et aegris aliqualis visus interdum restituitur; quod fortasse eo in casu optime succedet, ubi crystallinus valde tenuis sit.’ Sharpius autem suadet, ut iris findatur, et monet speculum oculi tunc admodum esse necessarium; quia membrana, post effluxum humoris aquei flaccida facta, nullam resistantiam acui praebet quin laceretur.

Peracta operatione, super oculum imponendum est splenium aqua rosarum madefactum, et insuper paxillo spiritu vini camphorati conspersum. Ab omnibus

* Freitagius (quem Heisterus citat) se acubus hamatis uti iactabat, quibus Cataractam ex oculo educere poterat. Sed Heisterus illi non assentit, quia, ‘neque haec acus, neque artificium ejus satis perspicue descripta sunt; et dubium est, cur in pelliculae extractione non etiam tunicae oculi lacerentur.’

bus abstinendum est collyriis quibus commiscuntur pulveres; dissipatis enim partibus tenuioribus, in oculo relinquitur materies arenosa, nocens cui inest qualitas.

Oportet utrumque semper oculum per injectam fasciam devincire; oculus enim qui operationem sustinuerat, fani motus sequendo, in inflammationis periculum veniet, aut suffusionis iterum ascendentis. Oportet etiam in dorsum cubare, caput bene multis pulvinaribus suffultum atque erectum fervare, strenue per octiduum conquiescere, a cibis durioribus, sermone intensiori, sternutamentis, tussi atque risu vehementiori, tamdiu abstinere, donec penitus insidere parti oculi inferiori suffusio animadvertitur*.

Sanguinis aliquid sub ipsa operatione in oculum aliquando effluit, qui humorem aqueum turbidum reddit; tunc in medico nil sit morae quin operationem dicto citius absolvat, et splenium quam diligentissime adhibeat†. Ab humore autem aqueo effluente, non est quod de oculi sanitate magnopere timeamus. Inflammationi

* Vomitus haud raro hanc operationem sequi, vel post unam alteramve horam, vel etiam nocte demum proxime sequenti, aliquoties observavit Heisterus, monetque nihil fere magis, cum ad praecavendum ad levanda etiam mala quaecvis accedentia hic proficit, quam si suavis somnus haud diu post peractam operationem anodyna quadam emulsione aegro conciliatur.

† Sanguinem in anteriorem oculi cameram fluere non magni momenti est (secundum Davielium) cui saepe evenit, et nihilo secius operationes feliciter cederent. Ab incisione enim effluxit sanguis, et, quo minus perfectam efficeret operationem, non impedivit. Hoc in nova operatione evenit.

flammationi accedenti adhibenda ea sunt, quae ipsam cohibere solent.

In operatione nova (scil. per extractionem lentis) aeger eodem situ ac in priori collocandus est. In inferiori corneae parte facienda est incisio, vel cum Daviellii lanceola vel forfice, vel Sharpii cultro. Si lentis capsula admodum friabilis est, per se cedit; si autem non facile cedit, incidenda est apice acus communis oculariae. Si post hanc incisionem, actio naturalis muscutorum oculi sufficiat ad exprimendam Cataractam, bene est; si vero non, ad auxilium vocanda est pressura, quae ut quam sit lenissima medico maxime refert, aliter imminet periculum ne vitreus exprimatur humor, qui si nimia effluxerit copia, actum est de visu.

Lente extracta, avertendus a lumine aeger est, et aliquamdiu claudendae palpebrae sunt; tum si, palpebris leniter apertis, objecta mediocriter distinguere possit, operationem rite peractam judicatur; si vero non, id imprimis verisimile videtur, quod ne nunc quidam pertransire possunt radii lucis ad oculi fundum, obstructa via, vel a parte lentis relicta, vel ipsa capsula morbo affecta. In utroque casu, pars visioni nocens amoveatur necessum est, si lentis, instrumento (quod *curette* vocatur), si capsulae pars sit, quovis alio acuto parvoque ferramento *.

Peracta

* Taylorus, medicus circumforaneus, novam hujus operationis instituendae methodum edidit, quam breviter, ex plurimis ambagibus atque subtilissimis cautelis sive circumstantiis, descripsit Heisterus; quas dicit ei supervacuas esse videri, et a quamplurimis vix intelligi, imo etiam tam accurate vix unquam in operatione, vel ab ipso auctore observari poterunt.

Peracta operatione, oculus leniter diligendus est, eademque quae in priori applicanda. Si postea aeger de capitis aut de lancinantibus in oculo doloribus conqueratur, opportuna est sanguinis missio, quae iterum iterumque repetenda est, donec imminuta abscedunt symptomata. Medicamentis praeterea mollientibus aut resolventibus fovere idoneum erit. Modico cibo, cubiculoque tenebroso uti, et octiduum lectulo se continere, debet.

Hisce duabus operationibus, quanta potui perspicuitate, pertractatis, ad ultimum propositi scopum nunc est perventum; scil. utramque medendi methodum inter se comparare, ut exinde cernere possimus quaeenam anteferenda sit.

Negari non potest quin sua incommoda habet illa methodus quae per extractionem absolvitur: Talia autem fere sunt, quae, si a medico satis praecautum et provisum est, evitari possunt. Ipsa in operatione aliquam humoris vitrei partem nonnunquam elabi diximus; quod ne fiat praecaveri potest, si modo oculi globus non nimis prematur, dum lentem extrahere diligenter incumbit medicus. Si acus qua pertusa fuit cornea derepente educatur, iris aquei humoris effluxum sequi potest, et inter parvi vulneris labia comprimari. Extricatio autem in facili est, scil. corneae portionem parva spatula leniter elevando. Naturales etiam oculi motus reductionem quandoque efficiunt. Tempore curationis, iris per orificium adhuc prolabi potest, et staphyloma creare, huic facile occurritur a validioribus tantum fasciis cavendo; frequens enim hoc nimiae pressurae est effectus.

Hi sunt casus praecipui qui in operatione nova contingere possunt; sed nullius esse momenti prae illis qui methodum vulgarem nonnunquam comitantur, credo equidem in confesso erit, modo iudicio sit perpenſa quae ſequitur collatio.

1mo, In hac methodo expectanda maturitas eſt; ſed ſaepius accidit, ut ne per totam vitam Cataractae idoneam adipiſcantur conſiſtentiam. In illa, nulla expectata maturitate, in initio extrahi poſſunt.

2do, In depreſſione, Cataracta etſi ſolida, etiam diu poſt operationem optime peractam, ruruſus aſcendere poteſt, quod frequenter evenire conſtitendum eſt. Poſt extractionem vero nunquam aſcenſuram certo certius eſt.

3tio, Methodo vulgari, Cataracta vel omnino, vel ex parte, in cameram oculi anteriorem per pupillam nonnunquam pertranſit, quod aliquando, operatio dum agitur ipſa, aliquando multis praeteritis annis, accidiſſe cognoscitur: Et cum cornea clauſa eſt, alienum corpus in camera anteriori habitat, ubi remora ejus vel moleſtiſſima facta, vel viſui obſtans (ut leviffime dicam) in cauſa eſt iteratam ut requirat operationem. Methodo autem nova, lens per pupillam ex oculo penitus eliminatur.

4to, Si manui ſubjiceretur Cataracta mollis, irritam fore operationem vulgarem veriſimile videtur, fragmentis et dilaceratis lentis vel capſulae partibus pupillam

pillam adhuc obturantibus ; nova autem, mollis tam facile negotio quam solida extrahi queat.

5to, In depreffione, humorem vitreum pererrari, repetitis acus motionibus perturbari, ejusque cellulas vulnerari, neceffum est ; quod res est maximi certe momenti, fed inevitabilis est : In extractiōne, hoc contingere non poteft.

6to, Cataracta, quamcunque in oculi partem detrufa fit, veluti corpus alienum agit ; ergo quid vetat quin mali effectus preffuram illius fequantur ?

7to, Briffeus, exempla Cataractarum, etiam poft de-
pofitionem felicem, liquefcantium atque alteros oculi humores obfufcantium, profert.

8vo, Succelfus denique plus ad rem dicit quam quodvis aliud. Nam inter 206 operationes a * Davielio trium annorum fpatio perfectas, 182 feliciter cederunt : Qui major effe videtur fuccelfus, quam unquam methodum alteram comitatus eft.

* Mem. de l'Acad. de Cheir. T. 5. p. 369. 8vo edit.

F I N I S.

Viro eximio

GULIELMO CULLEN, M. D.

Collegii Medicorum regalis

Socio dignissimo,

Medicinae et Chemiae in Academia Edinenſi

Profeſſori celeberrimo,

Non minus moribus

Quam ingenio et literis ſpectabili :

Nec non,

Avunculo ſuo plurimum honorando,

JOHANNI FORDYCE, M. D.

Viro in arte medica praeſtanti ;

QUIBUS, propter conſilia in ſtudio,

Et monita in praxi medica,

Fida ſemper et vera,

Mihi amiciffime communicata,

Plurimum debeo ;

Haſce ſtudiorum meorum primitias,

Conſecratas voluit

G. FORDYCE.

DISSERTATIO MEDICA

INAUGURALIS,

DE

C A T A R R H O.

MORBUS, in quo humor mucosus copiose et frequenter e bronchiis per tussim rejicitur, *Catarrhus* dicitur; ex eo, quod humor ille a cerebro in fauces et pulmones diffuere, a veteribus Graecis putabatur. Hinc etiam apud Latinos *Distillatio* audit. Plures duas hujus morbi species fecerunt; alteram sine febre, quam *Catarrhum frigidum*, alteram cum febre, quam *calidum* appellarunt: De posteriori tantum hic agendum est.

HISTORIA MORBI.

Nemo est qui Catarrho, ex causis postea recensendis, corripere non potest; sunt tamen qui, prae aliis, hoc

VOL. II.

Sff

morbo

morbo facilius et frequentius afficiuntur. Quidam ex parentibus catarrhosis geniti eidem obnoxii fiunt; adeo ut Catarrhus inter morbos haereditarios jure recenseatur.

Alii, ex nullo parentum vitio, sed ex sua mala conformatione, in Catarrhum proclives sunt. Ii, scilicet, qui thoracem angustum et planum habent, cum collo longo, qui gibbosi sunt, et qui toto corpore debiles, flaccidi, et frigidi. Ii denique Catarrho magis obnoxii sunt, qui hoc morbo, quacunque ex causa, jam saepius laboraverint, praesertim si morbus antea perpeffus, tuberculum vel vitium quoddam in pulmonibus reliquerit.

Catarrhus sequitur vel frigus corpori applicatum, vel animi pathemata, timorem, scil. et moestitiam.

Frigus corpori applicatum pro Catarrhi causa agnoscunt omnes, plures pro sola ponunt; sed Catarrhum ex moestitia et timore ortum aliquoties vidi, cum de frigore corpori applicato nulla suspicio adfuit, vel adesse potuit.

Cum frigus etsi intensum corpori applicatum saepe Catarrhum non inducat, et alias morbum frigus modicum gignat, omnino hic notari meretur, quibus praesertim conditionibus frigus Catarrhum producit. Hae conditiones spectant, vel frigus applicatum, vel corpus cui applicatur.

Imo, Corpus humanum in aëre semitipso frigidiori fere semper versatur, et magno admodum frigoris gradui assuescere potest, si modo paulatim et sensim id fiat; sed tum maxime a frigore patitur, quando frigus applicatum multo magis est eo, cui homo per tem-
pus

pus assuefactus fuerat. Hinc, in iis regionibus, quibus aëris status maxime mutabilis, ut hic in nostra Britannia insulari, Catarrhi maxime frequentes.

2do, Vicissitudines aëris frequentes quidem ubique fere sunt; sed vel vestes, vel atmosphaera materiae perspiratae calida, corpus circumdans, frigus arcet, et corpus tutum praestat, et tum tantum patitur, quando vel pars quae plerumque vestita fuerit, jam denudata frigori exponitur, vel venti continuo afflatu, atmosphaera modo dicta abigitur, et frigus corpori propius admittitur.

3tio, Frigus etsi magnum, si modo brevi tantum tempore corpori applicetur, vix morbum producit, et tum tantum quando diutius et constanter fere corpori adhaeret. Hinc metallorum, lapidum, vel alius corporis frigidi majoris molis, quam quae a corpore humano calefieri potest, continuus per aliquod tempus contactus, morbum gignit.

Hinc humidi evaporatio, utpote frigus constanter generans, corpus maxime afficit. Hinc vestes humidae, in solum humidum decubitus, vel demum ex humidis et palustribus, vel e camerae pavimento nuper madefacto, vel e parietibus nuper extructis, vel incrustatis vapor continenter exurgens, saepe adeo hominibus infestae. Huc etiam referendus est effectus venti valde sicci, Euri nempe, qui saepe per longum Europae tractum trajectus, huc adveniens, tum maxime friget, tum magis quam pro ratione frigoris quod adfert, corpus humanum frigefacit, per subitam humidi e corpore exhalantis absorptionem.

4to, Positis conditionibus modo dictis, homo fere quisque frigori afficitur; ab eodem autem frigoris gradu quivis non patitur; sed a frigore etiam leviori patitur hic, dum ille frigori magno resistit. Hoc tamen pendet ex conditionibus quibusdam corporis cui frigus applicatur. Hinc

α. Quo plus calet corpus, vel quo plus in aëre calidiori versatus fuerit, eo facilius ab imminutione quadam caloris afficitur; adeo, ut mihi videtur, homo qui calori 70, vel plurium graduum Thermom. Farenh. assuefactus sit, plus patitur ab imminutione caloris per decem gradus, quam homo, quando in calore non nisi 50 graduum vel infra versatus fuerit. Aliter quidem sensit egregius in arte vir Wintringhamus senior; sed experimenta in hac re fallacia admodum sunt, et ex plurimis observatis constat, eos, qui in aëre frigido multum versantur, facilius et tutius vicissitudines quasvis aëris pati; et certius adhuc constat, homines, aestate quam hyeme, regionibus calidis quam frigidis, ac corpore quacunque de causa plus solito calente, sensibiliores evadere.

β. Corpore calente, si aëris frigidi aura in partem quandam corporis solam dirigatur, pars illa, et saepe per consensum caeterum corpus, magis afficitur, quam si simul totum corpus eidem frigori expositum fuisset. Hinc hominem in cubiculo tepido quiescentem adeo graviter afficit aër externus frigidior, per rimam fenestrae, ostii, vel parietis, in unam tantum partem corporis irruens; cum forte idem homo in aërem illum frigidiorum impune exivisset.

γ. Corpus

γ. Corpus a calore solis, foci, balnei, vel ab exercitatione vehemente, sudore-diffluens, si quiescens frigori exponatur, ab eo facile afficitur.

δ. Corpus, utcumque debilitatum, a frigore quovis facile afficitur; hinc longo itinere, vel multo labore fracti; inedia et fame languidi; vigiliis, et praesertim lucubrationibus, diutius protractis, confecti; evacuationibus quibuscumque exinaniti, e morbo convalescentes infirmi; hesternae crapula languentes, voluptate, et praesertim multa venere enervati; pathematibus denique animi, timore, scilicet, et moestitia dejecti: Hi omnes, si, corpore haud rite tecto, aëri frigido sese exponunt; vel, corpore utcumque tecto, si frigori paulo majori expositi fuerint, ab hoc gravius afficiuntur. E contrario, homo viribus integris valens, sub exercitatione et motu firmus, vino multo vel opio sustentatus, appetitu venereo flagrans; pathematibus denique animi, hilaritate, scilicet, gaudio, ira, indignatione, vel desiderio quovis vehemente, excitatis; hic frigori magno admodum resistit, et vicissitudines fere quasvis impune patitur.

Causas quas jam diximus sequitur Catarrhus, et cum phaenomenis vel symptomatis sequentibus plerumque incedit.

Corripitur aeger languore, et lassitudine totius corporis, horrore vago, ab aëris frigidae cujusvis afflatu, facile excitato; hebescit simul mens; gravatur caput, et cum sensu plenitudinis dolet; oculi calent, et cum sensu distentionis laborant; nares quasi infarctae sentiuntur, nec per eas facile inhalatur aër; ex iis humor tenuis, saepe acris, jugiter stillat, cum sternutatione;

tione frequenti, quod coryza audit; fauces quasi tumidae angustantur, et harum interior membrana rubet; trachea interius, quasi sicca et aspera sentitur, et vox fit rauca; thorax quasi constrictus, et pulmones infarcti, aërem subeuntem minus facile recipiunt. Ex acri quodam fauces, glottidem, laryngem, et bronchia vellicante, accedit subinde tussis plerumque sicca, parum tantum et tenue quoddam rejiciens. Ex tussi frequente, pectus sub sterno dolet. Haec symptomata comitatur febris, sub vesperum praesertim ingravescens, prima nocte somnum arcens; sed post mediam noctem obrepit somnus, et sudore paucio madescit corpus. Dum haec fiunt, appetitus plus minus prostratus, alvus astricta, et urina flammea sunt, et sanguis e vena missus, crustam ut vocant inflammatoriam in cruoris superficie ostendit.

In corporibus prius sanis, et quibus causa magna non applicata fuit, salutariter admodum hoc modo decurrit morbus. Perstante, scil. tussi, mucus copiosius et minus tenue e bronchiis elicitur, mucosae membranae tumor et inflammatio paulatim recedunt; caput et oculi levantur; minus arida et aspera fiunt bronchia; vox fit clarior, et quo liberius rejicitur mucus magis lentescens, eo tussis fit levior, et minus frequens, donec cum febre paulatim tandem omnino cessit, erumpente aliquando circa os et nares scabie multa.

Ex causa vero vehementiori, superveniunt aliquando graviora symptomata. Ingravescente nempe tumore faucium, saepe fit angina, et saepe pectoris dolor, respiratio difficilis, et febris augentur, adeo ut pro peripneumonia morbus haberi possit. Saepe etiam in pleuritidem transit, maxime si tum quoque is ipse passim

sim in populum grassatur. In praedispositis accedit saepe haemoptoe, et quibus in pulmonibus haerent glandulae obstructae, et tumefactae, tubercula dicta, hae ex Catarrho inflammantur, suppurantur, et in phthisim pulmonalem incidunt aegri.

CAUSA PROXIMA, ET SYMPTOMATUM RATIO.

Ex phaenomenis jam enarratis satis constat, Catarrhi causam proximam esse muci in membrana mucosa narium, faucium, et bronchiorum secretionem auctam, cum tumore harum membranarum inflammatorio. Haec pendere videntur a sanguine ab exterioribus corporis repulso, et majori ideo copia in interiora, speciatim in glandulas mucosas, delato. Hinc catarrhus fit, vel ex timore et moestitia, vires cordis et vasorum minuentibus, adeo ut sanguis ad superficiem corporis minus copiose pellatur; vel ex frigore corpori extrinsecus applicato, tum vasa exhalantia, tum vasa quaeque prope superficiem reptantia, constringente, adeo ut sanguinem minori copia admittant.

Hinc patet, cur ii, quibus pulmones debiles, vel in spatium magis angustum conclusi sunt, ex sanguine, in interiora congesto, tum facilius, tum gravius afficiuntur: Cur molles, flaccidi, et frigidi, hoc est hi, quibus sanguinis impetus in vasa cutis minus validus est, a frigore quovis facilius corripuntur: Cur, utcumque debilitatis idem accidit, et e contrario, cur corpore robusti, animo hilares, vino, opio, vel pathemate stimulante excitati, frigus impune patiuntur.

Neque

Neque symptomatum ratio nos multum morari potest: Lassitudo et horripilatio febrem ingruentem, ut alias, comitantur. Capitis gravitas et dolor, et oculorum distentio ex plethora et tensione vasorum pendet.

Infarctio narium a tumore membranae mucosae oritur. Humor ex iis stillans est mucus copiosus secretus, et sine mora in cryptas excretus; hinc tenuis et acris est, et ab acrimonia ejus fit sternutatio. Eodem modo, a mucosa membrana tumefacta angustantur fauces et bronchia. Si tumor et inflammatio adsunt, sine excretionemucis aucta, ut sub initium morbi aliquando fit, asperae et siccae sentiuntur viae aëreae, et vox raucescit. Ex muco tenui et acri in fauces, vel in bronchia defluente, fit tussis. A viribus vitae sub febre auctis, sanguis, ad exteriora corporis, copia iterum majori redit, ejusdem impetus in interiora minuitur, febris ipsa levatur, et cessant alia Catarrhi symptomata.

Ex solo sanguinis circuitu mutato haec omnia explicare conati sumus; neque, ut nobis videtur, licet hic supponere acrimoniam quandam ex aëre intus delatam; nec opus esse ad materiam perspirationis detentam, et acrem factam, hic confugere. Utcunque haec opiniones ratiocinio probabili tueri possint, rem revera ita fieri nullo modo probari potest.

Cum in hoc morbo mucus varias mutationes subit, ut hae quodammodo explicentur, in naturam muciper nitius inquirere volui: Hoc etiam, qua potui diligentia, jam feci, nec tamen dotes ejus, si quae sint peculiares, cernere adhuc potui. In eo etiam multum frustratus, quod dotes ab illustri Archiatrorum Comite Dom.

Dom. Senae mucos adscriptas, nequaquam deprehendere mihi licuit. Experimenta itaque a me capta, cum ab iis Cl. Senae parum diversa sint, hic recensere non inutile fore duxi. De vera quorundam humorum humani corporis indole parum adhuc constat, et repetitis solum experimentis, ea indagare potest.

EXPER. I. Mucus, quo in hoc, et plerisque sequentibus experimentis, usus sum, ex naso sani hominis, neque sternutatorio quovis utentis, sponte defluxit. Mucus hicce cum aqua pura frigida diu tritus fuit, nec cum ea miscebatur, sed ad fundum vasis subsidebat.

EXPER. II. Phialam quae mucum cum aqua pura superinfusa continebat, maris ut vocant balneo indidi, et igne primum leni, postea ad calorem aquae bullientis aucto, aliquamdiu fovi; sed nulla inde muci et aquae miscela facta est.

EXPER. III. Cum aqua, cui vel salis nitri, vel salis marini, vel Tartari vitriolati, vel denique salis ammoniaci, portio quaedam adjecta fuit, mucum eodem, ac in Exper. I. et 2. modo tractavi; sed neque cum hisce salium solutionibus misceri potuit.

EXPER. IV. Sales modo dicti, mucos adjecti, in hoc fere, ut in aqua, solvebantur; cum vero solutioni salis in mucos affundebatur aqua, in hanc transibat magna pars salis, mucos post trituram ad fundum vasis subsidente.

EXPER. V. Haecenus loquuti sumus de mucos tantum crasso et viscido, et qui visciditatem stagnatione,

ut videtur, in folliculis glandularum adeptus est; sed idem humor, cum statim prout fecernitur, et in folliculis glandularum defluit, si sine mora foris exeat, tenuis et limpidus est, et cum aqua facile miscetur.

EXPER. VI. Mucus cum acidis quibuscvis, vel natura multum aquosis, vel multa aqua dilutis, non miscetur; sed cum acidis vitriolico vel nitroso consentratissimis miscelam subit, et ex admisto muco, post tempus aliquod, nigrescit acidum vitriolicum.

EXPER. VII. Cum solutione salis alkalini, vel fixi, vel volatilis, si hi aëre omnino saturati, et nullatenus caustici sint, mucus tractatus, omnem miscelam respuebat, et cum salis alkalini in muco ipso, ut facile possint, solvebantur; eadem ex adjecta aqua, ac in Exper. 4. contingebant.

EXPER. VIII. Cum solutione salis alkalini omnino caustici facile et perfecte miscebatur mucus. Hoc fit cum sal alkalinum non nisi decima et quarta pars aquae est, et cum sal sit aquae pars vigesima octava, mucus nati solvebatur, relictis tantum quibusdam quasi membranis tenuissimis. Mucus ex canis ventriculi tunica interiore expressus, in solutione adhuc dilutiore perfecte solutus fuit.

EXPER. IX. Mucus cum oleo quovis, utcunque tritus, non bene miscetur.

EXPER. X. Nec cum sapone in aqua soluto, nec cum mucilagine gummi Arabici, misceri potuit mucus animalis. Cum quidem istorum solutiones crassae et viscidae admodum essent, mucus cum his tritus divul-

sus

fus est, et in iis irretitus solvi videbatur ; sed ab adjecta aqua maxima pars tum saponis, tum gummi, a mucos eluebatur.

EXPER. XI. Cum mucum narium aëri exsiccandum exposueram, post aliquot dies, ad quintam partem reductum inveni. Huic residuo sicco, friabili, pellucido, coloris gummi Arabici, aquam adjeci, et cum eo trivi, et cum aqua facile miscebatur, donec tantum aquae adjectum fuit, quantum antea humidi per exsiccationem amiserat : Sed tum pluri aqua uti mucus recens, misceri prorsus abnuvit.

EXPER. XII. Mercurius sublimatus corrosivus in pulverem tritus, et pauca quantitate mucos narium additus, hunc statim in massam albidam grumosam, sed parum cohaerentem, humide quid tamen demittentem coagulat. Mucus etiam solutioni mercur. sublimati corrosivi adjectus, post breve tempus eodem fere modo mutatur.

EXPER. XIII. Mucus in acidum quodvis bene concentratum injectus, statim albescit et lentescit ; et admisto acuratus acido, in minorem molem contrahitur.

EXPER. XIV. Mucus in alkohol. vini injectus, post aliquod tempus, eodem modo fere ac ab acidis concentratis mutatur.

EXPER. XV. Mucus in aquam bullientem injectus, albescit et lentescit, sed parum omnino firmitatis adipiscitur.

EXPER.

EXPER. XVI. Mucus narium vel bronchiorum in aquam injectus, versus superficiem fluitat, sed ob bullas aëris tantum quibus repletur; nam mucus divulsus ita ut elabi possit aër, statim fundum aquae petit: Mucus, tum ventriculi, tum urethrae, utpote aëre non refertus, subsidet ad fundum aquae, simulac in eam injicitur.

EXPER. XVII. Mucus in aquam immixtus, et in vase operto calore sexaginta graduum Therm. Fahrenh. per dies quatuordecim fatus, factorem carnis putridae acquisivisseprehendebatur, pars ejus in aqua membranae instar suspensa videbatur; vase vero concusso, membrana ista tota per aquam diffundebatur, nec quicquid fere postea ad fundum vasis subsidebat.

In altero vase, in quo mucus cum minore aquae copia superfusa immixtus fuit, post dies quatuordecim, tantum aquae evaporatum est, ut nihil fere praeter mucum ipsum relictum, qui faetens et mucore obsitus fuit.

Mucum, sine aqua adjecta, putridum reddere haud facile videtur; quia tanta quantitate vix haberi potest, quanta necessaria foret, ut aëri exposita, redderetur putrida antequam siccata fuerit.

EXPER. XVIII. Muci portionem in aëre siccata, in ferrum ignitum imposui, quae mox cum crepitu multo aërem et fumum plurimum alkali volatili, et oleum empyreumaticum redolentem, exhalavit, et omnino cum iisdem phaenomenis, quibus cornua, plumae, et aliae animalium partes solidiores, combusta est. Mucus combustus cineres paucos, nihil salini retinentes, reliquit.

EXPER.

EXPER. XIX. Muci uncias circiter quatuor in retortam injeci, et adhibito igne primum leni, postea gradatim aucto per destillationem, elicui aquae vix odorae, circiter uncias tres aquae sale volatili imbutae, et a spiritu C. C. nihil diversae, drachmas fere quatuor, olei empyreumatici guttas aliquot, et salis volatilis ficci in collo retortae haerentis parum.

EXPER. XX. Salivam cum mucu affinis videatur, examinare idoneum duxi; et ex institutis experimentis, in plerisque cum eo convenire deprehendi.

Saliva ob pelluciditatem ejus cum aqua misceri videtur; sed accuratius examinata, vel per filtrum transmissa aqua, ab ea separatam adhuc salivam inveni.

Salivam, cum eodem modo quo mucus in Exper. 16. tractaretur, aqua specificè graviolem inveni.

Eandem ac in mucu putrescentiam in saliva observavi,

Saliva ab injecto merc. sublim. corros. coagulata est, secedente multo humore aqueo.

Saliva in alkahol vini injecta, statim albescit, lentescit, et mole multum minui videtur.

Saliva, ab admisto acido concentrato, nequaquam coagulari videtur, sed, sine ulla caloris mutatione, saliva cum acido miscelam subit; saliva aëri calido exposita, post aliquot dies siccata fuit, remanente prioris ponderis parte circiter duodecima.

Saliva siccata mucum siccatum satis exacte referebat; in hoc tamen diversa, quod illa saporis salini fuerit, cum mucus prorsus insipida esset.

Saliva siccata et combusta eadem sub combustionem phaenomena ac mucus in Exper. 18. exhibuit; sed ci-

neres

neres post combustionem salivae relictæ, multum salis
iis inesse gustu prodiderunt.

Haec sunt quae hætenus expertus sum; ad mutationes
muci in morbis explicandis forte parum conferre
possunt, sed non prorsus inutilia fore confido; et ad
haec etiam observationes quasdam adjicere non du-
bito.

Cum in Exper. 5. videamus humorem e glandulis
mucolis recens secretum in aqua solubilem, eundem
vero, post aliquam in folliculis moram, per Exper. 1.
et 2. nequaquam esse, et cum simul in humore recens
secreto plurimum salis inesse gustu deprehendamus;
et quod idem utpote cum aqua reabsorptum a mucos
insipido abesse judicamus, non improbabile foret so-
lubilitatem humoris in Exper. 5. pro effectu salis in
eo praesentis habere. Sed quodammodo repugnant,
tum Exper. 4. quod docet salia neutra illic adhibita
nihil ad solubilitatem muci conferre; tum Exper. cum
saliva facta, quae docent salivam, etsi sale refertam,
nequaquam in aqua solubilem esse. Saltem in Ex-
per. 4. constat salia neutra in gargarismatibus vulgo
adhibita, nequaquam, ut vulgo creditur, solvendo mu-
co, opem fere.

Exper. 12. 13. 14. 15. 17. 18. 19. cum iis quae
de mucos scriptum ill. Senac, conferenda sunt. Si hu-
jus rei penes lectorem judicium forte ad experimenta
iterum capienda relegandum.

Ex vi salis alkalini caustici, ad solvendum mucum
per Exper. 8. manifesta, in morbis quibusdam muci
medicamentum fore, longo abhinc tempore opinatus
sum; et, ni fallor, revera esse inveni. Juvenis post
coitum impuritatis suspectum, ne poenas inde lueret
metuens,

metuens, me compellavit, rogans, si quid ad praecavendum gonorrhoeam scirem, ut cum eo communicarem. Tum forte de solvendo muco, per alkali causticum meditans, et simul virus venereum in muco haerere censens, non dubitavi juveni huic consulere, ut in urethram salem alkalinum causticum in aqua solutum injiceret, et cum eodem glandem lavaret: Dicto obsequutus est juvenis, et protinus ex urethra effluxit copia muci tenuis, qui etiam per diem unum et alterum, sed crassior et albidior, effluere perstitit. A morbo immunis omnino evasit juvenis; etsi cum ad me venisset, de ardore urinae conquestus esset, et muci albidii guttulam subinde ex urethra exprimere posset. Ab hoc experimento ur̃i videbar doctus, in pluribus aliis idem medicamentum expertus sum, neque sp̃em adhuc fefellit, quoties tempore debito post coitum adhibitum est. Nam vel nimis cito, vel nimis fero adhibitum, nihil fere praestat. Ut in hac re nihil fallaciae subesse putetur, possum dicere me jam saepius expertum fuisse, quod ex duobus hominibus qui cum eadem foemina rem habuerunt, unum, ab usu solutionis salis alkalini caustici, prorsus sanum mansisse: Alterum vero, ignorato vel neglecto eodem remedio, symptomata gravissima gonorrhoeae virulentae tulisse.

His experimentis fretus, non dubitavi quin gonorrhoea etiam suborta, ad eliciendum virus conferre posset solutio modo dicta, et in hunc finem aliquoties adhibui; sed fateor me necdum auxilii quidquam in ea invenisse.

In morbis pectoris, cum de ulcere pulmonum suspicio sit, neque certe constat, utrum sputa purulenta

anne

anne mucosa sint, medici plerumque judicant id mucosam esse quod supernatat, id vero purulentum quod ad aquae fundum subsidet; sed per Exper. 16. mucus ipse aqua specificè gravior est, et cum crassus et viscidus fecernitur, adeo ut parum aëris pulmones subeuntis cum eo misceri potest, in aqua eum protinus subidere haud mirum.

Haec de muco satis, et forte nimium sunt; tempus est, ut in viam redeam, et quae jam dicenda restant, dicerem.

DIAGNOSIS ET PROGNOSIS.

Diagnostica in Catarrho ex hujus historia prius tradita facile intelligi possunt.

Prognoseos in hoc morbo summa haec est. In hominibus prius sanis, Catarrhus a causa non valida ortus, neque symptomatis gravioribus stipatus, nihil fere periculi habet, et sponte plerumque, sine artis auxilio quovis, cito sanatur.

In iis quibus pulmones debiles, et labe aliqua prius affecti sunt, Catarrhus omnis periculosus est.

In Catarrho laborantibus, quo magis viget appetitus, quo minus febris vel inflammationis adest, quo liberior spiratio, et quo citius mucus ex tenui fit crassus, et liberius ejicitur, eo tutiorem morbum, et citius finitum esse, putare licet.

Appetitus prostratus, febris acuta, dolores circa pectus, decubitus difficilis, spirandi angustia, diathesis sanguinis phlogistica, tussis frequens cum sputo pauco
et

et tenui, sunt Catarrhi gravioris periculosa, et in peripneumoniam facile transeuntis, symptomata.

Catarrhus sine causa manifesta diu durans, etsi symptomatis gravioribus non comitatus, periculi semper aliquid alit, vel quod labes aliqua pulmonibus forte haeret, vel quod congestionem in pulmone periculosa facile pariat.

METHODUS MEDENDI.

In Catarrho medendo indicationes curatoriae videntur esse,

1mo, Inflammationem et febrem tollere.

2do, Secretionem mucii, sub incurfu morbi saepe parcam, promovere.

3tio, Acrimoniam mucii delinire, vel saltem irritationem inde ortam sopire.

4to, Sanguinem et humores iterum debita copia versus cutem pellere.

I. Inflammatio et febris tolli possunt :

1. Missione sanguinis ea quantitate, quae viribus aegri, vehementiae symptomatum, et statui ipsius sanguinis, respondeat.

2. Soluta alvo cathartici lenioribus antiphlogisticis, praesertim salibus neutris.

Vol. II. U u u 3. Potu

3. Potu multo diluente, refrigerante, ex aceſcenti-
bus et acidis nitro conjunctis.

4. Victu leviffimo humido ex vegetabilibus ſolis.

5. Quiete in aëre non nimis calido.

6. Veficatoriis applicatis, et praefertim ſi dolor in
quavis parte urgeat, veficatorio quam proxime ad par-
tem dolentem impoſito.

II. Secretio muci promoveri poteſt ſcilla, allio, gum-
mi ammoniaco, aſſa foetida, et aliis, ſi quae ſint, pec-
toralibus, ad normam artis exhibitis.

III. Acrimonia delinitur ingeſtis oleoſis, et mucilaginofis blandis, oleis ſcil. vegetabilium expreſſis, ſpermate, ut vocatur, coeti, et mucilaginibus, ventri-
culo plerumque magis gratis, ex althaea, ſemine lini,
gummi Arabico, et ſimilibus; quibus dulcia ex gly-
cyrrhiza, melle, et ſaccharo, utiliter conjungi poſ-
ſunt.

Cum parum febris vel inflammationis adſit, vel
cum, per remedia ſupra indicata, multum imminuta
ſuerint, irritatio ab acri muco ſopiri poteſt, et ſaepe
praecavere expedit, exhibitis papaveraceis et opiatis.

IV. Sanguinem et humores verſus cutem dirigunt,

1. Vomitus emetico quovis leniori excitatus, et pro
ratione temperamentis et conſuetudinis aegri, et effec-
tus emetici jam experti, iterandus.

2. Continendo corpus in tepore moderato aequabili.

3. Dia-

3. Diaphoreticis pectoralibus supra men.oratis, quae forte plus semper praestant ducendo versus renes et cutem, quam mucii secretionem promovendo.

4. Sudoriferis lenioribus, vix nisi inflammatione sublata exhibendis, et tum forte caeteris omnibus praestat opium.

Jam ad finem hanc dissertatiunculam perduxi, quam ut aequi bonique consulant Professores celeberrimi, et Condiscipuli amicissimi, precatur Auctor.

TOM. SECUND. FIN.

TAB. I.

Fig. 4.



Fig. 2.




Fig. 5.




Fig. 6.




Fig. 1.




Fig. 3.



TAB. II.

Fig. 7.



Fig. 1.



Fig. 8.



Fig. 9.




Fig. 2.




Fig. 3.



Fig. 10.




Fig. 4.




Fig. 5.




Fig. 6.





Fig. 11.



Fig. 12.





TAB. III.

Fig. 3.



Fig. 5.



Fig. 1.



Fig. 2.




Fig. 4.



TAB. IV.

Fig. 1.




Fig. 2.




Fig. 3.



Fig. 4.




Fig. 5.



Fig. 6.




Fig. 8.



Fig. 7.




Fig. 9.



St. Ball's, Dublin. 1834.






Fig. 6

